






C. 127

pt

32,197





ELEPHANTOGRAPHIA
CURIOSA,
SEU
ELEPHANTI
DESCRIPTIO,
JUXTA
METHODUM ET LEGES
IMPERIALIS ACADEMIÆ
LEOPOLDINO-CAROLINÆ
NATURÆ CURIOSORUM
ADORNATA,
MULTISQUE SELECTIS OBSERVATIONIBUS
PHYSICIS, MEDICIS ET JUCUNDIS HISTORIIS
REFERTA, CUM FIGURIS ÆNEIS,
AUTHORE

D. GEORGIO CHRISTOPHORO PETRI
ab Hartensfeldt

SACRI PALATII CÆSAREI COMITE, CONSILIARIO ET ARCHIATRO
ELECTORALI MOGUNTINO, CONSULE PRIMARIO ET PHYSICO
ERFFURTENSI, UNIVERSITATIS HIERANÆ ET FACULTATIS
MEDICÆ SENIORE, P. P. ET P. L. C. CURIOSORUM
ACHILLE.

ERFORDIÆ,

IMPENSIS AUTHORIS.

TYPIS JOH. HENRICI GROSCHII, ACAD. TYPOGR.

EXPLANATION
CURIOSA
231
THE
DESCRIPTION

METHODS
MATERIALS
FOLDING
NATURE

ADDITIONAL
THESE
HISTORICAL
COURTESY

THE
OF
THE
THE



EMINENTISSIMO AC CELSISSIMO
PRINCIPI AC DOMINO,
DOMINO
LOTHARIO
FRANCISCO,
SACRÆ SEDIS MOGUNTINÆ
ARCHI-EPISCOPO,
SACRI ROMANI IMPERII PER
GERMANIAM ARCHI-CANCELLARIO,
ET PRINCIPI ELECTORI, EPISCOPO
BAMBERGENSI,

DOMINO
DOMINO MEO CLEMENTISSIMO.

SACRUM!

EMMENTISSIMO AC CLEMENTISSIMO
PRINCIPIS APOSTOLICI
DOMINO
LOTHARIO
FRANCISCO
SACRAE SEDIS MAGISTRALIS
ARCHIEPISCOPUS
SACRAE ROMANAE IN URBE PER
SECRETARIUM ARCHIEPISCOPUS
ET PRINCIPIS APOSTOLICI
DAMASCENUS
DOMINO
DOMINO MEO CLEMENTISSIMO

Handwritten signature and flourish

SACRAM!

EMINENTISSIME AC CELSISSIME
PRINCEPS ELECTOR,

D O M I N E,
DOMINE CLEMENTISSIME.



*N*unus nunc agitur quadragesimus sextus, ex quo ab Eminentiſſimæ Celſitudinis Tuæ DOMINO PATRUO, DOMINO JOHANNES PHILIPPO, *Sacræ Sedis Mo-*

Moguntinae Archi-Episcopo & Principe Electore,
Episcopo Herbipolensi & Wormatiensi
& Franconiae Duce, Domino meo quondam
clementissimo, gloriosissimae memoriae, in
numerum Archiatrorum clementissimè rela-
tus sum, quâ Spartâ ab Eminentissimis
DOMINIS Successoribus, felicissimae recor-
dationis, confirmatus adhuc fungor, nunc
per DEI gratiam annum agens octogesimum
secundum, Doctorum & Professorum hujatis
Electoralis Universitatis & Facultatis Me-
dicæ, Thuringiæ & Misniæ Medicorum,
Consulum Erffurtensium, ut & Imperialis
Academiæ Naturæ Curiosorum Senior: in
hoc illustre Collegium, quod clementissimò
Eminentissimæ Celsitudinis Tuæ patrociniò
gaudet, annò præteriti seculi M.DC.LXII.
receptus altissimè memorato Principi Electori
JOHANNI PHILIPPO primitias meas, vi-
delicet Carduum benedictum à Superioribus
mibi

*mibi ad elaborandum commissum Anno 1669.
humilimè consecravi, quem serenissimâ fron-
te tum temporis fuisse susceptum postmodum
multis cumulatus beneficiis abundè expertus
sum: quapropter ingratitude maculâ me-
ritò notandus essem, nisi publicè profiterer,
me huic benignissimo Principi, ejusque Emi-
nentissimo ex Fratre Nepoti, ut & Illustris-
simæ Familiæ S. R. I. Comitum à Schönborn
Buchaim, tot. tit. ex cujus speciosissimò
fonte hætenus aliquot PRINCIPES cum
immortali Illustrissimæ Familiæ gloriâ ema-
narunt, me totum, qualiscunque sum, imò
omnia mea debere: quamvis non possim ire
inficias; Eminentissimum Celsissimumque
Principem ac Dominum Electorem, DN.
ANSELMUM FRANCISCUM, glorio-
sissimæ memoriæ, meam tenuitatem pari
clementiâ prosecutum esse: aliquoties ab hōc
Principe Moguntiam clementissimè vocatus*

) (

ea

ea peregi, quæ ad munus fidelis servi atque
Archiatři pertinent: cum subditi homagium
præstarent, per Ringaviam & universam
ferè diæcesin Moguntinam hunc PRINCI-
PEM comitatus sum: venationibus insuper,
quas laudatissimus hic PRINCEPS inter-
dum obibat, aliquoties interfui: præcipue
Anno 1680. die 12. Decembris Lichtenaviæ,
ubi immanem aprum me irrudentem in con-
spectu PRINCIPIS & Procerum Aulæ
præsentium venabulò transfixi non sine spe-
ctatorum applausu, nec sine periculo: heic
enim vincendum erat, aut succumbendum:
ad Comitia annò M.DC.LXXX. Augustæ
Vindelicorum celebrata cum universâ Aulâ
pergentem hunc Dominum meum clementis-
simum tanquam Corporis & Aulæ Medicus
sequutus sum, ibidemque quinque menses,
& quod excurrit, hoc officiò functus trans-
egi: ubi etiam mihi non defuit occasio, Emi-
nen-

nentissimæ Celsitudini Tuæ, quamvis tum
temporis ad Electorale fastigium nondum
evectæ, consiliis Medicis inserviendi. Inter
hæc & alia in Universitate Hieranâ, Curiâ,
& praxi clinica mihi commissa negotia tan-
dem consenui, Archiaterus rarò exemplò sex
S. R. I. Electorum, & quod præfiscinè dixero,
Cultor Artis servandorum hominum, quæ
nunquam satis discitur nec dicitur, quam
per omnem ferè ætatem, DEO sit gloria,
vel didici, vel docui & exercui, atque sic
divina adjutus gratia, quantum quidem li-
cuit, operam dedi, ne mihi fortè illud tri-
tum aliquando objici posset: turpe est Medi-
co, in juventute mori: siquidem nunc su-
peratis, supremò Numine ita clementer lar-
gente, tribus magnis annis climactericis at-
que emeritis ferè vitæ stipendiis ad extre-
mum vitæ cardinem sensim appropinquans
propemodum vasa colligo, ingravescente seniô,

*in DEO confisus, & ut spero, nunquam
confusus. Ut autem ante meum ex hac vita
discessum, & antequam mihi silentium im-
ponat ferreus sopor, aliquod humilimæ de-
votionis argumentum & subjectissimæ grati-
tudinis mnemosynon extaret, (id quod sæ-
pius hætenus in votis habui,) ausus sum,
tractatum de Elephanto, cujus curiosa elabo-
ratio suffragantibus Superioribus mihi obti-
git, ad normam & formam Collegii Curio-
sorum adornatum ad pedes Eminentissimæ
Celsitudinis Tuæ, ne prorsus ingratus mo-
riar, humilimè deponere: exiguum, fateor,
hoc est pro tot & tantis beneficiis munus
literarium, non autem ex suo, quod vile est,
pretio, sed submississimo offerentis animo
æstimandum: molâ salsâ Diis litant, qui
thura non habent. Vastum animal est Ele-
phas aspectuque horridum, verum ob insignes
stupendasque à Creatore ter Optimo maximo
in*

in ipsum collatas dotes inter præcipuas creaturas jure meritoque referendum: admiramur in ipso docilitatem, mansuetudinem, obedientiam, probitatem, æquitatem, sagacitatem, verecundiam, fidelitatem erga Dominum, castitatem, temperantiam, ad varia exercitia habilitatem, ad bellicos æconomicosque usus accommodatam indolem, eborisque, quod Medicis suppeditat, præstantiam, aliaque multa notatu dignissima ex probatis classicis Authoribus, Historicis, Physicis & Medicis curiosè collecta: quæ si dignabitur Eminentissima Celsitudo Tua, quantum per concatenata Imperii negotia licebit, clementissimo intuitu collustrare, nullus dubito, aliquid fortassis inventum iri, quod ad fallendum tempus & animum gravioribus curis districtum aliquantulum demulcendum inservire possit. Quod superest, supremum Numen supplex imploro, PRINCEPS

ELECTOR *clementissime, ut post supera-*
tos tandem tumultus bellicos pacemque Ger-
maniae restitutam Te **PATREM PATRIÆ,**
pro communi subditorum gaudio, meâque ma-
ximâ consolatione porro saluum, sanum & in-
columem præstet diutissimè, felicissimè.
Dabam Erfordiae, Calendis Octobris,
Anno Orbis redempti M. DCC. XIV.

Eminentissimæ Celsitudinis
Tuæ

humilimus Servus

D. GEORG. CHRISTOPHORUS PETRI
ab Hartensels.



Acidem Danaï demirabantur Achillem:
Nec, reor, immeritò: nam Terra Pelasga
ruentem

Dardanidum in turmas spectavit, Marte
ferocem &

Moenibus Iliacis infestum fortibus ar-
Unde sibi peperit nunquam delebile nomen: (mis,
Quod parili noster sit laude vehendus Achilles,
Arbitror: Herculeos nunquam fugit ille labores
Sedulus & vigilans, ignava nec otia ducens:
Carduus id sanctus clarè docet editus olim,
Atque Elephas Libycæ vastissima bellua Terræ
Nunc commissa typis: fit porrò superstes Achilles,
Collegæ id mecum sincerò ex corde precantur.

*Annis, muneribus, meritisque Illustris, & nunquam otiosus
Domini Collegæ, Amici sui suavissimi maxima industria hisce
adplaudit Augusta Vindelicorum d. 19. Aprilis Annò 1714.*

LUCAS SCHROECKIUS, Academiae Cæsareæ
Leopoldino-Carolinæ Naturæ Curiosorum
PRÆSES.

In curiosum & eruditum de Elephanto Commentarium

CURIOSORUM ACHILLIS,

DN. D. GEORGH CHRISTOPHORI PETRI ab Hartenfels

Viri quondam Nobilissimi, atque Experientissimi, pie memoria,

DN. L. CHRISTIANI FRIDERICI GARMANNI, Curiosorum POLLUCIS
ante beatum ipsius obitum ACHILLI transmissa

EPIGRAMMATA.

Ad imitat. Martialis. l. d. Spectac. Epigr. 26.

I.

QVod pius & gratus PETRI Te Barrus honorat,
Bellua brutigenis tam metuenda feris:

Non

Non facit hoc frustra, nullôque docente Magistro:
Crede mihi, Solem (a) sentit adesse suum.

(a) Solem & Lunam adorare Elephantes creduntur multis, quos Raderus in h. l. Martialis
p. 51. citavit.

II.

Ad imitat. Epigr. 18.

Qui modo ferventi stimulatur Zoilus irâ
Dente ferit raptos jam super astra Viros,
Occubuit tandem PETRINO ardore petitus,
Dum facilem tolli sic Elephanta putat.

III.

Was nimmt mein PETRI nicht vor schöne Wercke für?
Vormahr ein heilig Kraut die Probe seiner Sinnen/
Durch dessen Forschung schwung' Er sich zum Sternen
Zinnen/

Und sättigte damit Gelehrter Lust-Begier.

Nach diesem wag't Er sich an jenes gift'ge Thier/
Das Thier und Menschen würg't / das tausend dort
von hinnen /

Und tausend hier fort reiß't: da must Er auch gewinnen:
Ein jeder meinete Alcides stritte hier.

Doch hat der heisse Fleiß sich noch nicht gnung geübet:
Diß Werck beweiset es / daß Er uns jezo giebet:


Mein PETRI ruhet nicht: sein Geist ist so entbrannt/

Daß Er sich auch gemacht an stârcksten Elephant.

Rümpff Momus Naß' und Maul: es zeugen doch die
Wercke

Von seiner Sinnen-Krafft und seines Geistes Stârcke.

AD



AD LECTOREM.



Xhibeo tibi tandem, Lector benevole, Elephantum jamdudum elaborationi meæ demandatum, verum hactenus absconditum suisque in latebris detentum, & quidem ob urgentes causas, inter quas hæc erat præcipua, quod animal hoc in Germania rarissimum, plerisque incognitum, adeoque magnæ molis opus sit, tam raram & paucis perspectam materiam scrutinio mentis subjicere, præsertim cum unus tantum à me fuerit oculis usurpatus: hinc meritò dubius hæsi ab initio, & valdè mihi operosum fore judicavi, si aggrederer provinciam tam arduam & admodum difficilem, rei que propemodum incognitæ exegefin, imprimis cum ad exactam hujus bruti non bruti descriptionem requiratur illius partium accurata & sufficiens

AD LECTOREM.

cognitio, quæ non aliunde, quam ex anatomia peti potest: at quis Germanorum unquam subjecit cultro anatomico hoc vastum & peregrinum animal? Romæ olim Galenus peregit sectionem Elephanti, sed imperfectam, & saltem in consideratione nonnullarum ejus partium subsistentem: Versaliis Annô 1681. ejusmodi anatomen fuisse celebratam, refert J. B. du Hamel *l. 2. Histor. Soc. Reg. scientiar. s. 9. cap. 1.* cujus historiam autem hucusque mecum anxie desideravit Orbis literatus: solam mihi licuit videre A. Moulini Elephanti anatomen Doublini Annô 1681. administratam, Anglicâ linguâ descriptam & Londini typis vulgatam, satis verò mancam & mutilatam ob Elephantum in diversorii incendiô improviso subortô ustulatum & ambustum: quâ de re modò dictus Author ipse sic scribit: mundus expectat curiosam exactamque à me narrationem, quæ suppeditare queat rationes, cur Elephas sit capax ea faciendi, quæ ferè videntur à ratione dependere: proindè candidè fatetur, se hâc in parte Societati Regiæ satisfacere non posse ob graves causas, quas recenset in epistola ad D. Wilhelmum Petti Regiæ Societatis Socium scripta: aliô in locô ipsemet fatetur, se circa testes Elephanti hallucinatum esse: præterea in aliis partibus describendis valdè ambiguus est: plurima etiam prorsus omisit: idem de hoc meo opusculô
ob

AD LECTOREM.

ob defectum autopsiæ anatomicæ cum timeam, imò ipsemet lubenter feram judicium, non patiar tamen absterri ab opere semel suscepto, præsertim cum urferint hactenus editionem Amici non pauci, jamque collegerim ex plurimis Authoribus tam antiquis, quam recentioribus satis multa analecta, quæ ut blattarum jentacula fierent, atque in suis cavernis perirent, committere non potui: in his autem invenies, Lector benevole, notabilem styli diversitatem, quam mihi non imputatum iri confido: etenim retinere volui allegatorum Authorum verba: mei verò styli humilitatem facile ab alio discreveris: fortassis etiam deprehendes in hoc tractatu hyperbolica nonnulla ex Historicis passim excerpta, quæ partim fidem superare atque a veritate aberrare videntur: sed noris, illa non esse mea, sed aliorum, qui suam vindicare fidem tenentur: litavi veritati, quantum potui: hanc si cum aliis non semper affecutus sum, humani aliquid tuæ & communi hominum forte me passum scias: si etiam irrepperint quædam Authorum mendaciola, fortè risu nata, ut loquitur J. Lipsius in epistol., ea nemini fore noxia, existimo: Authoribus scribere, cuilibet fidem, si lubet, adhibere liberum est: mihi integrum fuit, imò incubuit, hunc de Elephanto Tractatum ad normam & formam Academiæ S. R. I. Naturæ Curiosorum conscriptum

AD LECTOREM.


literatis communicare: qui si serenâ fronte accipietur, gratulabor mihi: sin minus, & si fortè nonnulla displicebunt, non irascar: nec enim mihi ipsi arident omnia: stat in arbitrio Lectoris, aliorum Autho- rum lectione occupari: dente Theoninò si quis animò præsumserit rodere Elephantum, sciat, illum bellato- rem, nec minus probe dentatum, imò verius corni- bus armatum esse, hisque suis armis vim vi repelle- re, atque sic etiam virgulam censoriam declinare posse: interim fruire mecum, Lector benevole, qua- licunque hòc meò labore, & si meliora noveris, mi- hi communica: alterum pedem in cymba Charontis.

habens adhuc discam: siquidem αἰεὶ γηράσκω πολλά

διδασκόμενος.

Vale & rem tuam benè
gere!





INDEX GENERALIS HUIUS TRACTATUS.

Prooemium.

PARTIS PRIMÆ

Caput I.

Elephanti externam figuram & generaliore considerationem exhibet.

Caput II.

Elephanti nomen, etymologiam, homonymiam & causam finalem, ulterioremque descriptionem producit.

Caput III.

Elephanti pellem perlustrat.

Caput IV.

Elephanti Caput partesque nonnullas supremi ventris describit.

Caput V.

Elephanti proboscidem examinat.

Caput VI.

Elephanti Cornua, (vulgò dentes) trutinatur.

Caput VII.

Dentes molares considerat.

INDEX GENERALIS.

Caput VIII.

Elephanti partes medii Ventris expendit.

Caput IX.

Elephanti partes infimi Ventris, ut & crura, pedes
&c. contemplatur.

Caput X.

Elephantorum differentias & locum natalem indagat.

Caput XI.

Elephanti generationem enarrat.

Caput XII.

Elephanti ætatem rimatur.

Caput XIII.

Elephanti nutrimentum expendit.

Caput XIV.

Elephanti capturam & cicurationem evolvit.

Caput XV.

Elephanti robur perpendit.

Caput XVI.

Elephanti antipathiam atque Hostes enumerat.

Caput XVII.

De Elephanti Sympathiâ & fidelitate differit.

Caput XVIII.

Elephanti morbos & mortem proponit.

PARTIS SECUNDÆ

Caput I.

Præter admirandam Elephanti indolem in ejus religio-
sam pietatem inquirat.

Caput

INDEX GENERALIS.

Caput II.

De Elephanti prudentia agit.

Caput III.

Elephanti æquitatem commemorat.

Caput IV.

Vindictæ cupiditatem in Elephanto discutit.

Caput V.

Elephanti gratitudinem laudat.

Caput VI.

Gloriæ studium in Elephanto admiratur.

Caput VII.

Obedientiæ Elephanti meminit.

Caput VIII.

Elephanti intellectum sermonis patrii enunciat.

Caput IX.

Elephanti docilitatem atque ad exercitia habilitatem ostendit.

Caput X.

Elephanti humanitatem, *φιλανθρωπίαν*, lenitatem & mansuetudinem prodit.

Caput XI.

Tenacem rerum memoriam in Elephanto exponit.

Caput XII.

Elephanti verecundiam & pudorem, temperantiam, castitatem & fidelitatem celebrat.

PARTIS TERTIÆ

Caput I.

Elephantorum in expeditionibus bellicis usum exhibet.

Caput

INDEX GENERALIS.

Caput II.

Elephantorum in bello usum enarrare pergit.

Caput III.

Elephantorum usum in Triumphis & Spectaculis ostendit.

Caput IV.

Elephantorum varium, ut & culinarium in Oeconomia usum exponit.

Caput V.

Elephanti partes usuales, præsertim usui Medico destinatas evoluit.

Caput VI.

Eboris usum Mechanicum recenset.

Caput VII.

Eboris præparationem & usum Medicum examinat.

Caput VIII.

Ebur fossile rimatur.

Caput IX.

Inclyti Regii Ordinis Elephantini historiam succinctâ brevitâte proponit.

Mantissa

De Elephantiasi.



PRO-

PROOEMIUM.



Rodit in Scenam Elephas, inter quadrupedes maximus, Asiæ atque Africæ inquilinus, Europæis atque Americanis peregrinus, brutum non brutum, & admirandum animal, si ingentem corporis molem, stupendam indolem, eximiam sagacitatem, docilitatem, incredibile robur, usumque varium spectes: dignissimum sanè, quod curiosâ mentis indagine lustretur, cum nihil ferè præter valdè notabilia suggerat.

Quemadmodum ἐν πᾶσι τοῖς φυσικοῖς ἐνέσι τι θαυμάσιον, ut scribit Aristoteles lib. 1. de part. an. c. 5. ita raræ atque stupendæ proprietates in Elephantto quam maximè sunt conspicuæ: siquidem elucescit in hoc imensa Creatoris in æternum benedicti sapientia, inter tam diversas animantium species etiam Elephantum ad hujus universi complementum producentis, ut inde major divini Nominis exsurgat gloria, mortalesque exemplum capiant, ut quemadmodum immanis hæc fera, quam Basilius Hom. 9. Hexaem. μέγα τὸ ζῷον, καὶ τῶν χερσαίων τὸ μέγιστον vocat, mansuefacta ad nutum domantis Domini se accommodat, eique per omnia morem gerit, ita par ratione & multo magis homo Creatori suo debitò obsequiò assurgat, ejusque mandatis obtemperet: licet

enim metum atque terrorem Elephas vastitate & mole corporis cuilibet incutere possit, eo scilicet virium robore pollens, ut arbores proboscide suâ radicitus evellat: jugo tamen collum submittit, Magistroque suo in omnibus obsequitur, magnò præstantiæ & dignitatis humanæ argumentò, siquidem Homo in omnia animalia dominatum ac Imperium obtinet, quamvis robustissima sint & fortissima, quale est Elephantus.

Hoc animal dum in limine hujus tractatûs contemplationi subjicio, menti obversatur, quod Hiobi c. 40. v. 10. non dubitet Omnipotens DEUS cum Hiobo ex turbine seu nube differens Elephantum sub nomine Behemoth tanquam paradigma illi proponere, dum infinitam suam potentiam declaraturus ita loquitur: Ecce Elephantem, quem feci tecum: id est, ut tecum in eadem terrâ degat, tibi que serviat, secundum D. Pauli Tossani Bibl. qui fœnum ut bos comedit: quod ita explicant Biblia Ernestina: quamvis Elephas vastò polleat robore, non tamen ut Leo vel Aquila ex discerptorum animalium minorum prædis, sed vili gramine more boum contentus vivit, quod proboscide evulsum ori ingerit, & dentibus comminuit.

PROOEMIUM.

Cur in plurali dicatur **בהמות**, (Græci habent *θηρία*) & non **בהמה** variæ ab Authoribus afferuntur rationes: Piscator in Scholiis dicit, quod Elephas ita vocetur ob vastitatem corporis, quod quasi ex multis jumentis compositus videatur: alii dicunt, quod Elephas tanquam ingens bellua sit instar multarum bestiarum: similem enim loquendi rationem haberi Psalm. 73. v. 22. ubi David dicit, se fuisse apud DEUM **בהמות**, non bestiam tantum, sed instar plurium bestiarum vel ingentem bestiam: confer Glassium in Philologia sacra l. 3. tr. 1. pag. 88. LXX. Interpretes & Chaldaeus per **בהמות** intelligunt omnem bestiam terrestrem vastæ magnitudinis: Hebræi autem signari arbitrantur solum Elephantum, quos sequitur Lyra, Thomas & alii: καὶ ἐξοχὴν & ὀνομαστικῶς Behemoth nihil aliud notare potest, quam Elephantum, siquidem magnitudine anteit singulas bestias quadrupedes, eoque collimat Jobus, quando in plurali eum vocat behemoth, quod sit quasi instar multarum bestiarum.

Ecce! pergit Hiob locô citato: vis ejus in lumbis ipsius: id est idoneum est hoc animal & par maximis oneribus gestandis, adeò ut lignea quoque turris armatis repleta Viris imponi tergo queat: quibus verbis innuit Jobus, etiam eas partes, quæ in reliquis animantibus molles sunt,

in Elephanto esse durissimas & fortissimas: adeò ut sicut mole, ita & lumborum robore reliqua superet: robur ejus est in umbilico ventris ejus, cui videlicet circumdantur cingula, quibus arctissimè firmissimèque alligatur turris, ne fortè vacillans decidat. Arrigit caudam similem Cedro, id est, inflexibilem (Biblia Basileensia Græco-Latina habent ita: statuit caudam ut Cupressum:) Ossa ejus viribus chalybeis, artus ejus vecti ferreo similes: modò allegata Biblia Basileensia ita reddunt: Latera ejus, latera ænea, ac tergum ejus ferrum fusum.

Eleganti porro encomiô ibidem Elephantum prosequitur Creator ter Opt. Maximus, dum ipsum vocat ἀρχὴν πλάσματος κυρίου, i. e. principium fictionis Domini, hoc est, principale seu primarium quoddam opus DEI, vel primarium opus viarum DEI, secundum Gregor. Franc. Lex 5. p. 174. n. 139. vel ut alii ponunt: qui inter animalia terrestria omnium primò creavit illum: vel qui ceu unam ex primariis præcipuisque creaturis fecit illum: & applicavit illi gladium suum, i. e. Solus DEUS hunc vi coercet & compescit, quem homines plurimi vix & astu tantum mansuefaciunt: alii per gladium intelligunt proboscidem, quam DEUS accinxerit Elephanto, velut enssem, quò se defendere, roburque suum exserere posset. V. D. P. Tossan. Commentar. Bibl. locô citatô.

Huic

Huic montes herbas ferunt: omnes bestiae agri ab illô illasæ ludent ibi: sub umbrosis cubat in occulto arundinum & cœni: tegunt eum arbores, ut sint umbra ejus: circumdant eum falices torrentis: ecce! absorbebit fluvium, & non mirabitur, quâ hyperbolicâ loquendi formulâ innuitur, Elephantum unô haustu magnam aquæ vim condere in visceribus, quasi integra exhausturum flumina, vel si fortè ad lavandum vel bibendum se demiserit in fluentum, tunc ingenti suô corpore cursum aquæ quasi retardare.

Nonnulli per **בהמות** Hippopotamum intelligi putant, animal duplô majus bove. Vid. Bochartum in hierozoicò; nec desunt Ecclesiæ Doctores, qui dubitant, quod allegatô in textu Elephantum sacra designent oracula: inter quos Gregorius Magnus Anti-Christum heïc denotari arbitratur expos. moral. in in. lib. Job. l. 32. cap. 12. & seqq. qui in fine mundi se dilataturus sit instar Cedri, & horrendum in modum grassaturus, & futurus sit altus veneratione prodigii, & durus crudelitate tormenti, insidians & blandiens per miraculorum speciem, sæviens per fortitudinem & potentiam secularem.

Quidam hujus Mundi Principem eique addictam impiorum turbam per behemoth improprie & allegorice denotari putant: quibus subscribit Johannes Bustamantinus lib. 4. cap. 12. 13. & seqq. de animantibus

Scripturæ: is enim non animal illud vastum, quod Elephantem vocamus, designari putat, sed ipsum Diabolum monstrosus illum serpentem indigitari contendit: demonstrare simul annititur, prædicata illa, quæ apud Jobum extant, non quadrare Elephanto, sed potius monstrosissimo Serpenti, qui Diabolum figuret.

Communis tamen & passim apud eruditos recepta sententia est, intelligi heïc Elephantum: in sensu verò accommodato ad Diabolum applicari posse concedunt Frantz. Disp. 7. in Conf. Aug. & in Histor. an. p. 32. Coccejus in h. l. Rineda, Piscator & Sixtinus Amama in anti-barb. Bibl. p. 684. & seqq. qui hæc omnia fuse & erudite persequuntur: Secundum nugas Talmuthicas Behemoth similiter est animal omnium maximum: de quo fabulantur Judæi, quod DEUS id creaverit ab initio, & quidem marem & foeminam: cum autem prævidisset DEUS, ex multiplicatione horum vastorum animalium totum mundum in pejus ruiturum, idcirco marem à DEO castratum, foeminam verò refrigescere esse nugantur: utrumque tamen credunt usque ad tempus adventantis Messiae asservari, cum aliis epulis atque cupediis tunc immolandum atque consumendum. Nicolaus Lyra & Buxtorffius in Schol. Judaicâ scribunt, Judæos in suo Talmuth somniare, fabulosa hæc animalia tam magna & voracia esse, ut quotidie mille montium detondeant

PROOEMIUM.

deant gramina quâvis nocte renascentia, quæ putatitius illorum Messias post adventum suum cum ingenti illa balænâ, quæ in sacro Codice Leviathan appellatur, & magnâ illâ ave Barluchne dictâ, generosissimôque vinô hætenus in Adami cellâ asservatô à Judæis consumenda destinaverit.

Plurimi genuinum Sacræ Scripturæ sensum assequentes in eâ sunt opinione, DEUM indefinitè loqui & per ⲉⲗⲉⲃⲁⲛⲏ Elephantem innuere, in quem videlicet omnia hætenus dicta ex asse quadrare videntur: est enim Elephas maximum in quadrupedibus, sicut Struthio in volucribus. in aquatilibus Crocodilus, in marinis balæna: cum itaque DEI propositum sit, eôdem in locô duobus clarissimis & incomparabilibus exemplis immensam suam potentiam palam asserere, delecta sunt ad hanc rem animalia longè maxima, quæ globus hic infimus, quem incolimus, circumfluo mari præcinctus suppeditare posset: atqui convenit, terrestrium quidem Elephantum, marinorum verò balænam, vastissimæ citra omnem controversiam molis esse: quare ut Leviathanis nomine indicatur hæc, ita Behemoth appellatione illum pariter significari, consentaneum est. Vide Fuller. lib. 4. Miscellaneor. sacror. cap. 10. item de hâc materiâ eruditè differentem Amama lib. 3. antibarb. Bibl. p. 684. Accedit, quod allegata verba, utut nonnihil ob-

scura, ad Elephanti naturam & proprietates ad amussim quadrent.

Tanti cum faciat Elephantum Majestas divina, ut non dedignetur, tam graphicô & pôlitô stylô per eundem infinitam suam potentiam, justitiam & sapientiam Hiobo non minus afflicto, quam impatienti ob oculos ponere: operæ pretium & me indignum divinorum operum admiratorem facturum existimo, si fufius ex mente Academix Leopoldinæ S. R. I. Naturæ Curiosorum in subsequenter pagellis Elephantum καὶ ἀνδρα καὶ δυνάμει vivis coloribus depinxero, & quod passim docet rerum Magistra experientia, & in lectione Authorum occurrit, benevolo Lectori communicavero, qui mecum procul dubio non solum in admirationem rapietur, verum etiam ad divinas laudes instigabitur, dum accuratius perpenderit spectabilem corporis Elephantini formam, decentem partium structuram, celsasque in eum à Creatore collatas dotes.

Quis enim non miretur cum Plinio turrigeros Elephanti humeros? quis non stupeat animal brutum quadrupedes omnes magnitudine superans, reliquis tamen expeditius cicurari, & multa supra communem brutorum Naturam munia obire? siquidem est disciplinæ supra modum capax, gloriæ & vindictæ cupidum, humani sermonis gnarum, beneficiorum memor, æquitate, justitiâ & gratitudine conspicuum, Domino suo fidelissimum,
Ma.

Magistrum suum seu *ἐλεφαντῆσιν* impensè amans, sobolem suam tenerimè diligens, in laboribus industrium, non solum ad expeditiones bellicas, sed & varios Oeconomi-
cos Medicosque usus quam maxi-
mè idoneum, ut verè dixerit H.
Cardanus de subtil. l. 10. p. 560.
quod Natura ultimam perfectio-
nem, quæ ex mortali materiâ con-
fici poterat, Elephantò largita sit.

Aristoteles lib. 10. Histor. an.
cap. 46. inter alia de Elephantò ita
scribit: *ἐστὶ δὲ καὶ ἐν αἰσθητοῖς καὶ τῇ συνέσει τῇ
ἄλλῃ ὑπερβάλλον*, i. e. est autem apprimè
bonis acutisque sensibus & quoad
cætera intellectu excellens. Cicero
de nat. Deorum lib. 3. inquit: Ele-
phanto belluarum nulla prudentior:
item Elephantì pollent acutissimis
sensibus: & alibi dicit: esse isti bel-
luæ quandam cum genere humanò
societatem. Strabo de illo asserit,
quod sit *ἐγγυὴς λογικῷ ζῷῳ*: sit proximus
animali ratione prædito: & Philo-
stratus: *τὸτο γὰρ ζῷον δεύτερον ἀνθρώπῳ
τάττω κατὰ ξυνέσιν τε καὶ βελὰς*; id est:
hoc animal proximum ab homine
colloco, prudentiâ & consiliò. Pli-
nius lib. 1. de vitâ Apoll. hæc habet:
Animalium maximum Elephas,
proximumque humanis sensibus,
quippe intellectus illis sermonis pa-
trii, & imperiorum obedientia, of-
ficiorumque, quæ didicere, memo-
ria, amoris & gloriæ voluptas, immò
verò, quæ etiam in homine rara,
probitas, prudentia, æquitas, religio
quoque, fiderum, solisque & lunæ
veneratio: hinc lepidè Joh. Passe-
ratiùs canit:

Multa hæc invenies Naturæ arcana sagacis,
Forfan & humanos Elephantum in corpore
sensus.

Imbutos pietate animos cultuque Deorum.

Solum hoc animal laude accen-
ditur, & contumeliâ angitur, de
quibus fusius infra.

Hæc cum ita se habeant, mereri
judico hoc animal, ut accuratiori
scrutinio subjiciatur, magnique æsti-
metur: Si equo suo Cajus Caligula
Cæsar præter cætera insani amoris
argumenta & destinatum Romæ
Consulatum, familiam illustrem ac
splendidam assignavit, ut Suetonius
cap. 55. memorat. multò magis æ-
quum fore arbitror, longè præstan-
tius animal eò, quò decet, affectu
prosequi, dotesque à DEO in id
collatas suspicere & in pretio habere.

De cætero cordatum Lectorem
in hujus Tractatûs frontispicio sta-
tim monendum duxi, non omnia,
quæ ex Historiographis & aliis Scri-
ptoribus de hoc argumento citari
possunt, Evangelicam semper au-
thoritatem obtinere & infallibiliter
vera esse: irrepunt quandoque hy-
perbolica nonnulla & innoxia men-
daciola risu nata, ut Justus Lipsius
epist. 50. Cent. i. loqui amat, quæ in
medio relinquimus, nec omnino
nostra facimus, & Lector mecum
æqui bonique consulet: fateri cogi-
mur cum Æliano l. 6. c. 61. tam stu-
penda & propemodum verò majora
passim referri de Elephantò, ut jure
meritoque aliquis dubitare possit,
an Authores semper veritati litent:
credimus autem cum Solino in
b 3
proem.

proem. polyh. constantiam veritatis esse penes illos, quos secuti sumus.

Ex pluribus hujus commatis affertis exempli loco sit, quod nonnulli Elephanto exactam prudentiam attribuant, sublimium rerum cognitionem & rationis usum assignent, quæ solius Hominis indelibilis character & proprium signaculum est: nam quicquid unquam consideratione dignum à brutis præstari potest, illud equidem non à ratione, quâ destituta sunt, sed à solo Naturæ instinctu, assiduô exercitio & quotidianâ assuefactione proficiscitur, sine quibus si foret, libentius illa genio suo indulgerent, & feritati suæ bestiali convenienter viverent: non enim bestia ut intelligentes phantasmata speculantur nec contemplantur, aut judiciô & memoriâ pollent, sed ut *ἀλογα ζῶα* naturæ suæ ductum sequuntur: licet enim Elephanti, simiæ, canes ad prudentiam & disciplinam aliquo modo accedant, tamen illis omnibus rerum insensibilium atque etiam notitia reflexa est denegata, ut eruditè differit Philosophus hujus seculi acutissimus Marcus Marci à Kronland Philosoph. vet. restit. part. 1. f. 8. p. 61. Quod si singularia quædam in quibusdam animantibus deprehendimus, quæ rationem quadantenus imitantur, nobilis phantasiæ potius, quam intellectûs operâ ea perfici putamus: Simulacra quædam sunt & schemata rationis, & sua quoque bestiis est prudentia juxta effatum

Aristotelis 1. Met. 1. non tamen ratio: quod enim aranea texat, formica micas colligat, apes mellificent, aves nidificent, ad id solô Naturæ instinctu feruntur, qui secundum Conimbricenses 2. Phys. 9. 24. nihil aliud est, quam operatio Phantasiæ determinatæ ad judicium convenientis aut incommodi, determinansque Naturam ad fugam vel persecutionem: vid. Joh. C. Dieterici antiquitat. Bibl. p. 64. Frantziî histor. an. sacr. p. m. 24. Læel. Bisciolan. t. 2. hor. subcis. l. 15. c. 2.

Utique non desunt magni Viri, qui belluis aliquam rationem concedunt, tam antiqui, quam recentiores: id quod Theologi Parisienses ad Cartesium scribunt, Meditation. de prima Philosophia obj. 6. p. m. 150. Cum si ratio mediocris belluarum differat à ratione hominis, secundum plus & minus solummodo differet, quæ non mutant essentiam. Hinc rectè colligit Simon Majolus diær. Canicular. colloq. 7. cum Cicerone, quod nullum animantium propius Elephantô accedat ad humanorum sensuum vires: huic enim sunt acutissimi sensus, ut loquitur Cicero l. 2. de N. D. Omnium quadrupedum subtilitas animi præcipua illi conceditur à Plinio, ita ut à nullô aliô brutô hæc in parte superetur: pollet enim hoc animal præ aliis spirituum copiâ & subtilitate, fibrarumque flexilitate ex quibus facile colligere licet, illud, quamvis carere videatur ratione, ad illam tamen quam proximè accedere: siquidem non solum

solum corporis magnitudine, sed & solertiâ, industriâ atque calliditate reliqua omnia animalia longô post se intervallô relinquit, multa addiscit, gestus motusque hominum varios imitatur & exprimit.

Hinc egregiè Guil. Sallustius Hebdomad. l. 6. in encomio Elephanticanit:

Innumeros inter populos & seclâ animantum.

Quas hodie, Sator alme, creas, quèis horrida tesqua,

Quèis valles habitare cavas atque antra dedisti:

Ecce! acies Elephas Dux alter in agmine primas

Ante it egregiè compos virtutis & Artis:

Seu spectare libet nutantem milite turrim,

Seu libet ingeniis mortalibus æmula cœpta:

Discere amat, secumque memor dictata revolvit:

Obsequitur jussis, Regemque salutat & orbem

Luna, tuum, & dulces nutrit sub pectore flammæ.

Ἐν αἰσθητοῖς esse hoc animal, non autem ratione præditum scribit Alstedius Encyclop. L. 7. Phys. p. 6. c. 5. Verum enimvero nisi bruta aliquâ ratione gauderent, frustra â Prophetâ Jesaiâ cap. 1. dictum esset: cognovit bos Possessorem suum, & asinus præsepis Domini sui; etiam ciconia cognovit tempus suum, turturque grus & hirundo observant tempus suum: ex quibus Prophetæ testimoniis elucescit, illum respicere ad aliqualem in his brutis rationem: Cognitio enim Possessoris sui & præsepis Domini sui probat, quod in eorum phantasiâ & memoriâ aliqua idea imprimatur: Phan-

tasia enim tam in homine, quam in brutis nunquam otiosa est, nec in simplici reminiscentiâ acquiescit, sed suas vires exserit, dum blanditiis & gestibus de præsentia Domini sui gaudent.

Nullum itaque dubium est, rationem aliquam vel aliquid rationi analogum â summo Creatore brutis esse concessum, licet non in eô perfectionis gradu, ut homini: Vide de hisce plura erudite commentantem Illustræm nostrum Præsidentem Celsum Ephem. Cur. Dec. II. Anni VIII. Obs. 161. in Schol. Estote prudentes, tanquam serpentes, jubet Salvator Matth. 10. Quomodo autem serpentibus potuisset tribuere prudentiam, nisi ratione aliqua gauderent, siquidem prudentia est effectus rationis, unde etiam animæ passiones proficiuntur in brutis, quoniam læsa irascuntur, bene tractata blandiuntur, odiô & invidiâ laborant, amore erga suos benefactores flagrant & gratitudinem exercent: Præterea bruta disciplinæ sunt capacia, quod testatur experientia rerum Magistra. Sic Hanno Pœnus secum in expeditionibus bellicis Leonem *σχευόφρον* duxit, Pythagoras ursam sibi familiarem, cæteris formidolosam aluit, ut narrat Melchior Junius Orat. tom. 1. p. m. 647.

Annitar in hoc Tractatu, quantum in me, ne authoritati veterum, qui suam fidem ipsi vindicent, nimium tribuam, non autem omnem prorsus fidem illis deroget: quâ mediâ viâ si incessero, confido, me à ja-

à januâ haut aberraturum, nec ul-
lum benevolo Lectori fastidium
creaturum: quatenus autem autho-
res *αὐτόπται*, Asiæ & Africæ inquilini,
aut illa climata, ubi Elephanti de-
gunt, perlustrantes loquuntur, nemo
vertet vitio mihi, cui raro hanc adire
Corinthum aut Elephantum oculis
usurpare contingit, si in talibus, quæ
cum veritate aut plurimorum testi-
monio congruunt, illis fidem ad-
hibeam.

Quibus hæc res est notior? quærit
Justus Lipsius Epist. 50. Centur. i.
Nobisne? qui omni hōc nostrō ævō
vix unum, (illum scilicet, qui Anno
LXII. Cæsari ab Hispaniarum Rege
dono missus fuit,) vidimus, eumque
pusillum, juvenem, bonarum ar-
tium rudem: An illis, (Veteres in-
digitat,) quibus quotidie bellua in
ore, in oculis? quibus tam crebra de
ingenio & moribus Elephanti peri-
cula facta, in bellis, in ludis? Habe-
bant enim Elephantos & docebant
magnâ curâ Afri, Asiani, Græci ad
prælia: Romani magis ad spectacu-
la & venationes: de fide igitur Ve-
terum cur ambigimus? Nonne
noverunt hoc animal? intimè atque
optimè: an fallere nos voluerunt
de compacto? nec potuerunt qui-
dem in re quotidie omnium oculis
sensibusque expositâ, & in quâ mi-
racula milleni aliquot homines si-
mul viderunt, id est, Theatra tota:
ista ipsa ætas fidem fidei illorum
struit, etsi in alio illo orbe: tandem
in calce Epistolæ dicit citatus Au-
thor: non usque quaque in his ta-
libus Veteres illos fidei litasse, faci-
le credam: quis enim tam magni
oneris sit, ut quicquid illi imponunt,

vehat? nec tamen mali quidpiam in
istis, etiam falsis, vel potius verò
majoribus.

Enropæis fatis tarde innotuit Ele-
phas: & ut vult Pausanias: *Ἐλέφαντας
πρῶτος τῶν ἐκ τῆς Ἑυρώπης Ἀλέξανδρος ἐκτί-
σατο*: i. e. Elephantos primus inter
Europæos Alexander habuit, qui
victâ Indiâ illos intulit & immisit:
sed ab ejus tamen morte statim cre-
bri: atque hos transportavit in Ita-
liam ipsam Pyrrhus in bello cum
Romanis: hinc quoque jam Romæ
célebres, & magis per Punica bella:
quibus tanta copia, ut unô tempo-
re CXLII. ceperit, & in urbem mi-
serit L. Metellus: nam Critolaus
apud Plutarchum apertè mendax,
qui à Paulo Æmilio bellô Pyrrhi CLX.
Romam missos vult, & quidem tur-
ritos: at postea sanè Romæ semper
fuere, sive capti, sive magis pretiô
parati ad populi voluptates: hinc
videmus initia, videmus frequen-
tiam, quæ magis expressa apud Pli-
nium, qui videatur.

Ne autem in incepto nostro pro-
grediamur sine ordine, quippe quô
nihil vel in animo vel in opere sa-
pientis est admirabilius, ut loquitur
I. C. Scaliger. Exerc. 2. & 303. s. 9.
lubet illa, quæ hinc inde dispersa
apud Authores reperiuntur, certâ ac
succinctâ complecti methodo, sim-
plici stylo procedendo à subjecti es-
sentiâ ad illius accidentia, qualitates,
effecta & similia, de benevoli Lecto-
ris æquissimô judiciô, præsertim in
tam rara & intricatâ materia, circa
quam versamur, nulli dubitantes:
Alius aliò invenire potest plura:
Nemo omnia: interim fortassis re-
perire licebit *ἐν ὀλίγοις πολλὰ*.









PARTIS I. CAPUT I.

Elephanti externam figuram & generaliorem considerationem exhibet.

DIversimodè omninò res raræ fortè occurrentes solent considerari: vel enim saltem per transfennam & perfunctoriè aspiciuntur, præsertim à vulgo, neglectis interioribus: vel accuratiore contemplatione pervenitur ad intima rerum penetralia, in qua curiosus animus tandem acquiescit. De insigni Pictore Nicostratò refert Ælianus lib. 14. cap. 47. quod aliquando Helenæ imaginem ab ingeniosissimo Pictore Reaxe artificiosò efformatam penicillò attentioribus oculis usurpans à quòdam fuerit interrogatus, cur tantoperè illam admiraretur? responderit: Non id me rogares, si meos oculos haberes: quò ipso innuere voluit, magnum esse discrimen inter oculos artificis & vulgi: hoc enim exteriore tantum

cortice contentum est: peritiores verò nuclei suavitatem illecti, ut illò potiantur, nihil relinquunt intentatum: quorum vestigiis in Elephanti perlustratione insistere operæ pretium erit.

Quò rarius autem & infrequentius in Europa est hoc animal, eò majorem apud Europæos meretur admirationem, exactioremque considerationem: ut propter parvitatem meritò admiramur minima animalcula, quorum exiguis corporibus Creator altissimus plenissimè distribuit adjumenta naturæ suæ congrua, adeò ut illis nihil videas deesse eorum omnium, quæ data sunt magnis animalibus: sic propter magnitudinem admiramur Gigantes inter homines, Cetum inter pisces, Struthiocamelum inter volucres, Draconem inter serpentes,

A

Ele-

Elephantum inter quadrupedes: & fanè cum nihil ferè præter miranda suggerat Elephas, longè dignissimus est, qui curiosâ mentis indagine perlustretur, & quidem tantò magis, quantò rarius est in nostris præsertim oris hoc animal, ob grandem vastamque corporis staturam inter quadrupedes omnium judiciò maximum.

Inter dona magnifica ex victoriis Indicis reportata Leoni X. P. M. à Lusitanæ Rege Emanuele missa Paulus Jovius Historiar. lib. 12. refert fuisse etiam Elephantum à multis seculis Romæ non visum: non minus hic apud nos & nostrò tempore rarus, & propterea arduum valdè & difficile est, in hujus descriptione curioso Lectori ex asse satisfacere: taceo, quod in Germania vix unquam Elephas fuerit cultro anatomico subjectus: & hæc causa est, cur Elephas noster ex suis latebristardius justò progrediat: non enim nobis licuit, quod lubuit: nam præter imperfectam A. Moulini Collegii S. Trinit. Dublinensis Medici sectionem Elephantum cujusdam fortuitò incendiò exanimati Anglicè descriptam hætenus nullam aliam videre mihi fuit integrum: hinc optandum esset, ut accuratior Elephantum anatomia, quam Joh. Baptista du Hamel in Regiæ Scientiarum Academiæ Historiâ lib. 2. p. 206. aliquando typis edendam Lectori promittit, lucem videat.

Omnes quadrupedes staturæ proceritate superare Elephantum in

propatulo est: portentosa ejus est celsitudo, horrida magnitudo, terribile corpus universum, & incredibile robur bestię: discit ea, quæ interdum ægrè capiunt hominum nonnulli, & conformat corpus ad omnes ex arte motus & gestus, de quibus infra pluribus dicetur. Elephas, ut scribit Aretæus, est fera longè ab aliis differens, ingens, crassa, & celsitudo ejus tanta est, ut quasi magnum animal super aliud impositum videatur: crassitudo ejus tanta, quantam plura crassissima animalia inter se conjuncta vix æquant: hinc admirans Cicero exclamat: At figura quæ vastior? & verè Oppianus:

Talem autem nullam & tantâ se mole moventem

Terra feram portat: - - - - -

Elephantum à se visum describit H. Cardanus lib. 10. de subtil. p. 549. Primum inquit, illius altitudo tanta erat, ut homo erectis manibus non attingeret dorsum: & erat juvenculus: crassities duorum bo-um: sed adultis & maximis, (nam & in his & equis aliisque animalibus non exiguum est discrimen secundum Regiones & Stirpes,) pro viginti quinque quandoque bobus corporis moles est: quod tamen per *ἀνθρώπων* à Cardano dici putat C. Schott. Physic. Curios. l. 8. c. 32. & quidem optimè: quanta enim hæc Elephantum moles foret? fanè longe major illò pariter fabulosò, cujus effigiem Polyphilus in suâ Hypnerotomachiâ describit,

Alti-

Altitudinem in maximis usque ad decem cubitos se extendere refert idem Cardanus locò citatò, quod etiam vix verisimile videtur: in proceritate alii ad duodecimum, alii ad decimum tertium, alii ad decimum quintum dodrantem accedunt. v. Joh. Jonston. histor. nat. de quadruped. c. 5. p. 31. Notum est, inquit Scaliger exerc. 204. Indicos esse majores Afris: at iis, qui in Insulâ Maidegascar oriuntur, cedunt Indi. Magnitudo non est omnibus eadem, etiam adultis: Petrus Gillius, (qui interfuit etiam sectioni Elephanti in Syriâ, longò per Mediam, Mesopotamiam & Armeniam itinere confectò, Tigrique atque Euphrate trajectis extincti,) mensus unum Constanti-nopoli invenit ab oculo usque ad extremum tergum pedes undecim, ab oculo usque ad extremam promuscidem octo. Al. Cadamustus vidit alium plus carnis habentem, quam quinque nostrates boves, penes quem Authorem sit fides.

Ælianus lib. 13. c. 8. scribit: Indicorum Elephantorum altitudinem esse cubitorum novem, latitudinem verò quinque: sed Solinus cap. 54. affirmat, Tabrobanam Insulam Indicam ferre multò majores Elephan-tos, quam ferat in continente India: plura de Elephantorum magnitudi-ne dicentur infra capite de eorum differentiis.

Etsi verò tantæ molis animal sit Elephas, avem tamen dari multò majorem, quæ eum unguibus com-

prehensum in sublime rapiat, & Ruck vocetur in Insula Divi Lau-rentii sive Madagascar scribit Ulysses Aldrovandus lib. 1. de quadruped. cap. 9. p. 199. sit fides penes Authorem.

Tantæ magnitudinis animal ta-men subditum nobis DEUS voluit, ut si doceatur, intelligat, si percu-tiatur, excipiat plagas & sustineat, evidenter nos docens, quod omnia subjecerit nobis, propterea quod ad imaginem Conditoris facti sumus, ut piè differit S. Basilius hexem. Homil. 9. Ob egregias easque varias dotes, quas Elephas obtinet, casti-tatem scilicet, verecundiam, puri-tatem, animositatem & similes, non malè M. Joh. Seb. Mitternacht in geistlichen Thiergarten Sapientiæ sym-bolum vocat Elephantum, eumque cuilibet Christiano tanquam exem-plum proponit p. 170.

Longitudo Elephanti minimè re-spondet altitudini: est enim secun-dum Cardanum locò citato multò altior, quam pro longitudinis ratio-ne: ejus proceritas æstimatur 16. pedum: quapropter illis insidentes non secus fastidiò afficiuntur, quam illi, qui navigationi non assueti ma-ria fulcant.

Sub umbra dormit in secreto ca-lami, & in locis humentibus prote-gunt umbræ vastum corpus ejus: circumdabunt eum salices torren-tis, quibus verbis ejus magnitudi-nem exprimit Hiob. cap. 40. v. 16. quæ tanta est, ut vix à multis salicibus ejus corpus occultari & tegi possit.

Dorsò tam validò præditus est, ut non solum plures fessores, verum etiam ligneas turres armatis Viris repletas ferre possit: Imponitur illi machina duabus catenis inferius alligata, cui incumbit Turris ad minimum sex militibus repleta: collo vero insidet Rector bestiarum. Fidem ferè superat, & admiratione dignum est, quod libro 1. Maccabæor. c. 6. v. 37. de Antiochi Elephantis legitur: turres quoque ligneæ super eas, (scilicet bestias,) firmæ & obtegentes unamquamque bestiam erant accinctæ super eam machinis: & in unâquâque Viri triginta duo pugnantes cum Indo Magistro bestiarum: ita olim secundum Poëtam:

Turritos humeros Elephas bellator habebat: Verum post inventionem pyrii pulveris desit hæc speciosa bellandi ratio: nam ignis aspectu & bombardarum sonitu Elephantis terrentur & in fugam vertuntur.

Hier. Cardano de subtil. l. 10. videtur, hoc animal cum sue aliquid similitudinis habere temperamentò & moribus: irritatum enim efferum est, alias mite: gregatim etiam incidunt, loca palustria & cœnosa diligunt, oculos parvos habent ut sues Elephantis: Ast mirificè Cardanum pro more eapropter exagitat J. C. Scalliger exerc. 204. inquires: Cum eos statueris dociles, saltatores, musicos, justos, pios, jurisjurandi militarisque etiam Sacramenti religiosos observatores ac vicissim exactores: ausus es cum suillâ eorum nationem penè unam facere: at for-

ma non convenit, quia non conveniunt actiones: quæ hæc est membrorum animorumque suillorum condecencia, quæ cum bestiarum Heroe bellatore, eodemque justo computari queat? Quin auditò stridore suis fugit Elephas: at sus audita voce suilla accurrit illico: tum barritus à grunnitu longè maximè diversus: & paulo post ait idem: sed recensenti patebit: nihil præter oculos, cujusmodi & equis multis & hominibus non paucis sunt: ac dentes, quales etiam habet Hippopotamus: tum limosa lustra, quæ etiam placent Bufalis: nihil, inquit, præter hæc esse, quæ cum aliis item communia, ad brutissimam bestiam referri possint: quanquam nos quoque suillo potius generi, quam culici similem esse dicamus.

Sed inconveniens foret secundum tritum adagium: Elephantò culicem conferre: aut ex muscâ Elephantum facere: id est, res exiguas verbis extollere atque amplificare: quod fecit Plutarchus multa de formicâ minimo animali magnificè locutus: Sic ex Causino Elephantis cum formicâ comparisonem sistit Joh. Matthias Meyfartus in mellificio oratorio tom. 3. p. 264. Sic Lucianus inquit: *Ελέφαντα ἐκ μύας ποιῆς*: ex minimâ re grande negotium facis. Quomodo Elephas ex pulice possit fieri, vide in Cartesii Dioptric. pag. 100. *ἀδύνατον* est, Elephantum sub alis celare, ut dicitur in proverbio: Elephantum citius sub alis celes: quò ipso stupenda

penda bestiae magnitudo adumbratur.

Notum est illud *παλινδρονικόν*: Musca contra Elephantum: Scarabæus adversus Aquilam: quod de dissimilibus bellatoribus dici consuevit: attamen culicem ad Elephantum æquiparat Cardanus exerc. 194. f. 6. scribens: dum culicem natura conderet, Elephantum meditatam fuisse: hoc est, ut jocatur Scaliger: Naturam cum Elephantum meditaretur, ejus formulam more Pictorum & Architectorum in culice proposuisse, quasi ichnographiam aut ectypum faceret. At Scaliger Cardanum falsè deridet, inquiens: neminem unquam tritum illud proverbium: Ex musca Elephantum facis, magis observasse, quam Cardanum: hinc exclamat: macte culex Cardanice, cujus idea Elephanta est, & addit: quid Elephantum cum bestiola senum crurum, quæ valga sunt, contra Elephantum: & licet culices more Elephantorum sua obtineant rostellæ seu promuscides, à muscis ita fortè dictas: magnum tamen est discrimen inter promuscidem muscæ, quæ loco oris est, siquidem illâ fugit, & inter promuscidem Elephantum, quâ velut manu utitur: itaque rectè statuit, nullam prorsus hæc esse similitudinem inter culices seu peccata Naturæ, & inter Elephantum, seu animal longè perfectissimum: meritò itaque suggillatur à Scaligero *πάνω τῷ ἐλέφαντι παραβαλλόμενον*, i. e. culex cum Elephantum à Cardano collatus.

Si cum alio quodam animali comparari deberet Elephas, commodius id fieret cum illo Indiæ Occidentalis animali, de quo Benzo Histor. Nov. Orb. l. 2. c. 14. ita scribit: Apud Sucrenses Indos est animal, quod ab indigenis Cascuji dicitur, nigri porci specie, pilosum, durissimo corio, exiguis oculis, auribus patulis, ungulis fissis, brevi promuscide munitum, ut Elephas, barritu adeò terribili, ut homines obsurdescere faciat, cæterum carne ad edendum suavi.

Petrus Gassendus in vitâ Peireskii lib. 4. p. m. 156. refert, Peireskium non modò omnium Elephantum partium dimensiones excipi jussisse, sed etiam cum animal foret postea deducendum Aquas Sextias, demandasse fratri, itemque Viris industriis Johanni Lombardo & Josepho Sucheto, ut explorarent ipsius pondus: itaque ipsi rem peregerunt confectâ balance ex trabe debite suffultâ, idoneisque funibus illigatis & machinæ lignæ, qua animal sustentabatur, & lignæ cupæ, quæ pondera, (tormentarios nempe globos,) continebat: hoc modo exploratum est comprobatumque, Elephantem pendere libras provinciales quater mille & quingentas, hoc est, Parisienses proximè ter mille quingentas, & Romanas duodecim unciarum quinquies mille proximè.

Eleganter atque accuratè secundum omnes dimensiones Elephantum Constantinopoli à se visum describit

scribit Petrus Gillius Albiensis; cuius verba heic inferere operæ pretium duxi: duo, inquit, Elephanti hodie visuntur Constantinopoli, quorum maiorem ita mensus sum: ejus perimeter transiens per mediū ventrem & dorsum, est 15. pedum & semipedis: ejus altitudo est decem pedum & dodrantis: longitudo ab oculo ad extremum tergum undecim pedum & dodrantis unius: ab oculo usque ad extremam promuscidem octo pedes, ab oculo ad summam frontem duo pedes & semipes: frons lata tres pedes: proboscis ab ore ad extremum longa sex pedes, & tres digitos: summa promuscis habet perimetrum, quatuor pedum & semipedis: auris longa duos pedes & semipedem: tantundem lata est: Crus procerum quinque pedes & duos digitos: cruris summi perimeter est quinque pedum & semipedis: medii cruris ambitus trium pedum & decem digitorum: imi cruris supra pedem perimeter trium pedum & trium digitorum.

Pes est rotundus, cujus perimeter est aliquot pedum; pes habet quinque ungues leviter discretos, quorum quatuor ampli, singuli decem digitos, alti septem digitos; cruris posterioris summi perimeter quinque pedum, septem digitorum; imi trium pedum & semipedis; cauda alta aliquot pedes, cujus summæ perimeter cubitalis; mediæ pedalis; imæ caudæ ambitus ferè semipedalis; Colli perimeter undecim pedum, quatuor digitorum est; ipsum

collum longum duos pedes & dodrantem; tibiæ interiores distant à posterioribus quatuor pedes; dentis (potius cornu) perimeter unius pedis & quinque digitorum.

Elephantus glaber est: excipio caudam extremam, ubi pauci pili, & mentum, ubi rari pili; cute est durâ & rugosâ, discursus rugarum est cancellatus, & velut reticulatus; altior est non modò cruribus anterioribus, sed parte dorsi anteriori, quam posteriori. Tibias habet teretes, sed anteriores teretiores & rotundiores, & ferè æquali crassitudine; pedes rotundi sunt, & planta pedis plana. Promuscidem sursum, deorsum, ante, post, obliquè flectit & porrigit, incurvat, contrahit; modò implicat in cornua & intorquet variis spiris; nunc eam porrigit rectam, nunc obliquam retorquet, modò infra alvum inter tibiae jaculatur tenentem herbarum manipulum ad abigendas muscas, modò fabulum & pulverem colligit, deinde promuscide erecta spargit supra dorsum ad muscas depellendas; depascitur herbas, promuscide curvata eas decerpens: (sic enim promuscidem extendit & contrahit, ut homo manum) neque solum decerpit herbas, sed decerptas in manipulum contrahit, ut eas facilius in os injicere possit; postquam enim herbas collegit, promuscide eas huc illuc versat, quoad herbas longas contraxit in manipulum, has postmodum ori beneficio promuscidis inge-

ingerit, deinde os movet, ut dentibus interioribus mandat.

Collum non incurvat ad pascendum, sed extento collo & tam eminenti, quam dorsum eminet: pastum capit promuscide, qua etiam bibit, ita ut intra nares aquam sugendo attrahat: deinde intra os abdit promuscidis plenæ partem longiorem duobus pedibus, quo minus aquæ decadat. Pastor Elephantorum sive fœnum sive frumentum det, utrumque contrahit in manipulos rotundos: frumentum quidem involvit in manipulum fœni rotundum, longum circiter dodrantem, latum ferè tantundem: eos sive manipulos, sive potius globos frumenti circumplicatos fœno projicit Pastor in terram ante Elephantum, quos hic comprehendens ori indit.

Adverti id, quod Aristoteles ante me (pergit Gillius) adverterat, crura posteriora flectere more hominis in anteriorem partem, contra quam equus & bos, qui flectunt in posteriorem. Hactenus P. Gillius.

Communiter altitudo Elephanti ad decem & ultra; latitudo ad quinque pedes se extendit: Elephas decennis Anno 1629. Noribergæ & Francofurti visus decem pedes altus fuit: Elephanti à Clarissimo Sturmio Noribergæ visi altitudo fuit medii dorsi supra terræ planitiem novem pedum, ut à justæ staturæ homine exerto brachio summitas attingi haut posset: longitudo à pectore ad caudæ radicem undecim ferme

pedum, ambitus totius corporis tredecim pedum fuit.

Goropius Becanus apud Aldrovandum accuratè dimensus est Elephantum 8. annorum Antwerpiz à se visum, cujus altitudinem octo pedum reperit. In sceleto Hybernico A. Moulini longitudo ossis innominati est 25. femoris 28. & tibiæ 19. digitorum, qui simul efficiunt 72. digitos sive 6. pedes: his si addantur 2. pedes pro explendo spatium, quod plantæ pedum, curvatura dorsi, cartilagine, caro denique & cutis requirunt, colligi inde potest istius Elephanti octopedalis altitudo. Julius Cæsar Scaliger exerc. 204. duplo majorem in medium affert Elephanti altitudinem, ex Indicarum navigationum Scriptoribus referens, Elephantos dari, qui sedecim pedum excedunt proceritatem, cujus rei fides sit apud Authorem. Adhuc majorem in Scenam producit Jacobus Saar in itinertorio suo scribens, in Insula Ceylon se vidisse Elephantum plus quam 19. pedum altitudine conspicuum, quod tamen omnem ferè fidem superare videtur.

Elephas Anno 1668. à Rege Lusitaniz ad Regem Christianissimum missus tum erat quadrimus: intra 13. annorum spatium uno duntaxat pede excrevit: altus fuit 7. pedes cum semisse, ejusdemque longitudinis. Vid J. B. du Hamel hist. Soc. Reg. scient. l. 2. sect. 9. cap. 1.

Temperamentum Elephantum contigit optimum; siquidem secundum

dum Avicennam DEUS cuique animali concessit ex complexione, quod meretur, quodque ejus actionibus & dispositionibus melius convenit. Nonnulli, inter quos Garcias, melancholicum illi assignant temperamentum: nam noctu inter dormiendum ob horribilia insomnia valde terretur, adeo ut illius Rector illi propterea insidere, eumque cum minis à somno arcere cogatur. Verum enim verò tam nobiles actiones, quas hoc animal edit, à sanguine melancholico, crasso, impuro ac frigido, qui animum obfuscet, non dependere, sed nobiliorem crasin arguere videntur: effectus quippe testatur de sua causa: nam si solum hominem exceperis, nullum datur animal, quod actionum præstantia cum Elephanto possit comparari: id quod ex admirandis ipsius dotibus, quæ inferius describentur, manifestum evadet.

A quo vero temperamento tales proveniant actiones, inter Authores controversatur: Aristoteles probl. 1. 1. in peculiari quadam humoris melancholici *diabroes* sapientiæ causam ponit: idem l. 2. de part. an. c. 4. sanguinem frigidum & siccum laudat: Galenus verò ad præclaras actiones edendas requirit calidum & siccum temperamentum: nec destituitur rationibus. Non aberrare videntur à janua, qui

Archæum benè constitutum Præfidentem, curatorem & Rectorem internum finium cum Helmontio, tractat. Archæus Faber §. 6. & 7. statuunt: huic in omnibus mistis vis agendi primaria semper attribuitur, quo scilicet aurigante omnes laudabiles corporis & mentis functiones perficiuntur: huc facit etiam spirituum & sanguinis puritas: optimæ indolis secundum Aristotelem libro 2. part. an. cap. 2. sunt animalia, quæ calidum, tenue, defæcatum & sincerum sanguinem habent: quippe quæ virtutibus corporis atque ingenio plurimum valent: hinc benè idem l. 2. part. an. cap. 4. scribit: Non frigiditas sanguinis sapientia facit animalia, sed tenuitas & puritas.

Non malè itaque temperamentum calidum & siccum Elephanto assignatur, ob insignes hujus temperamenti effectus: quoniam id prudentes, industrios, audaces, voraces & vigiles efficit, cutem insuper duram & fuscam, corpusque robustum & solidum: quæ omnia in Elephanto deprehendere licet: quo accedit & illud, quod loca incolit calida & sicca, frigorisque est impatientissimus: animantium enim naturæ cum locis aut Regionibus in quibus degunt, ut plurimum conveniunt, potissimè propter similem temperaturam.

PARTIS I. CAPUT 2.

anti Nomen, Etymologiam, Homonymiam,
causam finalem ulterioremque descriptionem
producit.

Cum à vocis usu sæpenumero
provehamur ad rei perceptio-
nem, secundum J. C. Scaligerum
exerc. i. resque vocibus significen-
tur, & per voces cognoscendæ of-
ferantur, non abs re erit, ut eò
magis methodicè procedamus, no-
minis Elephantini, ejusque etymo-
logiæ & reliquorum, quæ hûc per-
tinent, habere rationem. *Ελέφας* vo-
cabulum Græcum, sed latinâ civi-
tate donatum est: Ciceroni Ele-
phantus dicitur: fortassis descendit
à Græco vocabulo *ε λόφος*, quod
montem significat, siquidem instar
montis alto eminet vertice. Ele-
phantus est à Genitivo Elephantis:
nam sæpè ab obliquo novi veniunt
recti: Sic à Titan est Titanus: ab
hebdomas hedomada, &c. Vid.
Gerh. Joh. Vossii etymologicon
pag. 191.

Nomen suum traxisse videtur ab
Hebræo *דָּוִד* quod significat, didi-
cit, studuit: idque ob insignem hujus
animalis docilitatem: sunt qui ab
דָּוִד, quod Ductorem, Principem,
Ducem, Dominum significat, deri-
vant. Sunt, qui exponunt magnus
aut major: quibus adstipulatur Thar-

gum Jonathan: *וְהָיָה דָּוִד* & erit
sicut Dux: denotat etiam bovem,
cui aliqua corporis figuratione est
similis: dantur, qui ab *דָּוִד* dedu-
cunt, i. e. mille, per quod res non-
nunquam intenditur, & quod se-
cundum Martinium in Lexico pro
multis aliquando dicitur: quem-
admodum dicitur *μυριοτεχνίτης*, i. e.
mille Artifex.

Romanis olim Elephas bos Lucas
seu Lucanus quasi bos Luci, dice-
batur, quia boves in Lucaniâ, Italiæ
Regione inter Apuliam & Cala-
briam sitâ, nati grandiores erant:
pravè olim appellatus fuit Vocluda
& Voluca pro Vos Luca; Vos,
i. e. bos, quæ mutatio passim in
Philoxeni glossis occurrit. Italia
autem annò urbis conditæ 472. in
Lucanis primum Elephantum in
bello Epirotico vidit; unde bos
Luca dictus fuit. Vid. Plin. Solin.
& Gefner. de Elephanto. Non
enim prisca simplicitas majora suis
bobus dari in Orbe terrarum jumen-
ta putabat, ut scribit Turnebus l. 13.
cap. 9. igitur Romani stivam &
agrum suum adhuc olentes, cum
peregrina adveherentur, nomen illis

non suum, sed obvium aliquod & ex vicinô rure dabant: ita Pantheras nominarunt mures Africanos, Leones Urso Numidicos, de quô vid. Lipf. el. l. 2. c. 4. Sic Pausanias l. 5. & 9. Rhinocerotâ Taurum Æthiopicum vocat. Sic Romani olim Camelopardulum vocarunt ovem feram, Struthionem passerem marinum. Vide Taubmanni commentar. in Plauti Pœnulum p. m. 910. Sic in aliis linguis sæpè variant nomina, quin imò eadem nomina aliis animalibus attributa sunt; id quod fortè ex confusione linguarum Babylonicâ ortum duxisse putabat olim Vir Illustris Jobus Ludolphus b. m. e. gr. כלב, Kelb, Hebræis, Arabibus & Æthiopibus est Canis: Germanis, ein Kalb. עגל, Egel, Hebræis vitulus, Germanis ein Jgel. להם, lahm, Æthiop. bos, Germanis, Hamm.

De bove Luca canit Oppianus l. 2.

Verum inter cornuta boves animalia Lucæ
Sunt quoque: vulgus eos solet appellare
Elephantos:

& Lucretius lib. 5.

Inde boves Lucas turritô corpore tetros
Anguimânos belli docuerunt vulnera Pœni
Sufferre & magnas Martis turbare catervas.

Ennius Poëta vetustissimus rem impossibilem expressurus dicere solitus fuit: Prius pariet Locusta Lucam bovem, i. e. Elephantum; & Lactantius Firmianus libr. de Opif. DEI. c. 3. scribit: potestne igitur aliquis, cum videat, etiam boves Lucas cum immanissimis corporibus servire homini, queri de Opifice DEO?

Seneca in Hippolyto hæc habet: amat insani bellua Ponti, Lucique boves, id est, sylvestres, quia Lucus sylva est: ut sensus sit, maximas etiam belluas tum in mari, ut Cete: tum in terrâ, ut Elefantos, quasi à luco Lucas dictos amore vinci. Varro à luce sic dictos putat, eò quod longè relucere Elephanti propter inauratos Regios clypeos, quibus eorum tunc ornatae erant turre. Pyrrhus enim, Plutarchô referente, geminâ legatione sollicitatus à Tarentinis, Lucanis & Apulis, præmisit Cineam Oratorem & Milonem Ducem in Italiam cum viginti Elephantis & magno exercitu: eò annô, nimirum ab U. C. 472. Elephantis primâ vice in Italiâ in acie steterunt: quibus conspectis Romani magnô terrore perculsi & terga vertere coacti sunt, præsertim cum animalia esse non crederent. Vid. Pausaniæ Attic. lib. 1. p. m. 14. Post prælium infelicitè commissum Romani victi pacem à Pyrrho Victore per Legatos petebant: inter illos erat Cajus Fabricius, Vir corporis & animi dotibus insignis, rerumque bellicarum peritissimus: hunc Rex omnibus modis ad suas partes trahere studebat, magnâ pecuniæ vi propositâ, si Patriam relinquere, & Regi servire vellet: incassum omnia; postero die Rex C. Fabricio terrorem incussurus ipsum ad colloquium vocat, Elephantô post aulam collocatô; quô inter medios sermones semotô prægrandis Elephas exsertam proboscidem super

super Legati capit levabat, horrendo simul edito barritu; conversus Fabricius subridens dicebat: quemadmodum heri aurum Regium me movere non potuit, ita hodie vasta hæc bellua mentem meam non mutabit; Rex valdoperè admiratus constantiam Viri quartam sui Regni partem ipsi offerebat, ut sui voti fieret compos; at surdo narrabatur fabula. Vid. Flor. hist. Ritter. n. 30. Theatr. vit. human. lib. 14. Prudent. pag. 813. ex Plutarcho in Pyrrh. p. 327. 328.

At semel tantum Pyrrho feliciter cessit hoc stratagema & Elephantorum ope parta Victoria: nam in prælio in Apulia cum Romanis commisso exoleverat belluarum terror: ubi C. Minutius unius Elephanti proboscide gladio abscissa mori posse belluas ostendebat; videntes hoc Romani jaculis atque hastis Elephantos eorumque ligneas turres igne injecto impetebant, hinc turbato ordine bestiarum in suos conversarum magnam stragem ediderunt: sic in tertio prælio in Lucania sub Aurufinis campis commisso unus junior Elephas in capite vulneratus, horrendum clamans atque hinc inde per ordines suorum discurrens victoriam peperit Romanis, qui postmodum in diversis à Pœnis reportatis Victoriis Elephantis plurimis potiti sunt: Sic annò ab U. C. 502. L. Cæcilius Metellus Asdrubalem in Siciliâ vicit, eique, ut Plinius refert, CXXXII. Elephantos ademit, qui Romæ in triumpho ducti sunt:

quin etiam in Africâ triumpho ad currum Pompeji magni juncti fuerunt; de quibus infra plura dicentur.

Alexander Magnus inter Europæ Reges fractâ jam Pori & Indorum potentiâ primus Elephantos habuit, sed illis raro usus est; post hujus mortem tum alii Reges, tum Antigonus habuit plurimos: Pyrrhus in pugna adversus Demetrium commissa belluas has cepit; Hannibal in Africa, Rex Antiochus in Oriente, Jugurtha in Numidiâ copiosos Elephantos habuerunt: Africæ pars Europæ proxima aluit ab omni ævò: in Græcia ante Alexandrum Magnū nulli visi sunt. Hæc ἐν παροῖς.

Ut ad Etymologiam Elephantī, quatenus bos Lucas appellatur, redeam, memini Baronium ad an. 58. in eâ esse opinione, mystici aliquid in eo esse, quod Romani sic appellarint bovem Lucam: nempe, quia Evangelistæ Lucæ typicè soleat appingi bos, ut symbolum sit sacerdotii; quæ tamen opinio Gerh. Joh. Vossio in etymologico p. 295. non arridet: putat enim non aliâ de causâ Romanos sic vocasse Elephantum, quam quia animal id nondum nossent, at ubi notum, Elephantum non bovem Lucam dixisse.

A nonnullis vocatur bellua καὶ ἰζοχῆν: Hesychio & Varrino Elephas πηλίσσας dicitur. Vid. J. Jonston. Hist. nat. lib. 1. c. 5. p. 30. Ab Ovidio 4. Trist. 5. vocatur bellua Inda: quemadmodum ab Oppiano σὺν ἰνδοῖς. Halieutic. 5. Sic etiam Hyænar καὶ ἰζοχῆν bellarum dicuntur, Plinius
B 2 Ele-

Elephantos vocat Heroës animalium lib. 8. c. 6. eâdem ratione generali & simpliciter Elephas vocatur bestia i. Maccab. c. 6. v. 36. 37. & c. ii. v. 56. ut & à Cicerone lib. 9. ep. 6. ubi de Pompeji militibus scribit, quod confugerint ad auxilium bestiarum, per quas metonymicè Regis Mauritaniæ Jubæ Elephantos intelligit.

Ἀνομόμαστον in sacris Pandeëtis nonnullis videtur hoc animal; verum enimverò Hebræi tria habent Elephanti nomina, **אֵלֶּפְתָּה** פִּיל בְּהֵמָה. Prius non legitur, nisi in voce composita, i. Reg. 10. 22. ut & rarò secundum: tertium verò, ejus singularis est **בְּהֵמָה** (à **בֵּהָמָה**, i. e. animal, quod generale nomen sub utroque genere utrumque comprehendit sexum,) id est, bestia, pecus, jumentum, *συνοδοχινῶς* & consultò in plurali ponitur ad denotandam Elephanti magnitudinem longè amplissimam verèque suspi-ciendam, quasi belluarum multarum instar sit, à Julio Cæsare Scaligero bestiarum Heros ob id cognominatus. Vid. D. Salom. Glassii Philologiam sacram lib. 3. tract. 1. Canon. 24. p. 88. & Matth. Martini Lexic. Philologic. Datâ operâ ponitur pluralis **בְּהֵמָה** à Spiritu Sancto, magnitudinem hujus animalis hôc ipso adumbraturo: quemadmodum Proverb. 1. v. 20. Sapientiarum fit mentio, ad exprimendam more sanctæ Linguae summam & immen-

sam Sapientiam: Sic unus DEUS **אֱלֹהִים**, Elohim, id est, Dii plurali voce appellatur, & Rex Ægypti Genes. 40. adonim, id est Domini dicitur: qualis loquendi ratio habetur Psalm. 73. v. 22. ubi Regius Vates dicit se fuisse apud DEUM **בְּהֵמָה**, i. e. ingentem bestiam, imò instar multarum bestiarum, quasi plura animalia in unum compacta sint. Vid. proëm. pag. 2.

Rabbi Moyse **בְּהֵמָה** dicit esse generale vocabulum omnium jumentorum, quemadmodum Leviathan sit commune nomen omnium ingentium piscium: Rabbi Abraham autem putat, quod sit mirabile animal ita appellatum: Thalmudicæ fabulæ nugantur, intelligi bovem illum prægrandem, cujus supra in proëmio facta est mentio, quem Judæi somniant quotidie depascere mille montium gramina quavis nocte renascentia: quod si non contegerit, vix suffectura pro ipsius alimento totius mundi gramina: hunc in principio Creatorem fecisse geminum garriunt, marem videlicet & fæminam, marem autem paulo post à DEO castratum & fæminam occisam esse, ne scilicet multiplicati toti mundo essent oneri: superstitem verò bovem per tot secula probè saginatum cum Leviathano stupendæ magnitudinis pisce, & ave Barjuchne dictâ, tam magna ova excludente, ut unicum etiam è nido decidens, si diffringatur, integra

tegra oppida, pagos, villas diluvii instar inundatione liquoris sui absorbere possit, & cum vino de Gan Eden seu Paradiso, (quod ibi reconditum servetur ab initio mundi,) fructibus item ac delitiis aliis paradisiacis mensis apponendum tunc credunt, quando Messias Judaicus suos magnificò excipiet convivio, quod tamen præcedet horribile huius bovis cum Leviathano prægrandi illo Cete certamen in spectaculo exhibendum, vincente tamen & utrumque gladio evaginato perimente Messia: qua de re videsis plura differentem Dionysium Lutzenburgensem in Messiâ Judaicò cap. 7. p. 460. & seqq.

Per vocem **פִּהֲפֹת** Hippopotanum, non Elephantum apud Hio-
bum loco supra citato denotari tradit Sam. Bochartus in Hierozoicò l. 2. cap. 23. ubi probare vult, non pluralis, sed singularis numeri esse, an assensum mereatur, æquus Lector judicet.

Ab Hebræis Elephas etiam dicitur **שֵׁנְהַבִּים** Senhabim, per quam vocem dentem Elephanti intelligi, multi, inter quos etiam Hieronymus & alii existimant: aliter autem sentit Bochartus in Hierozoic. l. 2. c. 23. ubi ipsum Elephantum hac voce synechdochicè notari vult. Senhabim, inquit, est vox composita ex **שֵׁן**, sen, id est, dens: **הַבִּים**, habim verò quid sit, non liquet, & quid significet, doctissimos hactenus latuit: cum itaque Hebræi

prisci Elephantem vocaverint **קַהָבִים**, Kahabim, suspicatur pro **שֵׁן קַהָבִים** Sen Kahabim, mediâ syllabâ elisa, quod passim compendii causa fieri solet, Senhabim per abusum fuisse usurpatum. Cum itaque de classe Salomonis dicatur 1. Reg. 10. quod advexerit aurum, argentum, simias, pavones & Senhabim, potius Elephantos, quam ebur seu vulgo dictos Elephanti dentes per Senhabim denotari putat, quod etiam vult Syrus & Arabs: malè enim cohærere, cum sermo sit de animalibus, pavonibus videlicet & similibus, arbitratur, nullamque apparere rationem, si per senhabim aliquis ebur, non autem ipsum Elephantum intelligat.

Garzias ab Horto, Pro-Regis Indiarum Medicus, qui per triginta annos praxin Medicam apud Indos exercuit, in historia aromatum l. 1. p. m. 52. Elephantum pluribus exoticis insignit nominibus, verba ejus hæc sunt: appellatur Arabibus Elephantus Fil (ipse verò dens Cenafil, quod dens Elephanti est,) in Guzarate & Decan, Ati; in Malavar, Ane; in Canara, Acete: Æthiopibus Ytembo; in Oriente passim Phil dicitur, unde Sendephil, dens Elephantis, pro quo legitur Senhabim. Vid. J. C. Dieterici antiquitat. Bibl. p. 443.

Græcum vocabulum esse Isidorus l. 12. putat, cui multi subscribunt: Gregorius Francus & Samuel Bochartus deducunt vocabulum **ἐλέφας** à verbo Græco **ἀλφειν**, quod signi-

significat invenire, excogitare, discere; originem ducere videtur hoc vocabulum ab Hebraico מלח, quod in Kal est discere, in Piel vero docere: Est enim animal valde argutum & docile. D. Caspar. Horn. in discursu de Elephanto nomen à voce λόφος deducit, quæ collem seu montem significat, quem Elephas vastitate sui corporis æquare videtur, cui adstipulatur Isidorus apud Vincentium Bellunensem, ut & Oppianus:

- - - - - Conspecto quippe Elephanto
Jures illum altis incedere montibus
æquum.

Schindlerus vult, ex Alphil Arabico, (quod est Phil cum articulo) factum Græcum vocabulum ἐλέφας.

Indis à voce, quam edit Elephas, Barrum dici, Isidorus author est, quod tamen Garzias ab Horto non admittit locò citatò: Sabinorum lingua Barrus, forsan non ineptè à Græco βάρος dicitur: quod patet ex Sidonio carmine 23. ita canente:

Non, si quas eboris trabes refractis
Rostris Marmarici dedere Barri.

Apud Horatium exstat hæc vox epod. 12.

Quid tibi vis mulier nigris dignissima
Barris?

id est, Elephantis Indicis probè mentulatis, per quos intelligit Flaccus valentissimos amatores, & strenuos in bello Veneris bellatores; itaque non ineptè derivari videtur hoc vocabulum à βάρος, pondus, onus: vel βαρύς, ponderosus seu gravis, propter molem & gravitatem corporis Elephantini.

Sonus, quem Barri edunt, Barritus dicitur, à barriendo, quod illis proprium est, quem sonum prima refert syllaba: sic incertus author canit in Philomelâ:

Et Barrus barrit, Cervi glocitant &
Onagri:

quamvis barritus etiam clamorem significet, qui attollitur, cum utraque acies sese junxit, quâ de re videatur Vegetius lib. 3. de re militari, cap. 18. Olim enim imminente jam conflictu Romani sublatâ voce militum animos accendentes non minimum hoc ipso injiciebant hostibus terrorem, qui clamor barritus dicebatur; de quò Ammianus l. 21. hæc habet: Gesturientes barritum ciere vel maximum, qui clamor ipso fervore certaminum à tenui susurrò exoriens, paulatimque adolefcens extollitur ritu fluctuum cautibus illis. Vid. Lips. de militiâ Romana lib. 4. dialog. 11. cui placet barritum deducere à verbo Germanico, quamvis jam minus usitatò beren oder barren/ id est, clamare, vocem tollere, quod probat Cluverius, & ex hac disciplina Germanorum & rem & ipsum vocabulum mutuatos Romanos lib. 1. antiq. German. cap. 51. censet: idem facere hodie Novi Orbis gentes constat: id quod etiam adhuc Turcis, imò nonnullis Europæ populis in bello usitatum est; imò ejusmodi barritu, seu ut cum Corvino alii legunt, barditu olim Germani sese mutuò ad fortiter pugnandum atque audaciam animabant, futuraque

raque pugnae fortunam ipso cantu augurabantur, ut scribit Cornel. Tacitus de moribus Germanorum; interdum tamen usuvenire solet, ut vasa vacua quam maximè tinniant: à barro ebur dici, quasi è barro, arbitratur Servius: Græcis barritus vocatur *τερισμός*, stridor apud Livium, Plinium & Ammianum.

Apud Pœnos olim Elephas vocabatur Cæsar, quod secundum linguam Punicam idem est, quod præsidium & tutamen Legionum: id quod evincunt nonnullæ antiquissimæ illorum monetæ, in quibus conspicitur cusus Elephas cum epigraphe: Cæsar, unde Cajus Julius Cæsar cognominatus esse fertur: quâ de re Matthæus Dresserus in *Isagog. Historic. part. 1. millenar. IV. p. m. 431.* ita scribit: Cajus Julius Cæsar natus annò mundi 3872. ex gente Juliâ & Cæsarum familia, non a cæso matris utero dictus, alioquin Cæso rectius diceretur; neque à Cæsarie, sed a cæsò Elephanto, qui Punica lingua Cæsar nominatur: quamobrem etiam Elephantum in nummis suis signavit, & primus Cæsaris usurpavit nomen: hinc etiam nomen traxit Mauritania Cæsariensis, a qua etiam Elephanti ibi nati dicti sunt Cæsares.

Huic asserto suum addit calculum Casaubonus comment. in Sueton. p. 4. quamvis in notis ad Spartian. non a Pœnis, sed a Mauris Elephantum Cæsarem dici existimet: nam, inquit, Punicam linguam traducem fuisse ac propagi-

nem linguæ Hebraicæ certissimum est: Hebræis autem *כֵּל* dicitur, non Cæsar, quamvis non exstet in sacris literis ea vox: omnes sanè, qui vel Hebraicè locuti sunt, vel quavis alia vicinarum linguarum, quæ ex illa principe fluxerunt, *כֵּל* Elephantum nominant, Arabes quoque: Græcorum etiam & Latinorum appellatio inde est: nam *ἐλέφας* literis transpositis dixerunt pro *ἐφέλας* vel *ἀφέλας*, *לֵפִיד*. Haëtenus Casaubonus.

Cæterum vox Elephas non tantum animali, verum etiam aliis pluribus rebus improprie attribuitur: sic ipsum ebur a Gloss. Cyr. *ἐλέφας τὸ ὄσεν*, & secundum Gloss. Philox. *ἐλέφας ἔ τὸ ζῶον, ἀλλ' ἢ ἐκ τῆ ὀδόντος ὕλη* vocatur: à Theocrito ed. 15. candidum ebur *λευκὸς ἐλέφας* nominatur: hinc Virgil. *Æneid. v. 464.* ita canit:

Dona dehinc auro gravia, sectòque Elephantò;

Et libro 3. Georgicor.

In foribus pugnam ex auro, solidoque Elephantò

Gangaridum faciam, Victorisque arma Quirini.

Strabo l. 16. mentionem facit celsissimi cujusdam montis in Æthiopia, qui Elephas vocetur, cujus cacumen quàm longissimè videatur à navigantibus in mari, de quo etiam vid. Wolffgang. Hildebrandi *Mag. natural. l. 4. p. 15.* a quo ejusque accolis forte nomen traxisse Salmasius putat Elephantum: Castaldò teste mons hic est sub Ægypto, apud

apud Sinum Avalitem: est & Elephus mons Asiæ contra Lesbum Insulam qui & Elatus dicitur, ubi Alcibiades obiit, & Cervæ aurem scissam habent. Vid. Philipp. Ferrarii Lexicon Geographic. Mons fluvio Hydaspi conterminus fuit dictus Elephas ob sequentem causam: Alexandro M. cum exercitu Indiam invadente, visum fuit incolis, armis Regi occurrendum esse: Pori vero illarum terrarum Regis Elephas, quô vehebatur, repente æstrô percitus tumulum solis conscendit, ibique humana voce usus, Domine Rex, inquit, qui genus ab Gegasio ducis, nihil contra Alexandrum moliare; est enim Jove natus; & cum dictô occubuit; quô audito Porus trepidus ad Alexandri genua accidit, pacemque oravit, qua potius montem a belua Elephantem appellavit. Raderus citante Freinshemio in commentar. in Curt.

Modo citatus Strabo ad oras Ægypti & Æthiopiarum urbem Elephantiam seu Elephantinam dictam memorat: Elephantine Thebaidis oppidum est, ubi nulli arbori nec vitibus decidunt folia. Plinius l. 16. 21. Idem mentionem facit Insulæ Nili ita dictæ, ubi Æthiopiarum naves conveniunt. Confer. Herodot. Euterp. l. 2. 3. qui urbem hanc incolentes & ex Nilo flumine potantes Ægyptios esse scribit: celebrem lapidicinam ibi fuisse idem refert lib. 3. Thaliam. A Thebis ad hanc urbem octingenta viginti fuisse stadia refert idem. Elephantinæ & Me-

roës urbium Æthiopicarum meminit Ammianus Marcellinus lib. 22. p. m. 245.

Evagrius Scholasticus lib. 1. c. 7. meminit Elephantinæ Regionis cujusdam sitæ ad extremam oram Provinciæ Thebaidis, in quam Nestorius ex Panopoli per milites barbaros abductus sit. Elephantinæ cujusdam Urbis meminit Procopius l. 1. de bello Persico circa mare rubrum sitæ, in quâ Blemyes & Nobatæ populi habitant: esse in Nilo Insulam Elephantidem dictam infra novissimum cataraçten, tria M. pass. & supra Syenen xvj. M. navigationis Ægyptiæ finem, ubi Æthiopiarum naves conveniunt, quas plicatiles humeris transferunt, quoties ad Cataraçtas ventum, scribit Plinius lib. 5. cap. 9. Ptolomæus Elephantidis seu Elephantinæ Insulæ intra Nilum fluvium sitæ meminit cum urbe ita dictâ, quæ & Tabenna nominatur: videri hæc puteum inclusum saxo scribit Strabo lib. 17. in quo Nili incrementa solent incidi. Sunt & Elephantini populi Apuliæ: Elwangam Civitatem Germaniæ in Suevia Regione ad fluvium Jaxium sitam, cujus Dominus est Princeps Imperii, Elephanciacum vocat Guil. Eifengreinius centenar. 1. part. 5. distinct. 1. in quam exuvias S. Fl. Domicillæ Martyris translatas memorat.

Est & Elephantis secundum Robertum Stephanum in dictionario Nominum propriorum & alios plures Viri Poëtæ, ut & secundum nonnullos fæminæ Poëtriæ nomen,
de

de quâ Martialis epigrammat. l. 12. ep. 43. ad Sabellum ita scribit:

Facundos mihi de libidinosis
Legisti nimium, Sabelle versus:
Quales nec Didymi sciunt puellâ.
Nec molles Elephantidos libelli:

quamvis crediderim, Martialem hęc non tam de Poëtâ, quam de Poëtriâ famosissimâ scilicet illâ meretrice Elephantide loqui, quæ ad exemplum Aftyanaissæ, Helenæ famulæ in Venereâ palæstrâ probè exercitatæ cum Philenide ejusdem commatis prostibulo obscænos de variis concubitus generibus libros non minus accurate, quam turpiter scripsisse fertur: quorum fit mentio non solum apud Martialem, itemque in Priapejis, sed & apud Suetonium in Tiber. cap. 43. ubi de Tiberio legimus, quod cubacula plurifariam disposita tabellis lascivissimarum picturarum & figurarum adornaverit, librisque Elephantidis instruxerit. Hujus lascivissimæ mulieris meminit Tatianus Assyrius in libro adversus gentes, item Suidas & Plinius. Hęc de Cosmeticis seu illis rebus, quæ ad ornatum pertinent, scripsit secundum Galenum lib. 1. pharmacor. local. cap. 1. qui ab hac Elephantide Emplastrum Elephantinum à Corneliô Celsô lib. 5. cap. 19. descriptum fuisse inventum existimat. Vid. Nicol. Leon. Thomæum de variâ histor. lib. 3. p. m. 293. A. Tiraquell. de Nobilitate cap. 31. pag. 409.

Elephantidis Medici cujusdam meminit Galenus Tom. 3. lib. 1. de

compos. Pharmacor. secund. loca c. 10. ubi sequentia verba leguntur: Scripta sunt & alia multa apud Asclepiadem & Heraclidem Tarentinum, Elephantidemque ac Moschionem de ornatu.

Est & Elephantias serpentis genus: de quô Isidor. lib. 12. cap. 4. scribit, quod is, quem momorderit, Elephantias statim corripitur: V. Eliota Anglus. De Elephantio Gammaro videri potest Phosphorus noster Sachsus, beatæ memoriæ, in gammarologia p. m. 86. Apud Plinium histor. nat. l. 9. c. 5. & lib. 32. c. 11. piscem marinum invenire licet, qui Elephas vocatur, de quo Nicolaus Perottus refert, quod sit belua maris ingens in freto Caditano, candidam proboscidem habens: fortassis ejusdem speciei piscis, cujus Benzo in histor. Nov. Orb. l. 2. c. 14. meminit, quod scilicet in Hispaniola reperiatur, Lutræ similis, sed 35. pedes longus, 12. crassus, capite & caudâ bovem referens, exiguis oculis, pelle durâ & pilosâ, coloris Veneti, pedes duos Elephantinos habens, catulos geminô ubere lactans: hunc piscem Hispani nominant Manatum, quod pinnae ad caput & veluti binas manus habeat.

In mari erythræo dari piscem, qui ab Arabibus Elephas marinus indigitetur, & dentibus extra os prominentibus, ut & tergore Elephantinô insignis sit, refert. P. Gillius Albienfis, dicitque, se ejusmodi multa tergora vidisse, quæ Mercatores

tores Raithini vendere solent agrestibus Arabibus & Monachis montis Sinæi ad soleas calceorum validissima, & diu durabilia, si illis utantur in siccis locis, nam madefacta citius consumuntur: addit, se ex his unum vidisse, eâ magnitudine, quâ tergus exsistit bubulum, crassitudine digitali, colore fusco, atque emisse dentes pedalis longitudinis singulos, ambitu sex digitos complectentes.

De ejusmodi pisce J. C. Scaliger exerc. 218. 4. scribit sequentia: Est Mors piscis ad litora populorum, qui Samogithii appellantur, ad Oceanum septentrionalem, in quem se exonerat Duvina fluvius illustris: bestię bovis magnitudo: crura breviora, qualia & fibris: pectus ceteris membris & latius & elatius: dentes geminos & exsertos grandes habet affines ebori candore: è quibus tum gladiatorum capulos, tum alia opera faciunt: addunt, ob pondus ensibus manubria quæri, præsertim in Moscovia, ut vult Robertus Constantinus in supplement. Lat. Lingux: majores enim ex eâ gravitate ictus infligi: pretium appensæ materiæ ut ebori. Somnum capturus hic piscis in terram exit, excelsa loca eligit, neque unquam nisi gregatim: quum sese teneri sciat sopore profundissimò, custodem vigilem more gruum statuit: qui si oppressus somnò à Venatoribus capiatur, universus grex in prædam cedit: quod si custos per-vigil mugitu sonum dederit, ex-

templò cuncti posterioribus pedibus ad dentes applicatis tanquam vehiculo pre declive in subiectum mare lubricò lapsu ruunt: sæpenu-merò super grandissimis crustis glaciatis, quæ in mari feruntur, capiunt quietem: hi cum ad Elephantorum proportionem nonnihil accedant, temerè puto ab aliis scriptum, in eò mari Elephantos esse, qui dentibus per noctem tanquam anchoris ad rupem fundati atque stabiliti somno sese dent.

Elephantus hic seu belua marina, Gallis Rohart, aliis Rosmarus & Morsch dicitur, (ut author est Olaus Magnus l. hist. 21. cap. 28.) magnitudine ac candore dentium Elephantum referens. Plinius l. 9. cap. 5. scribit, sub Tiberiò juxta Lugdunensis Provinciæ litus in Insula simul trecentas & amplius beluas reciprocantem destituisse Oceanum miræ varietatis & magnitudinis, nec pauciores in Santonum litore.

P. Gillius in descript. Elephantip. m. 30. testatur, se compertum habere ex probatæ fidei hominibus, quod in India viderint & comederint Chærelephantos seu porcis aliquò modò similes.

Marinus Astacus supra memoratus maximus ex rubro flavoque livescens nonnullis Elephantus, quibusdam Leo dicitur ob magnitudinem: utrumque Aldrovandus l. 2. cap. 3. histor. exsangv. pro uno habet. Plinius lib. 32. cap. 11 locustarum generis nigri mentionem facit, cum

cum pedibus quaternis bisulcis, brachiis duobus binis articulis singulisque forficulis denticulatis præditis, quos Elephantos vocat. Vid. Phosphori nostri Sachsi b. m. Gammarologiam cap. 5. pag. 86. cap. 17. pag. 309.

Elephas Scriptoribus Francicis pro litui vel tubæ specie crebrò usurpatus dicitur Olifant: & laudatur ab Olao Wormio libro de cornu aureo p. 27. vetus cantilena Islandica Runica, quam sic Latine vertit: Per viginti milliaria Gallica audiebatur sonus Olifanti, dum scutorum expugnator cornu inflavit durissimum. Vid. Caroli du Fresne Glossar.

P. Ammanus in charact. Plantar. pag. 256. mentionem facit plantæ, quæ ab ipso dicitur Elephas maximus Campoelarensum Columnæ, estque Scordium vel Scordio affinis: Baccæ Coculæ (Coculus Körner) Elephantinæ vocantur, quæ secundum Dendrographiam D. Jonstoni proveniunt in Ægypto & Indiâ Orientali, & adhibentur ad pediculos necandos, & capiendos pisces. Vid. Christoph. Wielhevers Beschreibung frembder Materialien.

Elephantinos libros ex ebore magnificis impensis factos fuisse olim apud Romanos, in quibus Senatûs consulta, quæ ad Principes pertinebant, scribebantur, summâ curâ in bibliothecâ Ulpia servatos auctor est Vopiscus in Tacitum. Alexander ab Alexandro l. 4. c. 11. Horum meminit Ulpianus lib. 32. Pand.

eosque Codices eburneos vocat: facti enim erant ex ebore seetili: veram tamen Nominis causam putat esse G. J. Vossius in etymologic. pag. 191. quod illorum membranæ factæ essent ex intestinis Elephantinis. Ridiculum est illorum commentum, qui hos libros ita dictos autumant ab operis amplitudine, quasi Elephantorum proceritas nominis ansam illis dederit. Vid. Hadrian. Jun. in Nomenclatore & Melchior Guilandinus in commentario de papyro: horum fuerunt Numero 35. in quibus tribuum & tribulium continebantur nomina.

Pictorum Coryphæus Apelles ex ebore usto singularem colorem produxit. Elephantinum dictum: eo utentes vocabat ætas illa ἐλεφαντοζο-γράφης: de quo vid. Plutarch. in Penil. Color hic fuit æruginis æmulus, ut vult Franciscus Marius Grapaldus lib. de part. æd. p. 36.

Est & Elephas morbus, de quo Lucretius lib. 6.

Est Elephas morbus, qui propter flumina Nili

Gignitur Ægypto in media, neque præterea usquam:

hunc tamen in aliis etiam Regionibus reperiri, dicitur infra. Vocatur hic morbus Elephantiasis, jumenta etiam corripit secundum Vegetium lib. 1. 19. hoc laborantes Elephantiosos vocat Theod. Prisc. l. 1. 3. Hæc lepræ species, quæ totum corpus maculis, scabie fœdâ & tumoribus squallidum reddit, quatenus est morbus magnus, teter

& terribilis, non immeritò ab Arabibus toti Elephanto; quatenus diuturnus, ipsius longævitati; ob pedum tumorem Elephantinis tibiis; ob asperam rugosam & quasi sulcis scissam cutem corio Elephantis comparatur.

Invenit etiam inter ostenta & monstra locum Elephas: Sic Plinius l. 7. H. N. c. 3. scribit, mulierem quandam Alcippen Elephantum peperisse: infantem cum capite Elephantino vide apud Fortunatum Licetum l. 2. de monstris & apud Plutarchum in Marcello. Calculus ex vesicâ humanâ exsectus figuram Elephantis exprimens, Isenaci olim à me visus. Porcum monstrosum cum Elephantinâ proboscide ære expressum tradit Fredericus Wilhelmus Schmuë in fasciculo admirandor. Natur. De hominibus formam Elephantis referentibus post suffumigia quædam facta vid. Trinum Magicum Cæs. Longini, si meretur pag. 109.

Inter insignia etiam refertur, quemadmodum Nobiles ab Effren caput Elephantinum in galeâ gerunt: Comites de Helffenstein in clypeo gentilitio gerunt album Elephantum cum nigris dentibus & pedibus monti flavo insistentem in campo rubro: similibus ferè insignibus gaudet familia Weileriana. Vid. Cyr. Spangenberg's Adels Spiegel's anderen Theil lib. 12. c. 35. Vesontium Sequanorum Gallis Besançon, Germanis Bysanz / Civitas in insignibus Elephantum gerit.

Vid. Braun. Civitat. Orbis Terrar. l. 2. Familiæ nobilis de Elephanto nomen adeptæ imprimis celebri cujusdam Jcti Christophori de Elephanto, qui Albam Regalem olim incoluit meminit idem lib. 11, cap. 17.

In antiquis monetis etiam videtur excusus Elephas: quin & inter idola invenit locum: Sic J. M. Dillherr in seiner Propheten Schul p. m. 469. mentionem facit Idoli. Insulæ Indiæ Orientalis Celoes cum capite Elephantis, quod Rex illius loci cum subditis suis veneratur: In Regno Magni Mogolis idolum datur septemplici proboscide insigni, cujus effigiem exhibet Olai Dappers Asia, p. 62. irrepfit etiam in officinas pharmaceuticas Emplastrum Elephantinum ab Aëtio descriptum, quod paratur ex Cerussæ p. xxx. Cerae p. xxxv. olei hemina, aquæ sextario. Vid. Johan Goræi definit. Med. p. 132. Andr. Tiraquellus de Nobil. c. 31. p. 409. hoc Emplastrum à supra memorata muliere Elephantide dictâ ita vocari censet, cujus fortè inventrix fuit: hujus emplastri meminit etiam Cornelius Celsus l. 5. c. 19 Fructus Anacardii vocatur pediculus Elephantis, sed malè ab imperitis secundum Sylvaticum.

Homines stupidos & insulsos caudices, qui neque saltare neque natare norunt, ut tritum sonat proverbium, Elephantos vocare nonnulli solent: unde natum est proverbium: *Ἐλέφαντος διαφέρεται ἔδην*, id

id est, ab Elephanto differt nihil: cui adagio locum fecit absque dubio corporis Elephantini moles, & vastæ formæ apparens fœditas: quo pertinet illud Plautinum: Meus herus Elephanti coriô tectus non suô est, neque plus habet sapientiæ quam lapis. Primam tamen ingenii laudem Plinius l. c. Elephantis inter bruta tribuit. V. Adag. Erasmi. Chiliad. 2. cent. 9. p. m. 449.

Theophrasto Paracelso aqua fortis dicitur Elephas, de quo Vid. Martini Rulandi Lexicon Alchimix p. 195 & Gerard. Dornei Dictionar. Paracelsi. p. 41.

Scacchiæ seu latrunculorum ludo etiam se immiscuit Elephas, in quo utrinque claudit agmen via recta suô more progrediens, de quo Maro ille Christianus M. Hier. Vida in ludo Scacchiæ hæc habet:

Nec deest, quæ ferat armatas in prælia
turres

Bellua, utrinque Indos credas spectare
Elephantos,

& paulo post:

Sed gemini claudunt aciem qui hinc inde
de Elephantis.

Cum turres in bella gerunt, & prælia
miserunt.

Rectâ fronte valent dextrâ lævaque re-
troque

Ferre aditum contra, campumque im-
pune per omnem

Proruere, ac totis passim dare funera
castris.

Apud Athenæum, Damoxenum & Epinicum ingentis capacitatis patera, (ein grosser Willkommen!) Elephas nominatur, quæ tres con-

gios, secundum alios novem mensuras capiebat: unde fortè natum est proverbium: ὅδ' ἂν ἐλέφας ἐκπίοι, i. e. nec Elephantus quidem ebiberet, poculum scilicet prægrande, quod Prisci Rhyton appellabant ἀπὸ τῆς εὐσεως, cui evacuando vix Elephantus, qui magnam alioquin aquæ vim absorbere potest, sufficeret: producit tamen modò citatus Athenæus aliquem bibaculum in scenam dicentem: ἐγὼ δὲ τέτον ἐκπίο ποκα πολλάκις, id est, hoc poculum ego sæpius exhausti: sed hic responsum tulit: ὅδ' ἐν ἐλέφαντι γὰρ διαφέρει ὅδ' ἐν σὺ: nihil ab Elephante differt hæc quidem in parte.

Iplis Elephantis etiam Nomina fuisse olim imposita constat: Sic meminit Carolus Sigonius lib. 4. histor. Ital. cujusdam Persarum Regis Elephantis Abulabaz dicti, quæ immanis bellua in Italiam missa propter sui raritatem omnibus ingens præbebat spectaculum: de alio, qui Perico vocabatur, infra fiet mentio.

Definitio, quæ rei quidditatem & essentiam secundum Aristotelem posterior. analytic. l. 2. c. 3. declarare debet, sequitur, quam talem ponimus: Elephas est animal brutum, quadrupes, mansuetum, robustum, barriens ac docile, horridum ob vastam corporis molem, admirandâ formâ ac sagacitate præditum, ad Creatoris ter Opt. Max. laudem & hominis utilitatem quintâ creationis die ex nihilo productum. In hac definitione Elephas

secundum suas causas & adjuncta propria breviter describitur. Alstedius Encyclopæd. lib. 7. Phys. p. 6. c. 5. Elephantum ita describit: Elephas est quadrupes vastæ & portentosæ magnitudinis, promuscide ex ore demissa tanquam manu omnia apprehendens: in hac descriptione autem admirandæ hujus animalis indolis nulla fit mentio.

Ad creandum cum cæteris brutis Elephantum non indiguit Creator altissimus alterius cujusdam opera, neque hunc in finem ullis Deunculis aut geniis usus, eosque, ut somniant nonnulli, ita allocutus est: ut animantia mortali generentur conditione, convertite vos ex Naturæ legibus ad eorum procreationem, & vim meam, quam in vestro ortu adhibui, imitamini: ut olim etiam docuit Philosophorum antesignanus Plato; qui genii Platonici, ut rectè monet Scaliger exerc. 303. in porticibus quidem picti aut in aulæis texti haberi possunt, procul autem à Christiano tanquam deliramenta abesse debent: sed fecit DEUS suam omnipotentiam declaraturus secundum sacrum codicem bestias & pecudes terræ in species suas, omniaque reptilia terrena in species suas, nullius creaturæ in hoc opere usus adminiculô & consiliô, & vidit DEUS, id esse bonum. Gen. 1. v. 25. condidit Elephantum itaque DEUS tanquam principale quoddam & præcipuum opus, vel ex primariis animantibus unum, procul omni dubiô primò

& ante reliqua bruta, & quidem citra præsuppositam materiam ex nihilo, vel ex rudi & indigesta terraquea mole: & sic Elephante ex terra conditus naturam sortitus est terrenam, destructibilem & corruptioni obnoxiam.

Quemadmodum autem in Naturæ operibus nihil temerè viceque fortuita committitur, sed alicujus rei gratia omnia aguntur, ut scribit Aristoteles 1. part. c. 5. ita finalis causa productionis Elephantum, & quidem palmaria & principalior est gloria Creatoris, qui omnia condidit propter se ipsum, ut scilicet *θεατῆς τῶν ἔργων τοῦ θεῶ ὁ ἄνθρωπος*, quô nomine hominem insignit Hermes Trismegistus, stupenda DEI opera admiretur atque ex his non solum cognoscat suum Conditorum, verum etiam secundum Ecclesiastici monitum c. 47. v. 10. ex toto corde laudet & amet.

Quem in finem autem animal hoc grande & solo aspectu terrorem incutiens Natura produxit? ut fortassis sit pondus inutile terræ fruges consumere natum, nec ulla hominibus præstet commoda? Minimè: verum quia, Cicerone teste, belluarum nulla prudentior, nulla fortior, nulla corporis lacertis laterumque firmitudine validior producta est, ut homini serviat, & ad ipsius commodum & recreationem suam conferat symbolum: & hæc est altera minus principalis finalis causa.

Sunt,



Sunt, qui inquisitionem in causas finales rerum Physicarum proscribere tentant, eamque magnæ arrogantia, temeritatis & impietatis argumentum esse arbitrantur, quo nomine etiam Cartesius à nonnullis culpatur: sed hi assensum non merentur, siquidem hoc ipso eripetur Physico occasio, Summi Creatoris inexhaustam sapientiam peni-

tius cognoscendi, eumque propterea laudandi & amandi. Hominis causa videtur omnia genuisse Natura, ut verè differit Plinius l. 7. in proëm. Nam omnia sunt propter hominem: homo autem propter DEUM & ipsius gloriam. Usus præstat Elephas homini militarem, æconomicum, culinarem & Medicum, de quibus infra pluribus agetur.

PARTIS I. CAPUT 3.

Elephanti pellem perlustrat.

CUM interioria rerum earumque specificas formas accurato mentis scrutinio indagare in hac humanæ mentis caligine vix possibile sit, siquidem entium quorumcunque quidditas & eorum veritas præcisa clausa est versus nos & patens ad infinitum secundum Helmontium tractat. animæ p. m. 351. exteriorem tamen illorum delibare corticem & curiosis perlustrare oculis licet: id quod etiam in Elephanti consideratione nobis contingit, cujus interna forma captum nostrum fugiens externarum partium contemplatione contentos nos esse jubet: quæ singulæ quo magis in Elephanto peculiaris præ aliis brutorum partibus exhibent, eo diligentius examinari merentur.

Hunc in finem optandum esset, ut anatomico cultro & oculo Elephantum trutinari nobis copia vel

data fuisset vel adhuc daretur: quia verò hoc animal rarissimum est nostris præsertim in oris, vix illud sperare licet: eapropter illa, quæ exterarum Regionum Medici *αὐτόπται* literarum monumentis consignarunt, nobis hæc inservire debent: inter hos post Aristotelem prima occupat subsellia Galenus, qui libro 17. de usu partium se Romæ Elephantum secuisse testatur: sed dolendum est, quod in describendis ipsius partibus nimis parcus sit, de quarum nulla allegato loco, nisi de proboscide, alibi autem de vesica felle differit.

Anno 1682. A. Moulinus edidit Historiam anatomicam Elephanti Aō. 1681. d. 17. Junii Dublini in incendio stabuli combusti, sed hæc valde imperfecta est, nec quoad omnes partes absolvi potuit, cum in ambusto cadavere impossibile fuerit,

fuerit, omnia accuratè observare: apud hunc authorem sceleton æri incisum videre licet, verum à flammis, in quibus Elephas perierat, aliquantisper mutilatum: Florentiæ verò in celebri Mediceorum Museo visiture ejusmodi sceleton integrum adhuc & inviolatum. Nobis à capite ad calcem progredi, Elephantum, quantum licet, contemplari, atque à cute ordiri lubet, cujus poros Moulinus aliquibus in locis invenit tam amplos, ut ferè oculis paterent.

Cuticulam Elephantì Dublini ustulati modo citatus author invenit ab incendiò à cute adhuc integra, (quoniam super hanc jacens inventus est Elephas,) elevatam, quasi scabie quâdam infectam, quæ aliquibus in locis verrucis profundè radicatis similis erat: hanc omnium, quas unquam viderit, fuisse densiorem tenacioremque testatur hic Author.

Durissimum dorso tergus est, ventri mollius: fetarum hirsutiæ nullæ. Solinus c. 38. Cutem Elephantì rugosam, glabram, rimis, rhagadibus & tuberibus obsitam, inæqualem & cancellatam Plinius H. N. l. 8 c. 10. Cassiodorus ulcerosis vallibus exarata vocat: hæc in tantam duri-
tiem solidatur, ut ossea fere appareat: hinc Galenus l. 3. de usu partium illam summè duram vocat: hæc facit ad arcendas aëris injurias, & ad securitatem contra Leones aliasque grandiores feras quibuscum Elephantò nonnunquam dimican-

dum est: aspera valdè est, fusci & cinerei coloris, ferè instar cutis equinæ à funibus detritæ: in tergo tam dura perhibetur, ut vix armorum ictibus aut bombardarum globis penetrari possit: hinc Mauri illa pro clypeò utuntur: Peguani verò hanc locò armorum gestant: pone aures verò & juxta oculos tam crassa non est: unde Oppianus de illa verè:

Scabra cutis corpus densa & crassissima
cingit.

Non ense ancipiti aut fetrò penetrabilis ullo:

Vix ulli jaculo, vix ulli pervia telo.

Aretæus librò 2. c. 13. illam ita describit: Corium habet asperum, crassissimumque tumoribus inæquale, fissuras habens ceu semitas prælongas, alias divisuras concavas transversas, alias verò obliquas valdè profundas. Cutem mortuo detractam inter tangendum totam viscosam fieri, author est J. B. Tavernier Itinerar. Ind. l. 1. c. 18. Ad varios usus ut alia brutorum coria adhiberi à Ceilonensibus scribit Joh. Jacob Saar in disc. de rebus Ind. cap. 4. p. 67.

A. Moulinus sub cute ustulati sui Elephantì multas glandulas cum interspersa quadam pinguedine reperit: nullum autem panniculum carnosum fortè à flammis absumptum se invenire potuisse scribit: cum tamen hujus beneficio cute corrugata muscas enecari concedat: quod etiam in cute cervi observare licet, quæ pariter adeò mobilis est,
ut

ut sua corrugatione muscas apprehendat: Vid. beati D. Grabii Elephantographiam cap. 30. pag. 309. hinc forte natum proverbium: Frustra involat in Elephantum culex: multitudo tamen culicum Elephanto sæpè faceffit negotium, qui odore pellis Elephantis ad pungendum quasi invitantur:

Ist schon der Elephant das größte von den Thieren /

Muß er doch oftmahls der Mücken Stiche spühren.

de quo eleganter Nicol. Taurellus in emblem.

Magnum multa suis Elephantum musca fatigat

Morsibus: huic nec opem cauda pedesque ferunt:

Sed calvum mirà superat tamen arte Columbum:

Hic vespas motu pellit: at ille necat: Crudelesque ferus dura cute contrahit auceps

Rugas, vespa quibus capta fremensque perit:

Vincere quando feros nullà vi possumus hostes:

Quidni victa sagax suppleat arma dolus?

Pleraque bruta pellem movent beneficio panniculi carnosì statim sub pelle conspicui: hinc Elephantis contracta complicataque pelle & procul dubio panniculo carnosò muscas interceptas conterunt: cum enim extensi muscarum receperunt examina, arctatis in rugas repente cancellis comprehensas enecant. V. Plinius l. c. has enim & tanta belluæ vastitas sentit: quamvis enim dura sit cutis, nihilominus il-

lam pro lubitu contrahendo corrugant, hocque pacto Natura duce muscas sibi molestas enecare possunt atque elidere: caudâ enim glabrâ illud expedire non valent: ergò cute pro cauda, juba, villo hunc in finem utuntur: hinc natum est illud Phalaridis adagium: Culicem haut curat Elephantis: id quod dictum videtur ob singularem duritiem cutis Elephantinæ, quæ fertur etiam jacula excutere, tantum abest, ut culicis morsu possit offendi: adhiberi poterit, quoties significare volumus, excelsis animis leves & vulgares injurias esse negligendas. Hæc merito reprehenditur Plinius, qui putat, ea animalia magis bruta esse, quibus crassior est cutis: siquidem Elephantis, quorum tergora propter crassitiem vix armis penetrabilia sunt, nihilominus maxima præ reliquis brutis sagacitate pollent.

An glabra vel pilosa sit cutis, dubitat Plinius H. N. l. ii. c. 39. alibi verò Elephantorum corpora setas habere scribit: Aristoteles H. A. l. 2. c. 1. scribit: ὁ δ' ἐλέφας ἡκιστα δασυὲς ἐστὶ τῶν τετραπόδων: id est, Elephantis in quadrupedum genere hirtus minimè est. Pilos Elephantis ex novo Orbe deportatos duorum palmorum longitudinem æquantes vidit Gillius: nullum alioquin tergori datum est setarum tegumentum, ne in cauda quidem pro abigendo tædio muscarum, sed cancellata cute in rugas coarctata illas enecant, ut modo dictum. Cardanus nudam esse ait Elephantis cutem, ratione addita

additâ, cur talis esse debeat: rarissimum enim esse scribit: ut unus aut alter pilus hinc colligatur: pilosam tamen esse putat supremam dorsi partem una cum auribus, non secus ac in aliis animalibus: in reliquis verò corporis Elephanti partibus non fuisse commodum crescere pilos existimat: nam materia pilorum in cutem translata duriores illam efficit: ob id pili minus erant necessarii: qui si adfuissent, magnum incommodum attulissent in aquis & paludibus versanti: semel excussò autem tergo totus nitet, & celerrimè siccescit.

Cadamustus nigricantes pilos duorum palmorum mensuram excedentes ex Elephanto se evulxisse testatur, cui calculum suum addit Gillius. Augustinus Cassiodorus in descriptione Regni Congo cap. 10. p. 24. scribit, in caudis Elephantorum nigras atque splendentes videri fetas junci crassitie, tanti apud Angolenses eorumque finitimos pretii, ut unus pilus pro duobus aut tribus mancipiis vendatur: quibus collum exornare folis Nobilibus sit concessum: & quò provectior ætate sit Elephas, eò nigriores in caudâ pilos alere refert: addit, hos pilos tam firmos esse, ut à robustissimò Virò disrumpi vix ac ne vix quidem possint.

Pilos in suò Elephanto A. Moulinus paucos invenit, sed notabiliter rigidos & ferè porcorum fetis spissiores, nigros, juxta radices viscido quodam rore pro suo nutri-

mento obductos: observavit præterea glandulas miliares, ipsius judicio à sanguinis massâ materiam aliquam excrementitiam nutritioni pilorum aptam probabiliter separantes. Cute pilosâ non indigebat ingens hoc animal in calidissimis Indiæ & Africæ locis nasciturum & victurum, nec opus erat, ut contra frigus pilis tegeretur, quos si haberet, facilè propter affrictum, ad quem ob cutis pruritum valde proclivis est, perderet.

In sectione Elephanti à D. du Varney Anno 1681. celebratâ in pelle distincta esse quatuor corpora advertit professor: primum erat cutaneum corpus, densum admodum ex innumeris fibris mutuò implexis compositum: fibræ illæ magnâ ex parte erant tendineæ, venis, arteriis & glandulis conspersæ. 2. Corpus papillare in eâ cute manifestè apparebat: papillæ omnes penè erant uniusmodi & sibi similes. 3. Reticularis membrana ex thecis, quæ papillas involvunt, ita erat composita, ut unaquæque ex aliis constaret: postremò cuticula cum reticulari membrana arctè erat conjuncta, contra atque in homine. Vid. Joh. Baptist. du Hamel histor. Regiæ Scientiarum Academiæ l. 2. sect. 9. cap. 1. pag. 203.

Pellis Elephanti durissima & fusca est, accedens ad colorem boum, qui vulgò bubali appellantur, crassa medium digitum, lata novem pedes & decem digitos, longa verò à radice caudæ ad frontem tantundem:



dem: in quâ dimensione complectitur Gillius in descript. Elephanti colli pellem latam quinque pedes.

Elephanti corio circumtectus esse creditur, qui ἀναιδής, stupidus est, &

Verecūm in patria crassōque sub æthere natus, quem Germani dicshäutig vocare solent: id quod Plautini sales in

Milit. glorios. act. 2. sc. 2. eleganter exprimunt, de quo supra cap. 2. dictum: nam antiquitus homo magnus simulque stupidus Elephantus vocabatur, crassitie & fœditate pellis Elephanti locum proverbio faciente. Vid. Petrus Laurembergius in anatom. corpor. humani exercitatione 2.

PARTIS I. CAPUT 4.

Elephanti Caput Partesque nonnullas supremi Ventrīs describit.

Caput Elephanto obtigit prægrande, latum vastumque, sed vix à brevissimo collo distinctum, & in ipsis humeris confidens, cum fronte fornicatâ tam validâ, ut possit ea proceras palmas tantoperè impellere, donec ad casum inclinent, quas tandem pedibus impetens prostermit in terram. Vid. Aristot. l. 9. H. A. c. 1. cumque Natura ob robur & cornua (vulgò dentes) caput magnum efficere cogeretur, informe illud & sine rotunditate fecit: qualiscunque enim additio ad ornamentum facta capiti, ipsum in immensum auxisset: ob id valdè deforme caput habent Elephanti, ut scribit H. Cardanus subtil. l. 10. p. m. 560, unde Oppianus:

Huic informe caput robustum ingensque: - -

Magnum hoc caput innititur curtæ quidem, ast robustissimæ Cervici, ut secundum Aretæum in ipsis humeris confidere videatur. Ut scilicet Elephas esset robustissimus, collo brevi ipsi opus fuit, inquit H. Cardanus de subtil. p. 558. ac minimè flexili: unde & Leones cervicem rarò aut parum flectunt: estque id etiam signum in hominibus, si à natura sit, roboris & fortitudinis. Collum Elephanti brevius est, quam latius. Os vicinum pectori, quod oris porcini similitudinem aliquam gerit, atque hōc non promuscide sugunt, teste Æliano & Aristotele histor. animal. l. 2. c. 6.

A Moulinus in anatomia sui Elephanti Aō. 1681. edita refert, in craniō Elephanti esse magnum cellularum numerum, plerumque trian-

gularium, membranulis obductarum, in quibus multa sint vasa sanguinea curiosè disposita, istasque cellulas ex tenuibus bracteis osseis factas esse. Johannes Rajus Anglicus in Synopsi animalium quadrupedum observat, posticam cranii partem in duos prægrandes sinus ita dividi, ut clunes humanos referre videatur: neque ut in multis aliis quadrupedibus cerebello excipiendo cavitatem seu alveum productum extrorsum conspicuum habere, sed potius cranii humani figuram imitari. Cranium Elephanti in rarithecio Laurentiano Lipsiæ se vidisse ad me perscripsit Excellentissimus Garmannus, beatæ memoriæ, ponderans tres ferè centenarios fortassis cum cornubus adhuc cranio adhærentibus.

Sub cranio Elephanti ferra diviso invenit A. Moulinus duram matrem validissimam, piamque matrem à substantiâ cerebri facilè separabilem: pars corticalis cerebri videbatur solito candidior: cerebellum humano simile: hoc cum cerebro pependit libras decem: nervos idem observavit validissimos, eorumque decem paria: vertebræ colli fuerunt septem, dorfi viginti quinque: Dorsum erat arquatum, quæ figura maximè confert ad robur. Vid. Author locò citatò, ubi inferiorem maxillam Elephanti propemodum porci maxillæ similem fuisse scribit.

Cerebrum Elephantum majus esse, quam cæteris animalibus, statuit Dominicus de Marchettis in ana-

tom cap. 12. p. m. 189. quamvis Aristoteles l. 2. de part. animal. cap. 7. soli homini hanc assignet prærogativam: hujus animalis naturalis sagacitas, cujus infra fiet mentio, facilè evincit, quod sat cerebri possideat. Secundum tempora spiramentum esse Strabo refert, per quod mas pingue quoddam tempore congressus emittit, idque & fæminæ tum patens.

Utrinque capiti alarum instar adhærent aures magnæ, latæ, pro corporis ratione exiguæ, pendulæ, duas vel tres tamen spithamas, & quod excedit, longæ, ad tres usque pedes porrectæ, secundum J. B. de Hamel histor. Reg. Scient. Academiæ l. 2. f. 9. c. 1. conscissæ quasi ac fissæ, tam validæ, ut Rector vel Sessor, quamvis proceræ staturæ Vir illis insidere possit. Sunt absque formâ aurium & quasi quadratæ, ut scribit Caspar. Schott. Phys. Curios l. 8. c. 33. Sex spithamas in Regno Congo Elephantorum aures superare, & ovali suâ figura oblonga Turcarum scuta referre scribit Aug. Cassiodorus in descript. Regni Congo p. 24. Sex pedes in latitudine (fortè ambitu) aures habere scribit Zeiler centur. 1. epist. 25. Pendent instar alarum ad jugulum usque & pectus: alis vespertilionum non sunt dissimiles secundum Petrum della Valle itinerar. l. 2. harum concussione culices & muscas abigunt, id quod etiam proboscide & caudâ præstant, quousque licet;

Mobiles

Mobiles sunt aures reliquorum animantium more: movent enim illas ut ventilabra: solus homo aures non movet secundum Aristotelem l. 1. histor. an. c. 11. His foramen aurium, quod pollex implet, Elephas tegit, ut si velit, ne ventus quidem, multo minus insecta ingredi queant: crassitudo auris totius non est crassior reliqua pelle: circa aurem pilos habet frequentes tres transversos digitos longos, quales etiam videre licet in dorsi supremâ parte. Vid. H. Cardan. lib. 10. de subtil. p. 550. Secundum Ælium l. 8. c. 10. aures cervicem armosque tegunt, quemadmodum navigia velis conteguntur. Vid. Aretæum l. 2. de diut. morb. c. 13. P. Gillius in descript. Elephanti p. m. 20. Sub auribus locus est, cui scalpro mallei ictu adactô bestia interficitur, quod inventum Hásdrubalis fuisse Livius refert: hac in parte Elephas maxime sensibilis est: hinc uncô ferreô illum insidens Reçtor sæpè ferit, pungit, & quaqua versus compellit, ut scribit Joh. Jacob Saar in discursu de rebus Indicis cap. 2. pag. 16. & Petr. della Valle l. c. Apud Sambros Æthiopiarum populos omnes quadrupedes, atque etiam Elephantos auribus carere cum Plinio Solinus author est: an res ita se habeat, dubium: his enim cervicem armosque tegunt, sicut navigia velis conteguntur, quô similiter Ælianus lib. 8. c. 10.

Oculi quamvis satis magni & graviter se moventes, pro tanti tamen

corporis magnitudine satis exigui apparent: hinc Oppianus:

Illi oculi tanti tantô pro corpore non sunt:

Oculorum parvitas est, ut secundum Cardanum de subtil. p. 559. tutiores forent ab ictibus, cum recondi non possent: recondi autem non poterant, quia à lateribus positi non vidissent ea, quæ ante occurrerent: necessarium autem fuit esse à lateribus, ne ob nixum cornuum, vulgo dentium, & proboscidis propinquitatem læderentur, atque ita animal ante senium cæcum efficeretur, tum maxime, quia longissimæ vitæ futurum erat.

Solet autem hos suos oculos graviter movere: suillis non absimiles esse Vartomannus & Casp. Hornius de Eleph. cap. 2. scribit, qui ex Petro Gillio Albiensi citat sequentia: Similitudinem oculorum humanorum Elephanti gerunt non modò figurâ, sed etiam affectu ipso: humani enim sunt, graves & moderati, ut sapientiam, justitiam, moderationem, reliquasque animi dotes ab homine secundas præ se gerant: tanta enim gravitas in oculis est, ut vel ipso obtutu Regem se animalium, atque adeò humanis sensibus vicinum, imò proximum profiteatur: ignotos homines ad se accedentes, leves, insolentes, petulantes oculis internoscere præ se fert à moderatis & gravibus, quos libentius intueri videtur.

Acutô valdè visu pollere credit H. Cardanus lib. 10, de subtil. p. 550.

quamprimum in lucem editus est, circumspicit de nutrimentô suô sollicitus, P. à S. T. in itinerar. Or. p. 387. scribit, Elephantum habere oculos bovinis similes, sed pro proportionem totius nimis parvos. Ovium oculis similes oculos habuisse suum Elephantum testatur A. Moulinus in descriptione Elephanti.

Sub proboscide, de quâ in sequente capite fusius agetur, latet os non adeò magnum in acumen desinens ferè instar rostri suilli canalis instar formatum, cui proboscidem cibô & potu onustam, toties, quoties opus est, satis profunde ingerit: situm hoc est juxta collum & pectus, ut vult Aloysius Cadamustus & Matthiolus comm. in l. 2. Dioscoridic cap. 50. p. 215. atque hîc, non proboscide catuli sugunt, teste Ælianô & Aristotele H. A. l. 2. c. 6. Interrogati & assuefacti proferunt ore hunc sonum: Ho, de quo infra pluribus, quemadmodum equus ad sonum tubæ dicit: Ha, Ha, He, cum è longinquo odoratur bellum, ut legimus apud Hiobum cap. 39. versu 28. Fabulosa sunt, quæ Alcoranus Mahometicus l. 1. c. 2. p. m. 13. refert de Elephanto Abdalmutalifum ita alloquente: Super te sit salus, dignitas, honor & victoria.

Elephantus citra nares ore ipso vocem edit spirabundam, quemadmodum cum homo simul & spiritum reddit & loquitur: at per nares simile tubarum raucitati sonat, ut scribit Aristoteles l. 4. H. A. c. 9.

Idem l. 8. H. A. c. 26. author est, quod interdum terram lapidesque ori ingerat, cosque devoret. Inferior maxilla hujus animalis porci maxillæ similis est in figurâ, sed quantitate longe major.

Linguam habet exiguam, aliquô modô latam, & magis quam in plerisque cæteris animantibus intus positam & retractam, ita ut vix videri queat. Vid. Aristotelem l. 2. H. A. c. 6. H. Cardanum subtil. l. 10. Lingua Elephantis præcipue lata, inquit Plinius H. N. l. 11. c. 37. Nic. Perottus in Cornu cop. p. 228. Gilius non latam, neque planam esse scribit, sed vergere in formam tere-tem, & desinere in mucronem. Pro tanti animalis proportionem perpusilla, & pene abdita est, ut in vivente vix videri possit. Vid. Casp. Horn. descript. Eleph. p. 12. Brevicula & gracilis est, parumque mobilis, magnitudine cum bubula fere comparanda. Cum lingua sit ob dentes, Elephas autem dentibus anterioribus careat, lingua parva & intus recondita opus fuit, quoniam dentibus molaribus inservire debuit: simul si magna fuisset, impedimentum attulisset, ne proboscis cibum usque ad dentes molares porrigeret.

Lingua secundum alios major est bovina in consuetô loco sita: sed annotante A. Moulini loc. cit. hoc habet peculiare in se, quod meatus deorsum ad ventriculum per eam patuit, fuit enim foramen prope radicem ejus, in cujus medio erat

erat initium œsophagi. Asperam idem, sed epiglottide destitu-
arteriam satis magnam observavit tam.

PARTIS I. CAPUT 5.

Elephanti Proboscidem examinat.

QUO loco aliis animantibus na-
sus est, Elephanti habent par-
tem quandam pendentem, angu-
stam, inanem, cavam ac longam,
anterius carneam, & nonnihil car-
tilaginosam, quam pro libitu con-
trahere, & ultra sex pedes & ultra
extendere possunt; ad terram hæc
pertingit, in fine perforata, flexilis,
Inbrica & volubilis est, serpentis in-
modum: Lucretius ideo Elephan-
tos anguimanos vocat. vid. Johan.
Jonston. hist. natural. de quadru-
ped. l. 1. cap. 5. vocatur Græcis &
Latinis nasus Elephanti vel potius
pars à naso porrecta demissaque
terram versus: Plinius nunc pro-
boscidem, nunc manum nominat
lib. 8. c. 7. Dicitur etiam Latinis
tuba, Promuscis, a muscarum ligu-
la, ut vult Scaliger exerc. 194. 204.
proboscis, apud Ciceronem lib. 2.
de Natura Deorum manus, nasuta
manus apud Casiodor. lib. 10.
varior. nam veluti manus illi, qua-
que omnia prensat secundum Op-
pianum, promuscis apud Vitru-
vium. Græcè *προβοσκίς*, ἀπὸ τῆ βόσκιν, a
pascendo, quoniam hujus mem-
bri adminiculō Elephas pabula ori-
ingerit, & ita pascitur. Philostrato

vocatur ἡ τῆ ἐλέφαντος προνομία pari
etymo ἀπὸ τῆ νέμειν, a pascendo: vel
ἀπὸ τῆς νομῆς, a pastu, vel ἀπὸ τῆ νομῆς,
a pabulo: aliis dicitur εἰς ἐλέφαντος, ut
& Suidæ: Aristoteli audit Μυκτῆς seu
μυκασμός ἀπὸ τῆ μυκάειν, a boando seu
mugiendo: seu ἀπὸ τῆ μύζειν, quod
secundum Cœl. Rhodiginum signi-
ficat labiis occlusis sonum naribus
elicere. Gallis dicitur Trompe
ou Museau d'un Elephant.

Hanc peculiarem partem, qua
miranda præstat, à Creatore for-
titus est Elephas; quamvis etiam
alia minora animalia, v. g. loli-
go, sepia, musca secundum Athe-
næum gaudeant eadem in suo ge-
nere; hac cibum tam siccum, quam
humidum capit, orique perinde ac
manu admovet: arbores etiam ea-
dem complectendo evellit, ut scri-
bit Aristoteles l. 2. de part. an. c. 16.
Hinc Cicero l. A. 231. scribit: Ma-
nus data est Elephantis, quia pro-
pter magnitudinem corporis diffi-
les aditus habent ad pastum. De
hac H. Cardanus l. 10. de subtil.
p. 550. ita scribit: E suprema parte
frontis nasus exporrigitur, non ut
in aliis animalibus junctus Capiti,
sed disjunctus, quia usque ad ter-
ram

ram propendet, & tanta ferme est ejus longitudo, quanta animalis altitudo: hanc narium loco esse nemo dubitat, postquam divisa est, ut nasus, & ea respirat atque odorat. Hinc Aristoteles loco citato ita scribit: Narem Elephantus habet, ut spiret, quomodo & cætera animalia, quibus pulmo, eandemque prælongam atque in anfractum flexibilem, propter moram in humore diuturnam, & tardum inde discessum.

Vi odorandi præstat Elephas: nec solus vultur odoratu præcellit, aliis etiam animalibus hic abundè concessus est: sic Leo sentit coitum in adultera odore, annotante id C. V. Schneidero l. 5. de catarrh. cap. 1. pag. 97. Teste Æliano Elephas etiam suaveolentibus mirificè delectatur; hinc Joh. Faber Lynceus prodit, ejus sudorem moschum olere: odoratur, inquit Plinius, manu haut improprie sic appellatâ, quasi oblongâ tubâ multum conferente ad odorandum.

Proboscis ad prensandum pabulum contentius exporrecta pedibus quasi quinque & quatuor digitis a rictu antrorsum aut septem ped. ad lineam inter oculos transversam mensurabatur a Clarissimo Sturmio Tract. de Elephanto cap. 1. Substantia ejus nervosa & muscularis est, valde mollis, flexilis & corrugabilis, sed obrigescere quoque apta: siquidem & in terram usque extendi potest, vix tum humano brachio crassior, & retro colligi in unius fere cubiti brevitatem, sed valde spissa

& lata tum evadens, subrigi denique tanto robore, ut insidentem Magistrum nullo negotio in sublime attollere, & quaquaversum circumportare possit: variâ ejus inflexione Elephas avenam ex vanno quasi manipulatim involvit, panes simulagineos complectitur, & ori admovet, potulenta excipit, eaque introrsum flexa proboscide ad oris intima faucesque ipsas & linguæ radicem immediate transfert, miro imprimis tortuosi flexus in potulentis transportandis, (ne quid scilicet in viâ effundatur,) artificio: ut haut immerito proboscis hæc Elephantî manus vel cum addidamento manus nasuta dicatur. Vid Sturmio loco citato. Nervosissima est extrema illius pars ac tenerrima, (cujus percussione valde metuit Elephas,) tribus velut apicibus prædita, quibus minutissimas res tanquam digitis comprehendere potest. Vid. beati Job. Ludolffi Hist. Æthiop. c. 10. l. 3. hac nummos in terram projectos tollit, & sessori suo porrigit: hæc scutellam vino plenam ita humo elevat, ut citra effusionem sessori det ebibendam; eadem ori suo una vice plures quam sedecim vini libras infundit, idque aliquoties iterat, si copia datur.

De hac Galenus l. 17. de usu part. in princip. ita scribit: habet hoc animal, quo loco aliis est nasus, partem quandam pendentem, angustam, ac longam, adeo, ut ad terram peringat: quam cum primum sum con-

conspicatus, supervacaneam atque inutilem esse putavi: cum autem animal ipsum ea uti pro manu animadverti, tunc non amplius ipsam judicavi esse inutilem, quod usus hujus partis cum actione utili esset conjunctus: quandoquidem partis usus ita demum apparet, si actionem habeat utilem: hac parte ceu manu sic omnia tractat Elephas, eamque ita rebus apprehendendis applicat, ut ne minima etiam numismata ipsum effugiant, quæ Rectori vel Sessori suo tradit: quemadmodum igitur, si animal parte hac non uteretur, ipsa esset superflua, & Natura, quæ ipsam conformasset, non ubique esset artificiosa: ita cum actiones per eam obeat utilissimas, ipsa quidem est utilis, Naturam autem ostendit esse artificiosam: postea vero cum ipsam animadvertissem in fine esse perforatam, intellexissemque præterea, animal ipsum per foramina ista velut per nares respirare, cognovi sane, eum quoque usum animali partem hanc præstare; postquam autem mortuo Elephantem usque ad radicem partis ipsius disseccans, meatus, qui a foraminibus sursum feruntur, reperi non aliter, quam in nobis, exitum habere duplicem: unum quidem, qui ad ipsum cerebrum perveniebat, alterum autem in os perforatum, impensius adhuc Naturæ artem sum admiratus: ubi autem etiam didici, ipsum animal, cum fluvium aut lacum profundum trajicit, ut totum ipsius cor-

pus demergatur, per sublatam in altum hanc proboscidem respirare, Naturæ providentiam intellexi, non in eo duntaxat, quod partes omnes ipsius animalis pulchre construxerit, sed quod ipsum etiam eis uti docuerit. Hactenus Galenus l. c.

Hujus partis motus cum admirabilis sit, specialem utique & diffusorem requirit theoriam: hac utitur bellua ad varios usus cum insigni spectatorum voluptate, extendendo & contrahendo ipsam: hæc ipsius manus est apprehensioni inserviens: inquit Aristoteles lib. 2. de part. an. c. 16. ea enim non alio modo utitur, nisi ut manu: quin & omnis vis in ea videtur sita esse: eadem arbores dejicit, ab equo Equitem deturbat, peditem correptum, quo libuerit, projicit: gladio ad eam alligato in bello hostes interimit: per hanc Rectores ascendant & descendunt: hæc hominem in sublime tollunt, iterumque jussi deponunt; hæc grandia levant onera & asportant: eâ solus inter reliqua animalia cibos tam ficosos quam humidos colligit, capit & ad os admovet: eadem spirat, bibit, seu potius attracta potulenta ori ingerit & faucibus infundit, ut & odoratur: eandem Rectori suo & spectatoribus sapere, quemadmodum homo homini manum in fidem offert: eâ aquam haurit & aspergit illâ circumstantes: hinc recte Cœlius Rhodiginus lect. antiq. l. 2. c. 28. inquit: in Elephantis miræ & peculiaris narium ratio est:

E

quip-

quippe implet iis manus vicem.
Vide Philostrat. l. 2.

Proboscis ei ad terram demissa & antèr carnosa est: hâc cibum potumque assumit in os, quod ei sub cervice est, sicut Sturioni: eâdem aliquoties nummum è terrâ tollentem vidi, & aliquando detrahentem ramum arboris, quem Viri 24. fune trahentes ad humum flectere non poterant, eum solus Elephas tribus vicibus motum detrahebat, ut scribit Vartomannus. Secundum Albertum Magnum longa est decem cubitos, quando extenditur: hâc utitur tanquam manu in capiendò cibo, bello & aliis operibus.

A superiori maxilla, ubi alioquin genis locus est, emergit & propendet prælongum hoc rostrum, partim carne, partim cartilagine ob majus robur præditum, in omnem partem flexile: illud pro lubitu contrahit, interdum ad septem, imò decem pedes extendit: parte superiore latius est: inferiore sensim acuminatur & gracilescit: in extremitate rostrum suillum æquat, duobus foraminibus instar narium pertusum, quæ per longitudinem se extendentia illud totum intus cavum reddunt: hâc duo foramina usque ad pulmones pertingentia, duplicisque tibiarum imaginem referentia Naturam terebrasse Aretæus scribit: animal ipsum per foramina illa velut per nares, & cum fluvium aut lacum profundum trajicit, ut totum ipsius corpus demergatur,

per sublatam in altum proboscidem respirat, ut supra dictum: hâc ferè se habet instar instrumenti urinatorum, quò quamdiu in profundo manent, aërem extrinsecus attrahunt.

Super illa foramina videre licet parvam quandam & acutam linguam, quæ Aristoteli *τραχύτις* dicitur: hâc omnis generis acceptas res involvit, minutas v. gr. nummos, saccharum, hordei & tritici grana, semina, uvarum acinos & similia concurrente beneficiò aëris per modo dicta foramina attracti tollit, apprehendit, & nummum etiam humi projectum facili negotiò attollit, sublatumque populo ostendit, aut sessori suo porrigit: majores verò res incurvatâ nonnihil proboscide tam tenaciter & arctè tenet, ut citius Herculi clavam, quam huic illas extorseris: hâc exhaurit scyphum vini, quod postmodum ori infundit: hâc corollas necit, quod fecit Elephas Noribergæ Anno 1629. visus, qui referente D. Casp. Hornio l. c. corollas extramine nexuit: hâc muscas abigit, & in illas arenam spargit: hâc gubernatorem suum elevat, & ad ipsius nutum circumgestat.

Nunquam hanc non occupatam videas, siquidem sine intermissione hinc inde movetur: in campo si fortè Elephas versatur, herbas vel arborum folia hâc decerpit, hâc lapides à se longè, imò nonnunquam ad scopum directos ejaculatur, hâc aquam haurit, quâ aspersâ corpus

corpus lavat: hâc sublati humô ter-
ræ glebis aut saxi ludit: id quod ele-
ganter Gillius locô citatô describit:
In itinere, inquit, promuscidem
gerit ad terram porrectam, & nisi
paululum eam incurvaret, reptan-
tem humi traheret, aut pedibus
calcaret: hinc Oppianus:

- - - terram demittit usque
de medio omnigenos longissima navis
ad usus

Incurva & tenuis. - - -

ipsam hûc illûc circumfert, semper
inquirens aliquid, quod edat, nun-
quam otiosam habet, nunc folia
stringit, nunc herbas decerpit, &c.
& paulô post: Nunc à vicinis quip-
piam exposcit, & cum hæc defunt,
promuscide saxa volvit, aut terram
projicit: hanc tam flexibilem habet,
ut eâ utatur supinâ, pronâ, obli-
quâ, eamque modò infra ventrem,
modo in latera inflectat, abigens
& elidens crabrones, vel pulverem
inspergat loco, cui insident, modò
reflectat sursum versus, ut etiam
supra caput erigat: hâc gestat ca-
tulos parvulos in sublimi elevatos,
cum per aquas transeundum est:
natare enim nequeunt, ut ut im-
pensè delectentur aquis: quamvis
natare Elephantum putet S. Grego-
rius, quando sacram Scripturam
comparat magno fluvio, in quô
natat Elephas, & ovicula pedibus
transit.

Proinde non inconcinne hæc
pars nonnullis manus nasuta vel
simpliciter manus vocatur, cujus
similem usum ad unguem Ele-

phanto exhibet: hinc eleganter
Oppianus:

Illâ feræ manus est, illâ quæcunque li-
bido est

Expediunt, hanc mille modis variant
Elephanti:

hujus ope ficca & humida alimenta
ad os deportant: siquidem ipsis non
est integrum ob brevitatem colli
& ingentem corporis molem alio-
rum brutorum more pabulum hu-
mô tollere aut dentibus arripere:
eapropter opus habent hoc flexili
& in omnes partes convolubili or-
ganô, quô quælibet obvia, minuta
magna & mediocria apprehendunt
mediantibus spiritibus per fibras
musculares copiosè diffusis: cum
enim pedes sat proceros & cervicem
difficulter mobilem fortiti sint, atque
insuper prælonga cornuâ, (vulgo
dentes) cibum sumpturis remoram
objiciant, non possunt ore decer-
pere gramina, vel boum more collô
ad terram inclinatô pabula capere
aut aquam haurire, quam ob cau-
sam hûc organô à natura commodè
substitutô indiguere, singulari privi-
legiô nullis cæteroquin quadrupe-
dibus concessô: Veterum nonnulli
Elephantos boves anguimane ap-
pellarunt. Inter marina dantur
conchæ & cochleæ, sepia & lolli-
gines promuscide donatæ, quibus
capiunt & ori admovent cibum:
inter insecta muscæ tam firmam
habent, ut & quadrupedum terga
penetrare & perforare possint.

Substantia autem proboscidis
hujus multum à substantia nasi dif-
fert:

fert: nam tota nervea est & quasi coriacea, adeò ut eam colligat atque remittat Elephas pro lubitu: tam brevem enim quandoque facit & contrahit, ut vix cubitum superet, & tum latissima est: interdum verò illam ita extendit, ut ad terram descendat, & tum vix humanò brachiò est crassior: est tamen mollioris substantiæ, quam reliqua cutis: ideò Romani in acie eam præscindere aggrediebantur: facilimè enim illam amputari Pyrrhi præliorum experimentis patuit, ut scribit Plinius l. 3. H. N. c. 7. circumvolvitur eam undique & maxima cum celeritate: suo Reçtori eam porrigit atque offert, ut ascendat, eam sylvas vastat, atque arbores prosternit unò vel altero tractu, quas plures homines evertere nequeunt, imprimis palmas ut earum fructibus potiatur: hinc Oppianus:

Fagos ille altas, oleastros, celsaque
sternit

Secula palmarum, & veteres radicitus
ornos.

Quando esuriunt, cibum extentâ promuscide capiunt, eam in os reflectunt, ejusdemque extremam partem pabulum tenentem intra os, ut homines solent cochlear, immittunt: pari modò, quando sitiunt, ut eleganter id describit Aretæus, proboscidis extremam narem in aquam demergunt, deinde tanquam respirantes vice aëris multum aquæ attrahunt, iterumque effundunt, quoad ventrem tanquam onerariam navem compleverint. Hòc officiò

pedes Elephanti tanquam animalis digitati fungi debebant, ut philosophatur Aristoteles l. 2. part. an. c. 6. hos enim manuum vice habet genus quadrupedum digitatum, (πολυδάκτυλον,) non solum ponderis sustinendi causa: cum autem vastissimum sit hoc animal, ejusque grandi ponderi sustinendo vix sufficiant pedes, proboscide utitur hęc natura ad supplendum eorum ministerium.

Adjuvat & proboscidis longitudo ad decerpandos fructus & ramos, ne universas arbores evertere cogetur, quod fuisset laboriosum atque damnosum, nec solum ipsi, sed etiam aliis, sublatò scilicet alimentò imposterum. Vid. H. Cardan. de subtil. l. 10. p. 557. & seq. qui vidit illum prementem capite ea, quæ voluit evertere. Ingentia onera proboscide attollunt: robustos viros proboscide comprehensos in sublime rapere, & terræ allidere possunt. Si fortè quis illos injuriâ aut contumeliâ affecerit, proboscidem putidâ aquâ replent, eaque adversarium fœdè contaminant. Ensem solebant olim Indi alligare proboscidis imò, quò hostes occiderent: moniti enim sola Reçtoris voce norant, quos ferire & à quibus abstinere debebant. Proboscidi tanta facilitas tractandi, ut etiam stipem Elephas illâ colligat: unde illud adagiùm Augusti dicentis cuidam libellum supplicem sibi cum timore porrigenti: tanquam Elephanto stipem porrigis: constringit enim probosci-



bofscidem in imo ut libet, partesque alias extendit, alias contrahit, ut vix homo melius digitis quicquam apprehendat.

Non malè Scaliger l. c. probofcidem vocat tubam ob longitudinem ſcilicet & cavitatem, ſiquidem horribilem probofcide ſonitum, raucam vocem ſeu barritum edit, tubæ ſono æquiparandum: per illam enim ceu inſtrumentum longum & concavum ſimile tubarum raucitati ſonat, ut ſcribit Ariſtoteles l. 4. H. A. c. 9. inſtar hominis loquentis ſimul & ſpirantis, unde eam ſpirabundam vocat Plinius l. 11. c. 51. Itaque propria ipſius affectio barritus eſt, quod vocabulum vocem Elephanti non malè exprimit: edit enim iſtum ſonum, quem prima refert ſyllaba: verbum autem barrire an ſit Romanum vel aliunde translatum, & poſtmodum forô latinô donatum, aliis relinquo diſquirendum: barrire itaque ſecundum Feſtum dicuntur Elephanti à ſonô vocis, hinc & ipſi barri vocantur: unde barrire etiam dicuntur milites, cum ineunt prælium: ſolent enim clamore accendere animos, ut pugnam animoſius aggrediantur.

Natura hanc Elephanti partem ad plura officia condidit, ſiquidem unius rei plures ſunt fines: ſpirant enim & bibunt, odoranturque ſuâ haut improprie appellatâ manu ſecundum Plinium H. N. l. 8. c. 10. probofcide aërem attrahit: nam ſecundum Ariſtotelem l. c. omnia animalia, quibus pulmo eſt, nares

habent, ut ſpirent: indiguit autem Elephas tam longô naſô pro faciliiori non ſolum in terreſtri itinere, verum etiam, quando ipſi per flumina ambulandum eſt, reſpiratione: hæc ſi nimis profunda ſunt, probofcide extra aquam exſerta ſe aquæ committit, more urinatorum longo canali coriaceô capiti atque ori applicato, cujus orificium ſupra aquas eminet, pro captanda reſpiratione utentium, cujus adminiculo ſpiritum ducere, & ad tempus ſub aquis permanere poſſunt.

Quando ad ſomnum ſe componit Elephas, ſpirat & reſpirat magno & longo ſonitu: nam ſecundum Giliium in deſcript. Elephantip. 8. ejus una ſpiratio tamdiu durat, ut triginta vocabula proferre poſſis, totidemque a fine exſpirationis ad initium inſpirationis repetere valeas: in exſpiratione tantum temporis ponit, quantum in inſpiratione; quæ utraque cum ſit ſonans velut fiſtula quædam, tamen ſpiratio eſt ſine percuffione ſoni: at reſpiratio habet quasdam percuffiones velut fiſtula ad tactum foraminum: Citra nares ore ipſo vocem elidit ſpirabundam, quemadmodum cum homo ſimul ſpiritum reddit & loquitur: At per nares ſimile tubarum raucitati ſonat ſecundum Ariſtotelem loco citato; ſternutamento ſimilem edit ſonum ſecundum Plinium l. c. interdum cum aliqua concuſſione corporis. Elephantorum ſpiritum ſerpentes extrahere

ex latebris Plinius H. N. l. II. c. 53. scribit : quemadmodum spiritus cervorum illos urit authore eodem.

Non solum per proboscidem, verum etiam per os emittit vocem : qua ratione Elephas assuefactus ad interrogata respondet : Ho ! quando scilicet ex illo quæritur, an Rectorem suum diligit ? an vinum vel aliud, quid bene sapiat ? & similia.

Beneficio hujus proboscidis seu longi nasi Elephas exquisito pollet odoratu : nam judiciô Philosophi l. 2. de gen. an. c. 2. illa animalia, quorum nares porrectæ sunt longius, quam maxime valent olfactu : hinc Elephas melones & cucumeres, quibus impense delectatur, è longinquo odoratur. Hominem cum valde timeant, ejus vestigia solerter observant : dum ex sylvis progrediuntur, primus in ordine herbam ab homine conculcatam forte offendens, illam statim decerpit, eamque sociis suis communicat, quo factò omnes odore hominis percepto dilabuntur. Semper suæ proboscidi timet valdopere Elephas, gnarus illam facile amputari posse : quapropter illam urgente periculo sub alvum flectit & abscondit.

Promuscidis detractam pellem P. Gillius invenit latam pedem unum & sex digitos : à radice dentium exteriorum ad nares longam 4. pedes & 6. digitos : in extremitate, ubi nares exitum habent, cras-

sam digitum unum : & differt pars inferior à superiore : nam inferior extremitas, facta velut labrum, lata est 5. digitos, crassa digitum : at pars superior in mucronem definit, & tres digitos longior existit, quam inferior pars : sensim definit in mucronem initio latum tres digitos, in extremo minimum digitum : hâc superiore parte aperire & tegere nares solet, & eam incurvare, ut nos digitos solemus, cum aliquid capere volumus.

Lubet heïc inferere illa. quæ Anno 1681. d. 5. Februarii in sectione Elephanti Versaliis à D. du Verney facta observata sunt de proboscide, quæ ex parvis musculis pene innumeris erat composita, quinque & amplius pedes longa, quam ad libitum contrahebat & producebat : Extremum illius paulo latius instar crateris, cujus ora foris exstabat, & ex ea velut digitum proferbat, quo quidem perinde ut manu uti solent Elephanti, quo Elephas hic funiculum nodo astrictum solvebat, & minutiora corpora contractabat, graviora frangebat, atque ex illa appendice onera sursum tollere visus est : in imo hujus vas sunt duo foramina, quibus ducunt & reddunt Spiritum, atque hujus attractionis vi potius proboscidis cava subit, qua subinde inflexa per os hunc demittit non sine strepitu, ex imo pulsu aëris non ex suctione ipsa profecto : Sic herbam eodem proboscidis extremo avellit, eamque glomeratam in oris intima

intima propellit: nullum enim cibum ore ipso sumit, nisi per proboscidem: unde & nares in proboscide sunt collocatae, ut ciborum naturam olfactu ipso exploret, ne quid noxium aut ingratum intus subeat.

Itaque usus proboscidis & functio est multiplex: nam ducit aerem per aperta illa duo foramina: per eadem potum in oris cavitatem transmittit: in omnes partes se inflectit, variis quoque modis sese contrahit & producit, idque per membranas tendineas & nervosas, per carnem musculosam nullis ossibus firmatam. In medio proboscidis duo sunt tubi membranosi & laeves, per quos aer spirando ductus & aqua epota transmittuntur, ille in pulmonem, hic in oesophagum & ventriculum: ductus illi in extrema sui parte sunt latiores: sic aer expiratione ipsa liquorem majore vi protrudit in oris cavam, quod ex ampliori spatio in angustius committit: non enim contractione successiva, ut in oesophago & in ipsis intestinis hic motus perficitur, cum fibrae carnae & circulares desint. Actiones quippe omnes proboscidis contractione & productione continentur, sed utraque diversis plane fit modis: fibrae enim utriusque actionis effectrices natae sunt contrarios situs: ex iis aliae musculos componunt, qui una sui parte extrema cum interioris ductus membrana, parte altera cum exteri proboscidis involucri conne-

xi perpendicularares dici possunt, quod ad angulos rectos tum interiori, tum exteriori membranae insistant. Alii vero musculi sunt quodammodo utrique membranae paralleli, iique ab uno extremo proboscidis versus alterum incedunt.

Perpendicularium numerus est prope infinitus, atque horum pars carnosae versus ductum interiori, tendinea versus exteriori membranae dirigitur: contra accidit in musculis parallelis, qui ita sunt inter se aptati & conferti circa cujusque parvi musculi ventrem, ut plures unum & eundem velut musculum instar lori praelongi a summa proboscidis parte ad imam descendens octo aut decem lineis lati efficere videantur. Horum tendines membranae interioris ductui oblique inferuntur, alii ab aliis sejunguntur per membranam e tendinibus perpendicularium musculorum conflata: sed minores musculi, e quibus paralleli majores coalescunt, suos habent tendines cum parte carnosae cujusque perpendicularis musculi permixtas & confusas quodammodo: nam paralleli quique musculi, cum duo extrema habeant interiori ductus membranae, & ventrem exteriori proboscidis membranae affixum, ii non recti sed curvi semper manent: ex iis utcunque intelligitur, qua ratione proboscis contrahatur & producat: cum enim musculi perpendicularares vim suam exserunt, tum exteriori proboscidis membranam ad ipsam ductus,

ductus membranam propius adducunt, sicque imminuta crassitie proboscidem in longum magis produci necesse est.

Paralleli vero junctis agunt viribus, atque id præstant, ut partes interioris ductus, quibus ii muscoli tendines suos habent affixos, ad sese mutuo accedant, unde & proboscidem contrahi necesse est: atque ut hi muscoli variis in locis motus suos exserunt, diversi quoque motus fiunt, & variis modis proboscis ipsa inflectitur: & quidem ea distendi & contrahi potuisset per fibras circulares, & sphincteres quosdam: sed ea fibrarum structura ductus ipsos, qui patentes & aperti esse debent, plus satis coarctasset: unde huic incommodo per musculos perpendiculares cavit supremus naturæ opifex, iique uno & eodem tempore exteriorem proboscidis membranam intus adducunt, & ductuum interiorum membranas diducunt: quæ enim necessaria est proboscidis productioni contractio, ea solis musculorum carnibus interjectis perficitur, unde & ductus semper aperti & liberi manent. Vid. Joh. Baptist. du Hamel Histor. Regiæ Scientiarum Academiæ l. 2. pag. 204.

Optandum esset, ut etiam illa, quæ in hac sectione de pellis Elephantinæ structura curiose annotata sunt, & quæ ad musculorum, viscerum, ossium & aliarum partium conformationem spectant, in lucem prodeant.

A. Moulinus in sectione sui Elephantis cum separasset à fronte proboscidem, observavit ejus substantiam ad amissim similem linguæ bovinæ excisæ cum multa interspersa pinguedine, potuitque ibi discernere tres distinctos fibrarum ordines, unum oblique & spiraliter descendentem, alium spiraliter sed crucis modo descendentem, tertius ordo constabat fibris rectis, quibus adminiculis proboscis extendi, contrahi, sursum, deorsum, dextrorsum & sinistrorsum pro lubitu animalis moveri potest: hic motus cum omnino sit singularis, & ab aliis plane diversus, requirit singularem theoriam, quam exactam & omnibus numeris absolutam videre Author mecum in votis habet, & ab eruditis Anatomicis, quibus hæc animalia secandi datur copia, expectat: interim ipse existimat, hunc motum fieri à circularibus fibris. vid. Author. l. c.

PARTIS I. CAPUT 6.

Elephantis Cornua (vulgò dentes) trutinatur.

Cornua propriè dicta cernuntur in animalibus, quorum robur, virtus & pulchritudo ex illis elucet:

hinc in sacro codice cornu metaphorice sumitur pro potestate, siquidem cornuta animalia cornibus se defen-

defendunt, & adversarios proster-
nunt: ita dicitur Ps. 75. Cornua im-
piorum confringam: denotant præ-
terea Cornua dominium & regimen:
nam animalia, quæ magna habent
Cornua, plerumque reliquis domi-
nantur: hinc Propheta Daniel c. 7.
potentiam regnorum, bella & victo-
riam per cornua animalium descri-
bit: tandem arguunt pulchritudi-
nem, quoniam brutorum decus ex
parte consistit in cornibus. Jobus
etiam filia suæ perquam speciosa
à cornu nomen indidit, appellando
eam Kerenhapuch, cornu conver-
sionis, cap. 42. Ita Zacharias Lucæ
cap. 1. Redemptorem nostrum pul-
chrè nominat *κέρως σωτηρίας*, Cornu
salutis: & Regius Propheta David
DEUM suum vocat Cornu salutis
suæ, Psalm 18. quæ de repulchrè disse-
rit D. B. Meisnerus in Meditation.
Evangel. festiv. p. m. 625.

Cum itaque Elephas inter præci-
pua animalia bruta prima occupet
subsellia, opus habuit ad suam de-
fensionem & ornatum more reli-
quorum etiam cornibus, sed omni-
nò singularibus: ex hujus enim
ore utrinque eminent duo cornua,
(Maulhörner) quæ Plinius arma vo-
cat ingentia, resimata, deorsum
retorta, recurva & aliquot pedes
longa, nata è mandibula superiore,
proboscidem in medio habentia,
dignitatis & præminentia argu-
menta, tantæ molis ac roboris, ut
iis hominem, imò & trabem trans-
versam imponere, atque in altum
attollere nullo negotio queat: ever-

tit ædificia cum impetu dentes ad-
movens magnos, inquit Aristoteles
H. A. l. 9. c. 1. Hic statuit, cornua
Elephanto esse denegata, cum ma-
gnitudinis ipsius exsuperantia ad
injurias arcendas sufficiat: Veris
autem cornibus Elephantum gau-
dere, patebit ex sequentibus: Denn
er reisset von den Bäumen grosse
Aeste vermittelst seiner Maulhörner
herunter / ut scribit E. G. Happelius
p. 2. rel. Cur. p. 731. Arbore exacuant
limantque cornua Elephantum, ut
saxo Rhinoceroles, & apri dentium
ficas, ut legimus apud Plinium H. N.
l. 18. c. 1. Juba vocat cornua: Ezechiel
verò Propheta misto nomine nomi-
nat cornua dentis. Si quid ex corni-
bus & dentibus compositum esse di-
xero, nemo vitio daturus est, scribit
Ulysses Aldrovandus l. 1. de quadru-
ped. p. 200. Varro l. 6 de I. L. Elephan-
tos dicit quadrupedes cornutas.

Hæc cornua, (quæ masculis sunt
reflexa, & quasi falcata, fæminis
verò nonnullis recta & prona) Are-
tæus describit, quod sint communi-
ter prorsum spectantia, recta non
admodum, sed paululum in supe-
riora retorta, ut pondus extollere
possint: cui adstipulatur Petrus
Gillius, inquiens: errant, qui di-
cunt, ea vergere ad terram: non
enim sursum, neque deorsum, sed
recta in anteriorem partem sensim
in fine incurvata sursum versus fe-
runtur. Vulgus hæc cornua cum
Herodoto l. 8. c. 3. & ipsa vulgari
consuetudine dentes vocat, hinc
Priscianus:

Vel dentes stringunt Elephantis ab ore
revulsos,

sed minus rectè, ut infra patebit: cuius sententiæ etiam fuit Plinius, qui l. ii. c. 37. hæc habet: Dentium tria sunt genera, ferrati aut continui aut exserti: Serrati pectinatim coeuntes, ne contrario occurfu atterantur, sunt serpentibus, piscibus, canibus: continui homini, equo, bovi: exserti apro, hippopotamo, Elephantis.

Quemadmodum autem communiter dentium materia non est merè ossea, sed inter os & petram media sive neutra: ita etiam secundum Helmontium de lithiasi c. i. cornu (vulgò dens) Elephantis magnam partem ossis habet, alteramque lapidis seu dentiformem: Sic ex mente ejusdem l. c. Cornu cervi partim de materiâ osseâ, partim de ligneâ participat: adeoque & propterea spinas atque ramos æmulari annueque decidere videtur, ob proprietatem frondium & partis ligneæ retentam: cuius asserti valorem in medio relinquo, & Ælianum l. ii. c. 37. secutus existimo,

τὸν ἐλέφαντα ἔχει ὀδόντας ἔχον, ἀλλὰ κέρατα:

Pagninus קַרְנוֹת פִּי vertit cornua eburnea: & Tremellius cum Junio cornua eboris: Veteres etiam Elephantos cornutas quadrupedes vocarunt. Vid. N. Perottus in C. C. p. 22.

E superiore mandibula hæc cornua nasci negat Scaliger, exerc. 204. quando ait: Eorum maximus error,

qui dentes illos (ut vocat) è superiori nasci mandibulâ atque deorsum spectare prodiderunt: nam præter sensus fidem, quæ id falsum esse docet, est subtilitas in duabus rationibus: priorem sumimus ab usu: alteram è constitutione: usum eorum in gentilitiis ajunt præliis: quamobrem obrectationis impatiens animal in rivalis perniciem illos acuire legimus: tam vasti dentis igitur ima cuspis quam in partem ictum infligeret? deinde quæ fieri possit, ut tam latum pectus tam parvæ cederet distantiae, quanta à primore mandibula proficiscitur? Nam & eorum flexus & colli brevitates effecissent, ut aut pectori infingerentur, aut inter crura subtus ipsum pectus tegerentur.

At contradicunt Scaligero plurimi Authores, inter quos Pausanias curiosus harum rerum indagator & oculatus testis expressè scribit: In Elephantis à superiore id, quod dentes multi esse putarunt, descendit maxilla: cui suffragatur Aretæus inquit: Cornua non semper frontem & tempora, qualis cornigeris natura est, sed in ore & superiore maxilla sita sunt: his addit suum calculum Garzias ab Horto, per 30. annos in Indiis versatus, ut & Oppianus ita canens:

E superis surgunt gemina arma valentia malis

Porrecta in cælum geminos imitantia dentes.

& alibi canit:

- - - vulgus dentes existimat esse:
Non sic appellare placet, sed cornua
dei,

Cornea cum virtus illis videatur inesse.

Idem sentit Helmontius in tractat. Terra inscripto p. m. 56. referens: in Hingsene prope Scaldim 12. pedes subter Horizontem, humidô prato repertum fuisse cornu vulgò dentem Elephantis cum totâ maxillâ, cujus teriam partem duorum pedum longitudine se asservare secum scribit & hinc quandoque vivos Elephantos in hoc tractu fuisse autumat. Sed cornua non dentes esse, ex quibus ebur fit, apud Habessinios etiam populos aliosque non ambigitur, & ipsa materia & situs id docent, ex cranio enim proveniunt: fæminæ illis ut plurimum carent, ut scribit Illustris Ludolphus, beatæ memoriæ Histor. Æthiop. cap. 10.

Petrus Gillius in descript. El. p. 12. statuit, ab ossibus anterioribus frontis hæc cornua oriri: nec abs re, cum viderit aliquando in Elephantis cranio eorum partem multis securis ictibus excisam relictam intra capitis os, cavam, exorientem à fronte paulò infra radices promuscidis: maxillæ autem aliquò spatiò ab illo loco distant: hoc pacto cornua hæc à temporibus orta per os extrorsum resupinata sese offerunt: ex ore ergò non prodeunt, sed ex pelle emimente supra os, qua circumdantur ad suas radices. Vid. Author. p. 14.

Decimò quoque annò secundum nonnullos Elephantis ea abjiciunt & defodiunt, sicut cervi quotannis illa perdunt. Hinc Turnebus l. 13. cap. 24. ait: Ebur, ut opinor, non ineptè nec inscitè in cornuum genere reponitur: quod confirmat Pausanias l. 1. Eliacor. qui Elephantis cranium se accuratè considerasse scribit: præterea ebur igne emollitur, hominumque arte & operâ expolitur, quod dentibus non convenit. Vid. Pausan. descript. veteris Græciæ. Elephas itaque ut magnitudine & specie corporis à cæteris animalibus multum differt, sic diversum etiam & peculiarem cornuum habet exortum.

Hæc cum ita se habeant, non videntur à januâ aberrare, sed potius ἀκέρβολογῆν illi, qui pro cornibus hos dentes habent: inter quos est Varro, qui l. 6. de I. L. Elephantos vocat quadrupedes cornutas, ut supra dictum: & addit: nam quos dentes multi nominant, sunt cornua: usum enim dentium non obtinent, siquidem non ad masticationem cibi, sed potius ad defensionem inserviunt: præterea certò tempore decidunt, & more cornuum cervi regenerantur, quod etiam in Elephantis quovis decenniò contingit secundum nonnullos: quod tamen Garzias ab Horto & Scaliger exerc. 204. verum esse negat. Plinius autem lib. 8 c. 3. ait: quod dentes casu aliquo vel senectâ decedentes defodiantur ab Elephantis: accedit, quod inter Elephantos

solummodò mares cervorum more cornibus credantur gaudere, non fæminæ: quamvis de hoc similiter dubitet Scaliger, loco citato affirmans se legisse, in fæminis perbreves & palmi longitudine esse dentes. Nullis omnino cornibus fæminas armatas esse refert E. G. Happelius Relat. Curios. p. 2. p. 743. sed contradicit Aristoteles l. 2. H. A. c. 5. ita scribens: Duo prominent grandes, quos mares grandiores resimatosque habent: fæminæ minores deorsum reflexos, contra quam mares: vergunt enim deorsum, pronique deviant: at Gillius l. c. dicit, errare illos, qui dicunt, hos dentes ita dictos vergere ad terram: non enim sursum neque deorsum feruntur, sed recti in anteriorem partem sensim in fine incurvati sursum versus, ut linea à media dentis radice ad summum mucronem non excederet extra directionem, sed in mucrone rescissi erant, itaque minus curvi & breviores, longi sesquipedem, quorum singulorum perimenter in medio habebat pedem.

Juba & Pausanias olim contra Philostratum disputabant, esse cornua, non dentes: nec destituebantur rationibus: Primum Juba sic argumentabatur: Cornua nunquam mutantur, quod videre licet in bobus & capris: dentes verò mutantur: Elephantorum dentes sic dicti non mutantur, non igitur sunt dentes, sed potius cornua. Pausanias l. 5. Eliac. p. m. 198. idem con-

cludit, inquiens: Cornua mutantur, ut in cervis, capreolis &c. majores dentes nunquam: neque enim apris hi, qui prominent, mutantur: at sic dicti dentes Elephantorum mutantur: sunt igitur cornua. Dentes præterea e mandibulis nascuntur: Cornua verò ex temporibus: at Elephantorum sic nominati dentes ex temporibus nascuntur, non ex mandibulis: hocque se vidisse in Elephantis calvariâ affirmat. Sunt autem hæc cornua ab aliorum animalium cornibus diversa, quemadmodum nec magnitudine nec figura cum aliis conveniunt.

Elephantorum cornua igne molliuntur ad varios usus, quod proprium est cornibus: dentes vero corrumpuntur & comburuntur ab igne, nunquam molliuntur: quibus Juba & Pausaniæ rationibus H. Cardanus de subtil. p. 554. adhuc duas firmiores adjicit: prima est, quod Elephantorum vulgò dicti dentes teretes sunt, & exactè rotundi absque acie, quod cornibus proprium est: nam dentes mucronati sunt, ut apri, canum atque aliorum omnium. Secunda est, quod Elephas dentibus caret in anteriore parte, non solum in superiore mandibula, sed inferiore etiam, quod proprium esse solum cornigeris animalibus l. c. scribit.

Cælius Rhodiginus lect. antiq. l. 7. p. m. 348. laudat Pausaniæ sententiam, & rectissimè cornua dici statuit: Primum inquit cum Pausania,

nia,

nia, astringentibus diversam opinionem perpendenda Gallicæ feræ natura, quam vocant Alcen: spectandi & Tauri Æthiopici: Alcis utique in superciliis adnascuntur cornua, sed maribus modò, nam fæminæ prorsus carent eò adjuncto: Æthiopici vero Tauri è naribus cornua proferunt: quæ cum ita sint, cui nam fiat admiratio, cum ex animalis ore promi cornua videat audiatve? Sed suppetunt & argumenta hæc: Cornua utique per annorum periodos corrupta decidunt, ac rursum succrescunt protuberantque: probant id cervi: probant & Dorcades: verum Elephantis itidem contingit: dens vero adultiori præsertim excussus quando suboriatur? aut ubinam renasci compertum? vel si dentes sunt, qui ex ore proferuntur, non cornua, quænam ratione progerminant denuo? adde, quod ignibus indomiti fermè habentur dentes: at boum & Elephantorum cornua in hac re sequacis maxime sunt naturæ: nam ignis vi, utcunque collibuerit, efformantur. Hippopotamis suisque ex inferiore malâ dentes prorumpunt exserti, quos *καυλιόδοντες* appellant. Scito itaque ex temporibus profilire cornua, atque ita extrorsum reflecti: id quod non, quia audierim, commemoro: sed in Campania in Dianæ sacello Elephantum cranium pro arbitrio sum contemplatus: id ita comperi: nec fanè mirandum: nam & in aliis Elephantas à reliquorum naturâ insigniter

disparatus animadverti potest, tum formâ, tum mensurâ. Hactenus ex Pausania Rhodiginus.

Philostratus contra cum Herodoto, Dionysio Periogete, Plinio, Ovidio, Claudiano & Arabibus aliisque dentes esse non cornua evincere conatur tribus sequentibus rationibus: quarum prima est, quod cornibus juxta annorum numerum circuli quidam innascantur in radice, velut videre licet in bobus ac capris: dentibus vero nulli sunt circuli, nam illi sunt undique læves, nec annorum numero quicquam accedit præter magnitudinem: at Elephantorum dentes tales sunt, leves scilicet & absque circulis: II. Dentes solidi sunt undiquaque, nec inane habent quicquam præter exiguum foramen, quod proprium est dentibus: cornua vero vacua sunt intus, id quod in bobus spectare licet. III. Nullum animal est cornibus præditum, nisi quod ungulas habet, & bifidas, ut cervi, capreoli, boves, capræ: at Elephas neque ungulam habet in pedibus, sed digitos: nec bifidos, sed in quinque partes distinctos.

Verum rationes istæ parvi sunt momenti: nam primo falsum est, quod in omnibus animalium cornibus sint Circuli: exempli loco sint Cervi Cornua, quibus prorsus nulli sunt circuli: præterea Cornua Elephantis sunt Cornua sui generis, atque aliis Cornibus non per omnia similia: Secundo contra experientiam est, quod Elephantorum dentes

tes sint prorsus solidi, nec intus quicquam inane habeant: sunt enim manifestè vacui, quâ parte cranio, ut aprorum dentes, quâ parte mandibulæ inferuntur: deinde hoc abludit à veritate, quod omnia cornua sint inania: in bobus & bubalis quidem sunt talia: in Cervis vero non item, quemadmodum nec in capris, quorum Cornua pleraque sunt solidiora, nec in totum vacua. Tandem nec tertia ratio aliquid contra Elephanti Cornua concludit: nam Elephanti digiti sunt ungulæ sui generis, quamvis non sint bifidæ, sed in quinque partes distinctæ. De his plura vide apud H. Cardanum locò citatò, Aldrovandum aliosque.

Potiori itaque jure vocantur Cornua quam dentes: quod mecum statuunt Authores omni exceptione majores ob graves rationes: nam primo è cranio oriuntur, quod Cornuum proprium est: 2. quia facile secantur, poliuntur, & in quamvis formam effinguntur, quod cum aliorum animalium dentibus fieri nequit: 3. quia decidunt, & renascuntur, ut Cornua Cervorum: cum alioquin soli homini dentes decidunt: quod tamen Philosophus etiam equis, mulis & asinis contingere scribit H. A. l. 2. c. 1. Hinc ipsi etiam Æthiopes, apud quos vernaculum est hoc animal, Akronoth, id est, Cornua nominant: quin & analysis Chimica magis corneam quam osseam substantiam heic adesse evincit. Itaque rectè Ælianus

lib. II. cap. 37. sentit, inquiens: τὸν γὰρ ἐλέφαντα ἔφημι ὀδόντας ἔχειν ἀλλὰ κέρατα: cui subscribunt Aretæus, Varro & Pierius, qui lib. 2. hieroglyph. nulli animalium cornua majora & speciosiora attribuit, quam Elephantò: Oppianus illa sequenti modò delineat:

- - Arma exsertos imitantia dentes.

Unde aliqui dentes decepti errore vocarunt.

Martialis vocat cornua, lib. 13. de Ægle edentula, ideoque dentibus eburneis utente ita canens:

Sic tentata sibi videtur Ægle

emptis ossibus Indicoque cornu.

Nonnullis placet Aldrovandi, Bochartique de media illorum natura sententia, quam origo confirmare videtur, ut supra dictum, Paulsanix notata, qui à temporibus superne eos descendere, & ita foras tendere non auritus, sed oculatus testis scripsit: A. Moulinus & Rajus vero è maxilla superiore eos deducunt, scribentes, illos intus concavos esse, & quadam velut medullâ compactiore, glandularum aliquam mixturam habente repletos.

Prominuli dentes eburnei, vulgo Gallis Deffenses, magis Cornua, quam dentes censerì debent, seu eorum spectemus originem à dentium ortu longe diversam, seu naturam ipsam eboris, quod in igne emollitur, ut cornua, non item dentes. Vid. Joh. Baptist. du Hamel Hist. R. S. A. l. 2. p. 206. Ubi è maxilla erumpunt, carneâ substantia impleta sunt, quam nihil aliud esse, quam vasorum congeriem pericranio

nio involutam statuit modò laudatus author l. c.

Circa cornua belluis maxima cura: alterius mucroni parcunt, ne fit præliis hebes: alterius usu fodiunt radices, impellunt moles, arbores extirpant, teste Pliniò, Ælianò, Solinò, & Plutarchò: cum ab Indis arbores radicitus extrahere compelluntur, non prius illum laborem aggrediuntur, quam concusserint arbores, sic periclitantes, an everti possit, vel ab impetu invicta sit futura: quòvis decenniò decidere hæc cornua Forerus scribit in *Thierbuch* pag. 78. quæ Elephas homini invidens in terra abscondit, singulari artificio tamen illa posse reperiri scribit ibidem: sed abludere à veritate, quod ante mortem cadant cornua Elephantis, dextrum etiam ab iis non sepeliri putat Scaliger exerc. 204. Propter hæc sua arma tamen non se peti norunt, & decidua casu aliquò vel senectâ defodiunt, ex invidia quasi ne homines hoc thesauro potiantur.

Decidua igitur & regenerabilia esse hæc cornua, imò ab ipsis Elephantis interdum decuti multi Authores statuunt, quâ de re Passeratius in encomio Elephantis:

Hæc quando exhaustæ nequeunt defendere vires,

Insidiæque urgent & spicula densa latronum,

Arboris impingunt trunco, fractosque relinquunt,

Castoreò ut redimant usuram luminis astu:

Modum describit Ælianus l. 14.

cap. 5. ita: Quando Elephantis in Mauritania degentes cornua decutiunt, procumbunt in genua, & cornua intrudunt terræ, ubi mollis & laxa est, donec amplius conspici nequeant: terram superinjectam postea pedibus complanant, quæ ob soli fertilitatem citò gramine obducitur, adeò ut vix explorari possit locus, in quo cornua sunt recondita: Mauri verò, ut cornibus hisce potiantur, rem aggrediuntur ita: in loco ubi defossa esse cornua suspicantur, hinc inde disponunt utres ex caprarum pellibus confatos aqua repletos: quod si sub utre aliquo lateat fortè absconditum Elephantis cornu, statim uter à mirabili & abscondita illius virtute exsiccabitur, & sic locus detectus est: Fidem vindicet Author. Hoc ebur ab Elephantis defossum omnium præstantissimum esse, præsertim ab humanis pedibus aliquandiu tritum scribit Junius in notis: non autem video, quomodo defossione istâ pedumque humanorum conculcatione quædam præstantia ebori accedere possit, cum potius sub terra nitore suo privari & vilius reddi videatur.

Ingentis magnitudinis nonnunquam sunt hæc cornua: vidit Ludovicus Vartomannus in Sumatra Insula duo, quæ appensa libras trecentas & triginta sex pendebant, teste Jonstono histor. nat. de quadruped. p. m. 31. Duo Elephantis cornua pependisse pondo trecenta viginti quinque J. C. Scaliger ex

Indicis

Indicis historiis refert exerc. 204. Terzogus in Museo Septaliano meminit unius 160. librarum pondere, & Vielhauer in der Beschreibung frembder Materialien dentem ita dictum delineat 200. libras pendentem: quod confirmat H. Cardanus de subtil. l. 10. p. 549. addens, se vidisse non semel Elephantum cornua, quæ ferme sex cubitos vel incurva æquarent, quæ si recta fuissent, longiora planè fuissent septem cubitis: modò citatus Scaliger vidit unum cornu se longè procerius: se verò ultra quinque pedes longum fuisse scribit exerc. 263. Aloysius Cadamustus 8. pedum agnoscit longitudinem, qui aliquando unum Elephantem spectavit occisum, cujus cornuum amplitudo palmos ternos excedebat: unum cornu ponderasse, quod ferè fidem superat, 325. pondo memorat apud Taprobanem Ludovicus Barth rerum Indicar. lib. 3. & secundum Arabes ita crescunt, ut quandoque centum minarum pondus singuli exæquent. Vid. Bochart. Hierozoic. l. 2. c. 24. qui, ut supra memoratum, mediam inter dentes & cornua naturam producit in scenam, motus auctoritate Ezechielis Prophetæ, qui misto nomine cornuum dentis mentionem facit cap. 27. v. 15.

De eorum magnitudine ita Plinius H. N. l. 8. cap. 10. Magnitudo, inquit, dentium (cornuum) videtur quidem in templis præcipua, sed tamen in extremis Africæ, qua confinis Æthiopiæ est, postium vicem

in domiciliis & januis præbere, sepesque in iis & pecorum stabulis pro palis Elephantorum dentibus (cornibus) fieri Polybius tradit, authore Gulussa Regulo. De ejusmodi dentibus eboreis quærit Martialis:

An Libycas possint sustinuisse trabes? Gillius sæpè longitudinem decem pedum æquare memorat. Venetus quidam Mercator unum aureis triginta sex emisse dicitur longitudine dodrantum ipsius quatuordecim, crassitudine dodrantum quatuor, tantò pondere, ut vix humò tolli potuerit. Sed & Sabellicus author est, fuisse Firmo duos Elephantinos ita dictos dentes, tam enormi magnitudine, ut Aurelianus Firmi Victor eos pro miraculo Romam deportandos curaverit. In Indiâ Orientali & Regione Magni Mogol inveniuntur tantæ magnitudinis, ut in utroque possit insidere homo sine gravatione & molestiâ Elephantum. Vid. Ettmülleri Zoolog. p. 172.

Anno Christi 1546. ultra centum Elephantum cornua Basileam transportata fuisse, quorum unum 9. pedes longum, tres vero dodrantes crassum fuerit, & vix à se attolli potuerit, quippe circiter libras 100. pendens, scribit Münsterus in Cosmograph. idem bienniò ante ejusmodi Cornu Basileam advectum esse narrat, quod decem pedes longum fuerit, & pependerit centum & quatuordecim pondo. In Africâ tantam reperiri Cornuum Elephantinorum copiam, ut integra viva-

ria,

ria, quæ ambitu suo aliquot millia passuum complectuntur, illis circum septa reperiantur, scribit I. B. Tavernier Itiner. Indic. l. 1. c. 18. Largam eboris copiam apud Cafras populos in vicinia promontorii bonæ spei reperiri refert idem Itiner. Ind. l. 2. Æthiopes occidunt Elephantos, ut eorum liceat potiri cornibus, quæ Lusitanis deinde vendunt, carnibus autem vescuntur. Vid. Joh. Hug. à Linschoten part. 4. Ind. Or. c. 2. Persarum Regi pro annulô tributô illa pendunt. Forerus de Eleph. pag. 78.

Quo juniores sunt Elephanti, eô candidiora & nitidiora obtinent Cornua: quorum unô, quod acutius est alterô, ad corporis defensionem, altero verò ad effosionem radicum & herbarum excisionemque arborum utuntur, quem in finem illa exacuunt, ut in durô Saxô Rhinoceros. Elephanti masculi Cornua prorsum respicere, fœminæ autem vergere deorsum pronaque deviare & gibba esse cum Aristotele H. A. l. 2. c. 5. affirmat H. Cardanus l. c. adjectô schemate, quod ibidem videre licet: se tamen id in vivo animali vidisse negat. Fœminæ secundum Garziam ab Hortô non omnes Cornua habent: si verò adfunt, dodrantem vix excedunt. Elephanti Indici mares duntaxat obtinent Cornua: Æthiopicis verò ac Libycis sunt in utrôque sexu, ut Amyntianus tradit in libr. de

Elephanto. In Insula Zeylan natu primum saltem Elephanti catulum cornibus insignitum esse refert I. B. Tavernier l. c.

Palustrium Elephantorum Cornua livida sunt, rara, tractatu difficilia, & in plerisque partibus foramina sunt: in aliis vero partibus quasi grandinis grana seu tumores quidam insurgunt, & arti minimè obtemperant. Montanorum verò minora sunt, sed sufficienter alba, & nihil in eis difficile invenitur: optima autem sunt compestrium Elephantorum, maxima, longissima, & incidi facilia, ut nullo labore in quamcunque manus voluerit partem, deducantur, ut scribit Philostratus l. c. Cornua fœminæ majus pretium quam maris habere refert Ælianus l. c. Abjiciunt ea decimo quoque annô & defodiunt. Gesnerus l. 1. de quadrup. p. m. 412. Ex candore dentium intelligitur juvenita secundum Solinum cap. 33.

Produnt nonnulli, Elephantos à venatoribus circumventos, cum sciant, prædam solum in cornibus suis ab illis expeti, illa vehementer impingere arboribus, evellere, atque hîc modô se redimere: quâ de re vide A. Matthiol. comment. in l. 2. Dioscoridis cap. 50. quod tamen hic Author credit fabulosum esse: quemadmodum etiam falsum esse ostendit, quod Fiber viso Venatore sibi ipsi testes amputet.

PARTIS I. CAPUT 7.

Dentes molares considerat.

OS habet Elephas pectori propinquum, ut cum suo aliquam ineat similitudinem, ut scribit Matthiolus comment. in lib. 2 Dioscorid. cap. 50. pag. 215. Inferior quoque maxilla hujus animalis porci maxillæ similis est in figurâ, sed quantitate longe major: hæc solummodo inter edendum movetur, dentes superiores nunquam, quamvis plurimi hoc nec in seipsis animadvertant, ut scribit H. Cardanus l. c. Dentes incisores nullos, maxillares habet octo contra Plinium, qui duntaxat Elephanto intus quatuor dentes attribuit: suntque duo interiores dentes in singulis maxillis, quorum major est perpetuum os multis figuris distinctum, cujus superficies ad libellam plana est, longa septem, lata tres digitos, exasperata in decem velut gradus seu pulvinos, canaliculis distinctos, ferratos & exasperatos: singuli autem canaliculi transversim hujus superficiem secantes non modo à lateribus, sed etiam ab utrisque capitibus clauduntur pulvinis: alter dens intimus est, cujus superficies est plana, longa tres digitos, lata totidem etiam exiguis canaliculis exasperata: in lateribus utriusque dentis singularum maxillarum apparent pulvini, velut dentes respon-

dentes pulvinis positus in superficie, distincti striis, velut naturâ unum dentem in decem formare condiscite. Vid. Gillius in descript. Eleph. c. 3.

Peireskii in Elephantio Bergenferium advectô totô biduô seu rogando seu experiundo ita multa addidit, ut sibi factum putarit satis: inter cætera cum probasset omne genus edulii, jussissetque dulcia præsertim, quod gratissima forent, ministrari, adeo ut Elephas jam ipsum & agnosceret & blanditiis prosequeretur, fiduciam cepit, (sed præeunte animalis gubernatore) ingerendi brachium in os, explorandique ipsius dentes: deprehendit autem hinc in utraq. maxillâ binos, ut planè octo existerent, & non solum quatuor, ut voluerat Plinius: neque verò dentes attrectavit modò, sed etiam per Gubernatorem ceram ipsis applicuit, quò illorum simul magnitudinem formamque faceret expressam: inde autem perspectum habuit, grandem illum molarem dentem ex Africâ missum ab Arcosio, Elephantis esse non Gigantis dentem: neque est amplius demiratus, cur ex Gigante Teutobocho tam pauci fuissent dentes ostensi. Gassendus in vita Peireskii l. 4. p. m. 156.

PARTIS I. CAPUT 8.

Elephanti partes medii ventris expendit.

PLurima Elephantorum viscera cum visceribus porcorum convenire, nisi quod multò illis majora sint, communiter statuitur: videtur hoc animal cum sue aliquid habere similitudinis, inquit H. Cardanus de subtil. l. 10. p. 561. quod confirmat D. Casp. Horn. cap. 2. de Eleph. aliique non pauci. Viscera bubulis quadruplò majora illi assignat Plinius l. 11. c. 37. quemadmodum etiam ejus caro rubra est, ut bufalorum, & tenera, quâ aliqui in India usi carnem Elephantinam affirmarunt bubulâ meliorem, ut scribit Petrus Gillius l. c. carnem & sanguinem Elephanti Moulinus observavit sale urinosò scatentem, quod ipsi inter secandum innotuit, non solum ab urinosi effluviis nares adeò graviter afficientibus, ut vix ea perferre potuerit, verum etiam ab acuto dolore, quem sanguis manu tractatus in digitò casuali vulnere læsò inferebat, quod in aliorum animalium sanguine non observatur, quem dolorem per aliquot dies noctesque durasse scribit: assata etiam & in sartagine frixa caro referebat saporem carnis bubulæ macilentæ sale conditæ: his ὡς ἐν παρόδῳ præmissis ad partes medii ventris perlustrandas, quantum ex probatis Authoribus nobis constat, accingimur.

Pulmonum amplitudine Elephantum quater superare bovem statuit Plinius l. c. conveniunt tamen ratione figuræ, cum aliorum grandiorum animalium pulmonibus: cavitates thoracis implebatur pulmonibus & corde, ut refert de Elephantò à se sectò A. Moulinus l. c.

Pericardium, ut scribit Author modo citatus, constabat ex validissima membrana, magnamque feri quantitatem in se continebat: Cor usualement conicam habebat figuram ac situm velut in aliis animalibus: auriculæ & ventriculi cordis constabant dimensionibus cordis magnitudini competentibus: tales etiam fuerunt valvæ, & ferè eadem numero & figura, ut in aliis animalibus: item tres valvulæ mitrales sat magnæ: in septo cordis medio autem nullum invenit meatum hic Author, nec ossiculum, quod Galeus se reperisse affirmat in Elephantò Romæ à se dissecto.

De corde Elephanti ita scribit Ælianus H. A. l. 4. c. 31. Duplicitum corde, tum sensu animi Elephante esse dicitur, & altero quidem irâ incendi, alterò mitigari & leniri, Maurorum sermonibus pervulgatum. Sic scribit Conradus Gesnerus l. 1. de quadruped. pag. 414. duplex Elephante cor esse, unum quod furore accensus exserit, alte-

rum, quod in clementiam propendet. Duorum descriptionem apud Aldrovandum vide. Lipsius epistol. 50. centur. 1. subscribit Æliano, inquiens: & cur jam Æliano non credam, qui jure optimo duplex Cor tribuit animalibus tam cordatis? Sic refert Theophrastus, in Paphlagonia omnes perdices duo corda; in Bisaltia verò lepores duo jecinora obtinere: verum enim verò deceptos fuisse hos Authores existimo, dum aliquid aliud pro corde vel hepate habuerunt: quamvis Franciscus Plazzonus cordis appendicem aliquando invenerit alterius veluti rudimentum, cujus ectypon in Theatro publico Anno 1622. & Anno 1624. ostendit. Vid. Joh. Rhodii mantissam anatomicam ad Thom. Bartholin. p. 11. num. 12. Revera igitur Elephas unum tantum cor habet, quod amplum pedem unum in quadrimo deprehendit Gillius in descript. Eleph. p. m. 12.

Falsò ex Aristotele l. 3. de part. an. c. 4. asseritur, Elephantum, balænam & alia majora animalia tres obtinere cordis ventriculos, quos utique Galenus Romæ in Elephantò à se dissecto non invenit: nec Walæus & Sylvius in dissecto balænae fœtu tres cavitates in corde observarunt. Non nisi rarissimè tres cordis sinus sunt inventi. Æmilius Parisanus tot vidit in corde cujusdam velaturam facientis: bis totidem reperit Veslingius: Walæus quoque in bove tertium cordis ventriculum vidit: Casalpini tres

in avibus observavit, ut & piscibus. Vid. Thom. Bartholin. l. 2. anatom. c. 7. p. m. 392. Sed ista rarò contingunt & præter consuetum naturæ ordinem: nam in cordis fabricâ quandoque ludit natura: sic in bovini cordis septo intermedio supernâ parte secundum cordis longitudinem Walæus aliquando finem invenit ad sinistram ventriculum circa mucronem patulum, qui longitudine amplitudineque digitum indicem æquabat. Vide Walæum in epistola de motu Chyli.

In Elephanti corde duæ tantum reperiuntur cavitates, dextra scilicet & sinistra, superficiem habentes internam, inæqualem & asperam, maximè verò sinistra. Galenus l. 7. anatomicar. administrat. scribit, Elephanti cor duos tantum obtinere ventriculos contra Aristotelem, qui magnis animalibus tres attribuit: hujus historiam animalium partim falsam, partim imperfectam non sine ratione dixit Olaus Borrichius Hermet. Ægypt. c. 10. p. 244. & post hunc ejus exscriptorem Ælianum etiam reprehendit. Aristotelem etiam olim redarguit Galenus l. 7. administrat. anatomic. c. 10. ubi etiam eleganter de osse in corde Elephantii discurret.

Ex corde dissecti Elephantii Galenus magnum os exemit: Vid. J. Jonston. hist. nat. de quadruped. c. 7. p. 32. Hoc os in Elephantò maximò Romæ jugulatò, ad cujus dissectionem Medici convenerant discendi gratia, duosne cor haberet

vertices, an unum, & an ventriculos duos vel tres, sine negotio reperit unâ cum familiaribus digitos admolitus, & voluisset etiam astantibus inexercitatis, qui ut in minoribus, ita etiam in majoribus id non reperiri afferebant, id demonstrare, nisi familiares risissent, & ne illis ostenderet, rogassent: corde verò à Cæsaris coquis exempto, misit aliquem ex familiaribus exercitatum in ejusmodi rebus, rogatum coquos, ut os ab ipsis eximi sinerent, & sic factum est. Id etiam non parvæ magnitudinis os, & quod vix fidem mereatur Medicos latuisse, apud nos asservatur. Hactenus Galenus, quem citat Rolfincius, beatæ memoriæ, Dissertat. anatomic. l. 6. c. 19. Nam adversus Aristotelem, Medicos veteres & sui ævi statuit Galenus l. 6. de usu part. c. 19. & lib. 7. administrat. anatomic. in omnibus animalibus tale os cordis inveniri. Os eximiæ magnitudinis in corde jugulati Elephantis se vidisse scribit Aldrovandus. Vid. J. Jonston. thavmatograph. de quadruped. cap. 17. quod tamen in dubium vocat P. Lauremberg. exerc. anatomicâ decimâ scribens: id os, sicubi reperitur, præter naturam esse, & dispendio potius ac damno animali, quam commodo ac usui fore. A. Moulinus in corde Elephantis à se dissecti nullum os fuisse inventum scribit loco citato.

Cum sanguis beneficio circulationis acquirat in corde ultimam suam perfectionem, non abs re erit,

paucis hoc loco ejus facere mentionem: creditur autem sanguis Elephantis justò esse frigidior, respectu scilicet habito ad illa animalia, quæ calidiorem obtinent: hinc Dracones tanquam animalia calidissima, sanguinem Elephantis frigidum valde appetunt, utque illo potiantur, cum illo *ἀσπρόνδον* bellum gerunt, & tamdiu dimicant, donec Elephas tot ictibus enervatus Draconi in prædam cedat: nonnunquam tamen usu venire solet, ut Elephas cadens Draconem ipsum vastâ suâ mole proterat atque exstinguat, qua de re infra pluribus agetur. Vid. etiam Plin. l. c. De acrimonia sanguinis Elephantini supra in principio hujus capituli actum est.

Carotidem arteriam sæpè citatus Author A. Moulinus in suo Elephantis tam amplam fuisse tradit, ut arundinem in se recipere capax fuerit. Idem œsophagum observavit exterius musculosum, interius verò membranofum fibris densioribus instructum.

Mammas duas in anteriore parte juxta pectus habet & mas & fæmina valde exiguas pro corporis vastitate, ita ut eas à latere conspiciere prope modum nequeas. Aristoteles l. 2. histor. an. c. 1. scribit, illas non esse in pectore, sed paulò citra sub armis: nullum enim animal præter hominem mammas parte gerit prior: cur duas tantum habeat, & non plures, ut alia bruta, causam assignat hanc Philosophus, quod uniprolis sit. Sed cur non

inter femora? quia multifidum est animal: nullum enim inter femora mammas habet, cui pedes discreti in digitos sunt. Cur supra sub armis? respondet Aristoteles: quia in iis, quæ plures obtinent mammas, & primæ sunt, & plurimum lactis hauriunt, &c. Idem scrofa facere assolent: porcæ enim primis editis mammas præbent primas: itaque cui unum est, quod primum in lucem prodit, id primas habeat mammas necesse est: primæ autem sunt, quæ sub armis habentur: Elephas hæc de causa duas eoque locò mammas habet sapientissimo Creatoris ter Opt. maximi consilio, ut scilicet catulus lactens & ore sugens commodiorem haberet accessum proboscide non obstante, quam hõc anteriore loco quaquaversum flectere & amovere potest, ut sic commodius lactetur.

Ejusmodi Elephantem fœminam duas in anteriore parte mammas habentem & catulum lactantem Anno 1690. Ambstelodami se vidisse, amicus mihi retulit: quod etiam

confirmat Bartholinus anatom. l. 2. c. 1. Mammas duas parvulas occultabat sub armis anteriorum crurum Elephas Clariss. Sturmii: cum post contrectatas populoque demonstratas mammas à Magistro suo interrogaretur, ubinam virgines suas haberent mammas, proboscide utrumque pectoris latus percussit.

Costarum crassitiem Moulinus in suâ Anatomia Elephantis non indicat: longitudine autem longissimam illarum 32. digitos æquasse scribit.

Diaphragma validissimis carneis nervolisque fibris erat instructum.

Theodorus Ryckius in oratione de Gigantibus mentionem facit costæ cujusdam forte ex Indiâ allatæ, quæ in anatomico Academiae Leidensis theatro ostenditur, & juxta exteriorem flexuram octo pedes longa est, & ubi spississima, circa ossis sterni commissuram pedem unum cum tribus uncis circuitu suo implet. Ex Elephantis desumptam arbitratur hanc costam, quod tamen falsum est, & omnem fidem superat.

PARTIS I. CAPUT 9.

Partes infimi ventris, crura, pedes, &c. contemplatur.

Ventriculum Elephantis quod attinet, videtur de ejus existentia in Elephantis Aristoteles esse dubius, nec ullam ejus facere mentionem: sic enim scribit l. 2. H. A. c. 17, intestinum est ei ita sinuosum,

ut alvos quatuor habere videatur: in hoc etiam cibus recipitur: nullum enim receptaculum cibi aliud separatim adest. Quod confirmat Gillius de seculo ab Arabibus Elephantis referens, quod primo extra-

Sta

Et fuerint intestina ingentia candidissima, & plane coloris eburnei, ita sinuosa, ut alvos habere quatuor viderentur. Galenus intestinum hoc latissimum & equi similimum affirmat. Contra Plinius l. ii. c. 37. scribit: Elephantum more boum quatuor habere ventriculos: scilicet ventrem primum, reticulum, omasum & abomasum: Venter & pars ejus reticulum crudo cibo custodiendo dicantur: Omasus ab ore immediato tractu pabulum suscipit, si tenue sit: si crassum, prius a bove ruminatum, ab hoc brevi morâ in abomasum labitur: huic suum calculum addit Hier. Mercurialis variar. lect. l. 5. c. 15. hujusque rei causam ponit corporis Elephantini magnitudinem, cui unus non sufficeret ventriculus, ut & dentium paucitatem, quorum ex mente plurimorum quatuor tantum, revera tamen octo adsunt, nec ita, ut debebant, comminuunt alimenta, adeo ut longiore postmodum coctione in tot receptaculis opus habeant. Hæc si vera essent, sequeretur, Elephantum more boum ruminare debere, quod tamen in illis non observatur: nam secundum Aristotelem H. A. l. 9. c. 50. omnia animalia, quæ plures habent ventriculos, ruminant: nunquam autem Elephas visus est ruminare, ut boves, aut masticationem more illorum in ore repetere, quamvis quoad enumerata organa cum ruminantibus valde pere conveniat.

A. Moulinus quatuor ventricu-

los forte pro uno habuit, dum scribit, Elephanti sui ventriculum quatuor pedes & tres latos ungues in longitudine, in ambitu vero circiter tres & semi-pedes æquasse. Oesophagum hic Author non invenit insertum, ut in aliis animalibus, sed circiter longitudine pedis versus medium: quoad tunicas autem & reliqua ventriculus ab aliorum animalium ventriculis non distabat: exterius autem musculosus, interius membranosus erat. In ventriculo sui Elephanti Moulinus reperit lapillos uncias quatuor ponderantes, in litore forte devoratos, quos hoc animal interdum solet deglutire.

De canna, quæ in ventriculo Elephantini in aula Magni Mogolis creverat, vide in Athanasii Kircheri China illustrata, part. 2. cap. 5. frequentem memorabilem historiam: Contigit non ante multos annos, Elephantum insignem & Regi maxime charum arundinum esu stomachum ita onerasse, ut gravem inde infirmitatem incurreret, quam Medici curaturi solitis suis medicamentis nihil profecerunt: bellua interim proboscide intra fauces adactâ apertè aliquid sibi in stomacho latere demonstrare videbatur: quod Medicus Europæus advertens brachiô pariter in ejus fauces adactô, belluâ id haut illibenter permittente, tandem invenit arundinem in fundo stomachi radicatam in folia effloruisse, unde materiam prius catarcticis magnæ efficacæ me-

medicamentis præparatam tandem radicitus evulsam foliis virentibus conspicuam extraxit, belluamque pristinae sanitati restituit.

Pancreas invenit A. Moulinus in descript. sui Elephanti valde longum, à medio stomachi ferè usque ad jejunum se extendens: in hac glandula reperit ductum tam amplum, ut absque violentia minimum comprehenderet digitum: in hoc ductu invenit succum quendam non quidem limpidum, qualis communiter apparere solet, sed subobscuri & viridis coloris, fluidum tamen nec adeò viscidum.

Omentum modo dictus Author invenit valdè tenue cum duplici tamen membrana & interspersis vasis sanguineis cum modicâ pinguedine: venæ mesaraicæ erant valde crassæ, quarum nonnullæ æquabant venam majorem grandioris molossi, nullam vero glandulam in mesenterio se vidisse scribit.

Jecur suillo jecinori quoad figuram externam prorsus simile, ast bovinò quadruplò majus est. Arist. l. 2. H. A. c. 17. Vid. Plin. lib. 11. c. 37. *ἄχολον* esse epar, & vesicula fellea carere Elephantum scribit Philosophus l. 2. H. A. c. 15. incisa tamen parte, quâ fel adhærere alias solet, humor felleus effluit: itaque felle non caret, quamvis illud in abscondita capsula lateat. Ælianus, qui fel in pectore Elephanti collocat, à janua aberrare, nec assensum mereri liquet. Jecur felle carens ex medio centro quoquò versus habe-

bat pedem, atque eo plus ubi anguli sunt obtusi, crassum erat septem digitos, scribit P. Gillius in descript. Elephanti p. 12. Plinius non jecur, sed pulmonem ejus quadruplo majorem bubulò asserit.

Jecur grande observavit A. Moulinus locò citatò & glandulosum cum Malpigio, divisum in duos lobos, stomachum Elephanti circumdantes: an autem hic fuerit naturalis locus stomachi, vel in ipso incendio ustulati situs fuerit mutatus, aliis determinandum relinquit: membrana jecur vestiens flammis fuit elevata, quasi nunquam cum epate fuisset juncta vel superficialiter saltem connexa: ubi vero videbatur intimè cohærere, levi negotio sine laceratione separari potuit.

Sunt, qui vesiculam felleam, quæ in Elephanto exigua est, in epatis parenchymate absconditam esse statuunt: dantur etiam, qui illam omnino deesse vel venulis quibusdam inclusam esse censent cum Aristot. l. 4. de part. animal c. 2. ubi de cervò, camelò, vitulò marinò, delphinò, equò, mulò, asinò, damâ docetur, quod felle careant: quod tamen experientia refellit: nam ut saltem Cervi solius heïc mentionem faciam, unde quæso tanta in ipsius intestinis amarities, nisi à bile? quo fit, ut & canes ab illorum esu, nisi forte multâ obducta sint pinguedine, abhorreant. Deceptos arbitror fuisse Veterum nonnullos, qui dum in enarratis animalibus exiguam & vix nota-

notabilem fellis vesiculam invenerunt, illa prorsus felle carere putarunt.

Rectius Galenus affirmat, Elephantos habere *χολήδοχον* vesiculam, id quod procul dubio in Elephantò à se Romæ dissectò observavit: bile itaque non caret Elephas, quâ tamen non abundat: hanc bilis paucitatem esse causam longævitatæ in quadrupedibus statuit Aristoteles analyt. post. l. 2. c. 17. cum in his sit sanguis dulcis & ab excrementis biliosis depuratus: in quibus verò sanguis iustò biliosior est, ad febres aliosque morbos faciliè viam sternit.

Bilem invenit A. Moulinus l. c. in fine primi intestini, quod in hoc animali improprie duodenum dici putat, quoniam sat longum fuerit: ubi etiam investigavit ductum communem ad jecur ad videndam vesiculam felleam: sed illam defuisse scribit: ejus locò invenit porum biliarium exire à jecore veluti ductum hepaticum: notavit etiam, quod bilis illic reperta differret colore & consistentiâ ab eâ, quam invenerat in ductu hepaticò: hæc enim erat lucidè flava & mucilaginosâ: illa verò obscurè viridis, & parum fluidior felle bubulò: quod talis autem in felle animantium sit differentia, nullum est dubium: dabitque id eruditæ ansam in hujus rei causam ulterius inquirendi. Porro in sectione hepatis nihil peculiariter notandum invenit modò citatus Author, nisi quod ipsius substantia aperte

glandulosa fuerit, id quod etiam à Malpighio observatum.

Lien secundum Aristotelem l. 2. H. A. c. 17. proportionem ad tam vastum animal habitâ non adeò magnus est, sed valdè exiguus: in eo tamen, quem cultro anatomico submissum vidit Gillius, quatuor pedes longus, & dodrantem latus fuit. Splenem A. Moulinus in suo Elephantò observavit quatuor latos ungues latus, longum verò aliquot pedes: fuit autem valdè glandulosus: id quod Malpighius etiam observavit libro de structurâ viscerum: cæterum nihil singulare in eo advertere licuit huic professori.

Renes in lumbis exactè adaptatos modò dictus Author vidit l. c. quorum figura erat ovalis: membranæ includebantur valdè forti, quæ cum illis nullibi connectebatur, nisi ad vasa emulgentia: hæc membranâ ablata quilibet ren inventus est consistere ex sex lobulis: cavitas, quæ communiter aliis in renibus reperitur, heic defuit.

Renes succenturiati fuerunt siti, ubi in aliis animalibus locati sunt, in quorum cavitate continebatur nigricans sanguis: hinc veteres illos vocarunt capsulas atrabilarias.

Ureteres in aliquot partes divisi non ampliores erant bovinis: quemadmodum etiam vesica urinaria ejusdem erat dimensionis cum vesica bubula, validioribus tamen & densioribus tunicis prædita.

H

Exta

Exta fuillis proxima sunt: Jonston. hist. nat. de quadruped. l. 1. c. 5. p. 32. sed longe majora. Vid. Aristot. H. A. c. 17. ubi ait: Elephantum intestinum ita sinuosum (*συμφύσεις ἔχον*) ut alvos habere quatuor videatur: quod confirmat P. Gillius in descr. Elephantum p. 12. A. Moulinus in suo Elephantum invenit intestina tenuia non adeo crassa & grandia, sed valde longa: cæcum stercore durò distentum: Colon monstroscè amplum 15. pedes longum: valvulam coli reperire non potuit: intestinum rectum circiter 4 pedes longum: tota longitudo intestinorum erat xxv. ulnarum. Fibrae intestinorum tam rectæ quam spirales valde erant spissæ, ut & venæ mesaraicæ: in mesenterio valde denso nullum adfuit pinguedinis vestigium, nulla notabilis glandula. Ex stercore, quod in Elephantum intestinis hospitatur, in arca Nohe porcum exortum esse blaterat stultissimus simul atque nequissimus impostorum Mahomet, referente Scalligero de subtil. exerc. 194.

Ecce! vis seu fortitudo ejus in lumbis, & robur ejus in umbilico ventris ejus, inquit DEUS ter Opt. Max. ad Hiobum ex turbine cap. 40. quæ verba nonnulli ad singularem in procreatione sobolis potentiam secundum communem S. Scripturæ sensum, quo filii ex Patrum lumbis egredi dicuntur, extendunt: quemadmodum Hebr. 7. extat: adhuc in lumbis Patris erat: & Gregor. M. exposit. moral. l. 32. in caput 40,

Hiobi cap. 11. ait: Seminaria coitus in lumbis esse perhibentur. Nicolaus Lyra eandem fovet sententiam, quod nempe in his verbis agatur de virtute Elephantum generativa: per fortitudinem igitur lumborum intelligit semen, quod in animalibus hinc defluit ad genitalia: illa verò verba: virtus illius in umbilico ventris ejus hunc habere sensum innuit, quod in coitu superponat umbilicum dorso fæmellæ, & ideo ibi habeat fortitudinem nervorum, ne lædatur ex concussione corporum tam magnorum. L. Osiander aliter hunc locum explicat in Commentario inquit: maximum suum robur habet in lumbis & ventre, ita quidem, ut olim Prisci turres ligneas hujus animantis tergo imposuerint. Per verba hæc: Potentia in lumbis ejus: J. C. Dietericus antiq. bibl. p. m. 444. putat Hiobum innuere etiam eas partes, quæ in reliquis animantibus molles sunt, in Elephantum esse durissimas & fortissimas, adeo ut sicut mole, ita & lumborum robore reliquas superet.

Elephantus genitale equo simile habet, sed parvum, nec pro corporis magnitudine, ut vult Aristot. H. A. l. 2. c. 1. Hier. Cardanus verò l. 10. de subtil. p. m. 550. scribit, masculum habere maximum membrum genitale, adeo, ut ferè terram attingat: falsum hoc Cardani assertum esse docuit me *ἀνθρώπου* in Elephantum mare Augustæ Vindelicorum Anno 1690, à me viso, in quo geni-

genitale parvum & tantæ corporis magnitudini non respondens conspexi. Penem exsecuit A. Moulinus ex suo Elephanto cum suis appendicibus tam sollicitè, ut potuit, nullas tamen observavit vesiculas seminales præter cellulas in lateribus penis. Videatur Author loco citatô. Vagina penis in orificio erat nimis dura & tam arctè clausa, ut digitum minimum vix admitteret, quamobrem sine sectione ad penem penetrare non possibile erat: penis videbatur exiguus in vaginâ, quâ apertâ & remotâ æquabat virgam equi nondum castrati.

Fæminæ omnes ex averso mingunt: siquidem genitale, ut cæteræ, inter femora habent, ut scribit Aristoteles l. 2. H. A. c. 1. Ad genua procumbit fæmina, cum mas supervenit. Sperling. Zoolog. c. 4. Genitalia habent non à posticô, ut vaccæ sub alvo, sed infernè, quo loco vaccæ sua habent ubera, id quod verosimiliorem reddit illum coeundi modum, quo fæmella supina masculum desuper admittere fertur. Alvi excrementa per postica more aliorum quadrupedum, urinam vero inter crura posteriora deorsum effundunt: nam secundum Aristotelem l. 2. H. A. c. 1. fæminæ pudenda habent eo loco, quo sunt ovium ubera. Fluxum menstruum illas habere scribit Walther Schulz in der Ost-Indischen Reise Beschreibung andern Buch fol. 199.

Testiculi intus reconditi latent, nec foris conspicui, sed ad alvum

annexi sunt: eapropter celerius coeunt: quod secundum Aristotelem lib. 1. de gen. animalium c. 4. illis animalibus proprium est, quæ testes intra se continent: quæ enim illos extra habent, non prius semen emittunt, quam retrahant testes. Testes intus continent ad alvum alligatos, scribit P. Gillius in descript. Elephanti pag. 12. Propter pondus sui corporis testes intus Elephantum habere putat Albertus Magnus, ut scilicet velociorem exercere possit coitum, tempore coitus tamen illos emittere. Ob cutis duritiem id contingere censet Plinius, cum ex eâ scrotum non potuerit fieri. Nervos testium ipsius in ramos abire, legimus apud Hiobum cap. 40. Ridiculus est Joh. Hugo à Linschoten, quando parte 4. Ind. Or. cap. 2. scribit, Elephantum testiculos habere in capite & pone aures.

A. Moulinus in descript. Elephanti de testibus annotavit sequentia: Inveni testes, inquit, non quidem in scroto seu capsulâ contentos, sed in perinæo ex utrâque penis parte strictè junctos: non erant autem usitatæ formæ aut molis, prope modum castaneis majoribus similes, in parte, quâ ad penem vergabant, densiores, quam in opposita, uniformes & rotundi, nec tanto animali proportionati: pondus eorum ad summum sese extendebat ad uncias quatuor: jungebantur peni multis tubulis seminalibus ceu vasis deferentibus, semen elaboratum

tum in variis cellulis continentibus: hæ cellulæ spermate turgent, ut & tubuli, qui grandiores erant, & quantas in nullo alio animali vidi: hæc ex Anglico exemplari excerpta & latinitate donata sunt. Cum itaque testes absconditos habeat Elephas, scroto non indiguit: quibus enim testes in propatulo sunt, habent operimentum cutaneum, quod scrotum vocant: jam autem quibus natura cutis præ sua duritie obstat, ne mollis & ad complectendum habilis sit, iis intus habeantur testes necesse est: eadem de causa Elephas & Erinaceus testes habent intus: cutis enim iis inepta ad habendam particulam, quâ operiat.

Semen Elephantî exsiccatum adeo indurari, ut electro simile evadat, Ctesias affirmat: quod tamen vix verisimile putamus.

Cauda Elephantî satis longa est, adeo ut à terra imum ejus ne palmò distet, sed fermè absque pilis ullis. Vid. Hieron. Cardan. de subtil. l. 10. p. 550. Vartomannus caudam habere similem bubalis trium fortè dodrantum longitudine cum paucis in extremitate pilis prædit: in cauda tamen nullum illis esse pro abigendo muscarum tædio præfidium Plinius statuit, quas cute cancellatâ & in rugas coarctata enecare solent: invenitur tamen in descriptione Guineæ, istiusmodi caudis mulieres ab idolis arcere muscas, quem in finem etiam Ceilonenses his utuntur, ut refert Joh. Jac. Saar

in disc. de reb. Indicis cap. 4. p. 67. Plinius Indos Smaragdos, quibus abundant, perforare, eosque Elephantorum fetis religare scribit: has in summo apud Indos esse pretio, adeo ut una seta sive pilus pro tribus Mancipiis interdum vendatur, ex Aug. Cassiodoro constat: hic refert in descriptione Regni Congo p. m. 24. dari in Regione Bamba quosdam incolas, qui Elephantum in angustâ viâ fortè ambulantem adoriri, eique caudam extremam cum nigerrimis iisque splendidibus pilis præscindere audent: sic enim Elephantum ob vastam corporis molem se insidiatori suo non obvertere nec se defendere posse norunt: contingere autem interdum, ut hi pilorum prædatores à bestiâ correpti ob hanc temeritatem vitæ jacturam patiantur.

Ætate provectiores Elephantî optimis pilis in caudâ gaudent: folis Nobilibus his uti concessum: crassitie æquant juncum vel filum crassius, quod à robusto Virò agrè & vix sine manuum læsione discerpi potest: itaque quò Seniores sunt Elephantî, eò pretiosiores æstimantur eorum pili. De his pilis Franciscus Redi in experimentis naturalibus p. m. 114. habet sequentia: Elephantî in exiguâ suâ caudâ nigros aliquot pilos, vel ut melius dicam, setas nigras transparentes, quasi osseas, sed flexiles obtinent, quod si inter has nigras setas repariatur alba, in magno apud Indos Orientales pretio est, maximè verò in

in Imperio Siam, & in Insula Ceylon, ubi cum nonnunquam Elephantium albi inveniantur, major quoque fetarum illarum copia est. quibus populi illi utuntur contra surditatem, frustulum illarum in auribus turunda in aures immittendo: præterea credunt, eum, qui armillam ex his fetis factam brachio gerit, ab omni imposterum vertigine, aëris marini infectione & peste immunem esse. Sed addit hic Author, se novisse quosdam diu hoc medicamento usos, qui auditum non recuperaverint. Philippus Pigafetta affirmat, in magnâ hos pilos esse pretiô apud Africanos non ob aliam causam, quam ut ornatui Virorum foeminarumque inserviant.

Cardanus l. 20. de subtil. caudam fermè pilis destitutam esse, & rarissimè fieri scribit, ut unus aut alter inde colligatur. Cadamustus sese pilos nigricantes & duorum ferè palmorum mensuram excedentes extraxisse testatur: in extremitate caudæ paucos pilos observavit. D. Casp. Hornius in descript. Elephant. p. 35. Itaque Elephas caudâ non æquè uti potest, ut equi, boves & alia bruta.

Arrigi caudam sicut Cedrum ex Hiob. cap. 40. liquet, quod L. Osiander ita explicat: ipsius cauda tam longa atque recta est, ut possis illam arbori Cedro erectæ comparare: in illâ tamen nullum habet præsidium, sed nihilominus à muscis valdè exagitur. Vid. W. Frantzii histor. an. part. I. cap. 4.

Caudæ crassitudo juxta radicem dodrantalis, in medio septem digitorum est: extremitas crassa est quatuor digitos: fetas habet tres digitos longas, secundum Petr. Giliam in descr. Eleph. p. m. 19.

A. Moulinus in suo Elephanto paucos invenit pilos, sed notabiliter rigidos & ferè porcorum fetis spissiores, nigros, juxta radices, viscidô quôdam rore pro suo nutrimento obductos: observavit præterea glandulas miliares, ipsius judicio à sanguinis massa materiam aliquam excrementitiam nutritioni pilorum aptam probabiliter separantes: alioquin cutem pilosam aliorum brutorum more non habent Elephantum: non enim opus erat, ut ingens hoc animal in calidissimis Indiæ & Africa locis nasciturum & victurum contra frigus pilis tegeretur: quos si haberet, facile propter affrictum, ad quem ob cutis pruritum valdè proclivis est, perderet. Numerum vertebrarum caudæ numerare non potuit Moulinus loco citato, igne enim erant maximam partem absumptæ.

Habent quadrupedes quæ animal generant, omnes vicè brachiorum crura priora: sed præcipue, quæ multifidæ sunt: hæ manibus suô digitato pede respondent: hoc enim ad plura quasi manu utuntur: partem enim lævam minus quam homo absolutam habent & agilem excepto Elephanto, ut scribit Aristoteles H. A. l. 2. c. 1. Crura habet Elephas teretia supra & infra ferè æqua-

æqualia, crassa & robusta ad columnarum modum, atque in his juncturas ab aliorum animalium juncturis diversas, videlicet talo propiores: hinc fit, ut in genua procumbentes vix humiliores fieri videantur: crura anteriora posterioribus longiora sunt, majora atque validiora: Hinc Oppianus:

Non eadem est mensura pedum, quippe
anteriores

Altius exsurgunt paulò quam posteriores.

Singulorum crurum pellem in medio crure latam duos pedes scribit Petrus Gillius. Crura ejus æquali supra & infra sunt crassamento secundum Vartomannum. Magna sunt, & ex æquo ferè supra infraque crassa columnarum instar, ait Albertus Magnus: articuli crurum tam sublimes non sunt, ut aliorum animalium, sed humiliores terram versus secundum Vartomannum l. c. Pedes priores majores, ejus rei causam reddit Albertus M. l. 2. tr. 1. c. 1. de animal.

Genua Elephantos non posse flectere Ambrosius putat, quia secundum ejus opinionem rigidiorum crurum usu opus fuit, quibus velut columnis tanta posset membrorum moles fulciri: calcaneum modò leviter eos inflectere credit, rigere cætera pedum à summò ad imum. V. Cælius l. 4. 12. unde & credo, inquit Vossius, hæc bellua Ægyptiis, (quod est apud Orum Hieroglyph. l. 2. c. 86.) Symbolum erat Regis: nam Rex supplicat nemini. I. B. Tavernier in itinerario Persico scribit;

Persarum Regem ab Elephantis, anteriores pedes prorsum, posteriores retrò, quantum poterant, porrigendo salutatum se vidisse, idque nonnullos pro genuflexione habuisse. Flexuras enim & juncturas habent Elephantis poplites contra Veterum sententiam, quod astruit Aristot. l. 2. H. A. c. 1. scribens: Viviparis inter animalia quadrupedia flectuntur priora crura antrorsum, posteriora verò retrorsum: & habent flexurarum cavitates ad se mutuo conversas: Elephas autem non ita, sicut aliqui dicunt: flectit autem posteriora crura sicut homo.

Crura iis magna sunt & fortia, neque (ut quidam imperiti existimant,) unò tantum osse indivisa constant, sed genua flectunt more aliorum quadrupedum: eapropter Elephantis, (ut refert Aloysius Cadamustus, qui cum classe in Æthiopiam & Regionem Calicut navigavit,) ut eos, qui insidere volunt, suscipiant, genua submitunt, seque erigunt deinde. Vid. A. Matthioli comment. in Dioscorid. l. 2. c. 50. p. 216.

Quis Strabonem cæterosque non rideret, inquit P. Gillius, scribentes, Elephantorum venatores notare arbores, quibus Elephantis accumbere solent, atque ex alterâ parte truncum rescindere, cui bestia inhæserit, eamque pariter cum arbore rueret: cumque resurgere nequeat, propterea quod crura continuum & inflexum os habeant, ex arboribus desilientes illam obtruncare: quod

quod commentitium deprehendi : nam etiam si solo dorso ad terram adnitens quatuor pedibus erectis supinus constitueretur, tamen nullius auxiliô se facile invertebat atque erigebat : id quod etiam Anno 1689. Augustæ Vindelicorum in Elephanto mare quinque annorum vidimus, qui supinus in terrâ pedibus sursum versis jacens facili negotio resurgebat.

Os cruris anterioris in femore longum duos pedes, cujus medium habet perimetrum dodrantalem : ejusdem pars attingens genu, habet diametrum pedis & quindecim digitorum : ejusdem cruris os tibiæ est longum pedem atque dodrantem, cujus pars, quæ annnectitur juncturæ, ad quam alligatur pes, habet perimetrum pedis & quatuordecim digitorum : cujus medium habet ambitum quindecim digitorum. Os cruris posterioris femorale longum duos pedes & decem digitos : ejus medium habet perimetrum dodrantalem : hujus ossis pars attingens juncturam, quæ alligatur ad tibiæ, est perimetri pedalis, & tredecim digitorum. Tibiæ os est duplex vel potius unum, partim ita conjunctum, ut in suis duobus capitibus sit idem : deinde divisum ab uno capite ad caput alterum in duo ossa inter se distantia duos digitos, quorum unum magnum, alterum parvum : magni quidem perimeter in medio est dodrantalis : parvi verò sesquidigitalis.

Ossa ejus sunt viribus chalybeis, baculo æreo seu ferreo vecti fimiles Hiob. c. 40. Quoniam corporis magnitudo vasta pondusque ingens est, ideo sustinendi tantummodo gratiâ pedes habet priores, nec ad ullum alium usum utiles propter tarditatem flectendi atque ineptiam. Vid. Aristotel. l. 2. de part. an. c. 16.

Petrus Gassendus in vita Peireskii lib. 4. p. m. 156. de Peireskio refert, quod depingi Elephantum triplici facie curaverit, ac recubantem potissimum, ut commissuræ melius paterent, quæ inter pedem & tibiæ, tibiæque & femur, ad convincendum errorem, qui auctoritate Strabonis aliorumque invaluerat de inflexibilitate crurum fabulisque superstructis. Adjicere autem solebat, cum hæc deinceps memoraret, minimè potuisse antiquos articulationem latere, quod in quibusdam vulgò vocatis Metallionibus expressissent Elephantem funambulum, insigni quâdam utique non mobilitate modo, sed & flexibilitate crurum.

Inflectit Elephas genua seu posteriores poplites secundum Aristotel. H. A. l. 2. c. 1. & Plinium l. 11. c. 45. sicut alia animalia & sicut homo, quamvis aliquantò tardius : ea propter illi totò cœlò errant, qui ex mente quorundam Veterum sibi persuadent, Elephantos habere crura sine juncturis, & semel in terram prolapsos resurgere non posse : huic enim opinioni refragatur

non

non solum Aristoteles lib. de animal. iness. c. 9. ubi expresse scribit, quod antiquus hic de Elephantis sermo haut quaquam sit verus: sed & Plinius, Ælianus alique Authores, ut & ipsa experientia & *απορροια*. Dulcis hæc est phantasia, inquit Johann. Sperling in Zoolog. l. 2. c. 4. quam visus refellit, cum Elephas nunc flectat nunc erigat crura, & genibus submissis fiat supplex: sæpè in pulvere & arenâ volutati confestim subsiliunt atque se erigunt. Vid. Happel. Rel. Cur. part. 2. p. 736. & Petri della Valle Itinerar. l. 2.

Similiter & hoc abludit à verò, quod dormientes non decumbant humi, sed ad arbores se reclinant, cui expresse contradicit Aristoteles H. A. l. 2. c. 1. inquiens: Elephas non ut aliqui retulerunt, agit, sed confidendo crura inflectit: nequit tamen præ nimio pondere utrumque in latus æquilibrîo quodam vergere, sed aut lævo incubat aut dextro, atque eò ipso habitu requiescit: flectit hic certè suos posteriores poplites more hominis: in his secundum Plinium sunt articuli breves, quos si non flecteret, commode progredi non posset. In solo Elephantò flexura est seu articulatio in medio tibiæ, teste Bontio, præter alias communes, ut scribit Bartholinus l. 4. de Ossibus p. m. 752. interdum tamen ad arborem reclinatus dormit, non autem hanc ob causam, quod juncturis careat, sed ideò somnum erectò corpore capit, quia ei esset opero-

sum decumbere, simul & deinde grave à cubitu resurgere, ut scribit Ælianus l. 4. c. 31.

Nonnulli tamen statuunt, Elephantos, postquam juventam excesserint, crura tibiæque non amplius flectere posse: propterea dormientes non recumbere, sed fessos se magnis arboribus applicare, eas tum succidere maximam partem Venatores, ut sic belluæ iis innixæ facilius cadant & capiantur: sed falsum hoc esse, rerum Magistra docet experientia. Pori Regis Indorum Elephas Regem vulneratum descendere animadvertens se ipsum inclinavit, & flexis genibus mansit, ne fortè graviore casu Porus affligeretur: sic Plinius de Elephantò in circo pugnante l. 8. c. 7. refert, quod pedibus confossis repserit genibus in catervas: sic apud Osorium l. 9. legimus, Elephantum Leoni decimo An. 1514. missum, Pontificem è fenestra spectantem ter genibus flexis & demisso corpore venerabundum salutasse.

Malleolos posterioribus imis cruribus, teste Aristotele H. A. l. 2. c. 1. possident: sed de crurum flexu aliter alii tradunt: alii enim crura sine nodis articulisque habere, ossa solida & inarticulata, ideò crura tibiæque flectere non posse, & si cadant, nec surgere credunt: alii, ut Plinius, H. N. l. 8. à cap. 1. ad 12. in posterioribus articulos breves obtinere, & poplites intus hominis modo flectere prodidè, id quod experientia docuit. Vid. Jonston.

l. c. Elephantos crura sine nodis articulisque habere vanum esse asserit Gillius: imò putat, eos habere flexiones, ut alias bestias, cum pro lubitu crura flectant atque erigant: in imâ enim propemodum cruris parte junctiones & flexus habent. Idem Gillius de suo quadrimo Elephantô narrat, quod sæpe resupinus cruribus instar canum hinc inde motis luserit, & sine difficultate ulla pro lubitu resurrexerit, quod utique sine articulis præstare nullus potuisset: & tum apertè vidi, inquit, quam mendaces sint illi, qui tradunt, Elephantorum crura carere articulis & juncturis, cum singula duas juncturas habeant, unam supra pedem, quâ pes annectitur osi tibiæ, inter quam & pedem multiplex junctura multis ossibus compingitur, latis aliis super alia structis: post hanc juncturæ structuram sequebatur os tibiæ: deinde secunda junctura genuum & poplitum, supra quam os femoris: denique omnia ejus ossa eburnea, & tam candida, quam ipsius cornua vulgò dentes, quæ periti dicebant esse commoda ad ea, quæ ebore illustrari solent.

Ex Alcorano constat, de Elephantô fabulari priscos Arabes, annò quò natus est Mahomet, Regem Abyssinorum Abraheth venisse Mecham, ut Mechanum templum excinderet, & peregrinos, qui illud quotannis visitabant, ad aliud Templum invitaret â se exstructum in urbe Sanaâ & ruinis Palatii Belkis

Reginæ Sabæorum, quæ R. Salomonem inviserat: cum autem tribus parasangis â Mechâ abesset, vectus Elephantô, (qui Machmud vocabatur,) Prophetam quendam Naphil nomine Elephantô sequentia verba in aurem insufurrasse: Flecte genu, ô Machmud, aut rectâ viâ revertere: tu enim es in Regione Mechen, si DEO devotâ: tum verò Elephantum genu flexisse, nec pergere voluisse, quamvis virgâ ferreâ ad sanguinem usque caderetur: sed capite in Jeman, id est, intimam Arabiam, unde venerat, obverso, non solum surrexisse, sed & expedite ivisse: quâ de re vide plura disserentem S. Bochartum in Hierozoic. l. 2. cap. 26.

Qui itaque Elephantô cruris flexuram adimunt, eâdem operâ illum immobilem esse statuunt: verissimè enim Philosophus librò de incessu animalium cap. 9. inquit: si flexus non sit, neque erit incessus, neque volatus, neque natatio. Quia articulos crurum non tam sublimes habent, ut alia animalia, sed humiliores terram versus, ideo insidendi insuetis nauseam commovet: quod tamen de provectionibus intelligi debet: siquidem Vartomannò & Gilliò attestantibus ex adolescentium molli gradu fessor tantopere delectatur, ac si mulâ gradaria veheretur: gradatim ambulant propter corporis gravitatem: neminem tamen ajunt tantæ esse pernecitatis, quem suo incessu non assequantur.

Grandiores etiam Elephanti adeo molliter incedunt, ut velut navigantibus per mare, his, qui non assueti infederint, aut in ligneis effedis vehuntur, nausea commoveatur propter corporis magnitudinem. Vid. Cardan. l. c. quem hoc nomine perstringit more solito J. C. Scaliger exerc. 204. inquit: se nescire, quid sit molliter: aut forte Cardanum ironice loqui: tam molliter autem incedit, ut sessor quasi immobilis esse videatur: non solum Rectorem ascendere tentantem crure flexo incurvatoque in gradum excipit, sed alios quoque assidere volentes a tergo Rectoris: primum ascendentem crure priore erecto excipit, reliquos crure posteriore similiter erecto: ita enim crus inclinat, ut illud flectat, tibiamque in gradum dispositam etiam diu suspensam teneat, si quis cunctatur in ascensu: neque modo si Rector jusserit, latere inclinato & genu flexo excipit ascensorem sed etiam totum latus inclinat, & simul ad terram abjicit ejusdem lateris tibiam priorem & posteriorem, ut facilius, quem Rector voluerit, suscipiat. Non etiam semper lento gradu progreditur, sed ubi opus est, satis velociter se movet, atque adeo subsultat, ut Spectatori non levem terrorem incutiat, praesertim quando in rabiem agitur, quod interdum contingere solet.

Memorabile est, quod curiosi Naturae indagatores de Elephanto

scribunt, illum, quo magis oneratus est, eo firmitus incedere, si v. gr. 20. Viros cum armis & instrumentis bellicis in tergo portet, firmitus incedit, quam si decem gestet, cujus rei rationem reddit Poeta:

Cum leve gestat onus, illud non sentit,
& inde

Segnius incedit: - - - -

ubi autem majori est gravatus onere robori suo conveniente, vires omnes exserit: non secus, ac videmus strenuos viros eo magis virtutem suam exserere, quo plures eos circumstant res adversae. Vid. Alsted. Encyclopæd. l. 7. Phys. part. 6. cap. 5.

Pedes ejusdem cum equinis sunt rotunditatis, sed multo ampliores, in forma orbis majoris mensarii, disci instar rotundi, duos tresque palmos lati, & in quinque ungues divisi, ut planta quaquaversum ad binos dodrantes accedat. Vartomannus pariter pedis rotunditatem orbi mensario assimilat: ex callo nigerrimo & amplissimo constant cum ungulis quinque rotundis mediocrium concharum magnitudine, ut scribit Matthiolus in comment. in lib. 2. Dioscor. cap. 50. p. 216. P. à S. T. scribit in Itinerar. Orient. illis in pedibus esse induratum carnem, beneficio cujus suaviter currere, sessorumque suos sine succussione portare possit: ut facilius illi ascendant, porrigunt incurvatum pedem, quo tanquam scabello utuntur: incedunt promptè & alacriter, etiam sine duce, nullis constricti habenis &

& prorsus liberi, magistrosque suos præeuntes sponte sequuntur. Pedes in quinque digitos intus deducti sunt, planta pedis firma & densa solidiore ungulâ munita, ut scribit. J. B. du Hamel Hist. Reg. Societ. Academiæ lib. 2. f. 9. cap. 1.

Ex Elephanti vestigio totius corporis vastitatem conjectare licet: observatum enim est, cujus linea dimetiens esset palmorum trium & pollicis, inquit J. C. Scaliger exerc. 104. Vestigia maximorum Elephantorum in diametro quatuor spithamas, quæ duos pedes & octo digitos faciunt, excedere, scribit Philippus Pigafetta in descriptione Africani Regni Congensis. In Elephantto quôdam Antverpiæ viso calcis sive plantæ imæ diameter fuit pes unus & fermè digiti duo.

In extremo pede ungulæ quinque visuntur, & planta multipliciter scissa, ne scilicet altius pedes imprimat, si quando in humido solo fortè constiterit. Plantæ pedis in Elephantto A. Moulini erant planæ seu substantia instar cornu, ut aliorum quadrupedum, sed cute, sicut camelus: valdè informes & indistincti sunt pedes, ungulis magis quam unguibus præmuniti, in extremitate totidem grandium digitorum, sed valdè brevium. Elephantti non bisulcos, non solidos pedes habent, sed digitatos: & quoniam magnitudo corporis vasta pondusque ingens est, ideo sustinendi tantummodò gratiâ pedes habent priores, nec ad ullum

aliud usum utiles propter tarditatem flectendi atque ineptiam.

Quamvis autem Elephas sit πολυδάκτυλος, non tamen ut simiæ vel alia digitata animalia suis digitis ad apprehendendum utitur, aut illos ori admovet, sed iis saltem ad sustentandam ingentis sui corporis molem pro crurum adminiculo utitur. Elephas animal multifidum est secundum Aristotelem l. 4. de gen. an. c. 4. l. 2. de part. an. c. 16. Digiti ejus indivisi ac leviter formati, nec ungues omnino sunt, sed ungulis similes. Vid. Ælianum l. 4. c. 31. qui putat, eapropter hoc animal minimè esse ad natandum habile. Natura hos conjunxit, ut pes validior esset. Jonstonus in hist. nat. de quadrupedibus l. 1. c. 5. Elephantto inter μονόχυλα locum concedit: etsi enim ungula ejus in digitos videatur efformari, quia tamen sunt indivisi, dubitat, an & quomodo à solidipedibus excludi possit.

De Elephantto quadrimo Gillius in descript. Eleph. c. 4. ita scribit: Planta pedis prioris rotunda, quaquaversus habens diametrum pedis unius: at posterioris longa pedem & digitum: lata undecim digitos: in singulis pedibus anterioribus habet quinque ungulas inter se leviter discretas, sed non eminentes extra rotundam pedis formam, & in parte interiore callus est loco ungulæ quintæ: planta omnium pedum æqualis est ungulis, callosa non perpetuo callo, sed divisa fissuris: tenera est,

est, & spinis penetrabilis: ungularum singularum infera pars plana æqualisque est planitie plantæ, lata tres digitos, longa quinque digitos: ungula alta tres digitos. Ungulæ sunt ei datæ partim contra asperum iter; nam cum planta sit tenera, pes admittitur ad terram unguiculis: partim ad radices exstirpandas: pede enim herbas radicitus evellit, eò pedis impetu utens, quo Agricola ligonibus exstirpat frutices. Pedes Elephantum prosternunt acies, proterunt armatos: in rabiem interdum acti obvium quemque conculant.

Ut omnibus animalibus secundum Plinium l. 10. c. 38. sic etiam Elephantum certus incessus est: progreditur autem ut plurimum molli-ter, at ubi opus est, velociter etiam movetur & currit: passu gradariò tantum conficit, quantum festinantes equi, ait Gillius l. c. Juniores Elephantum totum incedunt, ut equi totutarii & muli nonnulli, non sine sefforum delectatione, cum tanta etiam celeritate, ut homo currens illos gradatim & pedetentim saltem ambulantes vix assequi possit. Quam exiles tenuesque sunt particulae illæ spirituosa, exclamat Clarissimus Joh. Majow. Oper. Med. Phys. c. 10. p. 153. quæ ingentem Elephantum machinam in motus planè stupendos concitant? Et quid demum de particulis insectorum minimis dicendum est? Etenim cum tota earum moles tantum se instar puncti habet, quam minutæ erunt

partes illæ, quæ nec millesimæ totius existimandæ sunt? & utique affirmare ausus sum, hujusmodi motus naturales particularum ultra captum humanum minutarum ope perfici: quippe naturæ familiare est, maxima quæque minimorum ope perficere. Sic ἐλάχιστον ζῶον φύλλοι ἁλματι μέγιστον Ἐλέφαντα νικά: id est, minimum animal pulex saltu maximum superat Elephantum. Hæc ὡς ἐν παρόδῳ.

In motu alacritatem ostendit vastissimum animal: incedunt sæpè gregatim, ordinique excelsissimus præest: reliquos in medio collocant, ut agmen claudant paulò majores: membrorum motus varius est, unde in theatris partes suas optimè agunt. In fugam quando se proripiunt, dispessis auribus currunt, quas ut nautæ vela, vel quemadmodum Struthio-cameli alas extendunt: inter currendum proboscidem contractam sub cornibus quasi abdunt, ne si nimis propendeat, illis remoram injiciat, & sic cum magno impetu feruntur per sylvas, præsertim quando venatores illos persequuntur, ubi quosvis arborum obvios ramos ab illis confringi contingit, per quos tam promptè, ut cervi leves per sata penetrare possunt. Vid. Ælian. l. 7. c. 6. & 41. & lib. 9. cap. 8. Passibus incedunt longis, adeò ut etiam gradatim ambulantes hominem currentem assequi possint: tam molli-ter autem incedunt secundum Cardanum, ut non secus ac mare, iis qui non assueti infederint, nauseam com-

commoveant, & fessor ferè immobilis videatur, rarò aliquis tantà est velocitate, quem non vel suò tardò gradu assequantur, inquit Gillius l. c. Id efficit vasti animalis moles: quandoquidem sui gressus longitudine humanam omnem pernicitatem evincat, ut scribit A. Matthiolus locò supra citato.

An natare possint Elephanti, ab Authoribus controvertitur: quod aliquando natare discant, affirmat Strabo, quod verisimile esse inde apparet, quod amnes impensè ament, & libenter juxta fluvios & paludes versentur. Aristoteles non simpliciter negat, illos ad natandum habiles esse, sed aliquà ex parte concedit: Livius verò & alii Historiographi referunt, illos aliquando profunda trajecisse flumina: sic refert de Hannibale fluvium Rhodanum trajecturo, non autem tum temporis instructo pontibus navibus, per quos transirent Elephanti, quod imperaverit bestiarum Recto-ribus, ut illos ad transnandum vi compellerent: quod cum frustra tentatum esset, jussisse tandem Hannibalem, ut miles quidam natandi peritus unum ex ferocioribus Elephantis juxta aurem leviter vulneraret, atque hoc facto confestim in fluvium se conjiceret: hâc injuriâ irritatus Elephas vindictæ cupidus adversarium jam in fluvio natantem statim insecutus est, quem sequentes reliqui hoc stratagemate feliciter transfretarunt.

Sic scribit H. Decimator Sylv. p. 2. quod Elephanti, quos India alit, amplissimi Indiæ fluvii Gangis latitudinem natando superare possint: hic fluvius autem, qui vulgo Phison dicitur, & in quem 19. amnes influunt, quando intra suum alveum coërcetur & minimus est, latitudine ab 8000. usque ad 20000. passus se extendit, ubi modicus est, stadia habet 100. Vid. Plin. l. 5. H. N. Q. Curt. l. 8. Happel. Rel. Cur. p. 2. p. 736.

Gregorius M. in præfat. Moral. in Joh., Sacram Scripturam comparat fluvio pleno & alto, in quo & Agnus ambulet & Elephas natet: Quomodo verò natet Elephas, auctores non dilucidè tradunt: plures scribunt, quod aquam ægrè ingrediatur, cum propter magnitudinem corporis nare non possit: alii referunt, quod flumina intret, ubi immersus & invisibilis factus proboscide super aquas erectâ in fundo alvei ad oppositum litus ambulet. Contra Ælianus l. 4. c. 31. & lib. 7. c. 13. natandi peritiam grandioribus Elephantis denegat, junioribus verò concedit, quando inquit: cum flumen trajiciendum est, natu minores primò ingressi aquam natando trajiciunt: grandiores verò pedibus innixi transeunt, & fluctibus obruuntur, duntaxat promuscibus, quibus respirant, extra aquam eminentes, id quod ex Aristotele supra, ubi de proboscide actum est, notavimus: rarò scilicet Elephanti ingrediuntur fluvium tam profundum,

dum, qui suâ profunditate illos ad natandum cogat, ut scribit D. Casp. Horn. in discursu de Elephantô cap. 4. Aquas transitori proboscide gestant parvulos, ne sibi relictî suffocentur. W. Franz. hist. an. p. 1. c. 4. scribit, illos non posse natare, naves autem vehementer amare: unde Erasmus Roterodamus hanc similitudinem mutuatur: quemadmodum, inquit, Elephantî, cum natare propter magnitudinem corporis non possint, navibus tamen impense delectantur, & circa illas versari gaudent: ita plurimi, cum ipsi literas nesciant, inter eruditos tamen libenter, & cum summâ voluptate versantur: unde hæc fuit admonitio, ne propter ignorantiam prorsus abjiciamus vel contemnamus bonarum rerum studia, sed ea in aliis amemus & admirari discamus, ne audiamus illud: Ars non habet osorem, nisi ignorantem.

Si pedes Elephantî accuratè inspiciantur, videntur illi ad natandum non satis esse idonei, siquidem sunt indivisi, leviterque discreti: hinc Lipsius epist. 59. cent. 1. illos natandi inscios esse arbitratur: quod confirmat Illustris quondam & celeberrimus Vir Jobus Ludolphus, *νῦν ἐν ἀγίοις*, in suo commentario *ἀνενδοτόν* ad lib. 1. c. 10. v. 18. Hist. Æthiop. comment. 77. inquit: à paucis, quod sciam, notatum, quod Elephas instar amphibii flumina permeet: cum enim ob corporis molem natare non possit, sub aquis in profundo tendit ad fluvii ripam, procul dubio tamen proboscide super undas exertâ respirans. Viam regiam pedibus suis Elephantos efficere, eamque ceu minus impeditam iter facientes libenter sequi, ex Gregorii relatione refert idem in suâ historiâ Æthiopicâ locô citato.

PARTIS I. CAPUT IO.

Elephantorum differentias & locum natalem indagat.

UT in omnibus rebus, ita etiam inter Elephantos maxima differentia est: Sexûs discrimen quod attinet, fecit DEUS ab initiô, ut in reliquorum animantium, sic etiam in Elephantorum creatione marem & foeminam: & vidit DEUS, id esse bonum, *Genes. 1.* In perfectissimis

animalibus mas & foemina distinctè habentur, inquit Aristoteles *l. 4. de gener. animal. c. 1. & lib. 4. H. A. c. 11.* dicit: in quadrupedibus omnibus alterum mas, alterum foemina est: quod tamen de Rhinocerote negat Oppianus, de illo ita canens:

Omnes

Omnes suntque mares, (mirabile) fœmina
nunquam

Visa fuit, quæ res nos ignorare fateri
Cogit, quæis veniant aut producantur in
oris,

Petra feratne aliqua hoc nobis genus exi-
tiosum:

An vomat internô conceptum semine
tellus,

Anne ipsi se ineundo mares, (ô monstra
ferarum)

Progenerent, omni sine amore & compare
fiant:

Denique an haut ullô crescant pariente:
fatemur,

Nullas nos aut scire aut posse ostendere
causas.

Nollem tamen subscribere Oppia-
no more Poëtarum heïc forte lu-
denti: nam animal tam perfectum,
quale Rhinoceros, & quod tanti ro-
boris est, ut & sæpè ipsum Elephan-
tum, cum quô capitales gerit inimi-
citas, prosternat atque vincat, æqui-
vocè generari impossibile est: quod
vix credibile videtur, donec de ipsius
æquivocâ generatione certiora pro-
ferantur, quod vix sperandum.
Multa nos latent, quæ propterea
neganda non sunt: fateri equidem
cogimur, pauca de Rhinocerotis
generatione tradi ab Authoribus,
qui siccô pede hanc prætereunt:
quam tamen more aliorum anima-
lium perfectorum univocè fieri nul-
lum dubium est: sic refert Jacobus
Bontius, quendam urbis Bataviæ
in Insula Java Secretarium, nomine
Dietericum Jemming cum duobus
sociis in proximâ sylva Rhinocero-
tem fœminam cum catulis vidisse.
Vid. Happel. *Rel. Cur. part. 2. p. 745.*

Non tamen imus inficias, in qui-
busdam animalibus utrumque se-
xum deesse, quod Aristoteles etiam
l. 1. H. A. c. 3. & lib. 4. c. 11. docet:
Hinc pulchrè Oppianus:

Si certè crudi nascuntur in æquore Ponti
Ostrea, quæ ex sese sine matre & sanguine
fiunt,

Irbellesque Apuz & Cochlearum nexilis
Ordo,

Et quæis testa ambit corpus munitque te-
nellum.

Aut quæ litoreis vivunt conchyliis arenis.

In genere insectorum & piscium
sunt, quæ omninô sexûs hoc discrimen alterutram in partem non ha-
bent: sic anguilla neque mas neque
fœmina est, neque prolem ex se ali-
quam potest procreare: sed qui
eam capillamentis & lumbricis quæ-
dam similia interdum annexa sibi
gerentem vidisse ajunt, inconfide-
ratè id asserunt, antequam adver-
tant, quâ parte illa gerantur: neque
enim aliquid ejusmodi est, quod
animal creet, nisi prius generarit
ovum, quod in nulla anguilla vi-
sum est. Vid. Aristot. *l. c.* Sed hæc
incidenter.

Elephas mas ut corporis quanti-
tate, sic & ætate superat fœminam:
præterea longè facilius cicuratur &
mansuescit, quam fœmina, quæ se-
cundum H. Cardanum *lib. 10. de sub-
til. p. 552.* iracundior, savior & ro-
bustior est masculo, licet corpore
minor: hæc quamvis fuerit jam
mansuefacta, facilè tamen pristi-
nam induit ferociam, & homini
multò infestior est, quam mascu-
lus,

lus, præsertim quando catulum habet, quò tempore animosior est, quam mas, qui ignem cane pejus & angue fugit, quem fœmina tunc non timet: extra hunc casum verò fœminas multò pavidiores esse maribus scribit Plinius *l. 8. c. 8.* Vartomannus fœminam mare multò robustiorem & alacriorem, & in hoc genere planè virilem esse scribit: Gillius ad vectiões onerum fortiores esse fœminas existimat: Mas tamen præliis aptior est.

Duo illorum genera sunt, inquit Solinus *cap. 38.* Nobiliores indicat magnitudo, minores nothos dicunt: candore cornuum (vulgò dentium) intelligitur juvenia, quorum alterum semper in ministerio est, alteri parcitur, ne hebetatum assiduo percussu minus vigeat, si fortè fuerit dimicandum: cum venatu premuntur, pariter confringunt utrumque, ut ebore damnato non requirantur: hanc enim sibi causam periculi præsentiant.

Differunt inter se Elephantés mirum in modum robore atque animo: sunt apud Indos in usu rei bellicæ non solum mares, verum etiam fœminæ, quæ tamen pauciores sunt, & secundum Aristotelem *l. 9. H. A. c. 1.* aliquantò timidiores, ubi pluribus docet, fœminas omnes minus quam mares esse animosas, sed malitiosiores, astutiores, insidiosiores atque in nutrienda prole magis sollicitas, mares contra animosiores esse, ferociores, simpliciores, minusque insidiosos.

Fœminas Elephantorum nullis armari cornibus supra dictum est: id quod oculati testes plurimi affirmant: de quo, vid. Happel. *Rel. Cur. part. 2. p. 743.* J. C. Scaliger tamen illis valdè brevia esse scribit de *subtil. exerc. 204.* Hic naturæ lusus est, illi ferè similis, qui in porcis sylvestribus videtur, quorum fœminæ etiam dentes exsertos, sed longè minores habent: Natura tamen luxurians secundum Ælianum interdum illis etiam ejusmodi arma indulget, quemadmodum cervas cornutas Cæsar Maximilianus cepit, referente Jonstono, quod etiam Scaliger observavit: ejusmodi cornigeram Cervam æri incisam reperire licet in *Ephemer. Acad. Natur. Curios. l. 9. obs. 88.* in agro Hufumensi Anno 1597. d. 18. Augusti captam, in atrio Ducali Hufumensi ad vivum depictam, & in atrio Gottorpiensi, quod viridè appellatur, gypso affabrè efformatam, de quo elegantissima Clarissimi Viri D. G. Morhosi Elegia ibidem legi & evolvi potest, ex quâ quatuor saltem sequentia disticha hûc transcribere libet:

Cornua cum tegerent, sed lædere nescia,
frontem,

Frons malefida caput prodidit ipsa
suum:

Nam qui forte videns me per nemus alta
ferentem

Cornua Venator credidit esse marem:

Lædere cum sexum non sustinisset inermem,

Nunc dubiam incusso vulnere sternis
humi:

Cornua

Cornua me perdunt: Naturæ scilicet illa
Ni fuit errantis culpa, jocantis erat:

Germanicô idiomate anonymus
quidam hûc alludens cervam cor-
nutam producit in scenam sequen-
tibus rhythmis:

Wer weiß nicht/ daß der Hirsch am Haupt
Gewenhe führet?

Ich aber als sein Weib bin auch also ge-
zieret:

Was / Leser / meinstu? vielleicht irr't
die Natur:

Nein: irren kan sie nicht: Sie scherzt
und spielt nur:

Die Zierde / welche mir
Die Züge-Mutter geben/
Die bringt mich armes Thier/
Ach! leider / umb das Leben.

Differentiæ & genera Elephantor-
um à diversis locis imprimis su-
muntur, seu Philostratum, Ælia-
num & Plinium, seu recentiores
spectes. Multa in Oriente prove-
niunt, quæ in aliis Orbis partibus
nusquam reperiuntur: efficacior
enim est ibi Solis virtus, quam in
Occidente: eapropter ibi nascuntur,
quæ ampliorem expetunt caloris
copiam, ut sunt Leones, Tigrides,
Elephanti, item gemmæ & aroma-
ta, quæ omnia in locis ad Orien-
tem, maximè quæ ad Austrum spe-
ctant, affatim succrescunt. Vid.
Cœl. Rhodigin. Lect. antiq. cap. 9.
& cum frigoris sint impatientes Ele-
phanti, mirum non est, illos in
frigidis Regionibus non nasci. E
provinciis Mauritanis Tingitana,
qua solstitiali plagæ obvia est, quæ-
que porrigitur ad internum mare,

exsurgit montibus septem, qui
propter similitudinem fratres appel-
lati freto imminent: hi montes Ele-
phantis frequentissimi sunt. Solinus
cap. 38. p. m. 115.

Regionum ratione differunt Ele-
phanti: inveniuntur diversi in India,
Africa, ubi Elephantorum solitudi-
nes & deserta vasta, secundum Pli-
nium *H. N. lib. 5. c. 4.* ut & in Asia
& vicinis Insulis. Indi robore &
mole corporis Africos Elephantos
antecellunt: nam India aquis abun-
dat: Africa autem aridior est. Vid.
H. Cardan. *subtil. lib. 10. p. m. 557.*
Quantò major est Elephas equò
Nisæo, (sunt autem illi maximi in
Persia) tantò sunt Libycis Elephan-
tis Indici grandiores, ut scribit J.
C. Scaliger ex Philostrato *exerc. 204.*

Elephantos Indicos Africanis lon-
gè majores esse Ul. Aldrovandus &
Bochartus ex antiquis probant Scri-
ptoribus: hinc Indicos Elephantos
Mauri timent, & quasi parvitas
suar conscii aspernantur ab his videri.
Solinus *cap. 38.* Maxima enim
in Indiâ nascuntur animalia, unde
& canes ibi grandiores cæteris, ut &
arbores. Plin. *l. 7. cap. 2.* Non so-
lum autem magnitudine, verum
etiam robore Indicos antecellere
Africanos, author est Livius *l. 37.*
de Indicis ita scribens: Ingentes ipsi
erant: addebant speciem frontalia
& cristæ, & tergo impositæ turres,
turribusque superstantes præter Re-
ctorem quaterni armati. Hos gran-
diores Elephantos Indi magni æsti-
mant, eosque rarò aliis nationibus
diven-

divendunt, ut scribit Petrus de la Valle *lib. 2. Itinerar. Ind.* eorum pretium ascendit ad millenos, interdum bis mille ducatos pro singulis. Ejusmodi Elephantis Bengala abundat: V. Ol. Dappers *Asiam p. m. 4.* Diodorus Siculus *l. 3. de gestis antiquor.* de Indiâ scribit, quod ibi sit incredibilis Elephantorum numerus, qui virtute & robore corporis Libycis multò præstant. Ceylonensis Insulæ Elephantos omnium maximos & præstantissimos esse, quibus etiam reliqui Indici Elephantis, dictu mirum, reverentiam exhibent, scribit Theodorus de Bry *l. Ind. Oriental. c. 14.*

India plurimos maximosque Elephantos habet, robore & magnitudine præstantes: æquant altitudine novem; latitudine quinque cubitos: qui maximi sunt, appellantur Prasii: secundi ab his nuncupantur Taxilæ. Ælian. *l. c.* A. Matthiol. *Comment. in l. 2. Dioscord. cap. 50. p. m. 215.* nec tamen in continente Indiæ omnium maximi: majores illi, imò robustiores & magis dociliores, qui in Insula Tabrobana, ut prodit idem *lib. 10. cap. 18.* Polybius *lib. 5.* Libycas Ptolomæi Philopatoris belluas certamen cum Indicis Antiochi Magni Elephantis detrectasse asserit: neque enim Indorum odorem & barritum ferunt, sed tam magnitudine, quam robore illorum perterriti properè aufugiunt. Vid. Tit. Livii *Histor. l. 37.* Darium XII. Elephantos ex India accivisse refert Curtius *l. 5. c. 2.*

Horum Elephantorum major est vis, quam quos in Africa domitant, & viribus magnitudo respondet. Curt. *lib. 8. cap. 9.*

Vartomannus *Indicar. navigat. l. 4. c. 10.* quosdam ait ad sextum decimum palmum altitudine assurgere vel ad pedes duodecim. Ælianus *l. 13. c. 8.* novem cubitos altos, quinque latos esse scribit. Auctor Speculi temporum Elephantos memorat adhuc proceriores, de Cosroe Persarum Rege scribens, quod habuerit in stabulis mille Elephantos, quorum nonnulli candore nivem æquabant, nonnulli duodecim cubitos proceri erant, quod valdè rarum est, quia plerique non superant septem cubitos. Si hæc ita se habent, non frustra Elephantum Syri vocant collem carneum: hinc benè Ambrosius inquit: velut quidam mobiles montes versantur in præliis, & ut colles altò eminent vertice. Ammianus *lib. 24.* vocat colles gradientes. Ex Poëtis Oppianus *l. 2.* canit:

- - - conspectò Elephante putabis
Aut nubem imbriferam, aut montis
juga celsa moveri.

In Africa, quæ longè aridior est, quam India. & quidem in saltu post Syrtes in solitudinibus Salæ Mauritaniæ oppido vicinis, Libya, Getulia, proximis Atlanti monti saltibus reperiuntur plurimi. Vid. Plin. *H. N. l. 6. c. 30.* Nullibi autem plures dantur, quam in Africæ interiore parte, quod ex cornibus, (vulgò dentibus) ipsorum copiosè hinc allatis

allatis colligere licet: ut & in Africa Regione Zamnes dicta, secundum Plin. *H. N. l. 6. c. 29.* Herodotus *lib. 3.* Thal. in Æthiopia vastos Elephantos prominentibus utrinque cornibus reperiri scribit. Mauritaniam imprimis Elephantis maximè fertilem esse, tam notum est, quam quod notissimum: hinc Strabo in Mauritanix descriptione *lib. 17.* eam vocat altricem Elephantorum: in ejus saltibus ad amnem, cui nomen est Amilo, nitescente Luna greges Elephantorum descendunt, quorum cornua quolibet decenniò decidere scribit Ælianus *lib. 14. cap. 5.* Hinc Juvenalis *Sat. 11.* scribit:

Dentibus ex illis, quos mittit porta
Syenes

Et Mauri celeres. - - -

unde etiam Hannibal suos sibi comparavit Elephantos, quibus in bello contra Romanos usus est. In Mozambica armenta Elephantorum vidit Vartomannus: in provincia Pemba Regni Congo in Africa magna datur Elephantorum copia, quorum magnitudinem æstimare licet ex cornibus, vulgò dentibus ducenarii ponderis. Vid. Gothofredi Schulgens *Welt-Beschreibung.* Reperiuntur etiam in Cap. de bon. Esperance, si credimus Joh. Jac. Saario in *discurs. de rebus Ind.*

Apud Troglodytes in Mauritania, præsertim in Nigritarum Regno Senega dantur Elephantis nulla vi nec arte domabiles. Symbari inter Arabix montes & Nilum ipsorum venatibus vivunt. In Libris Lusi-

tanarum navigationum hoc compertum est, inquit J. C. Scaliger *de subtil. exerc. 204.* sub Regno Benamen infimæ Æthiopiæ ad torridam plagam maximos Elephantos esse, omnesque albos. Lusitani inquit J. Lipsius *epist. centur. 1. epist. 50.* navigationibus suis terras eas aperuerunt, in quibus animal hoc crebrum: Insula Madagascar eos habet, & quidem Indicis majores: habet Zeilam, ubi venales sunt mirò modò: ad mensuram enim admetiuntur, ut pannos, aulæa, telam, tanti palmos singulos: ita cum magnitudine pretium crescit: habet etiam Provincia Malabar, Goa & tota illa ora.

In Habessinia imprimis Elephantis & ingenio & mole corporis conspicui in planis atque sylvestribus locis magno numero gregatim ingrediuntur: centum circiter diversæ magnitudinis simul in Tigra vidit P. Ludovicus Azevedus: totidem ferè paulò ante præcessisse idem testatur, ut scribit Vir Excellentissimus, Dn. Jobus Ludolphus, *vñ ἐν ἀγρίοις, Histor. Æthiop. lib. 1. c. 10.* Vid. Hug. à Lindschorten *part. 2. Oriental. Indiæ cap. 14. fol. 41.* Hunc numerum facile credet, qui apud Nonnosum in *bibl. Photii n. 3.* legit, quod viderit Ἐλεφάντων πλῆθος ἐκ ὁλίγων, ἀλλὰ σχεδὸν ὅσον χιλιεδῶν πέντε, Elephantorum haut exiguam multitudinem & ferè quinque millia.

Quantum ad Asiam, Rex Parthalis, prodente Plinio *H. N. l. 6. c. 20. 21.* illorum septingentos aluit:

K. 2.

Audata

Audata mille: Palibroti novies mille: Chryfzi, Parafangæ, Afangæ trecentos armabant: in Taprobanâ, Onesicrito Alex. M. præfecto pro-dente, majores ac bellicosiores, quam in Indiâ habebantur. Plin. *H. N. l. 6. cap. 22.* In Zeilanâ hodie maximos & summi ingenii esse Jo-hannes Metellus refert: Pulcherri-mos atque sagacissimos ibidem in-veniri Gualterus Schultzius *l. 2. c. 20.* scribit: quos alii Elephanti tanquam Principes venerantur, proboscide in terram demissâ, & rursus elevatâ: hinc magni æstimantur & carè ven-duntur: Hi non terrentur igne, ut reliqui, siquidem dislosionibus bombardarum & objectis pyrobolis à teneris assuefacti sunt. Horum viginti quotannis Batavi vendunt Æthiopibus & Persis hûc Mechâ venientibus: quo proceriores, eo cariores sunt: emuntur illi, qui melioris notæ sunt, 640. Imperiali-bus.

Mirum dictu est, quod Joh. Ja-cob. Saar. in *discurs. de reb. Ind. c. 4. p. 98.* memorat: se in urbe Java majoris Anno 1649. vidisse, Ele-phantos Bengalenses Ceilonensibus obvios flexis genibus illos reveritos esse: causam hujus submissionis soli DEO cognitam esse addit. De cen-tum Elephantis, quos Rex Ceilonen-sis in aulâ suâ alit, narrat Herpor-tus *p. 177.* quod conspecto Rege omnes in genua statim procumbant. Dominus de Mandelsloh *l. 1. p. 184.* refert, Regem in Siam habuisse Ele-

phantum album, lepidum valdè & summâ reverentia Regem profe-quentem, quem Rex tantoperè di-lexerit, ut ex aureis vasis illum ci-bari jusserit: hic propter insignes, quæ eminebat, dotes habebatur ab omnibus pro magno naturæ mi-raculo, & singulari DEI donô: Hic habitabat in splendido conclavi, pulchrè vestitus, exquisitis dapibus cultus, satellitibus stipatus, ab ipso Rege sæpenumerò visitatus, & à vasallis Regni summopere honora-tus, teste Joh. Schoutenio in descri-ptione Regni Siam *pag. 751.*

Nec mirum hoc alicui debet vi-deri, cum similia legamus de Cæ-sare Caligula, quod scilicet equum suum tolutarium mensis adhibue-rit, ex pateris aureis vinum ipsi propinaverit, equile marmoreum cum clathris eburneis ipsi ex-struxerit, tegumentis purpureis & monilibus gemmatis ipsum ex-ornaverit, peculiari famulatio & supellectile ad ipsius usus desti-natô: quin etiam per salutem hu-jus equi juravit, ipsique non solum consulares, verum etiam sacerdo-tales honores decrevit, ut refert Dio de Vitâ Caligulæ: ejus vestigia præmens Imperator Verus caballo suo statuam auream erexit, eique pabuli loco uvas passas cum amygdalis præbuit: hic, Xiphilino refe-rente, emeritos equos, quibus in hippodromo olim feliciter usus fuerat, vestibis egregiis, adjuncto insuper salario, honoravit.

Ob albos Elephantos non solum antiquitus, sed & in superiore seculo inter Regem de Siam, qui vocabatur Dominus candidi Elephantum, & Regem Pegu cruenta bella gesta sunt, in quorum uno Rex Peguensis, cui Siamensis Rex album Elephantum proposito ingenti pretio vendere recusaverat, non solum albo Elephanto tantoperè desideratò, verum etiam toto Siamensi Regno simul potitus est: quod jugum tamen Siamenses post centum annos feliciter excussere, sumpta de Peguensibus illustri vindicta & reportatà victorià. Hujus gravissimi belli le Blanc in *Verm. Reis. p. 1. c. 19.* ita meminit: Rex Peguensis Aleagar ob denegatum sibi album Elephantum bello aggressus est Siamensem Regem cum decies centenis millibus militum, bis centum millibus equitum, quinque millibus Elephantorum & ter mille camelis: Agmen ipsius præcedebant Equitum quinquaginta millia: hoc exercitu impugnabat Metropolim Siamensis Regni Lagi dictam, Lutetià Parisiorum duplo majorem, captis liberis, uxoribus & thesauris Regiis cum albo Elephanto, quæ omnia per 65. dierum itinera in suam Regiam Peguensem sedem abduxit, Rege Siamense interim post extrema omnia tentata per præcipitia sibi ipsi manus inferente. Hic albus Elephas ceu alter equus Sejanus quinque vel sex Reges & vita & Regno exuit, quorum ultimus fuit Rex Pegu, qui mediante

proditione Regis Tanguensis fratris sui per Regem Avaracensem illo privatus fuit.

Certis anni temporibus Siamenses huic albo Elephanto festum solenne cum maximâ pompâ & magnificentiâ celebrabant: quod festum Oniday Pileu, id est, gaudium piorum vocabant. Regis Peguensis currum quatuor albos aliquando traxisse Elephantos fama est, quam vix credibile sit, tot albos Elephantos simul unòque Indiæ in locò ob raritatem reperiri. Vid. le Blanc. *l. c.*

Quod in Regno Pegu plurimi & optimæ notæ Elephantum nascantur in densissimis Sylvis, scribit Erasmus Francisci, quorum mille Rex cicurare, & bello assuefacere jubet, quibus in expeditionibus suis cum magno splendore & pompâ utitur: præterea alit quatuor albos, & unum nigrum inusitatæ & proceræ staturæ ad quoslibet usus: hos Rex pro lubitu è stabulis educere jubet, quos reliqui sequuntur: ad Regem appropinquantes in genua procumbunt sublatà in altum proboscide & ternâ vice editò ingenti clamore: quò factò ad stabula reversi cibum capiunt albi ex aureis vasis mandante Rege, & postmodum ex argenteis vasis lavantur, quod C Balbi sæpe vidit quotidie bis factum: loti sub tegmine seu cælo octo contis à totidem famulis sublevatò aliquandiu manent, ne ab ardore Solis lædantur: hos egredientes sæpè præcedunt Tubicines, quos Elephantum

phanti cum magnâ gravitate sequuntur, quasi agnoscentes sibi tubas sonare.

Supra dictus Jod. Schoutenius sodalitatis Indicæ in Siam antehac Director refert, suô tempore in Siam unâ vice duos albos Elephantos raro exemplô captos & brevi post extinctos esse, quorum obitum Rex acerbè luxerit: præter alias insignes dotes aliquid divini in illis latere putant, cum non solum Regiô cultu gaudeant, atque hóc sibi denegato valdè contristentur, verum etiam supernaturali quasi sagacitate polleant: indignantur etiam, si fortè nigri Elephanti sat dignâ reverentiâ illos non prosequantur: hæc omnia reverâ ita se habere Siamenses, apud quos post Ceylonenses præstantissimi reperiuntur, longâ experientiâ edocti produnt. Pretium Elephanti in quibusdam Regionibus communiter ad centum ducatos, alborum verò ad mille imò bis mille se extendit secundum Vartomannum, siquidem imprimis in candidis aliquid singulare latere creditur: rarissimè hi inveniuntur, ita ut etiam Reges nonnulli Narisingæ diu ob unum Elephantum candidum acerrima bella gesserint.

Nimis feri sunt nonnulli, siquidem non solum arbores evertunt, verum etiam interdum hominibus infidiantur: unde viatores in sylvis fortè pernoctantes, incensis rogis, tympanorum & pelvium sonitu excitatô illos arcere solent, ut ab iis tuti sint: in Insulâ Sumatra, Regnis

Cochim, Siam, Achem, Baram, Pegu, Bantam, Molinde plurimos præstantes reperiri Elephantos scribit J. B. Tavernier *Itiner. Ind. l. 1. c. 18.* In Regno Congo ejusque præcipuâ Regione Bamba maximè reperiuntur Elephanti, atque ibidem ob sylvas, prata & fluvios frequentiores, quibus valdè delectantur, lubentius quam aliis in locis versantur.

Siamensis Rex eorum duodecies mille habere dicitur, è quibus quater milleni semper ad subitos casus armati sunt. Sub Imperio Magni Mogolis illorum quinquaginta millia aluntur, ut nonnulli scribunt: alii contra asserunt, illorum ultra quatuor millia ibidem non aliâ modò citatus J. B. Tavern. allegatô locô illorum saltem quingentos esse refert, qui ad bellicos aliosque usus ibidem sunt destinati: horum optimi Princeps hæreditarius curam gerit, quæ singulis mensibus 250. imperialibus constat: cæteri minore pretiô aluntur: quibus juniores Elephantæ æstivis Solibus ventulum facere, plurimi autem Equites inservire coguntur: non autem semper in civitate permanent, verum etiam in campos ad pabula ducuntur, cum ingenti ruricularum damno, nam non solum arborum frondes, sed & arundineta Saccharina, agros miliô confitos & similia impunè depascunt, non sine Custodum lucrô, qui sic pecuniam ad illorum quotidianam sustentationem destinatam sibi reservant. In Mosambique Insula etiam Elephantorum armenta offen-

offendit Vartomannus, & in Benomotapa Johannes de Baros : in Insulam quoque Zanzibar multos Mercatores eboris emendi causa venisse M. Paulus Venetus prodidit. Secundum harum Regionum atque Insularum constitutionem Elephantum miris modis variant.

Specialium locorum ratione, in quibus degunt, alii sunt palustres & rivarii : alii montani : alii campestris : palustres omnino dementes levesque, montani pravi & insidiosus, campestris mansuetiores & longe dociliores esse creduntur : his multo ignobiliores sunt Libyci, odorem enim & vocem Indicorum, velut imbecillitatis suae conscii, teste Solino, fugiunt, sicut eventus docuit in memorabili praelio inter duos Reges Ptolomæum & Antiochum ad Raphiam, quod à Polybio describitur *lib. 5. c. 11*. Vid. Philippi Camerarii *Oper. subcisiv. Centur. 1. p. m. 133*. Omnes ferè gaudent, præsertim in calidioribus Regionibus, omnibus maximè, & passim circa fluvios vagantur, ut scribit Plinius *lib. 8. c. 10*. Mansuefacti enim libenter eunt lavatum, absterfisque sordibus apud Indos à custodibus pumice fricantur, quo factò rubris in fronte, dorso, caudâ, maculis insigniuntur, & pinguedine gallinæ oblinuntur, ut refert J. B. Tavernier *lib. 1. Itiner. Ind. c. 18*.

Accedunt ad Æthiopes Elephantum ex superiori plagâ allekti fertilitate loci pastusque suavitate : siquidem ibi ulva & arundines nascun-

tur, quos cibos cum degustant, libenter in his locis morantur : consumentes ut plurimum nutrimenta hominum eos compellunt ad alia loca fugere : mediterranea aridaque loca procul ab aquis linquunt pascuorum inopiâ : nam tum æstus magnitudine, tum raritate fontium pauca ibi nascuntur. Vid. Diodor. Sicul. *l. 4 p. m. 239*. Sub umbrâ, inquit Jobus *c. 40. v. 16*. dormit in secreto calami, & in locis humentibus circumdabunt eum salices torrentis : quæ verba R. Levi & R. Kimchi in libro radicum exponunt interrogativè : sed & habitatio & vastitas corporis ejus his innuitur verbis : licet enim non altè aquas intret, tamen ad ripas aquarum & in locis palustribus se continet, amat umbram, unde quarit arbores proceras & umbrosas, ut sub hisce contra Solis ardorem se tueri & occultare possit. Vid. J. C. Dieteric. *antiqu. bibl. p. 444*. Lyra super hunc locum ita commentatur : Est Elephas animal calidum, & in regionibus calidis nascitur : & ideo propter calorem corporis & aeris libenter requiescit juxta fluvios, ubi in locis paludosis crescunt calami & salices, quæ faciunt umbram densiorem.

Hinc Aristoteles Elephantum nominat animal παραποτάμιον. quod libenter circa fluvios versatur : amat amnes, inquit, H. A. *l. 9. c. 46*. & quanquam non fluviatile sit animal, tamen riparium dici potest : incedit enim per aquam, & eatenus mergitur, quatenus ejus promu-

fcis

scis superat: reflat enim per eam, spiritum accipit & reddit: sed natare ob pondus & magnitudinem corporis sui non potest: *lib. 1. de part. an. c. 16.* hoc animal simul palustre & terrestre esse scribit. Elephanti naturæ proprium esse, loca humida & mollia amare & aquam desiderare, scribit Ælianus *l. 4. c. 24.* Aquosa loca valdopere amant, juxta quæ gregatim illos conspiciere cuilibet licet, præsertim à meridie, tunc enim libenter lavant, refrigerium capiunt, & potatum vadunt: flumina intrant usque ad mediam corporis partem: dorsum verò aquâ proboscide haustâ conspergunt. In Regno Congo ob frequentia ibidem flumina & amœna prata centum sæpè Elephanti more vaccarum cum catulis simul pascentes conspici, testis est Aug. Cassiodorus in *descript. Regni Congo cap. 10.*

Recordem esse palustrem Elephantum, montanum verò propter notabilem ingenii pravitatem, disciplinam, quam ægrè accepit, facile abjicere, & ad pristinam indolem redire, campestem verò esse optimum, institutionis capacem & memorem, nec invitum in officiò contineri, hujusque ad hominem esse naturalem conjunctionem, & ultrò velle esse se socium illius vel voluptatum vel etiam laborum scribit J. C. Scaliger. *de subtil. exerc. 204.* Esse etiam magnam his Elephantis, quoad cornua, vulgò dentes, differentiam, docetur ibidem: palustribus enim esse lividos, raros & minus solidos

tractuque difficiles, atque ob id operibus inutiles: detegi enim foramina quidpiam affingendo, aut interdum tumores & durities extare aliquas, quæ artifici incommodent, ac quasi congelatæ sint instar grandinis: Montanis, qui perversi sunt & insidiosus, & nisi alicujus rei indigeant, erga homines minimè fidi, tantum candoris in cornibus (vulgò dentibus,) esse, quantum satis, minores tamen esse, & ad usum non prorsus ineptos: Campestribus verò, qui benigni habentur, & mansuetiores sunt, optimos, ad flexiones habiles, albos, simulque maximos esse.

Sylvestres in Regno Senegæ ad fluvium imprimis Gambram inveniuntur: ibi enim gregatim ut apud nos apri incedunt. Incredibile dictu est, scribit Vir incomparabilis Hiobus Ludolphus, beatæ memoriæ, *Histor. Æthiop. l. 1. c. 10.* quantum hi boves Lucæ stragem in sylvis & campis edant: arbores grandiores tamdiu mole corporis quatiant, donec vel scapus frangatur, vel tota arbor cum radicibus velut quodam terræ motu evellatur: mediocres proboscide paulo altius prehensas flectunt & confringunt, atque sic ramos cum foliis vorant: frutices & dumos, fruges denique omnes vel absument vel obterunt. Ceylonenses quando adhuc feri in sylvis versantur sæpe viatoribus infesti sunt, qui si fortè in sylvis pernoctant, pyras accendere hanc ob causam, eosque tympanis ac pelvibus

bus abigere pro suâ defensione coguntur, ut refert supra citatus Walthers Schulz in seiner Ost-Indischen Reise-Beschreibung l. 2. f. 199. Æthiopici cicures non fiunt, nec ullus eorum sive in bellô sive in pace inter tot montes usus est, ut scribit modò laudatus Hiob Ludolphus allegatô locô.

Magnitudine etiam variant Elephantum: siquidem alii majores, alii minores sunt, quos Plinius l. 8. c. 1. nothos vocat: Indici majores sunt Africanis ob uberiores terræ fertilitatem, aëris puritatem & fluviorum frequentiam, quibus Africa non ita abundat. Longi sunt nonnulli novem cubitos, lati quinque secundum W. Frank histor. an. part. 1. c. 4. Regem Moluccensem Tubanensem Batavis duabus Scaphis ad Insulam delatis obviam venisse insidentem Elephantum duorum virorum altitudinem æquanti narrat Theodorus de Bry, idque describit fig. 17. Figura 18. adhuc majoris Elephantum, Diaboli nomine insigniti, quo modò dictus Rex in bello tantum utebatur, mentionem facit idem author, qui genua flexerit in præsentia Regis, & proboscide demissâ acceptis à Rege pomis nonnullis ad stabulum redierit.

Gillius mensus est Constantino- poli quendam Elephantum, cui erant ab oculo usque ad extremum tergum pedes undecim, ab oculo usque ad extremam promuscidem octo. In proceritate alii ad duodecimum, alii ad decimum tertium,

alii ad decimum quartum dodrantem accedunt. Aloyfius Cadamustus quendam se vidisse scribit plus habentem carnis, quam tauri nostrates quinque. Anno 1712. Rex Persarum Magno Moschoviæ Duci cum aliis pretiosis misit insignem Elephantum, cujus altitudo quinque ulnas cum dimidiâ, longitudo proboscidis tres ulnas cum dimidia æquavit, attestantibus id relationibus hebdomadalibus.

Maxima secundum Plin. l. 7. c. 2. in India nascuntur animalia, unde & canes grandiores cæteris: arbores etiam, adeò ut sub una ficu turmæ condantur Equitum. Vidi, inquit Clusius, qui mihi referebat, interdum octingentos aut mille viros, quo in numero ipse fuisset, unius ejusmodi arboris umbra tegi, & porrò affirmabat, tria etiam hominum millia sub tali arbore latere posse.

Notum est ex Auctorum fide, inquit J. C. Scaliger l. c. Indicos Elephantos esse majores Afris: at iis, qui in Insula Maidegascar oriuntur cedunt Indi. Sunt, qui statuunt, Insulam Zeilam & Taprobanam veterum unam eandemque esse, de qua Plinius author est, maximos atque pulcherrimos Elephantos ibidem reperiri: quamvis J. B. Tavernier Itinerar. Ind. l. 1. cap. 18. Zeilonenses, licet reliquis minores, attamen animosiores statuatur: idem in relatione de Regno Tunquin scribit, ibi inveniri Elephantos omnium maximos, quorum Rex quingentos

L

aleret,

aleret, tam dociles, ut in genua procumbant fessorem admissuri. *Ælianus l. 16. c. 18.* scribit: in magni maris Insula Taprobana palmeta in ordinem sic mirificè plantantur, quemadmodum in elaboratis hortis à peritis artificibus opacantes arbores feruntur: itemque permultorum & valdè grandium Elephantorum benè pasci greges eâ in Insulâ vigent, qui animi robore & sagaci indole, & corporis magnitudine, eis qui in continenti degunt, præstant.

Portentosam itaque staturæ celsitudinem obtinet Elephante, de qua *Aretæus* ita scribit: Elephas longè ab aliis feris differt: primum quidem ingens & crassissima est fera: celsitudo enim tanta est, ut magnum animal super aliud animal turris instar impositum esse videatur: crassitudo quoque tanta, quantum plura crassissima animalia inter se conjuncta vix æquare valeant: hinc pulchrè *Oppianus*:

Talem autem nullam & tantâ se mole
moventem

Terra feram portat: - - -

& *Tulliana Suada* cum admiratione de ipso quærit: At quæ figura vastior?

Indolis ratione immane quantum à se invicem differunt & distant Elephantis: de palustribus, campestribus & montanis supra dictum est: imprimis montani feri, sylvarum vastatores, atque etiam hominibus infesti sunt, accensis tamen præsertim nocturno tempore ingenti-

bus pyris, bombardarum & tympanorum sonitu territi arcentur & recedunt. *Taprobanenses* seu *Ceylonenses* ut majores, ita dociliores, & ad omnia aptiores sunt, ut *Plinius*, *Ælianus*, *Garzias* & *Aug. Cassiodorus* testantur: *Africani* & *Libyci* timidiore sunt, quippe qui à conspectu Elephantorum Indicorum tam vehementer terrentur & consternantur, ut confestim in pedes se conjiciant, id quod legitur, apud *Polybium l. 5. p. m. 425.* qui refert, in bello *Ptolomæi* contra *Antiochum* belluas *Ptolomæi* plerasque certamen detrectasse, quod *Libycis* Elephantis accidere solet, qui neque odorem neque barritum ferunt Indicorum, sed cum magnitudine, tum robore illorum perculsi properè, antequam appropinquant, aufugiunt: sic parum abfuit, quin *Ptolomæus* hanc ob causam victoriam hosti *Antiocho* concesserit, quam tamen fortitudine suorum tandem reportavit, cæsis tamen ex *LXXIII.* sedecim Elephantis *Ptolomæi*, reliquis verò maximam partem captis: ex *Antiochi* verò Elephantis, quorum sexaginta habebat, saltem tres in conflictu periêre, è vulneribus postea duo: hinc apparet, *Indos* reliquis virtute ac robore longè antecire.

Differunt etiam Elephantis ratione variorum colorum: rubros interdum reperiri memorat *Gothart. Arthufius p. 6. Ind. Or.* Nigri sunt omnes præter *Æthiopicos*. *Aretæus* affirmat, omnes ex-

qui-



quisitè nigrò & tenebricosò colore totò corpore obscurari, quòcum consentit Horatius, barrum nigrum; & Martialis belluam nigram indigitans: quamvis ille albi Elephanti etiam faciat mentionem alicubi canens:

Sive Elephas albus vulgi converteret
ora:

Nonnulli sunt cinerei, fusci & murini coloris: de albis supra actum est, quales etiam in Æthiopiæ regione quâdam ad meridiem sitâ reperire licet: hi Regibus sunt in delitiis, & opiparè lautèque tractantur, imò tanquam Dii adorantur, ut scribit P. à S. T. *Itinerar. Ind. l. 7. cap. 1.* Johann. Albrecht de Mandelsloh *Reise-Beschreibung l. 3. p. m. 183.* Peguenses albo Elephanto divinos honores detulerunt, illum Regem Elephantorum vocantes.

Albi Elephanti mentionem facit Abbas de Choyfi in *suo Journal de Voyage de Siam*, cujus comitatu ipsemet interfuit, pag. 245. scribens: Anno 1685. P. quendam Jesuitam vidisse in prædiò quòdam Regio suburbanò pusillum adhuc ejusmodi Elephantum album, paulò majorem bove jam adultò à Rege Cambajæ Siamensi dono missum, qui destinatus tum erat Successor alterius Senioris in aulâ Regiâ magnâ cum curâ & veneratione jam ab annis 30. sustentati, qui 300. ferè annos explevisse dicebatur: junioris verò curam pluribus Regni proceribus fuisse demandatam: ejusmodi candidi Elephanti mentionem facit

supra citatus Schoutenius in *descript. Regni Siamensis cap. de Elephant. p. 251.* qui velut Princeps in conclavi splendido alebatur pulcherrimè phaleratus, satellitibus stipatus, & ab illius loci incolis magna veneratione honoratus, qui aliquid divini & magnum ingenii acumen in albis Elephantis latere sibi persuadent: quæ prærogativa & præeminentia ipsos Elephantos non latet, siquidem ægrè ferunt, quando minus lautè tractantur, atque à suis ministris & aliis Elephantis non satis honorantur. Præter albos Elephantos ter mille prægrandes, validos agilesque hoc Regnum alit, quorum singulis duo vel tres assignati sunt famuli, qui illis pabula subministrant, eosque quotidie lavant, inungunt & mundant: ex his meliorum in præliis usus est: reliqui & qui sequioris sexus sunt, tormenta bellica aliamque castrorum suppellectilem vehunt & portant. Vid. Happel. *Relat. Cur. p. 2. pag. 746.*

Quod albi Elephanti in Regnò Benamen in Æthiopiâ sub Zonâ torridâ sitò reperiuntur, miratur Scaliger *exerc. 204.* Heic est subtilitas, inquit, albedinem constare præter aliorum locorum naturam in æstusosa Regione: rationem hujus rei dat C. Hornius *tractat. de Elephant. c. 3. p. 46. ex Aristotelis problem. 66. sect. 10.* quod nimirum albescere soleant illa, quibus vis solis humorem detrahit, dummodo nihil superinficiatur, quomodo etiam ceram albescere novimus; verum non

adeò pertinenter hæc allegari videntur, nam Aristoteles loco citato loquitur de dentibus seu cornibus in genere, assignatque rationem, cur candeant: de cute verò dicit ibidem, quod illam superinficiat calor: & sanè si adducta valeret ratio, Æthiopes neutiquam nigri sed albi essent: igitur ad alias causas, v. gr. diversitatem speciei, Regionis, ut & victûs in albis Elephantis ibidem natis erit recurrendum.

Odoris etiam ratione inter Elephantos discrimen est: Sic scribit Faber in *histor. Mexican. f. 564.* ex relatione Fr. Gregorii de Bolivar Hispani, Franciscani, qui annos 25. in Indiis vixit, Elephantos præcipuè in umbra degentes suavissimum spirare ex sudore odorem, quem Indi conchyliorum testis detersum in vasculis asservant, suaveolentem & moschi odorem referentem. Vid Ephemerid. *Curiosor. German. Anni I. Observation. 97. pag. 227.*

Cum nullo bruto quoad speciem vel quantitatem, (ut jam de qualitate nihil dicam) Elephantò quædam intercedit similitudo, inquit Aretæus: sed huic contradicere videtur Cardanus, qui culicem illi æquiparat, nec veretur asserere, naturam dum culicem conderet, Elephantum fuisse meditatam: hoc est, ut J. C. Scaliger interpretatur *exerc. 194.* Naturam dum Elephantum condere intenderet, ejus formulam more pictorum & Architectorum in culice proposuisse, quasi ichnographiam, ut ectypum face-

ret: miris modis exagiturat hòc nomine à Scaligero pro more Cardanus, cui exprobrat, quod ex culice Elephantum fecerit, ut proverbium sonat. Maecte culex Cardanice, inquit, cujus idea Elephantus est: fortassis muscæ promuscis propior Elephantì manui est: quia promuscis à musca ad Elephantum nasum designandum translata credi potest? Quid Elephantò cum bestiola fenum crurum, quæ valga sunt? quorum postrema longissima, contra quam Elephantò: præterea promuscide pro manu & calice utitur Elephas, non pro ore sicut culex: usque adeò inconueniens erat, tam vile insectum cum perfectissimo animali, quale Elephas est, comparare, licet negare non possimus, naturam etiam in minimis esse maximam: eandem limam meretur Cardanus, quando *lib. 10. de subtil. pag. 561.* ait: videtur hoc animal cum sue aliquid habere similitudinis, cauda, proboscide, cute, temperamento & moribus: irritatum enim efferum est, aliàs mite: & sues ipsi gregatim incedunt, & loca palustria diligunt, oculosque habent parvos: & alibi inquit: Elephantum palustria inhabitant, ut sues, neque si rectè consideres, cum ullo alio animali cognatio major.

Magnam etiam heic Elephantò inferri injuriam quis non videt? ut ut enim Elephas porcorum more cœnum, umbrosa & palustria loca amet, aquam turbidam bibat, radices effodiat, iisdemque ferè cibus

cum

cum suis vescatur: magna tamen inter lutulentum porcum & tam nobile animal est differentia: totò namque cœlo differt à sue Elephantus, cum quò neque quoad formam neque figuram convenit: qualis enim est membrorum suillorum proportio, cum membris Elephanti, Herois bellatoris? cumque Cardanus allegatò locò prolixè doceat, quod Elephanti sint dociles, saltatores, musici, iusti, pii, iurandi militarisque etiam Sacramenti religiosi observatores, imò exactores, videtur eò ipso horum omnium oblivisci, quando nunc audet nationem Elephantinam cum suillâ adunare, quam tamen Ælianus *l. 7. c. 19. l. 10. c. 16.* impuram, detestabilem, Soli & Lunæ inimicissimam vocare nullus dubitat. Quid? quod Elephantò nihil infestius, quam sus? Ejus enim stridore solò in fugam vertitur: præterea Elephas barrit, sus verò grunit: itaque absurdum fuit, tam sagax animal cum brutissimâ bestiâ comparasse.

Datur tamen in Indiâ occidentali peregrinum quoddam animal, Cascuji dictum, quod cum Elephantò aliquam similitudinem habet, pilosum, durissimò coriò, exiguis oculis, auribus patulis, ungulis

fissis, brevi proboscide præditum & carne ad edendum suavi, tam horribiliter barriens, ut homines obsurdescere faciat. Vid. Hieron. Benzonis *Hist. Nov. Orb. l. 2. c. 14.* Philostorgius *lib. 3.* scribit, se Romæ vidisse à meridianis locis advectos boves ταυρελέφαντας λεγομένους: ὅν τὸ μὲν γένος τὰ μὲν ἄλλα πάντα βῆς ἐστὶ μέγιστος, τὴν δὲ βύρσαν, καὶ τὸ χρῶμα ἐλέφας, καὶ σχεδὸν εἰπεῖν καὶ τὸ μέγεθος, Taurelephantos dictos: quod genus quoad cætera omnia bos maximus est, coriò verò & colore Elephas, ipsâque adeò magnitudine: nam boves Hungaricis atque Russicis duplò majores à magnitudine Elephantorum haut procul abesse verisimile: tantos boves ingentibus cornibus præditos, creditu facile, quaternorum pedum esse longitudine, ut Plinius tradit.

Jucundum visu spectaculum est, quando Elephanti cum suis catulis à Mercatoribus Indicis ad emporia ducuntur ibi divendendi: heic videre licet pueros catulis edulia varia offerentes, iisque simul insilientes, qui tamen proboscide facile deturbantur, sine noxâ tamen, & cum spectatorum risu, ut refert J. B. Tavernier *Itinerar. Ind l. 1. c. 18.* Vid. Happel, *Relat. Curios. part. 2. p. 738.*

PARTIS I. CAPUT XI.

Elephanti generationem enarrat.

UT animalia, quæ individuorum ratione non diu persistunt, sed citò pereunt, in speciebus suis perpetuitatem obtinerent, supremus *δημιουργός* illis clementissimè indulgit virtutem atque potentiam sese secundum suas species propagandi & multiplicandi: quam pulchrè describit Philosophus *l. 2. de gen. animal. c. 4.* inquiens: - Hæc operatio maximè perfectis animalibus est naturalis, ut unumquodque aliud sibi simile procreet, animal animal: pariter planta plantam, ut sint maneatque semper hōc pactō, conditionemque subeant, quoad possunt, quasi divinam: cum enim fieri nequeat, ut caducorum atque mortalium quicquam idem unumque numerō semper perduret, permanet unum specie, atque sic sui simile propagat., ut in suā sobole quasi vivat & propagetur: hinc naturā duce secundum Senecam in Hippolyto more aliorum brutorum etiam

- - - Amat infani bellua Ponti
Lucique boves: - - -

Talis habilitas Elephantis à Natura implantata sese prodit beneficio generationis, gestationis in utero ad certum tempus, & tandem exclusionis seu partus: si Borello credimus in *Observ. rar. l. p. m. 3.* scri-

benti: Elephas centesimō tantum annō fructum profert more palmæ arboris: Vid. Author. Non gignere marem antequam vigesimum ætatis annum attigerit, prodit Aristoteles: fœminam verò Elephantum coire annō duodecimō, cum celerrimè, aut decimō quinto, cum tardissimè. Generatio per conceptionem & formationem; conceptio verò fit per congressum maris ac fœminæ & commixtionem seminis tam masculini, quam fœminini: Sanguis menstruus, cuius fluxum statō tempore secundum nonnullos patitur Elephas fœmina, nutritioni fœtūs inservit. Vid. Happel. *Rel. Cur. p. 2. pag. 735. it.* Walther Schulzens *Ost-Indische Reise. Beschreibung l. 2. f. 199.*

Coit Elephas non ex lascivia, sed prolis causa, idque facit in occulto, non spectantibus hominibus & reliquis Elephantis: Venerem, inquit Solinus *cap. 38.* ante annos decem fœminæ, ante quinque mares nesciunt: biennio quovis coeunt, quinis nec amplius in annō diebus, non prius ad gregarium numerum reversuri, quam vivis aquis abluantur: sed antequam coeunt, feroces evadunt Veneris œstrō perciti: sic refert J. B. Tavernier *Itinerar. Ind. l. 1. c. 18.* Indiæ quendam Regulum

lum cum filio & Rectore Elephanto vectum ad venandum aliquando egressum esse: in ipsa viâ autem bestiam Veneris stimulis exagitatam furere cæpisse: illud advertentem Rectorem insidentem Regulum statim monuisse, nisi unus ex tribus fessoribus periret, iram bestię sedari non posse: simulque promississe, si Regulus trium suorum liberorum curam gerere vellet, se victimam huius furoris futuram: Regulo annuente illum statim descendisse, & pedibus Elephanti protritum atque exanimatum esse: hancque servi fidelitatem Regulum liberali filiorum tractatione benignè postmodum compensasse aliquot nummorum millibus inter pauperes simul divisis atque erogatis.

Notatu dignum est, quod supra citatus Tavernier oculatus testis refert, Elephantum scilicet fœminam Venere prurientem sibi ipsi ex confarcinatis arborum foliis fabricasse thorum genialem sex circiter pedes longum, superius nonnihil elevatum, in eoque præter morem reliquorum brutorum supinam decubuisse, atque avidè maris congressum expectasse. Coitum Elephantum quod attinet, illum aversum esse Plinius putat *l. 10. c. 63.* ut & aversa illorum genitalia: cui adstipulatur Solinus & Horatius de Canida: quod & de Camelo scribit Plinius *l. c.* cui tamen contradicit Aristoteles *H. A. l. 5. c. 2.* inquiens: Cameli sedente fœminâ coeunt, nec averfi, sed complectente mare, ut cate-

ræ quadrupedes agunt, & coitum exercent.

Diodorus Siculus *l. 3. de gestis antiq. de coitu Elephanti* ita scribit: coit hoc animal, non sicut quidam putant promiscuè, sed velut equi & reliqua quadrupedia: decimò sextò mense ut plurimum pariunt, quandoque octavò & decimò: unicum veluti equi pariunt, quem nutriunt matres annis sex. Proli operam daturi orientem versus pergunt ad proximum paradyso locum, nugatur Author quidam obscurus apud Gesnerum *l. 1. de Elephantò*, ubi inventam Mandragoram fœmina pro stimulo Veneris prior gustat, deinde persuasus ab eâ mas, & sic tandem ibi coitum & conceptionem fieri scribit: quod confirmat A. P. F. B. in seinem *Abentheur der natürlichen und künstlichen Sachen in Sina und Europa* im 33. Capitel *p. m. 612.*

Petunt Elephanti recessuum solitudines, cum libet coire, nec aliquis potest eò tutò accedere, præterquam pastor armenti: si alius supervenit, temeritatem capite luit, nisi aufugiat: id quod insignis verecundiæ argumentum est: Ælianus tamen *Hist. l. 10. cap. 1.* Alexandrum quendam ad venandos Elephantos in Mauritaniam missum narrat vidisse *μόχον ἐλέφαντος ὡραίαν συνελθὲν ἐλέφαντι νέῳ καὶ καλῷ*, formosam Elephanti vitulam seu Elephantulam cum juvene & pulchrò Elephantò coeuntem. Præcipuè circa flumina, ubi pasci consueverunt, coeunt

coeunt Elephanti: subsidit foemina, clunibusque submisfis infistit pedibus ac innititur in declivior loco: Mas superveniens comprimit, atque ita munere venereô fungitur: his subscribunt Albertus Magnus & Garziâs ab Horto falsum esse dicentes, quod quidam de maris & foeminae congressu tradiderunt, quandoquidem Elephanti haut aliter congregiantur, quam reliquæ quadrupedes. J. B. Tavernier *l. 1. Itinerar. Ind. c. 18.* scribit, Elephantem foeminam veneris œstrô percitam varia colligere gramina & flores, atque ex illis stratum quinque vel sex pedes altum sibi construere, in quo supina decumbens marem clamore allectum expectat.

In aquis autem præcipuè iniri desiderant foeminae, quibus æquè ac maribus major hōc modō commoditas accedere creditur: quoniam mas coiturus per aquam facilius attollitur, & post congressum facilius descendit: nunquam autem nisi remotis arbitris & in abdito coeunt: & si Aristoteli H. A. *l. 9. cap. 46.* credimus, foeminam quam semel coitu implevit, eam rursus non tangit Elephas: eō duntaxat tempore coit secundum Ælianum, cum se inire foeminae patiuntur: extra natale solum verò non coit. *lib. 6. H. A. cap. 27.* Philosophus vigesimum annum utrique; foeminae duodecimum cum celerrimè, decimum quintum cum tardissime congregiatur, assignat *l. 5. H. A. c. 14.* Venerem ante annos decem foeminas,

ante quinque mares nascire Plinius & Solinus arbitrantur, sed uterque fallitur.

Mari tempus coitus, cum domi detentus fuerit & sævierit: & dum pingue quiddam emittit per spiramentum, quod ei secundum tempora est: foeminæ verò, cum hic idem meatus fuerit apertus secundum Strabonem: Mas quinque aut sex annos natus supervenit sive coit ineunte vere: coitum interpositō trienniō repetit: quam semel mas implevit aut gravidam reddidit, ab eadem postea abstinet: Hinc Oppianus:

Consuetudo feris etenim plerisque per
omne,

Quo gravidæ turgent, tempus, vitare
maritos,

Concubitus fugere, & prorsus secedere
ab illis,

Si excipias lynces, leporumque imbel-
lia secla.

Sed & nobilissimum animal, homo scilicet, excipi potest: cæteris enim animalibus, ut ait Plinius *l. 10. c. 63.* sunt statim per anni tempora concubitus, homini omnibus horis dierum noctiumque: satietas reliquis in coitu: homini propè nulla. Inter quadrupedes quoque excipiuntur ab hac regulâ equa & sus: nam teste Plinio *l. c.* quadrupedum prægnantes venerem arcent, præter equam & suem: coeunt & pariunt Elephanti ut plurimum vere, velut equi.

Biennio coire Elefantos quinis, nec amplius in anno diebus Solinus

ex

ex Plinio; Aristoteles *lib. 5. H. A. c. 14.* coitum trienniô interpositô repetere scribit: quôlibet septennio illos concipere tradit A. Cassiodorus *cap. 10. de Regno Congo*, ut eô melius prior pullus educari, diutiusque lacte materno frui possit: siquidem tardius ad duriora pascua assuefiunt: peractô coitu ad gregem non revertuntur, nisi prius vivis aquis abluantur: tempore coitûs maxime efferantur, & stabula Indorum evertunt atque prosternunt.

Quamdiu uterum gerant, in ambiguo est: alii annum & sex menses; Aristoteles *l. 5. H. A. c. 14.* biennium uterum ferre, & singulos parere scribit, quod A. Cassiodorus locô jam citatô confirmat: alii triennium, nonnulli decennium determinant cum Plinio *H. N. l. 8. c. 10.* unde natum est adagium: Citius parient Elephanti: videtur tamen hic Author confundere gestationem cum conceptione Elephanti, quæ non fit ante decennium, ut supra dictum. Non enim, ut vulgus credit, annos decem, sed biennium secundum Aristotelem *l. c.* uterum gerunt, & secundum Solinum *cap. 38.* non amplius, quam semel gignunt, nec plures, quam singulos. Incerti gestationis termini causam hanc assignat Aristoteles *l. 6. H. A.* quod non pateat coitus illorum. Apud Plautum in Stich.

Act. 2. scen. 1. ita legimus:

Audivi sæpè hoc vulgo dictum dicier
Solere Elephantum gravidam perpetuos

decem

Esse annos:

Apulejus *l. 1.* Miles. octo annos gestationem durare credit, scribens: Eadem, (Saga) amatoris sui uxorem, quod in eam dicaculè probrum dixerat, jam in sarcinam prægnationis obsepto uterô & repigrato fœtu, perpetuâ prægnatione damnavit: & ut cuncti numerant, octo annorum onere misella illa, velut Elephantum paritura, distenditur: hinc de immodicâ cunctatione & quorundam lentô molimine proverbiali figurâ dixit Plinius *in præfat.* Celerius Elephanti pariunt. Octavo à coitu anno Elephantum parere existimat Jonstonus *Histor. nat. de quadruped. l. 1. c. 5. p. 33.* Strabo menses ad minimum sedecim, ut plurimum octodecim cum Diodoro Siculo, Arriano & Æliano assignat: alii triennium: Verius Aristot. *H. A. l. 6. c. 27.* cum pluribus aliis probatæ fidei Authoribus biennium statuunt: tempus videlicet satis diuturnum, siquidem nullum animal tamdiu uterum gestat: hinc aliquando cuidam cunctatori dictum fuit: quando tandem paries, obsecro, qui tot jam annis parturis, ut nec Elephanti diutius? huc quadrare videtur adagium de impossibili dici solitum: Prius locusta Elefantum pariet; vel ut Ennius vertit:

Prius locusta pariet Elefantum bovem.

Difficulus determinari potest tempus gestationis, cum Elephanti præ pudore in abdito coeant hinc terminus conceptionis incertus est, ab-

M

strusus

strusus & incognitus; faminas parere cum dolore ut mulieres, scribit A. Matthiolus *Commentar. in lib. 2. Dioscoridis c. 50.* Catulum editum lambunt, qui statim, cum natus est, cernit & ambulat. Idem *l. c.* oreque fugunt, non promuscide, ut scribit P. Uffenbach. *lib. 24. p. 587.*

Tam diuturnæ autem gestationis rationem reddit Philosophus *l. 4. de gen. animal. c. 10.* inquiens: Vivaciorum generationes diuturniores esse necesse est: haut enim brevi tempore fieri constitutiones magnas vel animalium, vel quorumvis aliorum facile est: hæc de causâ Elephantum per biennium uterum gestant, propter exuberantiam magnitudinis: & Plinius *l. 10. c. 63.* scribit: quô majus est animal, tantô diutius formatur in utero: diutius etiam gestantur, quibus longiora vitæ sunt spatia.

His addit suum calculum H. Cardanus *de subtil. l. 10.* ubi inquit: Natura consuluit, ut diu gestaretur catulus in utero, tum propter vitæ longitudinem: tum etiam ipsius vitæ longitudo causa fuit, ut quamvis biennio femina in utero ferat, multos tamen possit generare: neque enim ullum animal, quod brevi tempore in utero gestatur, longæ vitæ esse potest. J. C. Scaliger *exerc. 177. s. 4. p. m. 575.* scribit: Operosiora tum serius, tum difficiliora perficiuntur.

An pluribus vicibus, quam semel pariant, controversatur ab Authoribus: Aristoteles, Plinius, Ælianus,

Solinus semel tantum coire atque uterum gestare, semelque tantum foetum eniti scribunt: quibus contradicit Scaliger *exerc. 204.* quando ait: & singulos & semel parere scripsit Plinius: quod non posse ex Aristotele probari palam est in libro 5. *Histor. an.* Adverbium enim illud semel ibi nullum legitur: putabam temerè additum à librariis: adioraculum, si est, Hermolaum: nihil respondit: ergo Solinum consulimus: eadem suô more ad verbum reposuerat fidelis plagiarium: quid igitur tandem? quamdiu factum esset, cum nullus Elephas existeret in natura? nam si binis parentibus una succedit soboles, necesse est ad nihilum tandem: non solum verò plus semel parit, verum etiam plures singulis: & sanè ipsa hoc dicit ratio: quia, si unus saltem generaretur Elephas è duobus, fieri non posset, quin jam dudum diminutô numerô defecisset hoc animalium genus. Aristoteles quidem *l. c.* vult, quod Elephas mas faminam, quam semel iniit, non amplius tangat, scilicet statim post factam conceptionem, & exactô tandem trienniô coitum repetat: intellige, si non in hæc, tamen aliâ sibi obvia femina.

Unicum quolibet partu edi catulum, apud Diodorum Siculum & Aristotelem legimus: hic *l. 5. H. A. c. 14. & l. 4. de gen. an. c. 4.* singulos parere scribit: quæ maxima inter animalia sunt, ea singulos pariunt, ut Elephas, Camelus, Equus & reliquæ

liquæ solipedes: & paulò post inquit: facit eorum magnitudo, ne multa pariant: cibus enim in iis absumitur in corporis incrementum: minoribus verò animalibus natura demendo de magnitudine auget in excremento feminali exuberantiam: item plus feminis genitalis esse, quod majoris est animalis: minus autem, quod minoris, necesse est: multa parva facilius in eodem corpore formari possunt, quam multa magna. Et Plinius *l. 10. c. 63.* ait: Omnia animalia, quo majora corpore, hòc minus fecunda sunt: hinc Elephas apud Curtium *l. 9. c. 2.* rarum animal vocatur. Ex his liquet, Elephantum animal *μονοτόκον* esse: quod autem post primum partum non amplius concipiat & pariat, illud meritò in dubium vocatur.

Proinde haut credibile est, quaternos uno partu edi, quod apud Cadamustum & Scaligerum legitur, eò quod inter Elephantorum crura quandoque plures catuli discurrisse, eosque comitari visi sint: si enim magnitudo fœtus Elephantini est instar porci integræ ætatis, ut Ælianus; vel instar vituli trimestris, ut Plinius *lib. 10. c. 60.* vult, vix possibile esset, tantum onus, quatuor scilicet catulorum sine incommodo tamdiu gestari posse, utut animal cæteroquin maximum sit: quando igitur unò partu plures, v. gr. bini, terni & quaterni, ut vult J. C. Scaliger *exerc. 204.* eduntur, id inter rarissimè contingentia referri debere

existimo. Hinc verè Aristoteles *l. c.* inquit: ex definitâ materiâ & naturali copiâ feminis unus tantum conceptus generatur ab animalibus magnis: quod si aliquando plus accesserit, ut gemini nascantur, tum hæc tanquam portenta judicanda, quoniam præter solitum seu præter id, quod *ὡς ἐπὶ τὸ πολὺ* fieri solet, proveniunt.

Non editur in lucem Elephas cæcus, secundum Plinium *l. c.* quando ab hominibus tangitur catulus, non indignatur mater. Vid. Zoolog. Sperlingii *p. m. 162.* In Insula Zeylan primum saltem catulum dentibus seu potius cornibus insigniri scribit J. B. Tavernier *Itinerar. Ind. l. 1. c. 18.* reliquosque manere inermes. Vid. Happel. *Rel. Cur. p. 2. pag. 738.* Pariunt enitentes posterioribus cruribus & subsidentes cum dolore: pariunt autem in aquis vel potius juxta illas, quia vehementer metuunt Draconem, ut notat W. Franz. *hist. an. p. 1. c. 4.* Partus, annotante Æliano *H. A. l. 4. c. 31.* in caput procedit in lucem: fœtus editus magnitudine æquat porcum justæ magnitudinis, aut vitulum bimestrem vel etiam trimestrem, ut scribit Aristoteles *H. A. l. 5. c. 14.* vel secundum Ælianum *l. c.* anniculum.

Fæmina parturiens ingreditur aquam usque ad ubera, & illic parit metu Draconis, qui extra aquam parientis fœtum devoraret: mas etiam à pariente non recedit propter serpentes pariter insidiantes, ut

scribit obscurus Author libri de natura rerum: parit etiam interdum iis in locis, quos carnivoras bestias non accedere callet: eorum pulli dicuntur vituli: sic Plinius *l. 8. c. 1.* Elephantos describit vitulorum fatigatos præ se ferentes. Statim ac natus est, cernit & ambulat, & ore fugit, non promuscide. Secundum Strabonem lactatio 6. menses; ad mentem J. Jonstoni *l. c.* & Arriani in Indicis usque ad annum octavum durat.

Attrectari suos catulos non inviti patiuntur: norunt enim, non animò lædendi, sed blandiendi & delectationis gratiâ id fieri, esseque hominis naturam tam mitem & placidam, ut Elephantulo tantillo nocere minimè velit, ut scribit Æ-

lianus *l. 8. c. 27.* alioquin in catulorum metu præter morem satis infesti sunt obviis animalibus.

Captus semel Elephas vix sentit ulterius veneris stimulos: aliquem tamen œstrò venerèò percitum Rectorem suum protrivisse author est J. B. Tavernier *Itinerarii Ind. l. 1. c. 18.* parumque abfuisse, quin Indiæ quendam Regulum cum filio sibi infidentem pariter occiderit.

Monstrosus fuit partus, cujus Plinius mentionem facit *l. 7. Hist. Nat. c. 3.* ubi refert: Alcippen mulierem in bello Marfico Elephantum peperisse: Marcello inter alia prodigia infantem cum Elephanti capite natum & aliquandiu superstitem fuisse memorat Plutarchus in Marcello.

PARTIS I. CAPUT XII.

Elephantum ætatem rimatur.

Longam vitam vivere Elephantum communis est authorum assertio: hinc Aristoteles illi & homini inter reliqua animalia maximam vivacitatem attribuit *lib. de long. & brevitate vite cap. 4.* Idem *lib. 9. H. A. cap. 46.* putat, illum vivere annos centum & viginti, quandoque ducentos: floridam autem illi ætatem esse annò sexagesimò: hanc in Elephantum supra hominum longævitatē miratur S. Joh. Chrysostomus in *Epistol. ad Corinth. homilia 17.*

Tom. IV. Vivunt secundum Solinum annos trecentos: id quod confirmat Onesicritus, rarò annum quingentesimum illos attingere scribens: circa ducentesimo illos esse robustissimos Strabo credit.

Jubæ Regis Libyæ Pater Elephantum habuit, qui aliquot sæcula vixit: hujus temporibus equites Elephantis infidentes inter se pugnam commiserunt: erat autem alteri Elephantorum parti insculpta dentibus turris, alteri verò nihil: cum-

que

que nox pugnautes dirimeret, pars signaculum turris in dentibus gestans superata in montem Atlantem aufugit: ex quibus post quadringentos annos unus fuit captus, qui insigne illud dentibus insculptum quasi nuper fabricatum nullaque ex parte consumptum exhibuit, ut refert Philostratus *l. 2. de vita Apollonii*. Ptolomæo Philadelpho fuit Elephas mansuetissimus, qui aliquot hominum ætates superavit. Regis Seleuci Elephas Nicanor cognominatus usque ad Antiochorum tempora superstes mansit. In urbe Taxila omnium Indiæ urbium maximâ fuit Elephas, quem vittis & coronis myrteis indigenæ ornabant, asserentes, eum esse unum ex illis, qui pro Rege Poro adversus Alexandrum Magnum pugnaverant ante annos quinquaginta supra trecentos: quot annos verò habuerit antè illam pugnam, incertum.

De hominis longævitate nota sunt exempla satis multa in sacro codice: aliorum multorum fit mentio apud Theodor. Zwingerum *Theatr. vitæ human. volum. 17*. Nierenberg. *hist. nat. l. 8. c. 8. & 9*. Borell. *histor. Med. Phys. centur. 2. Obs. 39*. Acta Philosophica Societatis Reg. Anglic. ut & Bartholin. *histor. anatom. rar. centur. 5. hist. 28*. mentionem faciunt cujusdam Thomæ Parre, qui ad 153. annum vitam suam protraxit. In *Ephemerid. Natur. Curiosor. ann. 3. Obs. 163*. reperire licet illorum plures, qui nostrâ ætate ultra seculum

vixerunt: inter quos Joh. Ottele Brabandus 115. annos natus cum barbâ prolissimâ quinque quadrantes ulnæ Brabandicæ longa æri incisus *l. c.* se conspiciendum præbet. Majora enim & perfectiora animalia diutius vivunt, quamvis non omnia: pleraque tamen ab Elephanto annorum numerò superantur.

Cornices, pisces nonnullos, ut & cervos aliquot secula vivere, Plinius Pausanias & quamplurimi alii scribunt: hinc Theophrastus, quamvis obiverit octogenariò major, nihilominus conquestus est de naturâ, quod cervis longiorem quam homini vitam dederit. In Regionibus Septentrionalibus nonnullos 160. 170. imò ducentos annos complere Olaus Magnus auctor est: nobis sufficiat terminus à Moyse *Psal. 90*. assignatus, videlicet septuagesimus aut octogesimus annus, quamvis non omnibus contingat hanc adire Corinthum.

Elephantis autem tam maribus quam fœminis benignior natura indulget ætatem multò longiorem: Mares verò tam ætate quam staturâ & magnitudine fœminas superant: communiter vivunt annos 110, sæpè ducentos. Vid. Aristotel. *H. A. l. 8. c. 9. & lib. 9. c. 46*. Solin. *cap. 38*. attingunt annos trecentos, cum habeant temperamentum fortiter compactum, ut loquitur Alstedius *Encyclopæd. l. 7. Phys. part. 6. c. 5*. Secundum Philostratum 300. annos & ultra vitam protrahunt: quod ve-

rum esse, sed rarò contingere existimat Cardanus. Strabo 200. annos illos vivere scribit *lib. 15.* In Regni Congo regione Bambâ attingunt 150. annos, & usque ad mediam ætatis partem crescunt & augentur. Vid. A. Cassiodor. *de Regno Congo p. m. 24.* Propter hanc Authorum discrepantiam Elephanti longævitatē meritò in dubium vocat Matth. Flacius Illyricus *in commentar. de vita & morte cap. 19.* Juventa eorum sexagesimò anno viget secundum Plinium *Hist. Nat. l. 8. c. 10.* circa annum ætatis 60. & 70. in summo vigore illos esse & florere ex Aristotelis *loc. cit.* refert idem: & tunc juventam illorum maximi vigoris esse Plinius scribit.

Onesicritus apud Strabonem ad trecentesium annum vivere, raros ad quingentesimum prodit: citciter ducentesium robustissimos esse: modo citatus Philostratus & ex illo Scaliger. *exerc. 204.* quendam ex illis, qui contra Alexandrum M. pugnaverant, quinquaginta supra trecentos post Alexandrum annos superfuisse tradit, ut de Elephanto Jubæ, Ptolomæi Philadelphi & Seleuci Nicanore taceam. Joh. Baptista Tavernier *Itinerar. Ind. l. 1. c. 18.* refert, se nunquam ex Indis exactè potuisse resciscere, quot annos vivat Elephas: de hoc ut plurimum se factum esse certiore ab Elephantorum Custodibus asseverantibus, ab avorum, Patrum & propriâ memoria sibi compertum esse, quod ultra 120, & 130. annos domi

fuerint aliti. Vid. Happel. *Relat. Cur. p. 2. pag. 738.*

Lentæ hujus Elephantorum vivacitatis, ut Plinius loqui amat, palmaria causa est salubritas locorum, in quibus degunt: quamvis Scaliger *exerc. 204.* longævitatē causam statuatur esse optimum Elephanti temperamentum: huic, ait, cum sit optimum temperamentum, quare non & vita longissima? optimum nempe optimo debetur: Demonstratio hæc est: si optimo inter quadrupedes temperamento præditus Elephas, idcirco vivit diutissimè: at si hæc vera essent, optimum etiam temperamentum esset in oleâ, palmâ, & ulmò, quæ diutius vivunt: Igitur non solum temperamentum, quod ipsi obtigit optimum, (quod Scaliger dicit esse quasi instrumentum formæ ad conservationem: negat verò tandem ipse, quod sit longævitatē causa,) verum etiam, ut Plato de aliis animantibus sentit, ipsa elementa, aer, aqua, nutrimentum, diversique salubrium Regionum positus, longævitatē conciliant.

De Elephanto autem constat, quod ut plurimum saluberrimis locis gaudeat, videlicet Indiâ, amplissimâ & amœnissimâ fertilissimâque Asiæ Regione, hujus terra tam fecunda esse fertur, ut bis in anno fruges ad maturitatem perducatur: binæ enim ibi sunt æstates: arbores, quæ ob pingue solum in immensum ibi crescunt, semper frondent. Juxta fluvios Indum & Gan-

gem

gem uberrimus est Elephantorum proventus, quod solum nulli Regioni per totum terrarum orbem fertilitate atque amantitate cedere creditur: cui simile est Africæ regnum Senega dictum: Africa quantum incolitur, eximie fertilis est, inquit Pomponius Mela: & Johannes Aubanus scribit: eximia & prope modum portentosa agrorum Africæ feracitas est, utpote qui in locis quibusdam centesimo fœnore reddant cultoribus messem.

Præ aliis ob aeris puritatem locique salubritatem veteres atque recentiores valde commendant Indiæ Orientalis Insulam Tabrobanam, jam Zeilan dictam, de quâ asserunt, quod fertilitatis, jucunditatis & salubritatis ratione non agnoscat parem: & quamvis sub Zonâ torridâ sita sit, nihilominus aer tam purus & tam temperatus ibidem est, qualis nullibi locorum in Orientali India spirat: hyems ibi nunquam impensè frigida, nec æstas supra modum calida, locique tanta fertilitas est, ut arbores totò annò vel floribus vel fructibus repletæ conspiciantur: eapropter Arabes hanc Insulam vocant Ternasserî, id est locum deliciarum: nec desunt, qui terrestrem Paradysum olim heic fuisse arbitrantur: maximos itaque hæc terra producit Elephantos, eosque exquisitos & vivacissimos: hinc Solinus scribit, quod corporum magnitudine alios omnes antecédant: & quibus immatura mors, ad

annos centum ævum trahant, aliis omnibus autem annosa sit ætas.

Si secundum effatum Aristotelis *lib. de long. & brev. vitæ cap. 1.* diutius vivunt Regionum calidarum quam frigidarum inquilini, non miror, etiam Elephantos dictis in locis longævos esse: siquidem ad terræ genium se accommodant, & proinde ficcioris naturæ sunt: quæ autem ficciora, ea etiam firmiora atque magis diuturna esse verisimile est: non tamen negari potest, etiam in frigidis & septentrionalibus regionibus animalia diu vivere, quod fit ob aerem ambientem intemperatum & frigidum, corpora robustiora & vivaciora reddentem, dum nempe ob constipatos poros calor nativus intus concentratur, & quasi constringitur, ne possit dissipari aut diffuere: ac id quidem intelligendum est de iis tantum, quæ in istis locis concepta & nata, ab ineunte ætate huic frigido aeri assueta, & corpore adeò compactò sunt, ut aer admissus frigiditate suâ calorem nativum non oppugnare, multò minus dissipare & destruere valeat: alioquin in texturam corporis raram atque tenuem aer frigidus penetrans calorem nativum obtundere & vehementer lædere potest.

In calidis ergò iisque salubribus locis fieri non potest, quin pro Elephantis crescat pabulum sanitati quam maxime conducibile, quò moderatè vescitur hoc animal, & in suâ diætâ rarò committit errores, nec illam facile mutat, id quod ad

stabi-

stabiliendam sanitatem apprimè facit: sic enim pauca generantur excrementa, & putredini inde natæ vix ullus relinquitur locus.

Hûc facit bona & quadrata constitutio corporis Elephantini, ejusque membrorum omnium compacta firmitas & elaboratissima structura: cum etenim Elephas ad sui elaborationem in uterô maternò longiore tempore opus habeat, quam alia animalia, colligere licet, illum diutinô hûc Naturæ labore reliquis longè perfectiorem reddi: nam corpora, quæ longius requirunt suæ generationis tempus, reliquis sunt vivaciora, sunt enim perfectius elaborata: cum itaque operosissima sit Elephanti formatio, ut supra dictum est, ideò illi vita longissima est: sic serius adolescunt arbores, seriusque senescunt: contra herbæ, quemadmodum facile succrescunt, ita subito decrescunt: & ut Muscæ aliaque insecta citò generantur, ita citò dispereunt.

Cumque vita omnium animalium consistat in calido & humidô, sequitur his benè constitutis vitam indubitato prolongari: calidum itaque nativum & humidum radicale Elephanto optimum est: igitur tam longævus: tam benè dispositum Archæum nactus Elephas vitam ad multos protrahit annos, quod plurimis animantibus à naturâ denegatum est: Hic naturæ ignis seu balsamus totius corporis thesaurus secundum Helmontii hypothesin Tract. Arch. Fab. constat ex

connexione vitalis auræ velut materiæ cum imagine feminali, quæ est interior nucleus spiritualis, fecunditatem seminis continens: estque generationis Faber & Rector, seipsum vestiens corporali amictu: præses etiam manet, Curator, Rectorque internus finium ad obitum usque § 6. & 7. Hic quando in opere suo non impeditur, nec ab injuriis sibi illatis irritatur, subiectum suum ad longævitatē disponere aptus natus est.

Ut plurimum itaque majora animalia vitæ diuturnitate superant minora ob Archæum fortiolem & optimè constitutum, non exclusô laudabili sanguine ceu nectare totius corporis, quô vivit, nutritur & incrementa sumit, ad quem producendum inservit victus exquisitus, salubris & rarô commissi in diætâ errores: cum itaque majora animalia plus sanguinis præ reliquis obtineant, fieri non potest, quin etiam vivaciora sint: optimè autem constituta sunt animalia, quæ calidum, tenuem & sincerum sanguinem habent, quippe quæ viribus corporis & ingenio plurimum valent, nam secundum Aristotelem *l. 2. part. an. cap. 4.* non frigiditas sanguinis sapientia facit animalia, sed tenuitas & puritas.

Ut longævus esset Elephas, principiis vitæ plurimum indigebat: ea sunt calor & humidum: similiter & magnitudine, non solum ut tutus esset ab injuriis aliorum animalium, sed ut etiam aeris violentiæ
refi.

resisteret: nullum enim animal parvum potest esse valde longævum: nam si tenuium sit partium ab aëris circumambientis assiduâ pulsatione atteritur & dissipatur: quod si crassa sit substantia, sponte citò interit, ut boves: erat & magnitudo ad securitatem commoda, sicut & bonitas temperamenti ad sapientiam simul & vitæ longitudinem ac probitatem necessaria erat: at ut calor & humidum abundaret, in calidis Regionibus ipsum nasci oportuit, & habitare in palustribus locis: quò fit, ut in Indiâ solum & Africâ inveniantur: nam hæ sunt calidissimæ Regionibus, Indique multò robore & mole corporis Africos antecellant, cum India aquis abundet, Africa autem aridior sit. Vid. Hieron. Cardan. *subtil. l. x. p. 557.*

Vitæ in longum tempus protrahendæ in quadrupedibus causa est, quod felle careant, ut scribit Aristoteles *poster. anal. l. 2. c. 17. & l. 4. de part. an. cap. 2.* ubi inquit: longæ vitæ causam esse fellis vacuitatem: ratio est, quia quibus parum fellis est, vel prorsus deest, illis corporis constitutio salubris est, siquidem sanguis dulcis & ab omnibus biliosis excrementis depuratus in illis generari videtur: cum contra sanguis multâ bile excrementitiâ imbutus plurimorum morborum mater existat: non immeritò autem contra Aristotelem hoc in dubium vocamus, quod illa animalia, quibus parum fellis est, vel quibus fel prorsus deest, salubrius degant: si-

quidem bilis naturalis flava in hepatis vasis vel poris cholidochis & vesicula fellis secundum naturam reperibilis, & ab utrisque per communem ductum ad intestinum duodenum excerni solita, chyli è ventriculo immediate huc translati segregabilitatem & dissolutionem in utiles & faculentas portiones una cum succo pancreatico seu contrariæ facultatis mediante aliquâ fermentationis luctâ ibidem promovet: ut taccam alias bilis utilitates à veteribus & recentioribus traditas, quarum non minima est, quod denuò cum chylo ad sanguinem quadam bilis portiones locò novi fermenti & balsami vitalis redeant.

Tandem ad longævitatē Elephantī non parum contribuit infignis ejus continentia & coitus raritas, siquidem genitalis seminis debita retentio meritò inter res salubres, ejus verò intempestiva profusio inter res noxias & insalubres à Medicis refertur. Oportet, inquit Aristoteles *de long. & brev. vit. cap. 5.* ut quod non facile debet corrumpi, nequaquam excrementis abundet: quod enim tale est, aut vi morbi, aut suapte naturâ interimitur: cum autem semen utile excrementum sit, sequitur, quod salacia animalia, quæ semine redundant, ocysimè senescant: quò facit, quod frequens & copiosa seminis profusio valde corpus exsiccet: Elephas igitur, quia rarò coit, (nam interpositò trienniò demum coitum repetit, ut supra dictum est,) non enervatur

feminis excretionem nimiam, sed rarioris usus suas conservat vires integras & fartas tectas, quarum administrulô ad seros annos vita prorogatur: hinc secundum Poëtam

Longævum est Elephas animal, cui vivitur ætas

Tertia, castellis moles bellô apta ferendis.

Cum Alexander Magnus debellasset Regem Indiæ Porum, cepit unum insignem Elephantum, qui pro Rege suo vehementer pugnaverat, quem ipse dedicavit Soli & vocavit Ajacem, dimisitque liberum aureâ torque ornatum cum sequentibus verbis cornibus vulgò dentibus inscriptis: Alexander Jovis filius Ajacem Soli. Hic Elephantus post 350. annos cum hac inscriptione inventus fuit, quot annos verò habuerit, cum pugne interfuit, ignotum est, ut scribit Raderus: similiter valde longævum fuisse Elephantum Jubæ, Ptolomæi Philadelphi & Seleuci Nicanoris constat ex Jonstono *l. c.* Sed multi pereunt, antequam hanc ætatem attingant, siquidem variis casibus & morbis correpti sæpè naturæ debitum in juventute solvunt.

Diodorus Siculus *l. 3. de fab. antiq.* gestis scribit, Elefantos majori ex parte vivere ætatem longævi hominis: qui verò maximè senescunt, annos ducentos: ex recentioribus Johannes Baptista Tavernier Gallus *Itinerarii sui part. 2. l. 1. cap. 18.* ubi multa ab aliis non annotata de Elephantis habet, scribit, se nunquam exactè discere potuisse ex eorum Magistris, quousque ætatem extendere queant: conjicere se tantum ex dictis illorum, ad 130. annos atque ulterius vivaces esse. Cornuum, vulgò dentium candore juvenia in illis intelligitur, scribit Rav. Textor in *Offic. p. m. 249.* quæ annò ætatis sexagesimò maximè viget, ut supra ex Plinio & Aristotele probatum: lex quantitate cornuum ætatem futuram cognosci A. Cadarmstus putat: de vivacitate seu longævitate Elephantorum plurimum narrat Plinius *lib. 8. c. 10.* Aristoteles *H. A. l. 8, c. 9. & l. 9. cap. 46.* Nonnus *l. 26.* Dionys. refert, quod 200. & 300. annos vivant: Oppianus *Cyn. 2. v. 550.* scribit, quod instar Olorum morte imminente cantionem funeralem modulentur.

PARTIS I. CAPUT XIII.

Elephanti nutrimentum expendit.

Quemadmodum unicuique animantium datus est appetitus salutis & conservationis suæ, quæ conservatio non fit sine alimentò:

undè cibum primò quærit omne genus animantium, secundò locò tectum: ut vere differit J. C. Scaliger *exerc. 307. f. 3.* ita etiam cum Ele-

Elephanto comparatum est, qui more aliorum animalium cibum naturæ suæ convenientem requirit, quo se sustentet & vires resarciat. Non vorax est, nec immoderatum appetitum habet, appetit saltem necessaria, vitat superflua, cibô nimio non obruit se facile, & si quando plus justo sumpsit, inediâ se curat. Uno pastu tamen Elephantum absumere posse novem modios Macedonicos hordei Aristoteles author est, id in tam vasto corpore fieri nemo miretur.

Non autem vivit ex rapto vel præda, nec carnibus vescitur more aliarum rapacium ferarum, sed quando aliô cibô ipsi potiri non licet, contentus est arborum tam frondibus, quam fructibus, herbis & gramine: vix ulla tam ingens est arbor, quam illi promuscide non prosternant, frangant & dilacerent. Vid. Author. *Matthioli. comment. in lib. 2. Dioscor. l. 2. c. 50.* etiam oblatum panem & placentas non respuit, sed avidè captat: imò fœnum comedit veluti bos, & montes ipsi ferunt herbas, ut legimus apud Hiob. c. 40. & Ælian. l. 13. c. 15. Hinc Indi suis Regulis pro sustentatione Elephantorum fœni fasciculos offerre solent; ad Æthiopes accedunt secundum Diodorum Siculum l. 4. *de gestis antiquor.* ex superiore plaga allekti fertilitate loci pastûsque suavitate: paludes enim spatiosæ ibidem à fluviorum ripis manant, ex quibus multa & læta manant pascua, ut sunt ulva & arundines,

quas cum degustant, libenter in his locis morantur: consumptis autem hominum nutrimentis ad alia loca se recipere compelluntur; mediterranea & arida loca ab aquis procul remota relinquunt ob pabuli inopiam.

Oportuit, ut Elephas plantis, pomis, fructibus & herbis vesceretur: nam aliter probum animal esse non potuisset: animalia enim omnia, quæ carne vescuntur, sunt iracunda, fraudulenta, & crudelia: accedit, quod tantæ moli plurimus fuisset necessarius cibus, ut vel perpetuo esurire, vel animalia alia destruere cogeretur: erat etiam necessarium, ut in perpetuo motu ad captandas feras esset, quod tantæ moli fuisset incommodum: herbæ tamen cum exigui sint alimenti, brevem vitam effecissent secundum Hippocratem: quamobrem oportuit eum truncis arborum earumque fructibus vesci: at his terræ plurimum admiscetur & lapillorum quandoque, ob id necessarium fuit, ut illius corpus à talium esu haut offenderetur, aliter perpetuo agrotasset: nam interdum contingit, ut famelicus cespites cum terra devoret.

Cum autem fructus & ramî arborum sæpè editiora occupent cacumina, adeo ut hoc animal, utut maximum, illa non possit attingere aut decutere, igitur duritiæ capitis, proboscidisque & cornuum robore illum natura munivit, ad evertendas arbores: adjuvat & proboscidis

longitudo ad decerpandos fructus & ramos, ne semper proceras arbores perdere cogeretur, quod illi laboriosum fuisset atque damnosum, nec solum ipsi, sed aliis, sublatô alimentô impofterum. Vid. H. Cardanus *l. c.* Truncos gratissimo in cibatu habet, ut scribit Plinius *l. 8. c. 10.*

Palmarum folia & fructus ipsis sunt in delitiis, quarum ramos proboscide detractos decerpunt, quorum si non possint statim fieri com-potes, adversam frontem integris arboribus tamdiu illidunt, donec tandem everſæ deſciantur, quas etiam proboscide & cornibus, vulgô dentibus, nonnunquam radicitus evellunt, atque ita jacentium folia & fructus abſumunt. Incredibile est, scribit beatæ memoriæ Vir Illustris Jobus Ludolphus, amicus quondam & conterraneus noster desideratissimus, in Historia sua Æthiopica, quantam hi boves Lucæ stragem in sylvis & campis edant: arbores grandiores tamdiu corporis mole quatiunt, donec vel scapus frangatur, vel tota arbor cum radicibus velut quodam terræ motu evellatur: mediocres manu seu proboscide paulo altius prehensas flectunt & confringunt, atque sic ramos cum foliis vorant, frutices & dumos, fruges denique omnes vel abſumunt vel obterunt: ne verô pabulum tantis belluis deſit, providentiâ DEI cautum: arbores enim illic crescunt cerasorum magnitudi-ne nobis ignotæ, instar sambuci me-

dullâ plenæ, lignô molliori, quas graminis instar depaſcunt. Truncos edunt: lapides hauriunt: gratissimas in cibatu palmas habent, inquit Solinus *cap. 38.*

Cornibus etiam grandiores arbores evellunt radicitus, vel ramos incurvant, ut foliis potiantur; hinc fit interdum, ut in grandiorum arborum evulſione alterutrô dente priventur, & sic postmodum quasi inermes incedant. Juncos & hederas abſumunt, item tenera palmarum cacumina, aliarumque plantarum extantiores ramos, & vix ulla tam valida tamque altis radicibus deſixa arbor est, quam non diffringere & proſternere poſſunt: hinc Oppianus:

Nonnunquam ingenti perterret robore
sylvas,

Deſiciens altas concuſſô ſtipite fagos.
Atque oleaſtros & quercus, alnosque
fatigans,

Excelsasque ſolo palmas radicitus æ-
quans

Tales in ſylvis Elephas dat corpore
ſtrages.

Pro ordinario & communi victu illis inſerviunt herbæ paluſtres, ſiquidem libenter verſantur in paluſtribus locis, cœnôque delectantur & lutô more porcorum: arida & procul ab aquis diſſita loca relinquunt ob pabuli defectum, nam propter æſtus magnitudinem & fontium raritatem terra ſterilis paucas vel nullas producit herbas. Cibum poſſiſſimè ipsis præbent arborum folia & trunci, quorum cortices deglubunt,

ut



ut & fructus Musæ, item radices ficus Indicæ, quæ mirum in modum ab iis appetuntur: Arbor hæc miraculosa silentiō non prætereunda: illa in magnam altitudinem unico truncō eoque admodum crasso assurgere solet: ramos deinde circumcirca in omnia latera expandit, qui tenues quasdam fibras seu filamenta coloris cerei demittunt, quæ ubi terram attigerint, firman- tur, novamque quasi prolem ge- nerant: etenim magnam crassitiem paulatim acquirunt, & veluti in novos arborum caudices transeunt, qui novos rursus summâ sui parte in latera ramos spargentes novis denuo fibris deorsum missis sese propagant: sic alii deinceps rami in infinitum, ut interdum unica arbor suis propaginibus integrum fere milliare Italicum in ambitu occupet, sitque difficile, quæ primaria sit arbor five omnium istarum prolium parens dijudicare, præterquam ex trunci amplitudine, quæ nonnun- quam in matre tanta est, ut trium virorum ulnis vix comprehendi queat: sic unica arbor densissimam silvam efficit, sub qua aliquot ho- minum millia latere possunt: folia fert in novellis ramis mali cotonei foliis similima, supernè viridia, in- fernè candicantia & lanuginosa: provenit circa Goam. Vid. Carol. Clus. in *notis ad Garziam histor. aromat.* p. m. 17.

Imprimis delectatur Elephas fru- ctibus Musæ, quam arborem Ægyptii Maunts vocant: sunt autem illi par-

vis cucumeribus similes, racematim appensi, quorum color aureus est, cortices suavissimum & aromaticum odorem spirant, substantia autem mollis, pinguis, lenta, dulcis atque apprimè suavis, seminum tamen vel nucleorum expers est, ut scribit Prosper Alpīnus *lib. de plantis Ægypti cap. 22.*

Devorant aliquando etiam lapi- des & terram, quam tamen edisse iis tabificum est, nisi prius man- dant, ut legimus apud Plin. *H. N. l. 8. c. 10.* Terram autem come- dunt non tanquam alimentum, sed ut medicamentum: ait enim Phi- losophus, edere Elephantum terram, & reddi invalidum, si ejus usum intermiserit: si non intermiserit, nullo nocumento affici. Vid. Melch. Sebiz. *l. 5. de alimentor. facultat. cap. 28.*

Radices effodiunt, quibus pascun- tur, è quibus primus, qui aliquam repererit, regreditur & suos grega- les advocatos in prædæ communio- nem deducit. Melonibus Æthio- picis suavissimis libenter vescuntur, quorum odorem hæc acutissimi ol- factus animalia à longinquo sen- tiunt, hinc accurrunt, & integra cucumeraria depopulantur, ut re- fert Hermolaus in *Dioscorid.* Cucu- meribus pariter delectantur. Ci- cures arborum foliis, arundine sac- charinâ, miliō & hordeō vescuntur, hujusque interdum novem modios Macedonicos unâ vice absumunt, ut supra ex Aristotele *H. A. l. 8. c. 9.* & Æliano *lib. 17. c. 7.* probatum:

tantam autem quantitatem hordei uno pastu sumptam ipsis nocere, atque eapropter sex, farinæ autem quinque modios sufficere censent modo dicti Authores Aristoteles & Ælianus *l. c.* comedunt etiam orizam coctam & in globulos coactam, item die Pisangs Früchte. Vid. Walther Schulzens Ost-Indische Reises-Beschreibung im andern Buch fol. 199. Antwerpiæ ostentatus Elephas quatuor modios pomorum quotidie absumsit. V. Joh. Jonston. *H. N. de quadrup. p. 33.*

Cibi plurimum capiunt & potum supra quam credi potest, inquit H. Cardanus *de subtil. l. 10. p. 552.* In Regionibus frigidioribus aluntur frumento coctô & melle, ut cœli injuriam sustinere possint: in vernaculis autem locis tam herbis & ramis quam fructibus vescuntur, quam ob causam arbores prosterunt. Fagos oleastros & palmas ob id cornibus eos subvertere Oppianus author est. Lusitani apprimè melonibus illos delectari scribunt. Panem etiam comedunt cicurati, ut & hordeum, mellis favos, orizam aquâ irroratam, uvas, ficus, cæpas, allium, juncum, hederæ folia & similia; aliis consuetis alimentis destituti radices exterâ beneficio cornuum, vulgò dentium, erutas comedunt.

Apud Indos tractus est, dictus Phalacrus, latinè calvus, ubi quodcunque animal peculiarem herbam ibi nascentem degustaverit, pilos & cornua statim amittit: Elephanti

itaque, nisi cogantur, non accedunt ad istum locum, imò verò cum propè accesserint, perinde ac prudentes homines ab omni illius loci gramine refugientes pedem referunt; ut scribit Ælianus *l. c.* Pabuli consueti quantitatem agnoscere, permistamque eidem farinam artificiosè secernere illos posse legimus apud eundem & Plutarchum.

Cibis eorum interdum odorati insperguntur flores, ut sic gratiores evadant, quemadmodum refert Ælianus *l. 13. c. 8.* Hinc picta floribus prata ingressi, illos avidè proboscide decerpunt, collectos custodi asservandos porrigunt, & in stabulum reversi non prius cibum capiunt, nisi flores decerpti cum pabulo commixti fuerint: his etiam stratum suum conspergunt, ut placidius post pabulum dormire possint: hinc pater, falsum esse illud assertum Aristotelicum, quò nullum animal præter hominem ex odore capere delectationem statuit: contrarium liquet etiam ex aliis brutis, quibus odores suaves sunt in delitiis: ita odore Pantheræ bestię oblectantur, eamque propterea sequuntur: deinde cum animalia nonnulla malis odoribus fugentur, e. gr. sulphure apes & muscæ, galbanô serpentes, ungulæ mulinæ adustæ nidore mures: ex adverso in natura positum videtur, quædam suavibus odoribus capi: Sic apes nonnullos aspernantur, quosdam eligunt flores, quorum rorem captent, unde victitant: sic chamæ-

chamæleon certæ cujusdam plantæ halitu gaudere fertur.

Sed excusat Aristotelem Scaliger *exerc. 303. f. 2.* dicens: Sapientissimum Præceptorem non negare odoris oblectationem in aliis animalibus, quemadmodum nec semina quidem aliqua vel morum vel cognitionis: sed in homine tum hæc, tum odoramentorum oblectamenta voluptatesque potissimum inesse in eminentiore gradu, in remissione verò & secundo in cæteris.

Cibum proboscide ori ingestum comminuunt dentibus minoribus in utraq; maxillâ fitis: extremâ enim proboscidis parte alimenta minora, veluti cerasa, nuces avellanas, grana tritici, hordei, avenæ & sim. apprehensa ori facile ingerunt: potum autem prius in proboscidis cavitatem attractum similiter ori infundunt: in potu videntur esse nimii, dum plurimum aquæ unô ingurgitant haustu: scriptura dicit, illum (behemoth) ebibere flumina: Aristoteles illi assignat pro uno potu aliquot modios Macedonicos: sed copiam hanc requirit corporis vastitas, non suadet voluptas.

Potus Elephantorum ordinarius est aqua, sed non nisi turbida: claram enim aquam illos aversari scribit Ælianus *l. 17. c. 7.* cujus rei causam affert Simocatus, quod in aqua purâ suam umbram extimescant: ideoque solere Indos, cum trahenda est aqua, obscuram & illuminem observare noctem: hinc ad flumina potatum ducti aquas pedi-

bus conturbant, priusquam bibant: quod etiam camelis & porcis familiare est, hanc ob causam, ut Scaliger *exerc. 138.* putat, quod naturâ dulce norint, limpidioris aquæ potum aut intestinorum dolorem excitaturum, aut propter simplicitatem minus alimenti collaturum. Vinô etiam delectantur: Sic Elephas Imperatori Maximiliano Annô 1563. donatus unô haustu, sex vel septem mensuras absumere poterat, referente Zeilerô *cent. 1. ep. 25.* Nec vinum adustum respuit, aliaque potulenta.

Quorum usus est in expeditionibus bellicis, illis vinum exhibetur, non solum ex orizâ, cannis, & frumentis factitium, sed etiam verum merum, ut scribit J. Jonstonus *loc. cit.* quod proboscidi infusum sine recusatione admittunt & ingurgitant: sic enim inebriantur & animo-fiores conscendunt in arenam: nam ex mente Philosophi de ebrietate *μεθύσκονται πίθηται καὶ ἐλέφας πίνοντες οἶνον*, Simia & Elephas potu vini inebriantur: ita hic sui roboris, illa versutia obliviscitur, & uterque facile capitur: nimio verò vini potu in furem aguntur Elephanti, maximè si thus vino sit admixtum, (id quod in gravissimâ Judæorum calamitate mandante Rege Ptolomæo Philopatore *l. 3. Maccabæor. factum*), thus enim copiose sumptum furem excitare scribit Dioscorides *lib. 1.*

Huic subscribit Serapion, qui thus cum vino haustum maniam inducere credit: proinde capite damnatis hunc potum Judæi offerebant,

ut mortis metum ex eorum animis sic excuterent: & Talmudici scribunt in Sanhedrim *cap. 6. fol. 43.* Ei, qui exit neci tradendus propinatur granum thuris in calice vini, ut mens ejus perturbetur: ubi Glossator addit, ne mœreat, atque ut stupidus fiat, cum morti addicitur. Sed merito dubitare licet, an unum saltem granum stupiditatem inducere possit: constat enim, thuris grana à nonnullis commendari ad memoriam confortandam, atque pro avertendis catarrhis interdum deglutiri.

Elephanti tamen nimio vinò irritati hordei succo mitigantur teste Plinio & Salino: verum utrumque erroris arguit Bochartus in Hieroz. *l. 2. cap. 26.* siquidem hordei succus est Zythum, quò ebur, non autem ipsum animal tractabile redditur.

Exterius vinò præsertim rubellò seu sanguine uvæ & succo mororum, quò impense delectantur, conspersos fuisse Elephantos, ut ad nocendum magis irritarentur, patet ex *lib. 1. Maccabeor. c. 6. v. 34.*

Antverpiensis ille, cujus meminit Jonstonus *l. c.* unâ vice plures, quam sedecim libras bibebat, idque toties iterabat, ut facile æquaturus videretur proditam mensuram ab Aristotele *H. A. l. 8. c. 9.* hic Elephantum communiter putat bibere quinque ita dictos mares, quæ mensura heminas continet sex: (Ælianus vocat metretas Macedonicas,) hemina autem continet uncias 9. quæ quantitas æquat octo mensuras nostras

cum dimidia: nec pro tantâ corporis mole videtur esse nimia: sed alium quendam 14. amphoras aquæ (Macedoniæ mensuræ) unò haussisse potu mane, & à meridie ejusdem diei octo, refert Aristoteles *l. c.* Hinc natum est proverbium de pacissimò quodam Athenzi poculo: Ne Elephante quidem hoc ebiberet: quò pertinet etiam, quod Hiob. *c. 40.* legimus: Ecce, absorbebit fluvium, & non mirabitur: & habet fiduciam, quod influat Jordanus in os ejus: quæ hyperbole in hominem bibacem torqueri solet, de quo vulgò dicitur: quod si Sequana vel Rhenus transfret per os ejus, non tamen satiari posset.

In urbe Goa, quæ est metropolis Indiæ, fuit Elephas dictus Perico, (id est, bibax,) ita dictus, quia valde amabat vinum, & ante omnes tabernas vinarias subsistens non prius discescit, quam illi sat vini præberetur: ab obviis emendicatam pecuniam in præcipuam tabernam vinariam vini emendi gratiâ detulit: probè enim vinum bonum à viliori discernere noverat: hinc hospites tabernam adeuntes nullum aliud petierunt vinum, quam illud, de quo Elephas bibere consueverat. vid. *Histor. Æthiop. Or. P. Johannis dos Santos Dominici Parisiis Anno 1684. impressam pag. 172.*

De Elephantò Anno 1563. ex Hispania in Belgium delato scribit Franciscus Guicciardinus in *descript. Belg.* quod aliquando se tantoperè vinò ingurgitaverit, ut per integrum

ἐπερὺντιον instar mortui jacuerit vinô somnôque sepultus, discussa verò per somnum crapulâ plus quam unquam voraverit, quippe omnibus cibus assuetus, quibus porci vesci solent: hic Elephas post assumpta esculenta quamplurima unô haustu sex vel septem mensuras vini absorbuit. Vid. Lundorp. *Contin. Sleidani tom. 1. lib. 4. in fine.* Ab acido ex largô vini potu nimis cumulatô tandem superati fuerunt & fixi redditî spiritus animales, motusque & sensus organa sopita, torpore tantô, ut ferè mortuus videretur. Vid. D. von der Beeck *exper. l. 1. p. 55.* Vinum alioquin averfantur bruta, excepta Simiâ & Elephantò, quæ animalia inde imbecillitatem sentiunt, & sic facîle capiuntur, referente Æliano *l. c.*

Quamvis autem Elephas ob insignem corporis magnitudinem & caliditatem communiter multum bibat, non rarò tamen ad multos & secundum D. C. Hornium & Jonstonum *l. c.* octo dies omni potu carere potest necessitate coactus, præsertim quando in itinere per avidas & siccas regiones aquatum duci nequit, ubi se sitis esse patientissimum reapse ostendit.

Caspar Balbi Venetus vidit in civitate Pegu quatuor Elephantos quotidie bis cibatos ex aureis vasis duas amphoras nostrates capientibus, ex argenteis verò, ubi opus erat, mundatos & lotos: dum â sordibus sic purgarentur, umbraculum illos obumbrabat octo contis

â totidem famulis portatum, quominus â radiis solaribus læderentur: ita lotos præcedebant tubicines, quorum vestigia premebant Elephantanti ad stabula reversuri magnâ cum gravitate, tanquam gnari, quod illis sonarent tubæ: de modo lotionis scribit J. B. Tavernier *l. c.* quod apud Golcondæ Regem stans in litore illam ita viderit institutam: Elephantum scilicet ad fluvium non ita profundum se recepisse, ibidemque in latus reclinatum proboscide magnam aquæ vim lateri extra undas prominenti inspersisse: Custodem verò caput illius pumice probè confriktum ab omnibus sordibus repurgasse; atque sic probè mundati & in litore siccati frontem, oculos, pectus & nates colore rubrô illitô exornasse, postmodum oleô illevisse, & phaleris decoratum dimisisse.

Regibus Siamensibus albos Elephantos valdoperè adamatos atque in maximo pretio fuisse Schoutenius in descriptione Regni Siam *cap. de Elephant. p. 251.* refert: talem Elephantum Regia in aula in conclavi splendido habitantem, pulcherrimis phaleris & stragulis exornatum, opiparè ex aureis vasis cibatum & potatum, satellitibus stipatum, à Rege suo sæpè visitatum, à Regiis vasallis impensè honoratum, aliquando visum fuisse narrat.

Notatu dignum est, quod nunquam se nimia saturitate obruant Elephantanti: quando multum cibi

apponitur, rejiciunt illud, quod superfluum est, consueta pabuli quantitate contenti: & si quando plus justo assumserunt, inedia & fame se macerant, ut semper sint apti ad fugam & ad pugnam repentinam, egregium hoc ipso præbentes exemplum temperantiæ & moderationis;

hinc Passeratius scribit in encomio Elephanti:

Contenti modicò vivunt, minimumque
sopori

Indulgent: ideò paucis obnoxia mor-
bis

Corpora Nestorix veniunt ad fata Se-
nectæ.

PARTIS I. CAPUT XIV.

Elephanti Capturam & Cicurationem evolvit.

PTolomæum Philadelphum secundum Ægypti Regem, post Alexandrum M. Elephantorum venationem primum instituisse ex Photiò & Agatarchide *l. 1. c. 1. p. 34. edit. H. Steph.* liquet: sub eodem Rege ad hanc capturam condita est urbs Ptolomais in margine maris rubri sita, inde Theron vel Epitheras dicta ab Eumede à Rege ad venatum misso. Quomodo capiantur docet Strabo *l. 15. Arrian. Ind. 2. 22. Diodorus 3. 26. Ælianus 8. 10. & 15. Tzetzes Chiliad. 4. 122. Plinius 8. 8.* A veritate aberrant, qui dicunt, venatores Elefantos capturos arbores iis in locis, ubi versantur, ultra dimidiam partem ferrâ discindere, nocturnò tempore Elefantos dormituros illis arboribus inniti & se applicare, cum illis fractis in terram cadere, & cum lapsi resurgere non possint, ita capi: notissimum enim & *αὐτοψία* confirmatum est, Elephan-

tes humi jacentes celeriter resurgere posse.

Elephas autem naturâ ferus, libertatem amans & indomitus tantum abest, ut more aliorum jumentorum homini statim pareat, quin potius adhuc sui juris & liber omne illi obsequium detrectet: hinc suo domitori non leve negotium facessit adeò effrenatus & malè tractabilis suâ naturâ, ut habenarum fit prorsus impatiens: antequam autem cicuretur, opus est, ut venando capiatur, quam venationem plenam laboris immensi vocat Plinius *l. 6. c. 19.* non facile enim capitur, multòque difficilius mitigatur, ut scribit Curtius *lib. 9. c. 2.*

Venationem Elephantorum ita describit Aristoteles *l. 9. H. A. cap. 1.* Conscendunt mites aliquos animososque Elefantos, qui venantur, & insequuntur feros: quos cum aggrediuntur, ferire præcipiunt suis, usque



usque dum fatigentur: tum Rector in delassatum illum infilit, regitque fuscinulâ: post brevi tempore feramitescit, atque obtemperat: quamdiu insidet Rector, mitem se quisque exhibet: cum descenderit, alii mansuetudinem servant, alii repetunt suam feritatem: itaque non mitescentium crura priora præpediunt vinculis, ut quiescant: capiuntur sic nati grandes & pulli. Hactenus ille.

In Tabrobana Insulâ secundum Solinum multi capiuntur Elephanti, ubi pro illis abundant pascua, qui Insulani Elephanti animi robore, virtutis indole & corporis magnitudine illis, qui in continenti degunt, præstantiores existimantur, quos magnis navibus in continentem transportatos Calingarum Regi vendunt. *Ælianus l. c.* Indi, qui primi Elephantos domuisse dicuntur, sequentem observant capiendi modum: cum prægrandi & robusto cicurato Elephanto se conferunt ad sylvam, ubi norunt, Elephantum ferum latere: simulac hunc inveniunt, cum cicurato pugnare compellunt: quô in certamine cornua & proboscides ita constringuntur & colliduntur, ut uterque se vix expedire possit, sed alter alterum ita luctando prosternere tentet: cumque ferus hunc modum stet immobilis, à tergum venatores ipsi pedicas injiciunt, & sic captum abducunt.

Ætate provectus non facile se comprehendi patitur; hinc vena-

tores Indi ad loca palustria, quæ amant, se conferunt, & tantum eorum catulos capiunt, quos adhuc teneros ciborum blanditiis inescant, instituunt & mansuefaciunt: vetuli enim Elephanti ægrè mansuefiunt, sed sæpè cædes faciunt, & vinculis constrikti magis irritantur, nullam servitutem patientes: contemnunt enim omnia blandimenta accedentibus infesti: tandem tamen plerumque musicâ & cantilenis deliniuntur, quarum suavitate perceptâ aures arrigunt, in objectum cibum respiciunt, & tractabiliore evadunt. Vid. *Ælianus l. c.*

Batavi in Indiâ Orientali novum invenerunt capiendi modum: cum cicuratis aliquot Elephantis & magnò virorum numero se conferunt ad sylvas, ubi Elephantos latere norunt, palos infigunt per magnum districtum satis in principiò latum, sensim autem angustiores, cum pontibus subliciis: quo factò magnò editò clamore, tympanorum & pelvium sonitu Elephantos ex latibulis expellunt, qui tandem in angustias redacti capiuntur, & paulatim cum cicuratis contubernalibus mansuecunt. Vid. *Walther Schulzens Ost-Indianische Reise Beschreibung l. 2. f. 199.* præsertim quando ferus inter duos cicures ad aquas lavatum ducitur, mansuecitur. Idem *l. c.*

Trogloditæ contermini Æthiopix, Nomades, Asachæ aliique Arabiæ inquilini, qui ex hac ventione

tione victum quæritant, sequenti modo Elephanto struunt insidias: juxta illius vias, quas probè observant, unus ex venatoribus proximam arborem ascendit, atque in prætereuntis Elephanti dorsum pernici celeritate infilit, illiusque caudæ se applicans præacutâ securi crurum nervos ponè dissecat, atque sic prostratum occidit: parum enim curant, an vivus capiatur vel mortuus: siquidem hi populi carnes, corium, cornua aliasque Elephanti partes ad varios usus adhibere atque divendere solent.

Plinius *l. 8. H. N. c. 8.* scribit, illos in Indiâ capi, unum ex domitis agente Rectore, qui deprehensum solitarium abactumve à grege verberat ferum: quò fatigato transcendit in eum, nec secus ac priorem regit: antea domitandi gratiâ greges equitatu cogeant in convallem longo tractu fallacem: cujus inclusos ripis fossisque fame domabant: mansuefacti signum erat ramus homine porrigente clementer acceptus. Vid. Diodor. Sicul. *l. 3. cap. 3.* Strabo *lib. 16.* Alibi robusti juvenes tutiore capiendi genere nec minus fallaci prægrandes arcus eminus intendunt, validasque sagittas in obvium Elephantum emittunt & postmodum sanguinis vestigiis insunt, ut refert Plinius *l. 6.* Vivus capitur secundum eundem per cicuratum, qui tamdiu ferum proboscide verberat, donec feritatem deponat.

Alius modus capiendi est, quod in loco, ubi frequentes solent esse, fovea quædam paratur ampla, continens circumferentiam aliquot stadiorum, ita ut ferè oppidum possit capere spatium illud, circa quod est facta fovea: relictus autem est angustus introitus, qui tandem occluditur, quando ingressæ sunt bestię. Vid. W. Franz *histor. an. p. 1. c. 4.* Africani illis in locis, ubi Elephanti degunt, observatis illorum semitis consuetis profundas fodiunt scrobes, in quas si fortè unus escâ alliciente inciderit, reliqui certatim arborum ramos congerunt, moles devolvunt, aggeres construnt, atque truncos comportatos foveæ injiciunt, omnemque lapidem movent, ut socium inde extrahant: interim se hâc ratione produnt ac perdunt, qua de re fusius agit Plinius *l. 6.* Hæ scrobes teguntur stramine & arborum ramis, quibus Elephas allicitur, ut eò facilius incidat, quod in Regno Congo fieri Lopezius annotavit. Idem scribit, aliquando juniorem Elephantum in ejusmodi foveam illapsum esse, seque vidisse, Elephantum natu majorem nulli labori pepercisse, ut illum liberaret, huncque in finem comportatos arborum truncos scrobi injecisse, quibus innixus egredi posset: cum autem frustraneus esset hic labor ob venatores accensâ pyra ingenti clamore egressum impeditentes, addit, Elephantum saxis & terræ glebis superinjectis captivum sepelivisse,



visse, manifestò indicio mortem sui catuli sibi captivitate ipsius esse potiozem.

Ad foveas à venatoribus insidiose factas cum accedunt, naturali & abdita præsensione à progrediendo cessant: mox itinere converso in venatores irruunt: tunc atrox pugna & cædes fit tam hominum, quam animalium; illi eminus hastas & jacula intorquentes ictu directò feriunt: contra Elephanti hominem fortè cadentem violenter corripiunt & proterunt, pedibus conculcant, & cornibus interimunt: inter pugnam dum aures suas tanquam vela expandunt, promuscidibus sub cornua redactis instar navis plenis velis propulsæ cum magno impetu irruunt, & quosvis obvios prosterunt, simulque ingentes clamores edunt: venatorem proximum persequuntur, & ferè comprehensum concitato cursu prætergrediuntur, genibus ad terram allisis & cornibus humo vel saxo impactis, interim elabente venatore: ancipiti dimicant Marte, sæpè victores, non rarò victi. Libyæ incolæ eos, qui ab Elephantis vel in venationibus vel præliis interfecti sunt, honorificis sepulturis prosequuntur, hymnosque in honorem eorum cantillant, dicentes, illos se præbuisse viros fortes, qui tantæ bestię reluctari non dubitarent.

Garzias ab Horto describit Elephantos sequenti modo domitos: magnis trabibus eos sepientes pau-

latim circum, quo concludebantur, in angustias contrahebant, donec singulos Elephantos vix locus caperet: deinde funibus è vimine contextis eorum pedes & dentes ita dictos vinciebant, ut Elephanti se movere loco vix possent: hos binis funibus cinctos adibant Rectores calcibus eos impetentes & baculo ferientes: tum perpetuò se illos verberaturos & tandem fame enecaturos minitabantur, nisi essent morigeri: tales si fierent, forè, ut oleo perungantur, & cibo reficiantur: deinde singulos educebant & lavabant: lotis singulis binos Elephantos domesticos & jam domatos admovebant, inter quos utrinque coërcerentur.

Indi primi Elephantorum domitores varios callent illos capiendi modos: cum enim ibidem, præsertim in Bengalâ & Pegu illorum ingens reperiatur copia, mos obtinuit, ut magnâ admotâ hominum manu cicuribusque aliquot Elephantis, sæpè milleni capti stabulis includantur, ex quibus seliguntur meliores, qui deinde minis, fame & siti cicurantur, & ad varia exercitia habiles redduntur: domiti & condoces facti tandem lautius tractantur, lavantur, & oleo oblinuntur, & sic depositâ feritate prorsus mansuescunt. Vid. Joh. Hug. à Lintshoten. *part. 4. Ind. Or. c. 2.* Sequentem venandi modum obtinent Patanenses: Venator Indus cicuri insidens Elephanto in sylvis fero fit obvius, qui statim

cum cicure descendit in arenam: dumque sic invicem pugnant, dictum factum fero compedes applicantur in cruribus posterioribus: quo facto prostratus tandem capitur: captus autem fame domatur. Vid. Joh. Theodor. de Bry *Fig. 5.*

Supra citatus Garzias ab Horto refert, se audivisse ex viro digno oculatō teste: Regem Peguensem aliquando ducentis hominum milibus integram sylvam, in qua Elephantes latebant, circumdedisse, illorumque paulatim in angustias coactorum quatuor millia cum aliis feris, v. gr. apris, tigridibus & sim. cepisse, ex quibus Rex ad usus bellicos elegerit ducentos reliquis dimissis: idem refert, hunc Regem de ingente quodam Elephanto in vicinia degente certiorē factum eō ablegasse aliquot Elephantes fæminas, additō mandatō (siquidem vernaculam linguam intelligere creduntur, qua de re infra,) ne illum ad congressum admitterent, nisi ad stabula sua cum ipsis se reciperet: addit, negotium ex voto successisse, illumque prægrandem Elephantum pluribus aliis stipatum cum fæmellis emissis ad illarum stabula deductum atque sic captum esse: tantoperē enim fæmellas, præsertim oleo circa genitalia inunctas deperit Elephas, ut præ nimio amoris æstu non dubitet illas, quorsum etiam tendant, sequi, & propriæ salutis oblitus suō doceat exemplō, quod cæcus amor sua mancipia ex libertate in servi-

tutem variasque calamitates præcipitare soleat.

Postquam ita stabulā est ingressus, dictum factum compedes ipsi impinguntur, & fæmellæ secedunt: sentiens tandem, sed nimis sero, se esse captum, incipit horrendum furere, nihil intentatum relinquens, ut ex vinculis se expedire, & pristinam libertatem recuperare possit, irritō quamvis conatu, jucundō tamen circumstantium spectaculō. Siquidem miris modis vociferatur, mugitatque discurret, usque dum sudore totus diffuat, & prorsus de lassatus corruat: tandem in angustum stabulum ducitur, similiter præeunte fæminā, quam pressō pede sequitur: quā iterum elapsa captivus ibidem detinetur, donec post aliquot dierum jejunium, & juxta sæpius inflicta verbera mansuescat, quō factō ipsi custos additur, sub cujus disciplina bellicis aliisque domesticis laboribus assuescit. Vid. Gotthard. Arthus. *p. 7. Ind. Orient. cap. 38.*

Ita inclusus nonnunquam saligneis vinculis ligatur circa pedes & cornua, vulgō dentes, adeo ut vix se movere possit: hōc facto accedens custos pedibus ipsum impetit, fustibusque ferit, additis minis, nisi pareat, fore, ut indefinenter ita tractetur, & tandem fame prorsus enecetur: sin verō redierit ad meliorem frugem, promittuntur illi lauta pabula, & linimenta ex oleo, quibus impense delectatur: lotus tandem cicuribus associatus simul cum

cum illis exercetur; pari modò domantur juniores, qui interdum etiam solis blanditiis vincuntur: hæc si nihil efficiunt, verberibus, obigationibus & fame cicurantur.

Majores spatiosis stabulis includuntur, quæ plures habent januas angustas, è quibus illi, qui Elephantos domare volunt, jacula & spicula in eos conjiciunt, donec jam fessi vulneribus & fame sint propè enecti: his deinde Rectores significant, illos se ita tractare, ut feritatem deponant: quod si humi se prostraverint, beneficia se in illos collaturos pollicentur: procumbunt Elephanti, lavantur, unguntur oleo, & cibus datur: deinde sæpè interrogantur, quomodo valeant, quid petant: hæc ratione paulatim edomantur, adeoque mansuefiunt, ut omnium ferarum mitissimi, placidissimi, & ad multa officia idonei evadant.

In Regno Siam Bramines seu Sacerdos Indicus candidâ veste indutus Elephanto vectus adventat, ac circa ferum alligatum placidè obequitans eum certâ aqua consecratâ conspergit: quo ritu credunt feritatem bestię adimi, eamque ad servitutem aptam reddi: quod negotium ut plurimum benè succedit, cum intra 15. dies hæc ratione mansuescat. Si nimio furore exagitantur, non solum fame, sed & verberibus & inflictis vulneribus tamdiu vexantur, donec ferè semineces humi procumbant: sic prostratis cuflos significat, hæc omnia illis con-

tingere propter feritatem, simulque interrogat, numquid liberari velit ex ærumnis hisce? solaturque illum promittens optima quæque, offert simul edulia & liberale hospitium hætenus in sylvis & campis palanti & non rarò famelico, nullis blandimentis parcens, ut illum ad mansuetudinem & obsequium redigat: huic ergò tandem incipit favere, obtemperare, & in omnibus instar mitis agni gratificari: & hóc pactò ab Elephantista tractatus assuescit imperio, & in variis rebus exercetur & instruitur.

In interiore Africæ parte quamplurimi capiuntur, quod evincunt cornua, vulgò dentes, quos finitimis atque advenis Africani magnâ copia divendunt: Æthiopes ibidem arboribus insidentes Elephantos prætereuntes jaculis petunt, confossos & ferè ab ictibus exsangues tamdiu persequuntur, donec ipsos jam semianimes deprehendant: quos sic prostratos occidunt, ut carnibus & cornibus illorum potiantur. Vid. Happel. *Relat. Curios.* p. 2. pag. 735. Quod nonnulli cum Strabone l. 16. sentiunt, Elephantos caduco arboris trunco innixos capi, & quod Æthiopes diligenter observent, quibus arboribus se inclinent dormituri Elephanti, easque ex altera parte cadant, quibus noctu innixæ bestię prosternantur & resurgere nequeant, abluditâ veritate, siquidem facili negotiò sese erigere possunt, ut supra probatum est.

Sunt

Sunt alii capiendi modi: sæpè exercitus Virorum Strabone teste, egrediuntur in venationem Elephantorum: item: quod sæpè mansueti Elephantis gestantes armatos viros emittuntur contra non mansuetos, ut in illa pugna capiantur: quomodocunque verò capiantur, citissimè mansuescunt. Vid. W. Franzii *Hist. an. p. 1. c. 4.*

Gualterus Schultzius *in descript. Indie Oriental.* de Elephantis Africæ refert, illos funibus irretiri, dum ad cicuratos se conferunt, atque sic capi. Zeilanenses Elephantis, qui non solum arboribus, sed & hominibus, dum adhuc feri sunt, magnam cladem inferunt, à Belgis ibidem degentibus capiuntur sequenti modo: Venaturi magnâ hominum comitante catervâ ingens campi vel sylvæ spatium palis circumdant, quod in introitu amplum, in exitu angustum, & ponte versatili clausum est: in hoc horribili per tympana & pulsatas pelves excitatō fragore compellunt Elefantos, eosque sic in angustias redactos funibus & catenis vinciunt: postea quotidie unus ex feris istis duobus cicuribus comitatus aequatum ducitur, non solum ut bibat, sed ut lavet simul cum reliquis: quod si facere ferus recusat, verberibus proboscide inflēctis à cicuratis tamdiu vexatur, donec mansuescat.

Ex Jodoco Schoutenio liquet, in Regno Siam eundem ferè capiendi modum vigere: captos autem funibus circa præcincta illa ligatos ad

superpositam trabem aliquandiu suspendi, donec per conversationem cum cicuratis domentur, qui interdum quoscunque feros obvios adoriuntur, quâ in pugnâ invicem implicatis venatores faciliè compedes & vincula injiciunt. Operosissimam capiendi rationem prolixè describit hic Author in descriptione Regni Siam *p. 749. & seqq.* educitur nempe à duobus vel tribus custodibus in sylvam grex 15. vel 20. Elephantorum cicuratorum in juventute captorum, cui grēgi obvii feri Elephantis se immiscentes in locum proximum palis atque muris probe munitum pelluntur, ibidemque includuntur: dilapsis postea per proximam portam cicuribus feri soli relictī capiuntur, Rege in peculiari theatro & Proceribus in porticu captarum bestiarum vexationes atque discursus spectantibus: sic delassatō tandem captivō porta aperitur, quam ingressus duobus vel tribus cicuratis alligatur obductō pessulō: postmodum stabulo includitur, ibidemque funibus à trabe transversa demissis circumdatus per aliquot dies semper pendulus relinquitur. Sic tandem intervallō trium vel quatuor mensium cicuratorum ope servitiis hominum assuescunt.

Sylvas egressi interdum latis capiuntur in campis, ubi a cicuratis circumventi compedibus vinciuntur, verum rarò sine acri certamine: & hic capiendi modus viget apud Siamenses eorumque finitimos, licet non desint, qui aliter rem referant,



rat. Herportus oculatus testis addit huic relationi suum calculum, qui annô præterlapso seculi 1666. in Ceilon interfuit venationi, in qua nonaginta sex Elephanti capti sunt. Vid. ejus *Ost. Indische Reise-Beschreibung* p. 188.

Certamen Æthiopum cum Elephantis Diodorus Siculus *l. 4. de fab. gestis antiquorum* ita describit: Habitantes in sylvestribus & arboribus refertis locis Elephantorum ingressus atque exitus ex præaltis arboribus observant: multos una incedentes non aggrediuntur omni spe vincendi remota: singulis injiciunt manus mirabili audacia: nam, cum incedens bestia arbori appropinquat, speculator occultus latet ex arbore defiliens, manibus apprehensa cauda, pedibusque ad dextrum femur appositis, securi, quæ ex humero pendet levi, quæ unâ manu tractari queat, & acie acutissimâ est, dextrâ manu apprehensâ nervos dextri poplitis crebris ictibus amputat: sinistrâ manu regens agile suum corpus belluæ conatus magna velocitate effugit: in eô nempe certamine versatur utriusque salus, mortis discrimine in alterius vita posito: Elephas nervis abscissis quandoque, quia haut facile se vertere potest, inclinatus in latus faucium in terram cadit, Æthiopemque secum trahens interficit, quandoque ad arborem aut saxum hominem allidens ipso pondere, quoad animam exhalat, comprimit: quidam Elephantes dolore moti, cum

insidianti obesse nequeant, diffugiunt per campos, quoad continuis securis ictibus ab insidente cæsi decidunt: tum concurrunt Æthiopum cætus, & bestia posteriores partes abscissas auferunt & edunt.

Alium quamvis sublestæ fidei modum describit citatus author ibidem sine vitæ discrimine factum, quando inquit: consuevit hoc animal, cum â pascuis plenum redit, dormitum ire modò â reliquis quadrupedibus plurimum diversò: non enim genu corpus flecti ad terram potest, sed arbori hærens dormit: arborem Elephantis adhæfione tam attritam quam fordibus plenam advertentes incolæ juxta humum secant, ut tamen non nisi impulsa cadat: deinde sui accessus vestigia ad ea loca delent, subito abeuntes, priusquam bestia ad somnum redeat: Elephas vesperi cibo plenus ad notum cubile profectus omni-que mole sectæ adhærens arbori statim cum eâ ad terram prosternitur, resupinus totâ nocte jacet, cum se erigere nequeat: tum Æthiopes ad locum accedentes absque periculo bestiam occidunt, tabernaculisque ibidem erectis moram trahunt, quoad animal sit absumtum. Sed hoc falsum esse, supra ostensum est: docet enim experientia & ipsa ἀντιλογία, animal hoc in terram prostratum facili negotiò resurgere: id quod ipsemet tanquam oculatus testis Augustæ Vindelicorum Anno 1689. vidi,

Egregiè describit ejusmodi venationes J. B. Tavernier *in Itinerar. Ind. l. 1. c. 18*. In sylvis, inquit, Indi fossas fodiunt, quas cratibus terrâ conspersis probè obtegunt: quô factò venatores ingenti clamore, tympanis & succensis ignibus Elephantos ad illas foveas compellunt, in quas incidentium proboscidem & crura catenis atque funibus constringunt, & captam bestiam sic compescunt: tres tamen ita ligatos ex fossis evasisse refert occisis prius duodecim ruricolis: mirum est, quod semel sic delusus Elephas decerpto arboris ramo proboscide apprehenso omnes vias accuratè exploret, ubique insidiis se petiputans: captivo duo cicurati cum sex circiter custodibus adjunguntur, qui illi fœnum, arundines sacchariferas, orizam cum pipere coctam & similia offerunt: quibus si vesci recusat, jubentur assistentes cicurati fero plagas infligere, qui statim parent, & renitentis caput & frontem proboscide tamdiu verberant, donec ad obsequium redigatur.

Idem refert *l. c.*, in Insula Zeylan fieri pergulam in ingressu amplam, postea sensim angustiolem, in cuius extremitate collocetur Elephas fœmina, clamore marem ad congressum invitans, cui mas propior factus à latentibus venatoribus injectis vinculis confestim capiatur. Joh. Jacob. Saar *in disc. de reb. Ind. c. 4. p. 65*. Elephantorum capturam, cui ipsemet in Insula Zeylan interfuit, sequenti modo describit: duo-

bus in locis ibidem capiuntur, primo nomen Kattumma, secundo Flameulla: Venatui huic præest Venatorum Magister ad id à Batavis conductus, qui quotannis illorum certum numerum, nonnullos dentatos, quosdam verò sine dentibus capit, cui triginta sex Nigritarum pagi opem ferre tenentur: venatio hæc institui solet mensibus Juniô, Juliô & Augustô, quô tempore propter aquarum penuriam ex editis montibus ad declivia loca se recipiunt Elephanti versus mare, ubi tum frequentius pluviae decidunt: ponitur autem ad 4. 5. vel 6. millaria in circuitu strues lignorum non facile deflagrabiliū: quam incensam Elephas ignem timens non transgreditur: ad hujus finem patet angiportus seu vicus angustus palis terræ infixis utrobique cinctus, sensim in majores desinens angustias, quo Elephantorum præcipui compulsi objectis transversariis lignis ultra progredi non possunt: quô factò admotis funibus singuli ad duos cicuratos Elephantos comites alligati ducuntur in assignata stabula: duobus larvatis cum tintinnabulis præcedentibus mimis choreas ducentibus, quos inquilini Billaher appellant: hi tandem Elephantum ferum blandè alloquuntur, & ad feritatem deponendam hortantur, monentque sic fore, ut imposterum non in horridis sylvis, sed sub tecto vitam agere quietam possit; nullis ventorum aut pluviarum injuriis expositus, nullâ amplius fame





Phot. 3. Building at the corner

fame aut siti pressus: pabula etiam sapida nunquam ipsi sic defutura spondent: quos ritus bestia obstupescit, & sic paulatim ut plurimum intervallô anni dimidii coërcetur & mansuescit: cicuratus denique super infusa aquâ conspergitur, eique Principis vel magni cujusdam Ministri nomen imponitur.

Cum vivi non expetuntur, occiduntur Herportô referente sequenti modo: juxta vias, quas frequentant, ad proximas arbores alligantur funibus ingentes lignei trunci, qui in prætereuntem bestiam abscisso ab Æthiope infidente arbori fune delapsi illam protinus conficiunt & prosternunt: parum enim refert, & perinde est, an Indi illis mortuis vel vivis potiantur, præsertim ubi arborum agrorumque fructus cum magno inquilinorum dispendio depascuntur, ipsisque non rarò hominibus ab illis insidiæ struuntur: cuius rei memorabile refert exemplum Johannes von der Bahr p. 102. cum, inquit, ex nostratibus militibus integra centuria non procul ab urbe Negumbo subsisteret in campo, accidit, ut Elephas fœmella, quæ suum catulum amiserat, ex proximo nemore profiliens totam invaderet cohortem, nonnullosque bipennibus illorum diffractis prosterneret, parumque abesset, quin ipse ductor locum tenens equô atrô vectus à bestia correptus occideretur: putabat enim sine dubio Elephas equum esse suum catulum, quem tam anxie quærebat: quod si tantam ho-

minum multitudinem una bestia adoriri non veretur, credibile est, vix à singulis & quibusvis obviis sibi temperaturam, præsertim irritatam & catulô privatam: sic enim fœmina, alioquin mare longè timidior, magis efferatur. Mares hominibus rarò infesti sunt; fœminas verò astutas & perpetuas grassatrices esse, difficilior cicurari, cicuratas sæpè numero insanire ex Vartomannô refert J. C. Scaliger. *Exerc. 204.*

Mares citius domantur quam fœminæ: hæ enim suâ natura maribus longè ferociiores sunt, & quamvis cicurentur, levi tamen negotio iterum efferantur, & majore odio hominem prosequuntur, quam mares, præsertim quando catulos lactant: nec ut mares ignem timent: Indi tamen fœminis in bello rarò utuntur, quia credunt, illas esse minus animosas, quamvis malitiosiores sint & callidiores. Ætate tenelli & adhuc parvi quando educantur, facilius mansuescunt: non desunt tamen, qui ob naturæ feritatem nunquam domari possunt, quales in Senega, (ut in suis navigationibus scriptum reliquit Aloisius Cadamustus,) Æthiopix Regno reperiuntur. Vid. And. Matthioli *commentar. in lib. 2. Dioscorid. cap. 50.* Quando gregatim incedunt, mares pro grege vigilant, in editioribus locis de insidiis fortè sibi structis circumspicientes: in declivioribus locis ambulat fœmellæ: in campis versantes longè audiuntur, quamvis non videantur; sonitus enim pedum at-

que aurium subinde se moventium aures ferire solet: cursu si equum non superant, tamen æquant. Elephantorum gregem excelsissimus ducit. Senec. *epist.* 90.

In Regno Peguenfi & Siam Rustici Elephantis fœminis venere jam æstuantibus insidentes per avia sylvarum mares quærunt, quibus inventis fœminam mox ad arborem alligant, atque insequenti Elephantocassēs ponunt, eundemque hoc modò irretiunt. Vid. Happel. *Relat. Curios.* p. 2. p. 738.

Quando animadvertit Elephas, sese peti venationibus, vestigium hominis eruit, erutum tradit proximo Elephantocassē, ut ex olfactu hostem deprehendat: citò ergò fit, ut concurrant, & quasi agmen instituant, ut refert Plinius *lib. 8. c. 4.* Sagacissimè enim odorantur, & acerrimis sensibus præditi sunt. Primus in agmine narium sagacitate herbam ante pedes suos positam sentiens humanis vestigiis esse tactam eam evellit, & proximo ad odorandum tradit: is rursus alteri: & deinceps ab omnibus sequentibus sagaciter contrectatur, donec ad illum, qui extremum agmen ducit, perventum fuerit: is simulac olfecerit, barritum vastum edens signum ad fugam dat: tunc in convalles profundas, aut in loca palustria, nemorosa aut campestria aufugiunt, & à locis, in quibus frequenter homines iter facere solent, prorsus abstinēt.

Elephantum ariete conspecto

mansuescere, eundemque subrumi suis grunnitum horrere scribit Joh. Ruellius *lib. 1. de natur. stirp. p. 95.* Hordei succo eundem mitificari idem ex Plinio refert *l. 2. c. 18.* Recens captum Zythi potionē cicurari Gesnerus *l. 1. de quadruped.* refert. Juniores Elephantocassēs facilius cicurantur senioribus: illos Indi objectis sapidis pabulis & blandimentis ita instruere norunt, ut ad omnia obsequia paratos se exhibeant: provectiores verò ætate difficulter mansuescunt, & quò magis vinculis coercentur, eo ferociores evadunt: omnibus frustra tentatis instrumento musico, v.g. Citharâ, quam Ælianus *συρδαψον* vocat, quatuor fidi-
bus calamò pulsatis sonante tandem domantur: concentu enim musicò auditò aures attentè arrigunt, eoque deliniti congenitam sibi feritatem deponunt, quò factò tam tractabiles evadunt, ut ex manu Reçtoris instar caniculæ escam sibi oblatam promptè accipiant, & à vinculis liberati ad pristinam indolem non redeant, patianturque sibi manum in os & fauces ingeri sine noxâ, quod Noribergæ Annò 1629. referente D. Casp. Horniò loco supra citatò contigit.

Successu temporis, inquit W. Frantz. *hist. an. part. 1. c. 4.* adeò placidum fit hoc brutum, ut gaudeat capere cibum ex manu Reçtoris, sicut parvulus canis, venientem etiam proboscide complectatur, & patiatur ipsum integrum brachium intra suas fauces mittere, & tam-
diu

diu apertum teneat os, donec rursus extrahatur: siquidem sæpenu-
mero facilè mansuescit, ut scribit
Aristoteles *H. A. l. 1. c. 1.* quod ta-
men in aliquibus non observatur,
præsertim in Æthiopicis & monta-
nis, quorum vix ullus sive in bel-
lô, sive in pace inter tot montes
usus est. Ut facilius cicurentur,
primò leniter & suaviter tractandi
sunt, ciborum nimirum illecebris
& varietate, ut si quid adest agre-
ste, expellatur, atque ex feritate ad
mansuetudinem, & quasi ad huma-
nitatem quandam sic transformen-
tur. Cântu mulcentur secundum
Cælum & tympanorum sonô.

Semel mansuefactos puer anno-
rum XII. regit, & quorsum libet,
agit: Philostratus *l. 2. c. 8.* refert,
se vidisse vastissimum quendam E-
lephantum, cui infederit puer 13.
annorum, qui bestiam parvô ba-
culô ducebat, quocunque vellet,
cum magnâ spectantium admira-
tione: hinc Apollonius Thyanæus
aliquando interrogatus, undè fiat,
quod tam vastum animal pusillo
pareat puero, respondit: illud ac-
cidere ex tremore quodam activo
erga hominem à DEO ipsi implan-
tato, quo bruta hominem ob sin-
gularem prærogativam & imperi-
um in bestias sibi à Supremo Crea-
tore benignissimè concessum veren-
tur & timent, qui timor sit veluti
character terrificus, & signaculum
à DEO impressum, quo hominem
sibi dominantem agnoscunt: alio-
quin puer armenta regere non pos-

set: idque DEUS ter Opt. Max. Pa-
triarchæ Nohæ ejusque filiis post
diluvium promisit *Gen. 9.* inquiens:
Terror vester & pavor sit super
cuncta animalia terræ, & super o-
mnes volucres Cœli cum universis,
quæ moventur super terram: nihi-
lominus secundum Hiobum *c. 40.*
v. ult. in oculis suis capitur, & ten-
dicularum nasus ipsius perforatur:
quod textus Hebræus ita exprimit:
in scaturiginibus vel fontibus suis
capietur, quibus illum impensè de-
lectari supra dictum est: quo ipso
innuitur, quamvis inter omnia a-
nimalia sit maximus, nihilo secius
tamen fieri posse, ut in captivita-
tem reductus & in vincula conje-
ctus pro spectaculo circumducatur.

Timere Elephantos hominem
naturalis instinctu scribit Plinius
H. N. l. 8. c. 10. Elephas, inquit, ve-
stigio hominis animadverso prius
quam ipso homine contremiscit in-
fidiarum metu, subsistit & olfaci-
ens circumspectat, iras proflat,
nec gramen vestigio hominis inhæ-
rens calcit pedibus, sed erutum pro-
ximo tradit, ille sequenti, donec
ventum sit ad extremum, & tunc
agmen circumagitur & revertitur.

Vetulus Elephas efferatior est,
nec facilè capitur: captus difficul-
ter mansuescit: lautè tamen ci-
batus & sæpè concentu musico de-
linitus tandem mentem mutat: mi-
nores natu capere pariter opero-
sum est, quoniam à natu mayo-
ribus, qui eos tuentur, non facilè
relinquuntur. Circumventi à Vena-
toribus

toribus debiliores in primâ acie constituunt, reliqui in subsidiis manent, & fessis auxilium ferunt, nec mediocrem curam habent' fauciorum, quos in medium recipiunt cum matribus & catulis: ætate provectiores verò robustiores & ad pugnam habiliores totum agmen circumeunt & defendunt: gregatim incedunt, ordini excelsissimus præest: reliquos in medio collocant, ut agmen claudant paulo majores. Oberrant agminatim, inquit Solinus *cap. 38. p. m. 115.* Natu maximus ducit agmen, ætate proximus ducit sequentes: flumen transitori minimos antemittunt, ne majorum ingressu alveum atterant, & profundos depressis vadis gurgites faciant.

Capistro non regitur neque freno, sed clavâ ferreâ: gubernator enim sedens in ejus dorso clavam uncinatam præ se gerit, cujus mucrone frontem leviter ferit, cujus metu etiam levissimè tangentis omnia Reëtoris jussa obire solet: neque semper Reëtor clavam manu tenere necesse habet, sed duntaxat ex Elephanti fronte appendere: is

cum ad diversoria venit, jamque videt, Reëtozem descendisse, clavam ex fronte pendentem promuscide corripit, atque in terram leviter abjicit, quam in itinere, etiam si Reëtor descendat & secedat, abjicere non solet. Vide Petr. Giliū in *descript. Elephantī p. 7.*

Magister seu Reëtor Elephantī Indus dicitur, undecunque sit ortus: Elephantarches autem ab Elephantistē differt ex mente Sam. Bocharti in *Hierozoic. in præfat. & l. 2. c. 27.* Nam Elephantistes Elephantagogus est, qui Elephantō insidens illum falce dirigit: Elephantarcha verò, qui imperium habet in belluas: quod cognomen Regi Seleuco à Regis Demetrii adulatoribus fuit datum, cum plures haberet Elephantorum centurias: tantum itaque ab Elephantistē vel Elephantagogo differt Elephantarcha, quantum ab Equifone Magister Equitum: in bello enim Elephantarcha non solis Elephantis præest, sed & illorum sessoribus, quod notat citatus Author contra Cœlium Rhodiginum, qui Elephantistēm & Elephantarcham non differre putat.

PARTIS I. CAPUT XV.

Elephantī Robur perpendit.

RObore pollet hoc animal incredibili: nam secundum Aristotelem *l. 9. H. A.* proceras palmas sua fronte tandiu impellit, donec decli-

nent, tum pedibus illas conculcans prostermit in terram & fructum vorat: Arbores proboscide completendo evellit, ut scribit Philosophus



phus *l. 2. de part. an. c. 16.* Ælianus hoc præcipuè ab illis fieri putat, quando libidinis æstrô sunt perciti: proboscide correptum hominem in sublimè jactat, & decidentem interficit: quin & secundum Oppianum

Fagos ille altæ, oleastros, celsaque
sternit

Secula palmarum, & veteres radicitus
ornos,

Malis incidens præacutis, si stipulæ essent:
cornibus, vulgò dentibus evertit ædificia: pedibus prosternit acies, & proterit armatos: dorso validissimo turrim gestat ligneam bellatoribus aliquot repletam: quorum secundum *lib. Mattab. c. 6.* triginta duo in una turri ab uno Elephanto gestati fuerunt cum Æthiope bestię Rectore, quod ferè omnem fidem superat.

Partes superiores prioresque in quocunque animalium genere maribus sunt potiores, validiores & aptiores: quæ autem dici possunt inferiores posterioresque, eas fœminæ habent robustiores cum in hominibus, tum in cæteris animalibus omnibus, quæ pedestria sunt, atque animal generant, ut vult Aristoteles *l. 4. H. A. c. 11.* & sic etiam cum Elephantis comparatum est, quorum fœminæ secundum inferiores partes longè sunt habitiores & validiores maribus.

Tam vasto animali, quod magnitudine tres bubalos si non superare, tamen æquare creditur, ut scribit Zeilerus *epistol. centur. 1. epist. 25.* stupendum robur inesse, non est, quod miremur: vis ejus in lumbis

ipsius, & robur ejus in umbilico ventris sui: ossa ejus viribus chalybeis, & artus ejus ferreo vecti similes, inquit Hiobus *cap. 40.* Sed nec post Herculem quisquam Leone aut Elephanto fortior videbitur, inquit Galenus *in Orat. suaser. ad Art.* Viribus sui corporis fretus omnia pericula contemnit, nemini tamen nocet, inquit A. Cassiodorus *de Regno Congo c. 10.* propugnacula dejiciunt, & arbores radicitus evelunt secundum Strabonem in posteriores pedes erecti.

Pugnant onusti turribus, ex quibus decem aut quindecim Indi tanquam ex propugnaculis cum hostibus dimicant, atque ex arcubus sagittas ejaculantur, teste Philostrato: communiter nudo suo dorso tres bellatores ferunt, alterum dextra, alterum sinistra pugnantem, tertium retrorsum bellantem, ac simul quartum moderatorem, ac belluam, ut naucleri naves solent, dirigentem, cum ad bellum eos Indi armant, in clitellas geminis ex ferro catenis infra alvum cinctas utrinque tanquam caveam ligneam imponunt, atque ad collum alligant: singulas caveas terni milites ingrediuntur: in utriusque medio auriga sedet, qui belluam patrio sermone alloquitur & cum progrediendum aut regrediendum est, ostendit: ferias, inquit, hunc: ab illo abstinere manum: ad promuscidem lorica munitam districtus gladius longitudine duorum cubitorum alligatur, teste Gillio & Vartomanno,

Nulla

Nulla bestia corporis lacertis laterumque firmitudine validior: in bello maximè vires suas exserit, præliantibus vim infert, arma diffringit, armatosque prostermit: tantum corporis ejus inest roboris secundum H. Cardanum *l. 10 de subtil. p. 551.* ut duo ex his juncti navem maximam onustam in terram trahant. Olim quoque & nunc Indi solent duabus catenis ferreis circumligatis sub ventre duas addere clitellas, illisque ligneum superimponere castellum, in quibus feni homines erecti, & quandoque usque ad quatuordecim pugnantes omni telorum genere stant: sed nunc ob tormenta bellica evuluit id pugnae genus, tum maximè, quod Elephanti ignem formidant: ideoque adversus illos Indi faces accensas ferre solent, à quibus adeò terrentur, ut longè plus mali fugiendo suis, quam hostibus pugnando inferant. Fœminæ iracundiores sunt, sæviores & plerumque robustiores maribus, licet corpore minores. Hactenus Cardanus.

G. Happelius *Relat. Cur. part. 2. p. 739.* ex Monachi cujusdam Carmelitani de Sancta Trinitate dicti, qui diu in India Orientali vixit, & propriis oculis, quæ sequuntur, observavit, Itinerario Orientali refert: in Goa urbe semper dari Elefantos, quorum ministerio incolæ ad exstruendas naves utuntur: aliquando autem se vidisse dicit unum Elephantum unâ vice tantam lignorum struem ad locum se-

mel sibi destinatum portantem, quam vix viginti robusti viri tollere potuerint: dum ingentes etiam post se traheret trabes, altero pede inter eundum omnia obvia impedimenta illum removisse scribit, ut commodius illas aveheret: quo magis oneratus est, tanto firmitus incedit.

Fœminam ad gestanda onera magis aptam atque in hoc genere planè virilem esse Vartomannus testatur: Aristoteles verò illam mare timidiorem esse asseverat: procerior tamen hic est, & in præliis fortior & animosior. Fagos, oleastros & palmas Elephantum posse evellere supra ex Oppiano probatum: ædificia verò subvertere, dum admovet cornua, vulgò dentes, arbores sua fronte impellere, donec declinent, tum pedibus conculcatas in terram prostertere Aristoteles *l. 9. H. A. c. 1.* author est: ab uno arboris truncum prostratum tantæ vastitatis, ut vix a viginti quatuor viris loco moveri potuerit, Vartomannus prodit *l. 4. c. 10.* & addit, à tribus Elephantis in genua demissis frontibus annixis aliquando maximam Liburnicam palangis impositam in continentem pertractam esse.

In urbe Cochin tormentum æneum insignis magnitudinis Lusitani aliò transportare tentabant: quid sit? admoventur plurimi Viri robusti omni studio & labore illud amoturi: incassum omnia: adducitur Elephas proboscide illud apprehendens, sed & hoc erat frustraneum: Rector Elephanti hanc debi-







debilitatem Elephanto exprobrans, dicit: heus tu, quanta in me redundat hinc ignominia, quod tam imbellem atque infirmam alam bestiam? quibus verbis incitatus Elephas omnibus corporis viribus tormentum tantopere aggrediebatur, ut medius inde creparet. Vid. Hap- pel. *Relat. Cur. p. 2. pag. 740.* Christophorus à Costa refert, in modò dictâ urbe Cochin fuisse Elephantum, qui in litore maris quotidianis usibus affuetus erat: aliquando cum valdè defatigatus esset, Gubernator urbis imperabat, ut celocem jam loco motam ulterius traheret in mare: ille primò renuit omnibus minis atque blandimentis posthabitis: tandem ab aliquò astantium persuasus, ut in honorem Regis Lusitaniæ id negotii in se susceperet, respondit, Hoo, Hoo, quod Malabaricò idiomate significat: Volo, volo: & protinus navem in pelagus detrusit.

Elephantum suis cornibus, vulgò dentibus, palmam cum summa violentiâ eradicasse & pedibus eandem conculcasse vidit Ctesias: subvertere illos mœnia hostium Ælianus *l. 18. c. 28.* testatur, etenim Orientem versus bella geruntur & absoluntur Elephantis. Memorabile est, quod Historici de Elephanto scribunt, cujus rei etiam supra facta fuit mentio, illum scilicet quo magis oneratus est, eò firmitus incedere: si verbi gratia 30. viros cum victu, armis & instrumentis bellicis in tergò portat, firmitus incedit, quam si decem

gestet: cujus rei hæc putatur esse ratio: cum leve gestat onus, illud non sentit, & ideò segnius incedit: ubi autem majori est gravatus onere, robori suo conveniente vires omnes exferit, non secus ac videmus strenuos Viros eò magis virtutem suam exferere, quantò plures eos circumstant res adversæ.

Pugnant inter se fortiter & vehementer. ut tradit Aristoteles, & alter alterum cornu ferit: Crudele, scribit Garzias *l. 1. c.* est spectaculum, quando Elephanti veluti monomachiâ præliantur, siquidem non modò cornibus singuli adversarium impetere student, sed interdum magnò impetu collisis capitibus concurrunt, adeò ut alteruter capite fractò cadat in terram. Victus fugit vocem Victoris, terram ac verbenas porrigens, ut scribit Jonstonus *l. 1. c.* Inter dimicandum quilibet tentat Rectorem adversarii proboscide deturbare: sic fit, ut sæpè pereat dejectus: hinc in arenam descensuri conjugii atque liberis valedicere solent: evadentes verò & Victores à Magno Mogole præmiis ornantur, ut scribit Author rerum memorabilium Asiaticarum & Africanarum. *pag. 178.*

Etsi verò hoc animal tanti sit roboris, tamen ex DEI ter Opt. Maximi bonitate, ne generi humano & reliquis brutis noceat ac damna inferat, factum est placidissimum, ita ut inter omnia bruta sit mansuetissimum: id quod patet 1.

Q

ex

ex Sacra Scriptura, quæ dicit Hiob, 40. v. 10. in oculis ejus quasi homo capiet eum, & in funibus perforabit nares ejus, hoc est: etsi hæc bestia est vastissima, nihilominus tamen DEUS eam mansuefecit, & hominis imperio subdidit: 2. quod capti Elephanti citissimè cicurantur. Vid W. Frantzii *histor. an. part. 1. c. 4. p. 25.* Quando autem in furorem aguntur, quod interdum contingere solet, non sine periculo cum Elephantis conversantur illi, qui stipem eis porrigunt: inde natum est proverbium: Elephanto stipem porrigere, id est, rem periculosa-

aggredi: ad quod alludit Georg. Braun. in *Civitat. Orbis Terrarum tom. 1. de subditis Regis Calecutensis* ita scribens: ad Regem propius quis non accedit, quam ad tres vel quatuor passus: cum verò aliquid porrigunt, ac si stipem darent Elephanto, ab ipsis tremebundis id ramò porrigitur, quoniam Regem tangere apud eos nefas ducitur, & capitale est.

Anteriore corporis parte Mares, posteriore verò fœmellas robustiores esse Aristoteles scribit *l. 4. H. A. c. 11.*

PARTIS I. CAPUT XVI.

Elephanti Antipathiam atque Hostes enumerat.

Quemadmodum nihil est ab omni parte beatum, atque omne animal suas patitur manes suosque habet adversarios: ita etiam cum Elephanto, utut maximo & formidabili bruto comparatum est, siquidem subinde suos habet Antagonistas, ut taceam venatores ipsi insidiantes: nam secundum Lucanum, nec tutus spatiò est Elephas, id est, magnitudine & vastitate corporis: & secundum illum sarcasum Imperatori Maximino olim in ludo scenico objectum, referente Matth. Dressero in *Isagog. Histor. p. 372.* verum est: qui ab uno non potest occidi, occiditur à multis: Elephas

grandis est, & occiditur: Leo fortis est, & occiditur: Tigris crudelis est, & occiditur: Cavè multos, si singulos non times. Inimicitias enim alit cum Rhinocero, leonibus, tigridibus, arietibus, porcis, serpentibus, muribus & draconibus: cum aliis etiam rebus singularem habet antipathiam, præsertim cum quibusdam coloribus & igne.

Timere naturali ductu Hominem supra ex Plinio diximus: imprimis valdè formidat infidias hominis, quando catulos habet. Vid. W. Frantz. *Histor. an. p. 1. c. 4.* Elephas fertur vestigiò hominis animadverso prius quam homine, con-

tre-



tremiscere infidiarum metu, subsistere ac olfaciendo circumspectare, (hostem enim suum olfactu animadvertere dicitur,) iras proflare, nec cespitem, in quo vestigium observatum, pedibus calcare, sed erutum proximo tradere, illum sequenti, donec ad omnes pervenerit: & tunc agmen circumagitur aciesque dirigitur: adeo odorantur omnes illud virus ne nudorum quidem pedum, ut scribit Plinius *H. N. l. 8. c. 10.*

Inter ipsius hostes prima occupat subsellia Rhinoceros, qui secundum Martialem nunquam victus ab hoste redit, de quo Plinius *H. N. l. 8. c. 20.* ita scribit: in ludis Pompeji Magni visus est Rhinoceros, alter hic genitus hostis Elephanto cornu ad saxa limato pręparat se pugne in dimicatione alvum maxime petens, quam scit esse molliorem, eaque perfossa facile superat Elephantum: longitudo ei par, crura longe breviora, color buxeus: reperitur in provincia Suchuen, juxta oppidum Po dictum hoc animal, ut & aliis locis, geritque internecinum dissidium cum Elephanto maximasque inimicitias, quę de re H. Cardanus *subtil. l. 10.* hæc scribit: Hic est Indicus taurus corpus habens Elephantum ferme magnitudine, crura breviora, colorem buxeum: totus testis quibusdam in modum clypei armatus est à Natura: in naris extremo juxta nominis sui significatum cornu gerit palmi longitudine & paulo majus, durissimum, firmissimum, rectum, atque præacutum, sed quod

versus frontem torquetur, quodque pugnaturus in saxo exacuit: sunt & quidam ex his, qui aliud exiguum cornu habent in tergore.

Referunt Anno Salutis 1513. delatum unum ad Lusitanię Regem calendis Maji, quem Rex post biennium Ulyssiponę in spectaculo cum Elephanto pugnantem exhibuit populo, in quo certamine vicit Rhinoceros: adeo nihil natura voluit omnino ab incommodis esse tutum: nam Elephantum hic solus exagitat: dicunt quidam & serpentem: sed societas Elephantum reddit ab utroque tutum, nec periculo subjacet, nisi cum causa aliquā à grege suo disjungitur. Rhinocerotem Pausanias vidit, agnovit & Plinius, non tamen Aristoteles. Hactenus Cardanus.

Damianus à Goes in encomio Hispanię scribit: Certamini unius Elephantum cum Rhinocerote interfui: spectaculum erat admiratione dignum, in quo Elephas succubuit, Jovius verò in elogio Tristani Acunii sic scribit: ferunt, Rhinocerotem, cum ab Oceano Ulyssiponenſi in portu exponeretur, aspectu atque odore suo Elephantum, qui tum erat in Regiā, usque adeo truculenter terruisse, ut Elephas naturę miraculo præcipui sui hostis concepto incredibili pavore septum suę cavę ferreis ingentibus clathris munitum humerorum & capitis præcipiti impulsu perruperit, & in longam se proripiens fugam, terribili-que bārritu edito stridens & furens cuncta obvia prostraverit.

Rhinocerotem non visum in Italia multis jam seculis animal Romam suò tempore devectum scribit Joh. Petrus Maffejus *Histor Indic. l. 5.* ut cum Elephanto commissus, quò cum implacabiles gerit inimicitias, veteris magnificentiae spectaculum populo Romano repraesentaret: sed qui ab ultimis terrarum terminis in Europam incolumis venerat, ad Ligusticae demum orae scopulos facili naufragio cum impeditus catenis enatare non posset, exoptatam plebem urbanam oblectatione privavit.

Bellum hoc ἀσπονδον inter has belluas inde creditur oriri, quod Elephas Rhinoceroti pascua prae-ripiat: itaque obviam sibi facti se invicem aggrediuntur anticipiti pugna: Rhinoceros durâ pelle quasi loricâ armatus capite inclinât suò acutissimò cornu Elephanti abdomen petit, eumque sic lethaliter vulneratum superat: interdum autem Elephas Rhinocerotem proboscide comprehensum strangulat & prosternit, suisque cornibus vulgò dentibus interimit: quamvis enim pellis Rhinocerotis eâ sit firmitate, ut agrè jaculò penetrari queat, tamen tam violentus est Elephanti impetus, ut eam penetret & conficiat. Aelianus *l. c.*

Hanc pugnam eleganter describit Guilielmus Salustius hebdomados *l. 6.* in encomio Elephanti:

At non vis animi solers, non ossa, nec
alti
Membrorum nodi vaftris obistere pos-
sunt

Fraudibus, & cauti subitis insultibus
hostis:

Hostis Rhinoceros, cui nunquam caeca
ministrat

Arma furor, nec signa movet, quin an-
te minacem

Exacuet narem scopulis obnixus acutis:
Nec tum vana, ferox tergum impene-
trabile tentat

Ictibus, at mollem teli quâ pervius ictus
Sortitur sub ventre cutem, dein vulnere
favet.

Constat experientiâ teste, Rhinocerotem, licet longitudine Elephanto penè par sit, cruribus tamen multò brevioribus, naturâ armis offensivis & defensivis esse robustissimam belluam, sicut in spectaculis Romanis apparuit: imprimis in Domitiani nummis ejus forma impressa conspicitur, eò quod in theatrum populo Romano eam induxit, quâ de re Martialis ita:

Præstitit exhibitus totâ tibi Cæsar arenâ
Quæ non præmisit prælia Rhino-
ceros:

O quam terribiles exarsit pronus in iras,
Quantus erat cornu, ceu pila taurus
erat.

Et alibi:

Sollicitant pavidi dum Rhinocerota
Magistri,

Seque din magnæ colligit ira feræ:
Namque gravem durò cornu sic extulit
Ursus,

Jaetat ut impositas taurus in astra
pilas.

Rhinocerotes omnes mares esse Oppianus scribit, nec unquam fœminam conspici, ideòque fatetur, se ignorare, unde oriantur: ast diversò & ab aliorum animalium distincto

stinctō generationis modō illum generari haut credibile est.

Similiter cum Monocerote in arenam descendere creditur Elephas: animalis hujus existentiam multi in dubium vocant: non pauci autem secus sentiunt: inter quos Garzias ab Horto in *histor. aromar. l. 1. c. 14.* refert sequentia: ex Viris fide dignis, inquit, accepi, inter promontorium bonæ spei & aliud promontorium vulgō de Currentes nuncupatum vidisse se affirmabant terrestre quoddam animalis genus, licet mari etiam delectetur, quod caput & jubam equi habuerit, (minimè tamen marinum fuisse,) cornu præditum duos palmos longō, mobili, quodque nunc in dextram nunc in sinistram obverterit, modō illud attulerit, modō demiserit: id animal, affirmabant, cum Elephantō ferociter præliari, ejusque cornu adversus venena laudari. Cum bisoribus seu bobus sylvestribus & Uris etiam sæpè dimicare Elephantum Forerus scribit.

Affiduum cum serpentibus certamen Elephantis esse ex variis Scriptoribus tradit Pierius Hieroglyph. *l. 2.* Angues in Æthiopia Elefantos profligare, profligatosque dilaniare scribit Diodorus Siculus *l. 8. c. 37.* idem *l. 4.* refert, in desertis locis serpentes, qui cum Elephantis propter aquas pugnant, magnitudine numerōque admirabiles esse, complicant enim in corpus assurgentes annixique viribus Elefantorum crura, connectuntque pluribus spi-

ris adeò arctè summâque vi, ut spumantes bestias ad casum compellant: tum concursu factō bestias naturâ graves nec facile mobiles depascuntur: omissis tandem Elephantis ad assuetos revertuntur pastus: dicunt, hos serpentes fugere loca campestria, habitare autem inter longas convalles in altis speluncis, nec facile assuetos deserere locos, naturâ, quod cuique ad tutelam conferat, singula animalia docente. Elefantos ad potum venientes, ut Plinius ex Statiō Sebofo tradit in Gange fluviō Indiæ, vermes brachiis binis longissimi cœrulei, qui nomen, inquit, à facie traxerunt, mordicus comprehensâ manu eorum abstrahunt.

Apud Hesperios Æthiopes Leones Elefantorum catulos aggrediuntur, quos cum vulnerarunt, matribus supervenientibus aufugunt, maxime enim timent Elefantos, præsertim irritatos & agminatim congregatos. Vid. Jonston. *Hist. natural. quadruped. p. m. 34.* Tigridem in caput Elefanti insilire, facileque eundem suffocare, Arrianus author est: Tigridis cum tribus Elefantis pugnam abhinc paucis annis exhibuit Rex Siamensis Legato Regis Galliæ, in quâ una Tigris cum tribus Elefantis acerrimè dimicavit, proboscidem verò & cornuum robore tandem superata victoriam hostibus cesit. Canes Elefantos lacerare tradit Plinius *H.N. l. 8. c. 40.* Murem Pharaonis

seu Ægyptiacum, qui Ichneumon dicitur, Elephantum etiam invadere scribit Petrus Gillius *in descript. Elephantii*, ubi de illo hæc habet: nihil eô volucius, nihil animosius, ut maxima animalia invadere audeat, v. gr. Equos, camelos, Elefantos, serpentes maximos: ut nihil mirum sit, si invadit crocodilum dormientem & oscitantem. Sylvestres tauros etiam Elephantis infestos esse testatur Albertus.

Peculiarem etiam antipathiam habet cum ariete. Marti dicatus est Aries, præ aliis animalibus frontem habens robustam, Dux gregis cornu feriens, atque hoc pacto terrorem Elephantis incutiens. Gryphes cum aliis animalibus certare, contra Leones autem & Elefantos non stare scribit Ælianus: an autem Gryphes reperiantur in rerum natura multi dubitant, plurimi negant. Si feritate effertur Elephas, ad arietis conspectum statim perterritus, mansuescit & mitescit. Joh. Ruellius *de nat. stirp. l. 1. cap. 22.* Hoc stratagemate usi sunt Romani, qui adductis arietibus Pyrrhi Regis Epirotarum Elefantos in fugam verterunt, victoriamque reportarunt teste Volaterranô. Alii rerum naturalium scriptores asserunt, Elefantos nihil magis domare, quam agnos, quos pariter fugiunt: & sic vincit

Agni mansueti virtus, Elephasque superbus

Agnô conspectô desinit esse ferox.

Vid. *Emblem. mor.* Joh. de Boria p. 187.

Maximè horrent hircum, quô conspectô ob naturæ & morum dissidium, procul dubio etiam foetorem statim aufugiunt, ut & Cerastem seu serpentem cornigerum: item porcum, cujus minimô stridore & grunnitu terrentur, territique retrocedunt. Elefantos porcina vox terret, inquit Seneca *lib. de ira*: imò recens natorum porcellorum clamor illis terrorem incutit, non secus ac generosioribus equis, præsertim Scythicis ruditus asinorum, quem admodum horrent: & hoc fit non tam ob metum, quam odium porcorum, quod enim oderunt, eodem terrentur, imprimis ob absorum vocis acumen. Plura de his vide apud Plinium, *l. c.* Ælium H. A. *l. 16. c. 36.* ut & Strabonem & Ruellium.

Hujus rei memorabile exemplum habetur in rebus gestis Megarensum: cum enim Antipater magnum numerum Elefantorum armatis militibus instructissimorum contra ipsos duxisset, ipsi integrum gregem porcorum incensâ pice oblitorum Elefantis opposuere: cum igitur in mediâ pugnâ porci vehementer percussi, & igne flagrantés valde grunnirent, & discurrerent, totum agmen Elefantorum cum insidentibus militibus in fugam versum est. Nihil enim Elephantis magis infestum est, quam sus, Vid. Scaliger *exercitation. 199. 6.* Verum allegatis Authoribus contradicit Garzias ab Horto *Histor. aromat. l. 1. cap. 14.* imprimis reprehendens

hendens Plinium, quod Elephantos minimò suis stridore terreri & retrocedere scripserit *l. 8. cap. 9.* nam plerumque inquit, fues Elephantorum stabula ingrediuntur, nec eis terrentur, aut eorum præsentia commoventur, sed & in sylvis Malavar multas fues cum Elephantis versari certum est.

Extremò odio prosequuntur mures, quos valde horrent, fastidiuntque ob fracidum odorem, nunquam ex præsepio capientes alimentum à mure attractum: Sic sæpè excelsos animos fatigat parvus hostis: eapropter illi, qui præfunt Elephantis, feles alere solent in stabulis: quod confirmat S. Majolus *dier. cunicular. colloqu. 7.* scribens: ubi degit Elephas, semper contubernalem cattum habet: hinc nata fortè proverbialis locutio: Elephas non captat murem, à quo scilicet vehementer abhorret: causam credit Keckermanus *l. 2. Syst.* in eò positam esse, quod mus sit mucidi odoris, dum nempe in parietum foraminibus & terræ cavernis delitescit, cum liberè ipsi super terram vivere non liceat, contra verò Elephas animal sit exquisiti odoris, quod nullum ferre potest foetorem, sed maximè delectetur rebus fragrantibus: hinc fit, ut Elephas à mure tanquam foetido animali abhorreat, adeò ut pabulum à mure tactum comedere recuset, nec degustet: odorem itaque muris maximè fugit, illiusque aspectu terretur & fugatur: foetidus enim muris odor facile afficit emunctas

Elephanti nares: sagacissimè enim odoratur cum propter nobile temperamentum, quò præditus est, tum propter promiscidem, quam habet prælongam. Vid. Alsted. *Encyclop. l. 7. Phys. p. 6. c. 5.*

Alii putant, Elephantum tam pusillum animal contemnere, prorsus negligere & vilipendere: hinc natum proverbium: *Ἐλέφας μὴ ἐκ ἀλίσκει* Elephas non capit murem: siquidem generosus & excelsus animus averfatur prædas viles & lucella minuta, nec offenditur injuriis tenuium, ut Erasmus loquitur: sed mirum est, tam parvum animal timere Elephantos, quorum aspectum vix Leones ferunt, sed aufugiunt, teste Forerò in *Thier-Buch de Elephant* *p. m. 77.* hinc rectè S. Basilius inquit: Non magis admiror Elephantum ob magnitudinem, quam murem qui horrendus est Elephantis. Ægyptii vero hominem in amplâ dignitate constitutum, qui tamen nullâ decori ratione habitâ vilissima quæque sectaretur, adumbrare volentes, hieroglyphicum Elephantis, qui mures venaretur, proponebant, teste Pieriò *Hieroglyph. l. 2.* Indignus sanè tam vasta mole labor.

Mirum, quod Elephas conspectis vilissimis animalculis, mure videlicet & formica *ἀντιπαθεῖα* quadam occultâ non solum omnem ferociam & vigorem amittit, sed metu & formidine valdopere trepidare & exhorrescere solet, scribit Philippus Camerarius *centur. 1. hor. subcist. p. m. 133.* Documentum sanè insigne, quam

quam citò sublimia & elata omnia concidant, & minimâ levissimâque interveniente occasione in nihilum redigantur. Si Elephanti senserint mures in suis stabulis latere, nunquam nisi contortâ in se & convolutâ promiscide dormient, veriti, ne eam mures aggre-
diantur & mordeant: eâdem planè ratione formicas abhorrent. Vid. Garz. ab Horto *hisor. aromat. l. i. c. 14.* talia minuta enim animalia satis haberent spatii in proboscide irrependi, pulmones intrandi, infarciendi & sic spiritum præcludendi.

Galli gallinacei cantum etiam valdè formidat Elephas & Leo, quorum animalium patulas aures vox ejus acuta nimium ferit: sic etiam campanarum sonitum stentoreasque voces non omnes canes perferre possunt. Pavent propterea etiam formicas, quia verentur, ne irrepentes proboscidem titillando molestias creent. Datur palustris culex, Græcis *ἐλέφας* dictus, Elephantogravis, qui in illius umbilicum penetrat, eumque irritat.

De Draconum & Elephantorum pugna ita scribit Plinius *H. N. l. 8. c. 11. & 12.* India fert Elephantos, bellantesque cum eis perpetuâ discordiâ Dracones ingentis magnitudinis sæpè 20. cubitos longitudine æquantes, ut ipsos facili circumflexu fasciatim ambiant, nexuque nodosò perstringant: commoriuntur utrinque dimicantes, victorque

corruens complexum elidit pondere, quâ de re Rhumelius:

Sternitur ipse Elephas complexu arctante Draconis,

Exitiumque Draco more ruentis habet:

Victorem & victum stulta est victoria tollens:

Ambitionis opus, non rationis erit.

Mira animalium horum solertia est: Draco ad pabulum intentus proceræ arbori se applicat atque ab hac in Elephantum insilit: scit Elephas imparem sibi luctam contra nexûs: itaque arborum aut rupium attritum quærit: cavent hoc Dracones, ob idque gressus impediunt caudâ: resolvunt illi nodos proboscide: at hi juxta hanc caput condunt, pariterque spiritus præcludunt, & mollissimas lancinant partes: in adversos Elephantos se erigunt Dracones, & maximè illorum oculos petunt: ita fit, ut sæpè cæci, fame & mœroris tabe confecti reperiantur. Circa Meroen reperiri Dracones, quibus cum Elephantis pugna esse solet, refert, Strabo *l. 17.* & Ælianô teste Æthiopia gignit Dracones triginta passus longos, qui Elephantorum interfectores nominantur, & ad summam senectutem perveniunt.

Inter serpentes etiam & Elephantos jugis est discordia: insidiæ hœc astu præparantur: Serpentes propter semitas delitescent, per quas Elephanti adfuetis callibus evagantur, atque ita prætermis-
stremos



stremos adoriuntur, ne qui antecesserint, valeant opitulari, ac primum pedes nodis illigant, ut laqueatis cruribus impediant gradiendi facultatem: nam Elephanti nisi præventi hâc spirarum morâ vel arboribus se vel saxis applicant, ut pondere nitibundô attritos necent angues: dimicationis præcipua causa est, quod Elephantis, ut ajunt, frigidior est sanguis, & ob id à Draconibus avidissimè torrente capiantur æstu: denique nunquam invadunt nisi potu gravatos, ut venis magis irrigatis majorem fumant de oppressis satietatem: nec aliud magis quam oculos petunt, quos solos expugnabiles sciunt, vel interiora aurium, quod is tantum locus defendi non potest proboscide: itaque cum ebiberint sanguinem, dum ruunt belluæ, Dracones obruuntur: sic utrinque fusus cruor terram imbit, fitque pigmentum, quod tingere creditur instar minii aut cinnabaris. Vid. Solinus *cap. 38.* Sæpe Dracones Elephantinô sanguine inebriati disrumpuntur. Vid. W. Frantz. *hist. an. p. 1. cap. 4.*

Draconem suâ caudâ Elephantum prostertere tradit Plinius *l. 8. cap. 11.* Solinus *cap. 38. & 65.* Diodorus Siculus *l. 4.* Ælianus *l. 1. c. 43.* Quemadmodum autem Dracones sanguinem Elephantorum exsugentes occidunt eos, & ipsi vicissim eorum sanguine inebriati opprimuntur & commoriuntur; ita sæpe numero in bello pars utraque & perimit & perimitur. Vid. Sim. Ma-

jol. *dier. canicular. col. 2. p. 321.* Mirum autem non est, Draconem omnium maximam belluam viribus & æstu tam dextrè opprimere posse, cum si non proceritate, attamen longitudine eam longè vincat.

Maximus Tyrius tradit, apud Indos Alexandri tempore Draconem fuisse, (quod omnem ferè fidem superat,) quinque jugerum magnitudine, cui boves & oves in cibum Indi ministraverint: & trita est historia apud Livium de serpente, cum quo Regulus veluti cum hoste acie conflixit, vixque machinis ingentes lapides ejaculantibus non absque strage militum dorsum ejus confractum eumque occisum esse. Vid. Philipp. Camerar. *Oper. subcisiv. centur. 2. p. m. 377.* Dari Dracones aquaticos Leyelus refert, qui Elephantos flumina transeuntes complectuntur, pedesque eorum spiris suis multiplicibus implicant, ut quasi ligati cadere cogantur: obnititur autem Elephas, & proboscide suâ pedibusque nodos divellere conatur: id quando ipsi succedit, Draconem proboscide circumvolutum necat & abjicit: addit idem Author, visum fuisse talem Elephantum vincentem, qui anguem ducentarum librarum hâc pactô enectum magnô intervallô ex flumine in ripam tanquam lapidem è funda ejaculatus fuerit: paucis, quod sciam, notatum, quod Elephas instar amphibii proboscide super undam elevatâ flumina permeet: cum enim ob molem corporis

ris natare non possit, undis immer-
sus & quasi invisibilis factus in
fundo alvei ad oppositum litus am-
bulat, hâcque ratione facilè ab
ejusmodi monstro corripì potest.

Angues in Æthiopia Elephantos
profligare, profligatosque dilaniare
tradit Diod. Siculus l. 8. c. 37. Inter ser-
pentum genera autem Dracones ii
vocantur, qui corpore sunt imma-
niores, & vastiore magnitudine, de
quibus proverbium:

Ὄφις ἐν μὴ φάγη ὄφιν, δράκων δ' ἐν γένει
σεύει,

id est:

Anguis nisi anguem comedat, non
fiet Draco.

Hanc Draconis cum Elephanto
pugnam apud Pierium Valerianum
in *collectan. hieroglyph. l. 2. p. m. 51.*
egregiè descriptam legimus sequen-
ti modo: ab altis scilicet arborum
ramis Elephantum velut ex insidiis
& excubiis moratus Draco

Totas observat luces, dum bellua gres-
sum

Hûc inopina ferat: ramis tum præpes
ab illis

Defilit, & circum sinuosa volumina
fundens

Nodosis Elephanta modis & nexibus
angit,

Nuda cui laxare sinus & vincla potestas:
Ergò amens Elephas trunco rupique
propinquat,

Sic illifusus saxum quem longius ho-
stem

Si ferat, extremos gemitus effundit in
aëras:

Protinus exsolvit nodos, & corpore
lâpsus

Crure Draco spiris asper sic implicat
arctis,

Ferre ut is alterius nequeat præ com-
pede gressum:

Dum nodos Elephas pugnat laxare te-
naces

Vana fremens, adhibetque manum,
simul impius anguis

Inserit os | ori, penitusque illapsus in
altum.

Spirantes animæ caulas atque ostia
claudit:

Atqui Cadmæo similis fortuna trium-
pho:

Nam submissus humum vitâ fugiente
petescens

Immani Barrus Victorem pondere fran-
git:

Mutua causa necis, &c.

& sic Elephas

Contemnit mortem, qui non moriturus
inultus

Una etiam est hostis certa ruina sui.

per quam pugnam miseriam bello-
rum civilium hieroglyphicè adum-
brat Poëtarum Gallorum facilè
princeps, in nobili Poëmate quod
hebdomas ab ipso dicitur.

Apud Indos graves inter se ge-
runt inimicitias Draco & Elephan-
tus: Dracones haut inscii ex arbo-
ribus ramos decerpere Elephantos
in suum pastum solere, in has ar-
bores primò serpunt, postea sui
corporis dimidiam partem, quæ ad
caudam pertinet, arborum foliis
circumtegunt, alteram & antero-
rem partem funiculi instar appen-
sam demittunt: eò cum accessit Ele-
phantus ad arborum cacumina col-
ligen-

ligenda, Draco in hujus oculos infiliens illos effodit, & tandem constrictum tenens inusitatô & novô quodam laqueô strangulat. Ælianus *l. c.* Variam hujus dimicationis historiam apud plures Authores reperire licet. Secundum Plinium Dracones Elephantis insidiantes ad amnes se conferunt, ubi in bibentium aures morsum defigunt, gnari illas non posse proboscide defendi.

Taprobana maxima Indorum Insula Elephantos alit & serpentes, qui omnium aliorum serpentum naturam superant: hi Elephantos aggressi pedes eorum suis impli- cant spiris, & in terram dejectos vorant, sæpè tamen pondere illorum obruti commoriuntur: in horum Draconum capitibus pretiosissimos lapides reperiri fama est: & hi etiam morsu imprimis adoriuntur Elephantorum aures, quas ab Elephanto malè posse defendi norunt: resolvunt Elephanti in hac pugna Draconum nodos seu spiras proboscide: sæpè Draco petit oculos, ex quo fit, ut occæcati Elephanti plerumque fame contabescant.

Paulò aliter hanc pugnam describit Philo Judæus libro *de incorruptibil. Mund. p. m. 744.* inquit: De Draconibus Indiæ referunt, subrepere illos Elephantis vastis belluis, ac terga ventremque totum nexu obvolvere, moxque aliquâ venâ apertâ bibere sanguinem exsugendo & absorbendo avidè: illos verò aliquantisper resistere subsul-

tareque anxios, & latera pulsare promuscide, si quo modo queant Draconum vim depellere, sed deficiente vitali spiritu non posse salire diu, stare tantum & cutem concutere: paulò post deficientibus etiam cruribus exhalare animam: quibus collapsis etiam interemptores eorum una perire in hunc modum. Dracones absumptô alimentô conantur illos suos nexûs dissolvere, & expedire se cupiunt: sed Elephantorum pondere premuntur graviter, præsertim quæties inciderunt in terram saxosam & solidam: torquentes enim se & nihil non tentantes, ut dissolvantur, nihil proficiunt tantâ mole tardante: donec post multos conatus irritos destituuntur viribus, & velut rupis parietisque ruina occupati ne caput quidem valent attollere, atque ita suffocati pereunt.

Sanguinem Draconis in hac pugna effusum, à terrâ absorptum, & cum sanguine Elephantorum sic vulneratorum & commorientium confusum veteres pro miniô nativo habuere, ut scribit Excell. Dn. D. Joh. Dan. Major in *dissertat. de usu & abuso Mercurii.* Cinnabarim Indicam vocat Libavius *Synt. Chym. l. 7. c. 15.* Michael Majerus in Viatoriô hanc pugnam describit sequenti modo: Elephantis internecinum hostem se offert Draco prægrandis: hic ut tam vastæ belluæ, cui viribus longè impar est, damnum inferat, non audens apertô Marte cum eâ confligere, rem ex insidiis aggreditur hōc

modô: observat, quâ viâ Elephas ab aquatu rediturus sit, eandem, ubi arctior est, præoccupat, seseque in inferiore locô abscondit, donec Elephas aquâ ingurgitatâ prætumidus accedat, cujus pedibus nexus & gyros suô corpore sinuoso injiciens sanguinem libat & haurit: tandem ubi viribus defecit Elephas, Draconem circum se in nodum reflexum, jam cruore saturatum, deque victoriâ contra hostem obtentâ securum, suô pondere in terram corruens, ipsa morte vindictam sumens conterit & exstinguit, omni regurgitante & effuso sanguine, qui post Draconis, (licet potior pars Elephanti sit,) dicitur, ad medicinam aliasque necessitates hominum non inutilis.

An autem hic Draconis sanguis in officinis pharmaceuticis sit semper reperibilis, dubitare licet: officinalis enim Draconis sanguis nihil aliud est, quam gummi ex Regione thuriferâ & Atlantici maris S. Portus Insulâ, qui inspersus vulneribus hæmorrhagiam sistit, nonnullis Cinnabaris Indica dictus: est instar sanguinis rubens lachryma, quam nec Dioscoridem, nec Theophrastum aut ipsum Plinium exactè cognovisse certum est: id quod & Aloysius Lusitanorum Nauclerus in sua navigatione cap. 4. confirmat, quando scribit, incolas Insulæ St. portus statô anni tempore corticem arboris cujusdam ferrô incidere, unde subsequente annô gummi ubertim destillat, quod in ahenis ad sanguinis

concreti colorem & spissitudinem decoctum, sanguinem Draconis ob similitudinem appellant: at Joh. Langius *Epist. 65.* veretur, ne noster sanguis Draconis in pharmacopoliis venalis sit sanguis caprinitus cum minio vel sorbis contritis decoctione inspissatus, pictoribus magis quam Medicis usui futurus.

Antiquitas etiam credidit, Elephantos cum serpentibus dimicare, quod apparet ex nummô, cujus meminit Sigonius Libr. Roman. in cujus unâ parte videtur imago Elephantis, & sub hujus pedibus anguis.

Canes Elephantos lacerare refert Plinius *H. N. l. 8. c. 40.* Legimus, petenti Indiâ Alexandro M. à Rege Albanix duos canes missos, quorum alter apros & ursos sibi oblatos usque adeo sprexit, ut quasi offensus degeneri prædâ ignavo similis diu accubaret, quem per ignorantiam velut inertem Alexander occidi imperavit: alter verò monitu eorum, qui donum persecuti fuerant, Leonem admissum necavit: mox visô Elephantô notabiliter exultans, belluam primum astu fatigavit, deinde cum maximo spectantium stupore terræ afflixit: hi canes ex Tigride & cane nati putantur, invictæ virtutis & roboris admirandi. Vid. Philipp. Camerar. *hor. succisv. Centur. 1. cap. 24.*

Pugnant præterea inter se vehementer, ut tradit Aristoteles *l. 9. H. A. cap. 1.* & alter alterum cornu ferit: victus præ nimio pudore vocem fugit



git victoris, terram ac verbenas porrigens: herbam verò à victo porrigi, vel proverbio constat. Rex Indorum quotannis destinat diem unum cum hominum tum bestiarum certaminibus: committuntur autem pugnaturæ & aliæ bestiæ, quemadmodum etiam Elephantis: hi ad certamen ut incendantur, promuscide suâ se sponte verberant. Vid. Ælian. Crudele est spectaculum, quando Elephantis veluti monomachiâ præliantur: siquidem non modo cornibus singuli suum adversarium impetere student, & magno interdum impetu collis caputibus concurrunt, adeo ut sæpe alteruter eorum capite fractio prosternatur. Vid. Garz. ab Hort. *histor. aromas. l. 1. c. 14.* Dimicant inter se collis cornibus & implicata proboscide tamdiu, donec unus cadat in planitiem. Pulchrum spectaculum erat, scribit Polybius *lib. 5.* Bellæ ipsæ bellicæ totis viribus inter se erant decertantes, & cum impetu aliæ in alias irruentes: nam Elephantis ferè hoc modo inter se pugnant, complexi invicem, dentibus seu cornibus commissis, quantâ maxima vi pollent, in eodem vestigio connituntur, de statione dimicantes, donec victor tandem alter evadat, & alterius proboscidem impulsu suo dimoveat: ubi verò semel inclinata bestia latus patet, cornibus victor infligit vulnera: nonnunquam in hoc certamine tanta fit cornuum collisio, ut prorsus diffringantur. Libyci verò Ele-

phanti neque odorem neque barrierum ferunt Indicorum: sed cum magnitudine, tum robore illorum perterriti, properè antequam appropinquent, aufugiunt. Eorum pugnam in Circo primum dedisse Cnejum Pompejum refert Asconius Pedianus in *Pison. p. 166.*

Indicum Elephantum Afri pavent, nec contueri audent: nam & major Indis magnitudo est. Vid. Plin. *H. N. l. 8. c. 9.* In magni Mogolis Regno aliquando ad nutum Regis quadraginta Elefantos tam acriter inter se dimicasse constat, ut opus fuerit, pyrobolis objectis & ardentibus tadis illos disjungere, & sic pugnam discernere.

In Imperio Magni Tartarorum Chami dimicant cum equis sylvestribus, quos proboscide circa collum apprehensos strangulant & prosternunt. Vid. Theodor. de Bry *part. 11. Ind. Or. fig. 5.* Ibidem magnam dari copiam Elefantorum ferorum viatoribus insidiantium, quos noctu ingenti accensa pyra abigere solent, delineat idem *fig. 6.*

Ostenso & asperso sanguine, quò in bello excitari solent, ut scribit Lemnius in *similitud. parabol. bibl. c. 35.* ut & succo mororum in furorem & rabiem animari Elefantum referunt, cujus rei memorabile exemplum liber primus Maccabæorum *cap. 6. v. 34.* præbet: Rex Antiochus centum millia peditum & viginti millia equitum cum triginta duobus Elefantis ad prælia institutis

contra Judæos produxit in aciem: Elephantis autem sanguineus uvarum & mororum liquor ostendebatur, ut magis irritarentur ad prælium: hujus rei causam esse scribit J. Sperling. in *Zoologia Physica* pag. 167. sympathiam inter sanguinem & colorem rubrum, cum simile moveat simile, & rubrarum rerum intuitu ruber agitetur sanguis, quò agitatò spiritus commoveantur, & ira excitetur: hinc aspectu coloris sanguinei, puta purpurei & rubicundi, valde excandescunt: (fortassis etiam hauserunt Elephantis imperante Rege vinum rubrum, quo videlicet apprimè delectantur,) : aspectu rerum rubrarum etiam alia animalia, videlicet tauri, galli Indici &c. non soli Elephantis afficiuntur: hinc venatores Elefantos captaturi omnem operam perdunt, si in rubris vestibus conspiciantur.

Sic jure meritoque *Institut. lib. 4. cap. 1.* furti tenetur, qui rubro panino turbatum armentum fugaverit: nempè ut in fures incidat. Imprimis autem pugnaces feræ intuitu rerum rubrarum commoveantur: sic in Hispania bey dem Stier-Gesichte illi, qui cum tauris in spectaculis dimicant, rubris tunicis induti in arenam profilire consueverunt, quasi ita illos magis irritaturi: ejusmodi objectis rubris agitari & commoveri sanguinem passim receptum est apud Medicos, qui hanc ob causam in sanguinis ipso, hæmorrhagia narium aliisque

sanguinis profusionibus communiter vetant ipsum sanguinem aliasque res rubras intueri, & ad cærulea & nigra potius jubent oculos convertere: contra morbillis laborantes præcipiunt rubris indumentis operiri, & cubilis in quo decumbunt, parietes rubris tapetibus tegi: in illis quidem timentes, ne sanguis amplius agitatus erumpat: in his sperantes fore, ut ita abundantius exanthemata ad cutem emergant: subscribit Galenus *Lib. de subfiguratione Empirica* inquiens: calor rubeus sanguinem exspuentes irritat, in reliquis verò passionibus & symptomatibus ipsa experientiâ attestante planè inutilis est: causa est spirituum agitatio, ut supra dictum. Franciscus Vallesius *de Sacra Philosophia cap. 82.* scribit, se novisse quendam, qui oculos in objectum rubrum aliquantisper attentius conjiciens non aliter totò vultu afficiebatur, ac si vinò æstualet, aut erysipellate corriperetur: id verò cum non æquè accidit omnibus, constat in illis magis contingere, in quibus cum sanguine spiritus sunt magis agiliores: sic qui ophthalmiâ aut suffusione cruenta laborant, splendoris rubri conspectu plurimum læduntur.

Nec splendidis atque albis indumentis vestiri debent, qui ad Elefantos appropinquant: cum constet, etiam hujusmodi colore hæc bestias efferari: idem habet Plutarchus libro de Alexandri fortuna scribens, tauros phœniceis irritari, Elephant-

phantos verò albis efferari coloribus, ut Cœlius etiam observavit: inter colores itaque puniceum imprimis & candidum refugiunt.

Ignem conspectum adeò expavescunt, ut eo territi à fuga revocari non queant: quâ re ab iis non cognitâ, qui alicujus Elephanti curam gerebant Romæ, in cujus dorso turriculam construxerant, eò die, quò Julianus Medices Pontificis Max. frater uxorem è Gallia duxit, in magno vitæ discrimine versati sunt: nam ubi bellica tormenta ignem eructantiâ conspexisset, magnumque & terrificum sonum audivisset, tam præcipiti fugæ se dedit, ut non cohiberi potuerit, donec unâ cum conclusis in turriculâ hominibus in Tiberim se proripuerit. A. Matthiolus *comment. in l. 2. Dioscoridis cap. 50.* adeò enim pavet hoc animal ignem, ut nulla â re alia magis terreatur: ob id viso igne statim fugam capit, nec gradum revocat: id docuit Livius exemplo Elephantorum Hannibalis, qui in Capuana obsidione in fugam versi sunt per ignem: tantopere enim consternantur, ut nullâ ratione adduci possint, ut gradum sistant: ardentibus facibus eos facilè in fugam agi, Vartomannus author est.

Admodum pavent explosa tormenta bellica, præsertim primâ vice illa audientes, tandem autem assuefacti minus terrentur, ut scribit Joh. Hugo de Linschoten *p. 4. Ind. Or. cap. 2.* Tubarum clangor, armorum strepitus, venatorum cla-

mor & ululatus, faces accensæ, torres igniti in ipsos ejaculati illos vehementer perterrefaciunt, unde adeò sæpè impelluntur, ut interdum in foveas, quas ante declinabant, illabantur: in fugam acti incensis sylvis ab eâ cohibentur, obvia tamen quæque, v. gr. arbores, dumeta & similia prosternunt, per quæ tanquam per segetes transcurrunt, eaque tanquam spicarum calamos perfringunt. Elephantorum vim magnâ propulsum, quos flammis injectis undique vexatos, jam corporibus tactis retrorsum gradientes Magistri retinere non poterant, mentionem facit A. Marcellinus *lib. 19.* Igne enim injecto turribus crematis amplius in acie stare non possunt, sed fugâ se proripiunt, sæpè in suos conversi: quo in casu fabрили scalpro juxta aures adactò à propriis Rectoribus Asdrubalis invento necabantur. *Oros. l. 4. cap. 18.*

Memorabilem historiam hæc de re recenset Joh. Bapt. Tavernier in relatione de Regno Tunquin *cap. 11.* Modernus Indiarum Rex, aliàs magnus Mogol obsidione cinxerat urbem Daman ad Lusitanos pertinentem cum 60000. armatis & 80. Elephantis: qui urbi præerat Gubernator, vir fortis, cum videret, se tanto exercitui esse imparem, non solum armis, quantum possibile, urbem masculè defendit, sed præterea sequenti usus est stratagemate: mediâ nocte cum equitibus & pedibus, quorum singuli hastam gesta-

bant, ad cuius cuspidem alligata erat combustibilis materia, ex urbe egreditur ad hostium castra: cumque ad Elefantos ventum esset, sine mora hastas incendi iussit: successit negotium: nam Elephanti igne territi non amplius regi poterant, sed in fugam versi irruebant in ipsos Indos, quos gladiis ad proboscides alligatis trucidabant, & quoscunque obvios ut & ipsa territoria pedibus proterebant: nec minus Lusitani hostilem exercitum undiquaque adoriebantur, quem à bestiis in confusionem redactum facile superabant caesis hostium 20. millibus & opimis spoliis reportatis.

Cum in bello contra Epirotas primò concursu Pyrrhi milites Romanorum impressione trepidarent, circumspectantesque fugam bellò cedere molirentur, Pyrrhus Elefantos ex subsidiis iussit induci: Romani assueti jam pugnare cum belluis, cum malleolos stupâ involutos ac pice oblitos, uncis insuper atque aculeis tenaces præparavissent, eosque inflammatos in terga belluarum turresque vibrassent, non difficulter furentes ardentesque bestias in eorum excidia, quorum subsidia fuerant, retorserunt. Vid. Johann. Cuspinian. *in commentar. in Consul. p. m. 155.* Dantur tamen Elephanti à teneris igni assuefacti, ita ut nec pyrobolos in se coniectos curent: sed vix inter ducentos 15. vel 20. deprehendas tam generosos, qui visis flammis non percellantur, ut scribit

J. B. Tavernier *in Relat. de Regno Tun. quin cap. 11.*

Cum Indis & Libyæ incolis in venatione pugnant sequenti modò: in primâ acie collocant imbelles, seniò confectos, & quibus cornua mutilata sunt: quos ut levis armaturæ milites pro sustinendò primò impetu præmittunt, quasi eos non magni æstimantes: his laborantibus & in pugnâ deficientibus opem ferunt robustiores: victi & in fugam versi servant ordinem & fidem, sociosque nunquam destituunt: majores natu & validiores vulneratos, debiles, fessos & grandævos cum famellis & catulis in medium agmen recipiunt, sibi associant, eosque pro virili defendunt. Fœminæ communiter masculis sunt pavidiores.

In spectaculis olim cum hominibus Elefantos dimicasse constat: celebris est unius Romani militis pugna adversus Elephantum, cum Hannibal captivos inter se dimicare coegisset: nam unum qui superarat, objecit Elephanto, qui dimitti pactus, si Elephantum interemisset, solus in arena congressus cum magno Panorum dolore bestiam confecit: Hannibal cum famam hujus dimicationis contemptum allaturam belluis intelligeret, equites submisit, qui abeuntem interficerent.

Primò omnium Romæ pugnas Elefantos tradit Fenestella in Circo Claudii Pulchri ædilitate Curuli, M. Antoniò, A. Posthumò Coss. Anno U. C. 655. Item post annos 20. Lucullorum ædilitate Curuli adversus

Tau-

Tauros, de quâ pugnâ Martialis hæc habet:

Qui modò per totam flammis stimu-
latus arenam

Sustulerat raptas Taurus in astra pi-
las,

Occubuit tandem cornutò ardore pe-
ritus

Dum facilem tolli sic Elephanta pu-
tat.

cum bubalis etiam illos pugnare Albertus Magnus author est.

Cn. Pompeji alterò consulatu in dedicatione templi Veneris Victricis pugnare in Circo XX. Elephantis, Getulis ex adverso jaculantibus, mirabili unius dimicatione, qui pedibus confossis repositis genibus in catervas, arrepta scuta jaciens in sublime, quæ decidentia voluptati spectantibus erant in orbem circumacta, velut arte non furore belluæ jacerentur: magnum & in alterò miraculum fuit unò ictu occisò: pilum enim sub oculo adactum in vitalia capitis penetraverat: pugnaverunt porro sub Cæsaris Dictatoris tertio Consulatu viginti contra quingentos pedites: iterum totidem turriti cum sexagenis propugnatoribus eodem quò priores numerò peditem & pari equitum ex adverso dimicante: postea pugnaverunt singuli sub Claudio & Nerone: quò collimat Ausonius ita canens:

- - - ut Lucas boves

Olim resumtò præferoces præliò

Fugit juvenus Romula. - - -

Ab aquis etiam sibi metuunt: ideo difficulter ab Hannibale per flumina ducti sunt, ut Polybius *hist. l. 5.* & Livius *hist. l. 21.* testantur. Apud Plinium averis vestigiis earundem metu Puteolis à navi abivisse legimus: attamen L. Cælius Metellus junctis doliis per mare Siculum eos transmisit, cum naves deessent.

Frigoris etiam sunt impatientissimi secundum Aristotelem *H. A. l. 9. cap. 46.* Solin. *cap. 38.* Jonston. *loc. cit.* imò à frigore enecantur. Sic refert Polybius *hist. l. 3.* Hannibalis Elephantos universos, unò exceptò, imbribus ac permistâ nive, dum Italiam bello lacefferet, fuisse absumptos: quâ de re Augustinus de Civitate DEI *l. 3. cap. 19.* ita scribit: cum Hannibal primo vere in Tusciam transfret, in summò Apennino monte correptus frigore & biduo nivibus conclusus cum exercitu obrigit: ubi magnus numerus hominum, jumenta quamplurima & Elephantis penè omnes frigore perierunt. Itaque ut igne vincuntur, sic frigore moriuntur.

PARTIS I. CAPUT XVII.

De Elephantis Sympathia & Fidelitate differit.

Homini amicum esse Elephantum Cicero *lib. 3. de Natur. Deor.*

scribit: ubi refert, quosdam in eâ opinione versari, quandam huic bel-

belluæ cum genere humano societatem esse: quod confirmat Philostratus *l. 2. de Vita Apollonii* inquiens: Elephantum, ubi semel homini assuevit, ab eo omnia pati, ex eoque morum similitudinem in se transferre, neque aliter quam parvum canem ex hominis manu gaudere cibum capere, atque ad se accedentem promuscide complecti, eumque caput intra fauces immittere facile tamdiu pati, quoad homini libitum fuerit.

Quæ de cujusdam Elephanti erga infantem amore produntur, apud Athenæum & Ælianum legimus: traditur quoque unus amasse quandam faminam in Ægypto corollas vendentem: ac ne quis vulgariter electam putet, mirè tum eandem gratam fuisse corivali Aristophani celebri Grammatico: de quo Passeratius in encomio Elephanti habet sequentia:

Nilus adhuc celebrat miros unius amores,

Exarsit Phariæ qui percitus igne puellæ.
Certavitque suis rivalem expellere donis:

Nam modò collatos trepidanti à plebe quadrantes,

Poma modò involvit gremiò furtiva reductò:

Idem de Menandro Syracusano hæc habet: gratus erat

Illi Sicanius florenti ætate Menander:
Cujus & aspectu præsentis lætus, & alvò
Absentis desiderium testatus inani.

Valdoperè amant suos benefactores edulia sibi præbentes, quos pro-

boscide leniter demulcent & complectuntur, & quantum possunt, testantur affectum, id quod Augustæ Vindelicorum aliquoties mihi videre licuit: memorabile hujus rei exemplum refert Ælianus de Indo quodam, qui Elephantum album à teneris aluerat: eoque post cicurationem ad equitationem usus, atque ab ipso redamatus fuerat: Regi Indorum placebat hic Elephas, eumque postulabat sibi donandum ab Indo, qui recusans cum Elephanto in desertum longè dissitum aufugit: Rex hæc de re certior factus fugientem persequi, & comprehensum cum Elephanto adducere satellitem jubet: quos advenientes Indus ex abrupta rupe lapidibus excepit, & tamdiu persecutoribus restitit, donec tandem ex alto præcipitatus occumberet. Elephas altore suo sic privatus in aggressores irruit, & plurimis occisis cadaver sui nutritoris asportans & fugam capeffens ad tutiora loca se recepit: pariter illos

natale solum dulcedine mirâ

Ducit & immemores non finit esse sui: nam ad extera loca ducti dum novo vitæ generi assuescere coguntur, id ægerrimè ferunt, & subindè Patriæ dilectæ memores frequentibus suspiriis & gemitu dolorem suum manifestant, imò hujus acerbitate victi sæpenumerò vitam cum morte commutant.

Singulari amore Rectores suos prosequuntur, injuriarum quoque ipsis illatarum memores, ut hinc optime

optimè Seneca scripserit, Elephantorum feritatem usque in servile obsequium demereri cibum. Sanè à quibusdam aurigas suos, qui in certamine ceciderant, ex prælio exemptos, alios ab aliis servatos Strabo *Geogr. lib. 15.* author est. Cassiodorus verò *lib. 10. varior.* scribit: cum Magistri compendia sua putet alimenta, illum motu corporis à diversis postulare, quod ei porrigat: quod si, inquit, aliquis præbere contempserit postulata, velicæ receptaculò patefactò tantam dicitur alluvionem egerere, ut in ejus penates quidam fluvius videatur intrasse, contemptum vindicans foetore. Quidam Cochini militem Magistro suo obvio cedere renuentem aliquoties flumine merfit, ut Christophorus Acoſta refert.

Porò Indorum Rege vulneribus confectò, Elephantum sensim ac leniter multa spicula promuscide retraxisse, & ipsum jam malè affectum non prius procubuisse, quam sentiret Regem exsanguem delabitum demum, ne corrueret, paulatim se demisisse, ut Rex commodius se ad solum inclinare posset, refert Plutarchus *de solert. animal.*

Prolem suam amat valdoperè, non autem more simiarum: nutrit eam, ac fortiter tuetur contra hostes: flumina transiturus proboscide elevat catulum, ne sibi relictus suffocetur. Suaves cantus vehementer amat, & Musica delectatur. Vid. W. Franzi *hisor. animal. part. 1. cap. 4.* Ludovic, ab Hornigk

Würg. Engel *p. m. 671.* Hinc Ælianus *l. 2. de animal. c. 44.* refert, Elephantum Indicum robore ætatis confirmatum, si capiatur, ex feritate ad mansuetudinem ægrè adduci, nisi harmonico sono: instrumento quodam musico, inquit, (scindapsum vocant,) vernaculam cantunculam ei canunt: is animum attendit, auresque ad audiendum arripit, & suavitate illius demulcetur, sicque animi incitatio comprimitur: tunc paulatim in appositum cibum respicit, & à vinculis solutus cantu delinitur, nec amplius à mansuetudine ad pristinos mores deficit, sed cibo libenter veluti conviva fruitur, nec ullo alio modo efficacius comprimit ferocitatem.

Omnia benè olentia amant, unguentorum & florum odore permulcentur: quapropter sæpius in prata ad legendos flores aguntur, quorum suavitate impensè delectantur: ipso enim odoratu flores internoscentes colligunt, atque etiam hos lectos in calathum inferunt, quem eorum Rector sustinet: hunc postquam floribus compleverint, lavatione similiter atque homines lauti gaudent: post cujus usum reversi eo loco, ubi quasillum floribus plenum reliquerunt, illum expetunt: quem si Rector afferre tardaverit, barritum edunt, neque prius cibum capiunt, quam flores collecti afferantur, quibus allatis suum præsepe ornant, stabulumque conspergunt, majorem in cibo capiendo suavitatem sic sibi

comparantes: acutissimo enim odoratu pollent, (id quod forsitan propter naſi longitudinem illis contingit, velut auritis acutius audire,) quo beneficio naturæ etiam venatorum infidias fugiunt, herbâ, quam ſenſerint humanis calcatam vesti- giis, evulsâ & ad odorandum ad-

motâ. Cum navibus immittuntur, pons utrinque ramis frondescenti- bus adornatur ad fallenda hæc ani- malia, quos cum vident, putant, se per terram iter facere, siquidem illis sic facultas mare videndi adi- mitur, inviti enim ad naves se con- ferunt.

PARTIS I. CAPUT XVIII.

Elephanti morbos & mortem proponit.

QUæ privativè Elephanto oppo- nuntur, sunt morbi, & quidem difficulter curabiles, illas moles in- festantes, ut loqui amat Plinius *H. N. l. 8. c. 1.* suntque diversi, quos tandem presso pede sequitur mors ultima linea rerum. Imprimis au- tem à frigore & hyeme, cujus se- cundum Aristotelem *H. A. l. 9. cap. 46.* impatiens est hoc animal, valdè læditur, unde totius corporis inflationem atque profluvium alvi patitur. Remedium est vinum ru- bellum vel nigrum in bonâ quanti- tate haustum & illitum, quo etiam plurimi eorum morbi curantur: in- terdum tamen efferantur vino (ni- miô) vel potô vel solum conspecto: hordei autem succo mitigantur, quod ex Plinio & Solino notat Sam. Bochartus Hierozoic. in *præfat.* Præ- ter inflationes & profluvia vix alios morbos sentiunt, ut scribit Nic. Perottus in *Cornu Cop. pag. 693.* Potionem aquæ calidæ & fœnum

melle imbutum pro cibo alii com- mendant.

Morbis ex inflatione sic contra- ctis non possunt excrementa vel alvi vel vesicæ commodè deponere: fluore verò alvi diuturno tentati valdè debilitantur: à plerisque cæ- teris morbis secundum Plinium *H. N. l. 8. cap. 10.* sunt immunes. Terram edisse illis tabificum est, nisi sæpius mandant & assueſiant. Æstivo tempore calore Solis ingra- vescente Elephanti more porcorum crasso se immergunt cœno, quo vim caloris depellunt, & postmo- dum in umbrosis saltibus & spe- luncis, vel sub arboribus, quæ ra- morum frequentia eos operiunt, refrigerantur.

Elephanti naturâ melancholici sunt admodum: noctu pavent & insomniis metum incutientibus sæ- pè divexantur: sed præſens reme- dium est, si eorum Rectores tergis illorum insideant, semperque eos allo-

alloquantur, ne dormiant. Ob libertatem ademptam sæpè contristantur, imprimis in solitudine constituti: quâ de re pulchrè Johann. Cunr. Rhumelius:

Venantum insidiis Elephas si captus
iniquis,

Mox gemitu deflet fata dolenda
gravi:

Servitii impatiens luctu deprensus in
ipso

Angitur à questu desinit atque suo.

Interdum adeò in Zelotypiam rapiuntur, ut prorsus efferentur, & tantum non furibundi reddantur, disrumpantque catenas & vincula: cujus mali curatio est, si Rectores eos ducant in agros, & graviter objurgent, ut scribit Garzias ab Horto *hist. arom. l. 1. cap. 14.* Tam effrenati interdum sunt, ut nullis habe- nis cohiberi possint: quò fit, ut liberè illis incedere permittatur: verum cum maximè suis Gubernatoribus pareant, eorumque sermonem intelligant, idcirco tandem verbis facile reguntur. Vid. Andr. Matthiol. *in comment. lib. 2. Dioscorid. cap. 50.* Insanus Elephas & furens ariete conspecto mansuescit secundum Joh. Ruellium *de Nat. stirp. l. 1. c. 22.* hujus cornua horret teste Ælianò: maxime etiam ab hirco, cerasæ & porco.

Chamæleonte cum cibò fortè deglutitò valdè & usque ad interne- cionem ægrotare solet, contra quod malum antidotum ipsi sunt oleæ sylvestris folia devorata: vid. Joh. Baptist. *Port. Vill. l. 6, c. 9.* Interdum

accidit, ut bibens cum aqua hiru- di- nem seu sanguisugam simul hau- riat, quò factò cruciatum maximum sentit, & in præsentissimum vitæ con- jicitur periculum: quando enim hæc in ipso animæ canali, ut Plinius lo- qui amat, sedem fixit, intolerabilem inferre solet dolorem: simile ipsi accidit post terræ glebas aut lapides devoratos, quod interdum facere so- let: ægrotant, inquit Aristoteles *l. c.* si comedant terram, nisi eâ frequen- ter utantur: sic enim nihil mali sentiunt. Casp. Reies *in Camp. Elysio jucundarum questionum cap. 58. §. 39.* scribit: Elephantos terrâ pro medi- camentò, non pro alimento uti: ita- que non quâcunque terrâ vescun- tur, sed peculiari & lapillis inciden- di, detergendi attenuandique virtu- te præditis, ut naturæ instinctu fla- tibus & urinæ suppressioni, quibus malis sunt obnoxii, medeantur, quod etiam affirmat J. C. Scaliger.

Arundinis in fundo stomachi Ele- phanti, qui magno Mogoli charissi- mus erat, radicata & in folia efflore- scentis ex Athanas. Kircherò sit- mentio Ephemeridum *N. C. Decad. 3. an. 9. obs. 15. & observ. 109. an. 3. p. 178.* quæ procul dubio animali funesta fuisset, nisi Medicus quidam Euro- pæus cum ingenti Monarchæ lætitia, magnò suo fœnore & cum populi ad- miratione illam extraxisset brachiò in fauces adaçtò, belluâ id libenter permittente, & proboscide suâ ori admotâ, quod in stomacho aliquid lateret, monstrante: simile accidit fœminæ loco citato memoratæ, cui

nucleus mali ad longitudinem digiti in ventriculo germinans mortem intulerat, quod post apertionem cadaveris tandem innotuit. Sic in puellâ Wimpinenſi piſa intra ventriculum germinantia digiti longitudine ſuffocationis periculum inſignicum anguſtia excitaffe & tandem vomitu rejecta fuiſſe legimus in appendice *ad Ann. X. Decur. II. Ephemerid. Med. Phyſicarum N. C.*

Nonnunquam oculorum affectus patitur Elephas, qui ſecundum Ælianum curantur lacte vaccino tepido oculis inſtillato, quo remedio deliniti ſtatim oculos aperiunt, & cum voluptatis ſenſu Medicinam agnoſcunt.

Laboribus nimiis vel itinere deſtigatus fricantur oleo, ſale & aqua. Si morbum imminere ſentiunt, præfertim in novilunio, quando adhuc liberi & ſui juris ſunt, vivô flumine ſe purificant, Deorum auxilium implorant, herbas cœlum verſus jaciunt, earum internuntiô præces quaſi ablegantes. Vid. Pier. Val. l. 2.

Vulnera captorum primô aquâ tepidâ eluuntur: profundiora butyrô non ſalutô leniuntur, poſtea ſuillæ carnis recentis & ſanguine madentis admotu inflammatio tollitur ſecundum Joſtonum: quod remedium etiam ipſorum ulcera curat. Aloe & butyro recenti nonnulli ipſorum vulnera curari ſcribunt: in venationibus ſi quis eorum ſit vulneratus, cæteri aloes lachrymas vulneribus illinentes tanquam Medici ægrotantibus aſſiſtunt, teſte Philoſtratô: ſagittas

educit velut in cervis & capris ſylveſtribus dictamni radix & folia cum potu hauſta, ut & oleum commune: ſi ſpiculum in corpore ineſt, ejicitur illud oleô hauſtô ſecundum Ariſtotelem l. c. Olei potu tela corpori illorum inhærentia decidere invenio, ſcribit Plinius l. 8. c. 10. Mich. Ephēſius aſſerit, ejici quorundam opinione ſpicula ex corpore potione vini. Sunt qui oleum bibere reſuſant, iis radix tyrtami, (fortè dictamni,) in vinô datur: ſagittas infixas ipſis ejici radice dictamni in vino potâ ſcribit D. C. Hornius in *Eleph. p. 158.* Cum vel haſtâ vel ſagittâ ictus eſt Elephas, oleæ flore vel ipſo olivarum oleo curatur ſecundum Ælianum. Ulcera ſecundum Strabonem ſuillis carnibus foventur: cum humeri dolent, & ab impoſitis ſarcinis attriti ſunt, iisdem carnibus appoſitis & vino rubro, quod in plurimis illorum morbis intrinſecus adhiberi ſolet, juvantur.

Catarrhis illos laborare, iisque aliquando in lapidem concreſcentibus, (cujus iconem exhibet Joſtonus,) proditum: valdoperè heic conducit Nicotianæ fumus canali culi adminiculo naribus inſlatus, quô impenſè delectantur. Ulyſſes Aldrovandus in Appendice ad Hiſtor. Elephanti mentionem facit talis catarrhi in duram ſubſtantiam converſi è capite Elephanti deſtillatione laborantis producti, & in cavitate cornu, (vulgò dentis) excepti cum ſtillis ſtiriis non abſimilibus.

Sæpè ægrotat Elephas ex animi

an-

angore, cujus rei exemplum habet P. Gillius in *descript. Elephantum pag. 9.* de Elephantum, qui Rectoris sui negligentiam ægrè ferens ipsius latus læserat cornibus: ex eo tempore visus mæstior, & cibum vix appetens: id quod videns Gillius prædixit Rectori, id animal esse ex illo genere, quod ex offensione suorum Rectorum ægritudinem contraheret, indeque sæpè mortem sequi: proinde eum, cui minas intentaverat, eique verbis linguæ Indicæ iratus fuerat, quemque jam per triduum non viderat, lætus adiret & consolaretur: Gillii admonitionem Rector humaniter accipiens Elephantum extra urbem exhilarandi causa duxit, sed nimis serò: jam enim morbus conceptus invaluerat, atque in stabulum ad vesperam postquam reductus fuisset, gravius ægrotare cœpit, paulòque post eâ nocte cum magno strepitu cecidit in terram moribundus: per horam ita prostratus jacuit magnis gemitibus dolorem testans, & mox editis mortiferis suspiriis extinctus est.

Quotannis ferè aguntur in furorem præsertim tempore admissuræ, quando Veneris æstrò sunt perciti, quo tempore nulli obvio parcunt: hinc Aristoteles *l. 6. H. A. cap. 18.* ita scribit: Elephantum ad coitum efferrari solent: quamobrem apud Indos iis haut quaquam permitti initum ajunt: libidinis enim rabie agitati casas prosternunt malè conditas, pluraque alia damna inferunt: quapropter arcent eos à coitu, fœ-

minarumque pecuaria separant, quæ haut aliò modò, quam armentorum habent. Vid. Plin. *H. N. l. 8. c. 9.*

Indicium instantis furoris creditur esse pinguis materia ex illorum auribus effluens: medela est à fame verberibus & objurgatione: quamvis contrarium statuatur Aristoteles *l. c.* nempe mitigari illos pabuli copiâ, & plagis ab aliis Elephantis inflictiis catenisque injectis: Insuper Rectores rationibus demonstrare solent, vilis & abjecti esse animi, ob amorem ita in furias agi: jubent interdum anteriores pedes elevare, plantasque illorum hamulis feriunt, dicentes, sese illos castigare, ut pueros propter stultitiam, ut refert Christophorus Acosta. Fœmellæ compotes quando fiunt, sponte sua statim desinunt furere. Hyemali potissimum tempore copiosa decidente pluviâ in tantum insanire incipiunt, ut vix coerceri possint: hanc ob causam extra vicos catenis ferreis alligantur arboribus illorum crura, apposito tamen pabulo: in hoc statu interdum permanent aliquot menses, imò ab Aprili interdum usque ad Septembrem, quo tempore iterum convalescunt, atque ad frugem & consueta servitia redeunt. Vid. Joh. Hug. à Linschoten *part. 4. Ind. Or. cap. 2.*

Furore correpti per aliquot dies discurrunt prorsus intractabiles à Magistris, quælibet obvia proterentes & prosternentes, hominibus etiam infesti: Idem *loc. cit.* quotannis semel illos in furorem agi, tum-
que

que nulli obvio parcere Jonstonus scribit. Quâ arte olim Asdrubal Elephantos scævientes præceperit interficere docet Livius l. 27. nempe fabrile scalpum cum malleo habebat Elephantum Rector, id ubi scævire belluæ ac ruere in suos cœperant, inter aures positum ipsa in compage, quâ jungitur capiti cervix, quanto maximo poterat ictu adigebat: ea celerrima via mortis in tantæ molis bellua inventa erat, ubi regendi spem vi vicisset.

Sub Imperio Cha Gehan moderni Magni Mogolis seu Regis in Idostan, Aurengzepi Parentis contigit aliquando, ut Cha Gehan cum uno ex filiis & Rectore uni Elephantum infidens venatum ad sylvas se conferret: in itinere autem Elephas furore correptus nullis minis aut plagis ulterius compesci poterat: sed rejectis habenis ad densas jam furibundus cum summo fessorum periculo præceps ferebatur sylvas: Rector Elephantum nihil boni ominans Regem monebat, in sua non amplius esse potestate gubernationem Elephantum, sed rem postulare, ut unus confestim descendat, & morte suâ bestię furori satisfaciat: atque se ipsum ad id offerebat, additò petitò, ut Rex post obitum ipsius suorum trium filiorum curam gereret: quò factò decidens dictum factum ab Elephantum protritum & occisus est: Sic delinito furore Elephas fessori Regi iterum paruit: Rex cum filio ex præsentissimo vitæ discrimine ereptus pauperibus magnam pecuniæ vim erogavit, & defuncti

ἐλεφανταγωγὸς filios Regalibus muneribus ornavit.

Plerumque Elephantum cæci, fame & mœrore confecti reperiuntur: causa est, quod dracones & serpentes cum illis dimicantes oculos ipsorum maximè petant eosque visu privent: Instantem mortem illos persentiscere, gestibusque ad mœstitiam compositis fatalem suam horam præfigere, ex Oppiano patet, ita canente:

Hoc etiam multis miraculum creditur, hosce Fatidicum Cor habere, diem mortisq; videre Ante suæ, & sic tempus inevitabile lethi: Non ergo moriens canit exsequialia solus Carmina Olor niveus: faciunt animalia lessum

Hæc quoque, finem obitus divinâ, mente notantes.

Morti itaque vicini divinatione quâdam præsentunt fatalem necessitatem secundum Vartomannum.

Ante obitum ad convalles montis Atlantis se conferre Elephantos refert Ælianus ad saluberrima pascua ibi provenientia, fontesque amœnissimos ibidem scaturientes, ubi illos fartos tectos illæsosque conservari, & à Diis, quibus charissimi sunt, ab omnibus injuriis defendi scribit, sequentem referens historiam memoratu dignam: videlicet, aliquando Regem quendam eo ablegasse trecentos Venatores cum mandatis, ut ibi congregatos Elephantos ad unum omnes caperent atque interficerent: Sed malè res cessit, finistrò atque funestò eventu subsecutò: siquidem omnes unò tantum exceptò hanc stragem renunciantem à pestifera lue deleti atque interempti sunt.

PAR-

PARTIS II. CAPUT I.

Præter admirandam Elephantī indolem in ejus religionem pietatem inquirīt.

CUM multa admiratione digna de Elephantis & pleraque supra fidem ab Authoribus referantur, dubius ferè hæreo, quibus verbis & encomiis stupendas illorum dotes adumbrem: non mihi si centum linguæ essent oraque centum, ad has satis enarrandas & deprædicandas sufficerem: integra de his conscribi possent volumina: siquidem quantum corporis mole, tantum ingenio, prudentia, sagacitate & docilitate reliqua omnia post se relinquit & longè superat animalia brutum hoc non brutum: adeò ut hûc ferè quadret aureum Dionysii Areopagitæ dictærium: Summum inferioris ordinis attingit imum superioris ordinis: quod dilucide patet in Elephantō, qui ad hominis rationem præ aliis animalibus quam proximè accedit.

Etenim secundum Petrarcham *lib. 1. Dialog. 60.* bellua est humani intellectûs æmula, quæ ex mente Ciceronis *lib. 7. epistol. 1.* quandam habet cum genere humano societatem: hujus naturam & mores nihil aut paululum abire ab homine miratur aliquis, imò indignetur, scribit Lipsius *in epistol. supra citatâ*: & Garzias *l. 1. c. 4.* existimat huic

animali nihil deesse, ut ratione præditum appareat, præter loquelam.

Priscis autem temporibus vix aliquis adduci potuit, ut crederet, tam vastam belluam, qualis quantaque in picturis conspicitur, iis dotibus excellere, quarum scriptores faciunt mentionem: itaque præter ingentem corporis molem vix quicquam admirati sunt veteres de Elephantī indole parum solliciti: adumbravit illius virtutes Plinius: expolivit Lipsius & alii plurimi, qui omnes ipsius dotes magnis extollunt laudibus, & tantum non ex Elephantō hominem faciunt: sed tam verè quam eleganter Lipsius ita de his sentit, scribens: ut seria multa & vera inesse nihil ambigo, ita quædam majora verò: nec usquequaque in his talibus veteres illos fidei litasse facilè tecum credam: quis enim tam magni oneris sit, ut quicquid illi imponunt, vehat? nec tamen mali quidpiam in istis, etiam falsis: siquidem innoxia mendaciola sunt.

Nam quod religionem Elephantorum attinet, si ex rei veritate loqui velimus, non potest de illis dici, quod DEUM religiosè colant,

T

vel

vel divinæ Majestatis sensum aliquem & cœlestium rerum intelligentiam habeant: quæ enim rerum sublimium & DEI notitiam aliquam habere possunt, cum ad pastum abjecti cœlestia meditari nesciant? nam quod noctu ad lunam, manè ad Solem se vertunt, non adorantes id faciunt, vel quod aliquid divini de sole concipiant, sed quod ita ducente naturâ corpora sua tantò lumine gestire & viscera humoresque recreari sentiant: itaque cum Elephantis religionem attribuimus, populariter magis quam verè id dicimus, potiusque ut homines ad DEI cultum cohortemur, quam quod divini cultus perceptam animò notitiam aliquam habere Elephantos putemus, ut scribit P. Uffenbach, *de animant. & hom. præst.* l. 1, c. 45.

Quod itaque pietatem & ita dictam Religionem Elephantis concernit, certum atque extra omnem dubitationis aleam positum est, illam plurimorum fide dignissimorum scriptorum calculo ipsis attribui: quæ etiam aliquò modò convenire videntur cum hominibus, quorum nonnullos, puta Ethnicos atque atheos, qui ex creaturis verum DEUM agnoscere debebant, hanc suâ devotione, quamvis ratione destituantur, superant. Solem igitur, præsertim Orientem, Lunam & sidera veneratur Elephas, sponte suâ pietatem colens suamque religionem observans: quædam enim in illis sunt quasi venerationis re-

rum cœlestium vestigia: cœlum enim mirantur, sidera & luminaria illa majora suspiciunt, & velut venerabundi pro suâ belluinâ capacitate illa agnoscunt supra se esse: nam quod ad lunam attinet, ab interlunio recrescente lunâ ob quædam sibi indita naturæ recondita ex sylva primum, ubi gregatim pascuntur, decerpunt ramos, eosque deinde sublimes ferunt, atque ad lunam suspicientes leniter movent, tanquam supplicationem quandam lunæ prætendentes, quemadmodum solent, qui sibi superiora propitia esse volunt, ut memorat Ælianus l. 4. c. 9. & ex eò Simon Majolus *dier. Canicular. tom. 7.*

De hac Elephantis pietate J. C. Rhumelius ita canit:

Exsurgens Elephas & cœca cubilia linquens,

Surgentem solem voce salutat herum:

Suspicit, exultat, tantos miratur & ignes,

Barritu solvens debita vota DEO.

Lunâ nitescente gregatim amnes petunt, & mox liquore aspersi Solis exortum motibus, quibus possunt, salutant, deinde in saltus revertuntur. Vid. Solin. c. 38. illos lustrari aqua, orientem solem submissis genibus & proboscide in altum sublatâ more hominis, manus, dum orat, ad cœlum elevantis, ab iis adorari Plutarchus author est: Lunam novam illos venerari Plinius scribit; hanc ita salutant, ut tunc tempo-

temporis magnò numero confluant, eamque cum magno amore & quadam reverentia contemplantur: quod olim à Carenis factum, & adhuc ab Indis, ut & nonnullis septentrionalibus populis, v. gr. Islandis, ut & Tartaris fieri solet, qui non solum Solem & lunam, sed & ignem cum reliquis elementis pro Diis colunt, iisque quotidie primitias cibi & potus libant.

De Elephantis pulchrè canit Passeratius in encomio Elephantis ita:

Imbuti pietate animos cultuque Deo-
rum

Æquoreis lustrantur aquis, & supplice
gestu

Cærva renascentis venerantur cornua
lunæ:

Sidera suspiciunt ægri, tacitisque supini
Cælum onerant votis, & lumina Solis
adorant,

Purus ubi Eois rutilum caput exserit
undis.

Sympathiam quandam habere cum lunâ videntur, ut existimat Joh. Jonstons *thavmatograph. de quadruped. cap. 17. p. 356.* In Mauritaniæ saltibus ad quendam amnem, cui nomen est Amilo, nitescente lunâ novâ Elephantorum greges descendunt, ibique se purificantes solenniter aquâ se circumspargunt, atque ita salutató fidere ad sylvas revertuntur. Vid. Plin. *l. 8. c. 1.* & vitulos suos fatigatos præ se ferunt. Solis etiam exortum magnâ cum reverentia & certis gestibus salutant, quò factô saltus suos repetunt: hoc ipso imitati Persas, sub nomine

Mithræ; Ægyptios sub nomine Osiridis; Græcos sub nomine Apollinis solem venerantes: Sic de Xerxe Rege scribit Herodotus, quod in expeditione contra Græcos Soli Orienti auream pateram vinò repletam obtulerit pro victoria obtinendâ.

Siderum eos servare disciplinam scribit Solinus *c. 38. p. m. 115.* Sidera & stellas venerantur secundum Plin. *l. 2.* more nonnullorum populorum, qui in honorem cœlestis sideris capræ deauratam capellam in foro positam pro Deo coluerunt ad uberem vindemiam impetrandam: quod olim etiam fecere Romani, qui quotannis aliquot canes olim immolarunt Sirio, ne nimio æstu ipsis noceret. Merito itaque exemplo hujus animantis homo quoque assiduè ad veram pietatem atque DEI venerationem se assuefaciat, quam Veteres ἀρχὴν καὶ τελευτὴν πασῶν τῶν ἀρετῶν nominarunt: huc referendum illud Aristotelis: ἀρχὴ ἀρετῆς πάντων μὲν ὁ Θεός, ἀρετῶν δὲ εὐσέβεια. Elephas igitur esto Atheorum, Epicuræorum & profanorum omnium magister & censor:

Injiciat nobis brutorum hæc cura stuporem,

Qui tardâ incipimus quærere mente
DEUM.

Vid. Pier. Valerian. in *Collectan. hieroglyph. l. 5. p. 185.* Camerar. in *embl.*

Itaque Elephas pietate longè antecellit illos, qui DEO neglecto Creaturis adhærent, imò confundit omnes tam Christianos quam

Ethnicos, qui cultum divinum
susque deque habent.

Sæpè sunt visi Elephanti ægritu-
dine fessi herbas supini cœlum ver-
sus jacentes, & opem cœlestem
quasi implorantes, ut scribit Plinius
H. N. l. 8. c. 1. Moribundos idem
facere Ælianus *l. c.* refert. A cœlo
illos olim salutem & auxilium pe-
tiisse Plinius scribit *l. 8. c. 7.* Pom-
peji etiam Elephanti Romæ specta-
culo populi exhibiti, ut in institu-
to certamine interficerentur, amissa
fugæ spe misericordiam vulgi la-
mentabili clamore, capite & pro-
boscide ad cœlum versis quæren-
tes quasi supplicavêre, comploran-
tes cum tanto spectatorum dolore,
ut obliti Imperatoris ac munificen-
tiæ reverentiæque honori ejus debi-
tæ flentes universi consurgerent, di-
rasque Pompejo, quas ille mox
luit, pœnas imprecarentur.

Juba supplices esse Elephantos
Diis immortalibus tradit: quippe
qui suapte ingenio mari lustran-
tur, & surgentem Solem adorant
proni, promuscide velut manu in
cœlum sublatâ, unde charissimum
Diis animal esse credit: quod con-
firmat factum Ptolomæi Philopato-
ris, qui post partam victoriam ejus
belli, quod cum Antiocho gessit,
cum gratissimus erga Solem, quem
Deum existimabat, esse vellet, pro
concessa victoriâ gratias ei perso-
luturus, tum alia magnifica sacri-
ficia fecit, tum verò quatuor gran-
des Elephantos immolavit, existi-
mans, se sic DEUM religiose cole-

re: deinde cum in insomniis minis
Dei perculsus fuisset ob invisam
Numini talem hostiam, religionis
metu permotus pro immolatis qua-
tuor ex ære Elephantos in hono-
rem Solis dedicavit, ut supplici
hoc factô Solem sibi placatum effi-
ceret. Vid. Plutarchus *l. c.*

Sed & hoc ad religionem pertine-
re statuit J. Lipsius *epist. 50. centur. 1.
p. m. 68.* quod mortuos è suo genere
sepeliant, & prætereuntes injiciant
cadaveribus humum, quod etiam
apud Ælianium *l. 1. c. 49.* Alsted. *En-
cyclopæd. l. 7. Phys. part. 6. cap. 5.* legi-
mus. Vulnerati in venationibus
quærunť lachrymas aloes vel alias
etiam herbas, quas tamen non prius
devorant, nisi pro more hominum
erecto prius capite ipsas elevent
quasi auxilium à cœlo petitori.

Divinant præterea, credunturque
μαντικὸν ἐν στήθεσιν ἔχειν κέαρ, id est, divi-
num quasi cor habere in pectore,
immò præscire fatalem suam ho-
ram:

Quid verò mirum, quum Elephas
(audita fatebor,)

Pectore divinò fati præfagiat omen?

Non igitur solis quibus & prænosse fu-
tura

Contigit, aut soli de morte queruntur
olores:

Quippe Elephas 'tristi fatum quoque
carmine luget.

Vid. Oppian. *lib. 2. de venat.* Vulne-
ribus lethalibus fauciati aut morbis
confecti mortemque jam imminen-
tem præsentientes herbas probosci-
de

de evulsas vel in harum defectu pulverem in aera spargunt, querulâ voce ad cœlum oculos vertentes, quasi divinum auxilium implorantes: quam pietatem Ælianus Atheis & Epicuri de grege porcis objiciens in hæc verba prorumpit *loc. cit.* Ergone Deum Elephanti venerantur? homines autem rationis participes sitne Deus nec ne dubitant?

Religio est Elephanto, alium sui generis mortuum inhonoratum præterire, aut insepultum relinquere: igitur, ut Æthiopum sermonibus pervulgatum est, non transit, nisi terram promuscide erutam aut cespites evulsos injiciat communem sortem miseratus, defuncto quasi parentans & cavens, ne aliquid impiè committat: nam hoc quidem ipsum non agere execrabile ducit: quare ad hoc nefarium scelus evitandum satis est ei, vel ramum injicere.

Venerantur etiam ætate provectiores & parentes, quibus non solum de loco cedunt, verum etiam de victu prospiciunt, de quibus infra plura.

Indos Elephantis religionem Numinis tribuere, author est Joh. Petrus Maffejus *Histor. Ind. lib. 1.* Illi enim brutis etiam animantibus cœlestes exhibent honores, iisque templa ædificant, quibus in prisca illa Romæ magnificentia vix quicquam simile existit: quin etiam Simio famum dicatum fuisse legitur ibidem.

Innoxium & pudicum est hoc animal, *φιλόπρωπον* & probæ mentis: probi oris, inquit J. Lipsius *l. c.* Vis ei ut omnibus noceat: ut nemini, voluntas: homini occurrit, vitam non adimit: ostendit viam: feræ alteri: transit: quin nisi irrites & impugnes, nec in arena quidem excitabis ad lædendum: inest illi clementiæ bonum scribit Solinus *cap. 38.*

Elephas homini forte obvio in solitudine & oberranti, clemens placidusque demonstrare viam traditur: V. Plin. *H. N. l. 8. c. 4.* vel si confertis pecoribus incurfant, itinera sibi blanda & placida manu faciunt, ne quod obvium animal interimant: in conflictu non mediocrem curam habent fauciatorum & fessorum secundum Solinum *l. c.*

In Magistros Rectoresque suos mira illis pietas: quos aliquando per furorem interfectos ita luxerunt secundum Strabonem, ut inediâ seipso interfecerint: eadem innatos: quos ut scribit Ælianus *l. 6. c. 15.* urgentibus venatoribus adeo non deserunt, ut millies se capi & cædi malint, quam ipsos: equitatu circumventi infirmos aut fessos vulneratosve in medium agmen recipiunt: ac velut imperio ac ratione per vices subeunt. Plin. *lib. 8. H. N. cap. 7.* Nunquam Elephas à suo agmine secedit, nisi aut catulorum suorum aut ægrotantium causa: pro his nimirum nihil non moliens inexpugnabilis manet secundum Ælianum *l. c.* imprimis pullos à partu ad-

huc recentes nunquam deferunt, eos ab omni periculo fortiter & constanter tuentur, imò prius vitam amittunt, quam eos relinquunt.

Quantus matrum in sobolem suam sit amor, multis experimentis & argumentis constat, hoc verò præcipue: cum aliquando in foveam pullum suum incidisse mater conspexisset, ne minimam quidem moram interposuit, nec ejus cursum ulla segnitie tardavit, quin vehementi dolore affecta, quantò maximè posset, incitatò cursu in delapsum catulum præceps ageretur, amboque eodem casu morte occumberent, hic quidem materno pondere pressus contereretur, illa verò præcipitata caput diffringeret.

Ætate confectis & senibus juniores solò naturæ ductu sine Lycurgi aut Solonis aut Zaleuci Charandævæ præceptione omnia officia præstant, eosdemque summâ observantiâ colunt, ex periculis eripiunt, in fossam delapsos injectis fruticum fascibus extrahunt, sic enim tanquam per scalas ascendere possunt, ut scribit A. Tiraquell. *de jure primogen. in præfatione*. Si forte aliquis vulneretur, mirâ arte sagittas eximere norunt, atque ut suis sociis omni ope subveniant, nihil intentatum relinquunt.

Tanta sunt pietate & fidelitate erga suos Dominos & Sessores, ut in præliis vulneratos & delabentes proboscide leniter excipiant, eosque vel vivos vel mortuos ad loca tutiora asportent, Elephantum mulieris

cujusdam Indicæ sibi notæ & jam animam agentis infantem in cunis jacentem custodivisse, muscas dormienti abegisse, & si fortè ploraret, ejus cunas proboscide agitasse refert Athenæus *lib. 13*.

Reverentiæ erga grandiores & suos Dominos accedit pudor & castitas, quia non nisi occultè & sylvis tecti coeunt, & sanè rarenter & secedentes, & intra densitatem arborum se occultant, aut in absconditum & profundum locum se conferunt: post coitum amne perfunduntur, non ante reduces ad agmen. Plin. *l. 8. cap. 5*.

Insidias minoribus animalibus nunquam struunt, sed patiuntur ea secure juxta suum locum versari, & circa se vivere: parva animalia occurrentia in grege aliquo Elephanti blandè & mansuetè dimovet, ne per imprudentiam conterantur: nec nisi lacescitur nocet. A. Tiraquellus *de Nobilitate c. 37*.

Nulla committunt adulteria, nulla propter fœminas inter se gerunt prælia cæteris animalibus perniciofa, cum tamen non desit illis amoris vis, ut infra dicetur: non coeunt cum alienis, neque cum suis valde lascivè, sed modestè prolis causa, & ne quidem spectantibus reliquis Elephantis, sed in secessu seu in occultò: & dum fœmina gerit uterum, mas non modò non deserit ipsam, sed mirificè etiam defendit.

Mirum, inquit Simon Majolus *Dier. Canicular. l. 7*. quam hoc animal justum sit, ut probos amet, improbos

probos despiciat, vel in causa propria suum cuique jus tribuat: Petrus Gillius Albienſis, Vir eruditus, Æliani translator, & naturalium rerum in longis peregrinationibus eximius scrutator admiranda animadvertit in Elephanto, cujus cu-

ram ipse in longo itinere habuerat: memorat enim, ignotos homines, leves, insolentes, petulantes ad se accedentes discernere illum potuisse à moderatis & gravibus, quos libentius intueri videbatur.

PARTIS II. CAPUT II.

De Elephanti prudentia agit.

Belluarum nullam Elephantò prudentiorem esse scribit Cicero, sensus acutissimos illi attribuens: multi versantur in hâc opinione, quod animalia nonnulla prudentiam humanam si non antecellant, tamen interdum naturâ duce cum admiratione æquent: exemplo sint apes, quibus conficiendi mellis officium est: annon assignatas incolunt sedes? annon castra sua muniant, domicilia sua inimitabili arte & solertiâ componunt, politiæ student, Regi serviunt? Simile in formicis, araneis, locustis aliisque videre licet: Hinc Valla non immeritò videtur vellicare Aristotelem, quod bestiis rationem prorsus abnegaverit. Vide de hoc argumento Velcurionem in *Phys. l. 4. cap. 17.* & Johann. Heidfeldii *Sphingem Theologico-Philosophicam cap. 9.*

Sagacitate procul dubio Elephas omnes bestias multis anteit pangis: hinc à Philostrato in secundo de vitâ Apollonii Thyanaei

cap. 7. dicitur ζῷον δεύτερον ἀνθρώπῳ κατὰ ξύνεσιν καὶ βελήν, animal ab homine secundum ac proximum & prudentiâ & consiliò: πολλὰ γὰρ καὶ παιδύεσται καὶ ξυνίησιν: valet enim præ reliquis sensu & ingeniò.

De hâc Elephantorum prudentiâ plurimi stupenda referunt, imprimis Plinius, Ælianus, Philostratus alique: hanc ostendunt in acie instruendâ: in tardandis persecutoribus fractò cornu, vulgò dente, eoque abjectò: siquidem propter hunc se peti norunt: in flumine transmittendo: de quo Plinius *l. 8. H. N. cap. 3.* ex Mutianò ter Consule teste oculatò refert, cum Puteolis adveçti Elephantès è navi egredi congerentur, territos spatio pontis procul à continente porrecti aversos retrorsum ivisse.

De Africanis Elephantis narratur, illos nullis modis adduci posse, ut ingrediantur navigium, nisi prius illorum Rector jurejurando se obstringat, se illos singulos salvos &

& incolumes reduetum. Vid. Solinus *cap. 38.* Apollonius cum videret Elefantos in trajiciendo flumine natu minores præmittere & grandiores ætateque minores sequi, hæc, inquit, ô Damis, nullô jubente ex se ipsis naturali quâdam prudentiâ & sapientiâ faciunt: vides enim, quô pactô sarcinarum vectores imitati suos deferant pullos, vinculis ne fortè cadant, eos complexi: video, inquit Damis: sed cur tam imprudentem sibi que inutilem tranationem faciunt? præcedit enim, ut vides, omnium minimus, ipsum verò sequitur paulo major, & post ipsum alius, ita ut eorum maximi postremi sint: oportebat autem contrarium ordinem in transeundo servare, majoresque tanquam muros & propugnacula cæteris facere: tunc Apollonius: minimè verò, inquit: primum enim ipsi insequentes homines fugiunt: oportebat igitur contra insequentes hostes à tergo muniri, sicut in pugna fieri videmus: insuper si eorum maximi prius flumen transiissent, ignotum erat, an fluvii altitudinem cæteri minores possent superare: illis enim facilis esset fortasse transitus, cum sint proceriores: his verò impossibilis forsitan esset, quod altitudinem aquæ superare non possent: sed cum eorum minimus transierit, facilem esse cæteris transitum demonstrat: insuper majores prius euntes profundiorum alveum sequentibus facerent subsidente limô & in fossam seceden-

te propter belluæ pondus & magnitudinem pedum: minores verò nequaquam tranationi majorum officient, minorem in alveô fluminis concavitatem facientes. Hactenus Philostratus.

Ut magnitudine, sic etiam prudentiâ Pori Regis Indiarum Elephantum præ aliis eminuisse refert Plutarchus in vita Alexandri Magni: quemadmodum etiam Rex Porus proceritate sua quatuor cubitos & palmum æquabat, ita ipsius Elephantum, quem inequitabat, staturâ & prudentiâ præ aliis quam maximè fuit conspicuus. In prælio enim Rege adhuc incolumi obvios hostes furans vastabat proterebatque: ut verò quamplurimis jaculis saucium Regem sensit, ne hic deflueret veritus, sensim humi se genibus submisit: inde paulatim ex Regis corpore tela proboscide exemit.

Pompejus aliquando populo Romano spectaculum exhibuit, ubi in theatro milites armati cum Elephantum dimicare cogeantur: occisis itaque ex Elephantorum numero nonnullis, reliqui hoc facinus indignè ferentes proboscide ad cælum sublatâ de hac sævitia conquirebantur, vindictam quasi à Superis poscendo ob violatum jusjurandum. Vid. Dio Cassius *l. 30. p. 107.*

Garzias ab Horto apud Nierenbergium ex instrumento publico Cochini asservato narrat, eâ in urbe Elephantum postulasse à Rectore suô cibum, Rectorem autem respondisse, lebetem, in quô illi oryzam

zam coqueret, pertusum esse atque iussisse, ut eundem ad Cacabarium deferret obturandum, deinde orizam se cocturum: quid fit? lebetem promuscide apprehensum Elephas ad cacabarium defert: is lebetem reparat, sed rimam aliquam, quam non adverterat, inobturatam relinquit: lebetem refert Elephante: Rector orizam cum aqua coquendam injicit, sed per rimam effluere conspiciens aquam, lebetem rursus Elephanto tradit, ut refectum referat: defert Elephas: cacabarius de industria lebetem se reparare simulans rimam auget: Elephas ad mare tendens lebetem aquam haurit: hanc effluere videns, lebetem intelligit non reparatum: ad cacabarium redit, magno barritu intonans, quasi de ejus perfidia conquereretur: Cacabarius tandem lebetem probe ferruminat & reparat: sed ei Elephante non fidens denuo à mari aquam haurit, quam non effluere animadvertens astantibus ceu hujusrei testibus lebetem ostendit, domum redit, & orizam in eò coctam comedit: provocat Author ad oculos testes, qui huic spectaculo se interfuisse affirmaverunt.

Similem ferè historiam recenset Vir Illustris Hiobus Ludolphus, b. m. in *Commentar. Histor. Æthiopic. p. 147.* quam ex Virò fide dignò Wilhelmo Leyel, Dansburgi Dani- ci in Indiâ Castelli Præfecto se audivisse testatur: is narraverat, Elephantum ad vietorem fuisse missum,

(mediaſtinorum enim vice apud Indos funguntur,) ut lacum rimosum einen auslauffenden Zuber deferret reficiendum: opifex barrum delurus malleo obiter tutudit trufitque circulos, eumque infecta redimisit: domum reverso, o stupidum pecus! Herus inquit: hem pulchrè rem tuam expeditivisti: videsne, ut aqua undique effluit? abi & cura melius: reversus ad vietorem Elephas lacum quasi indignabundus cum murmure ad pedes ejus projecit, quem ille probè refecit: Elephas rursus deceptum se metuens non recta domum, sed ad flumen prius pergit, ibique lacum aqua replet, & cum nihil effluere videret, ad Herum refert laudem pro vituperio reportans.

Aliam historiam refert Johannes dos Santos in *Æthiopiâ Orientali l. 3. cap. 15.* de Elephantò, cui Herus ostenderat ruptum ahenum, ex quo pabulum excipere solebat, dicens hodie te patientiam habere oportet: nihil pabuli accipies: Elephantum illico sumsisse ahenum & ad fabrum portasse, ibique tamdiu expectavisse, donec resectum esset: acceptum ad flumen detulisse, & aqua implevisse: cum nihil efflueret, domum retulisse, ut pabulum in eò pararetur.

Lepidam narrationem habet supra nominatus Lusitanus Author: Erat Elephante in Indiâ, Perico id est bibax dictus, omnibus benè notus: bibulus enim erat & vinum valdopere appetens; is cum præ-

teriret domum, ubi hедера signum vini vendibilis conspiciebatur, subsistebat, & proboscide porrectâ haustum vini petebat, nec abibat, usque dum Tabernarius præberet: gnari illius moris nonnulli pecuniam ipsi pro sextario largiebantur, quam ille confestim in tabernam deferrebat attentè aspiciens, quomodo sibi vinum infunderetur, nisi satis plena esset mensura, non accipiebat: addit Gallicus interpretes: illum benè discernere potuisse vinum melius à viliore, & nisi illud daretur, murmuravisse: hinc factum, ut ementes peterent vinum de Elephantino.

Quæ insignis Elephantum sagacitas Ceilonenses & Cingalenses eò demeritiæ redegit, ut secundum Herportum pag. 181. Elephantina vel lapidea capita adoraverint, singularem sapientiam ab illis aucupaturi. Vid. Joh. Jacob Saar in *discurs. de rebus Ind. cap. 4. pag. 99.* Sapientia hæc, inquit H. Cardanus *subtil. l. 10.* ex temperamento procedit, vitæ diuturnitate augetur & confirmatur: unde Senes sapientiores, & qui ex iis nascuntur: & nullum animal brevis vitæ valde sapiens esse potest: unde sapientissima animalia sunt Camelus, Elephas & homo: sed & eadem omnibus animalibus vitæ longitudine præstant: de sapientiâ loquor, quæ ex habitu acquiritur, non quæ ingenita est, quâ etiam insecta prædita sunt: ex sapientiâ verò probitas procedit: hoc etiam demonstratum est à no-

bis in libris de sapientiâ: sed & ab iisdem causis, ut dixi, ex quibus vitæ longitudo & sapientia ipsa: ut verò felix esset, probitate & sapientiâ consultum est: simul etiam ut esset gregale, quod etiam ad securitatem multum conducit: solivaga enim animalia omnia sunt infelicissima: omnis enim felicitas, quæ est præter contemplationem consuetudine habetur, quâ charos nostros tuemur & fovemus, & ab illis mutuò colimur: itaque jam manifestum est, cur Elephantum simul maximum, robustissimum, longævissimum, sapientissimum, mansuetissimum, securissimum & felicissimum omnium belluarum natura creaverit. Hactenus Cardanus *l. c.*

Ex Carmelitarum ordine Monachus, à Stâ Trinitate cognominatus *Itinerar. Oriental. l. 7. c. 1.* ita scribit: In urbe Goâ sæpè vidi nonnullos Elephantos navium structuræ inservientes: cum aliquando spatiarer in litore fluvii cujusdam, ubi grande tum construebatur navigium, vidi magnum tignorum numerum, quæ Elephanto cuidam ad navem transportanda tradebantur: hæc actutum deferrebat proboscide apprehensa sine duce ad locum destinatum vix semel ostensum in tantâ copia singulis vicibus, quam vix viginti Viri asportassent: in via autem providè submovebat alterò pede omnia impedimenta, quò facilius tigna trahi possent: vix homo cautius id exsequi potuisset.

In



In Syria aliquis Elephanto suo certum orizæ dimensum destinaverat: famulus autem dimidiam solummodo partem ipsi obtulit: quôdam die Dominus stabulum ingressus famulo mandat, ut Elephanto suam daret portionem: Servus in Domini præsentia plenum dabat modium: quid sit? Elephas totum dimensum proboscide in duas dividit partes, quarum alteram statim comedit, alteram verò modestè inspectô Dominô intactam relinquit callidissimô inventô innuens, illud diarium sibi hætenus fuisse: cujus rei causam admiratus Dominus rei veritatem, quomodo gesta erat, tandem minis ex servô extorfit. Alius, referente Plutarchô, cum glaream & terram Magister ad explendam mensuram pabulo interdum admisceret, fraude fraudem hanc ultus in ipsius ollam carnibus plenam è foco correptum cinerem injecit.

Ordinem etiam servant Elephanti: siquidem gregatim ingrediuntur: agmen ducit maximus natu, cogit ætate proximus: amnem transitori minimos præmittunt, ut supra dictum, ne majoribus alveum ingredientibus crescat gurgitis altitudo: declinant etiam pericula & fugiunt res noxias, certô sagacitatis naturalis argumentô: quæ nocitura sunt, quamvis sint chara relinquunt: secundum Ælium apud Indos est tractus, cui nomen est Phalarus, latine Calvus, isque ita appellatur, quod qui herbam

in eô nascentem gustaverit, pilos, si brutum sit, cum pilis cornua amittat: itaque Elephanti, nisi cogantur, non accedunt ad locum istum, imò verò propè cum accesserint, perinde atque homines prudentissimi ab omni illius loci gramine refugientes pedem referunt.

Quæcunque discunt, ea tantâ curâ & intentione præstant, ut sæpè deprehensi sint noctu dictata sua ruminantes & meditantes, id quod quam maximè spectat ad testandam vim & indolem acrem animi. Plutarchus cum Plinio author est, quendam tardioris ingenii, & verbis verberibusque malè sæpè acceptum, inventum ad lunam gestus illos & motus præscriptos exercentem.

Admirationem meretur, quod Elephas legere discat & scribere, omnesque literas proboscide suâ formare: quendam literas græcas pingere didicisse, eaque lingua scripsisse sequentem versum heroicum Cælius Rhodigin. scribit *antiqu. l. 3. c. 3.*

Αὐτὸς ἐγὼ τὰ δ' ἔγραψα λαφύρα τε κέλτ' ἀνέθηκα: id est: ipse ego hæc scripsi & spolia Celtica dicavi: quid de his sentiendum sit, ex Libaviô de intellectu bestiarum colligi potest: numerare quoque creditur, & sic suô modô λογίζεσθαι Elephas: sic visus fuit aliquando Noribergæ Elephas, qui vexillum proboscide apprehensum ad amussim viginti vicibus, non pluribus nec paucioribus in alternas partes ad nutum Rectoris aliquoties vibravit: mirum

fanè est, *ἄλογον ζῶον* facultate numerandi pollere, quæ alioquin ad operationes mentis pertinet in brutis non observabiles: credibile esse puto, certò signò à Rectore datò animal à vibratione vexilli vicies facta destitisse, spectatoribus id non advertentibus.

Philostratus de Elephanto refert, quod scribat, tripudiet & ad fistulam saliat: Ælianus oculis suis id se spectasse penè per oculos suos jurat: vidi, inquit, ego ipse quendam in tabula literas Romanas promuscide scribentem *ἀσραβὼς καὶ ἀτρέπτως*, id est, rectè, ordine & non contortè: quin etiam cum scriberet, oculi ejus cum rigore dejecti in tabulam erant, ut planè intentos diceres & scriptitantes, ut Grammaticum quendam dixisses.

Eleganter Passeratius in encomio Elephantum canit:

Credimus an falsò narrat scripsisse
rustas,

Argivisque notis signata dicasse tro-
phæa!

vel ut Guilielmus Sallustius hebdomados libro C. habet:

Ac nisi nos Veterum frustatur fabula
Grajum,

Rerum sæpè notas & signa probosci-
de dūxit.

Causam quod Elephas ad nutum Domini scribat, rationes supputet, & in omnibus ipsi pareat, Kenelmus Digbaeus rejicit in atomos ex homine egressas, animantibus hisce gratas *de natur. corp. cap. 37*, an acu rem

tangat, ipse videat: eadem ratio verificare posset, quod de Delphino memoratur, quod homines incredibili amore prosequatur præcipuè impuberes, cum quibus conversari & colludere gestit mirificè abblandiens. Vid. Levinus Lemnius *de occult. natur. miracul. cap. 10*.

Loquutum esse aliquando Elephantum Christophorus à Costà tradit, quod forte inter miracula referendum: sic memorat Conradus Lycostenes *in Chronic. de prodigiis & ostentis*, Romæ aliquoties bovem fuisse locutum. Hier. Cardanus *de animal. perfect. l. 10. p. m. 548*. narrat, adductum fuisse aliquando Elephantum ad Archiepiscopum Mediolanensem, eumque cum moneretur, inclinatis anterioribus cruribus & capite salutasse, & cum ille diceret: effare aliquid, mugivisse.

Mirum etiam est, quod Plinius, Ælianus & ex his J. Lipsius *l. c.* scribunt, olim in spectaculo, quod Romæ exhibuit Germanicus Cæsar, duodecim Elephantos in Theatrum five Circum inductos fuisse, indutos floridas & histrionias vestes: ac primum ad vocem Magistri dividebantur in diversas circi partes, inter eundum molli & saltatorio gressu incedentes: iterumque ad eandem vocem coibant, & efficiebant saltatorium quendam orbem: sed & flores spargebant & corollas, & ad cantum ter pedibus terram leniter & numerosè pulsabant, & omnia præstabant, quæ peritissimi ludionum: jam iidem, (quod stupendum,) docti mensis

mensis accumbere, cibum potumque sumere parçè, modeste, ordine humanum in modum: lecti erant humiles, (ritu Romanô) instrati purpurâ & aulæis: mensæ variô & dapili instrumento: disposita pocula aurea, argentea, minuta, grandia: cibi in lancibus, panis, caro, fructus: ecce! ingresși duodecim Elephanti: sex marès: totidem fœminæ: illi togati: hæ stolata: decorè & verecundè in lectis se reclinant, mensæ accumbunt: tum signô datô (non enim ante) in mensam promuscides five manus suas extendunt: summa modestia cibos capiunt, delibant: non voracitas ulla in iis, non aviditas visa, non majoris meliorisve partis appetentia aut præreptio: denique cum bibendum pateram pueri porrigebant iique promuscide eandem genialiter exhauriebant, & reliquiis vini circumstantes aspergebant, velut cottabum facientes.

Mutianus, qui ter Consul fuit Romæ, ipse vidit Puteolis, cum advecti Elephanti per mare cogerentur egredi ex nave, sed territi spatiô pontis procul à continente porrecti, ut sese longinquitatis æstimatione fallerent, illos averfos retrorsum ivisse, quod ex Plinio refert W. Franz. *hist. an. part. 1. cap. 4.* Mimi officio fungi, & aliis salientibus choreasque ducentibus assistere, oculatus testis est Arrianus.

Inter cætera prudentis solertiæ documenta etiam hoc non minimum est, quod cum profundas & superatu difficiles fossas transeunt,

major stans! medius tanquam pons omnes transmittit: alii ingerentes fossæ sarmenta, fascès, lapides pro facilitando egressu eundem servant. Vid. *Ælian lib. 8. H. A. cap. 12.* interdum unus alteri in foveam delapso pedem porrigit, quem ille proboscide complexus facilius se erigere & sic tandem egredi potest: quâ spe frustratus animum despondet, & pristina feritatis oblitus eandem tandem deponit.

In Syriâ Elephantum alebat quidam privatus, qui ipsi quotidie certam hordei quantitatem pro pabulo destinaverat, cujus tamen dimidiam partem famulus suffurari consueverat: Elephas hoc advertens Dominô stabulum intrante fraudem hanc ita detexit: cum enim servus in præsentia Domini integrum dimensum ipsi obtulisset, Elephas proboscide dimidiam partem semovit, alteramque partem intactam Domino monstravit cum torvô in famulum aspectu, & sic de injuriâ sibi illatâ Dominum suum certiores reddere voluit.

Ingenitâ sagacitate declinant pericula & quascunque res noxias: à venatoribus ad scrobes fortè compulsi, ut capiantur, illas intrare renuunt, & vi ad intrandum adacti vim vi repellunt retrogradientes: ab herbis pabulisque nocivis abstinēt, omni ope eô nitentes, ne in periculum incurrant, de quo supra pluribus actum: homines, à quibus insidias sibi strui norunt, cane pèjus & angue fugiunt, quorum vesti-

gia callidè odorantur: dum per syvas ordine, alius scilicet post alium vagantur, primus herbulam à viatore vel venatore fortè prætereunte conculcatam reperiens statim socio sequenti, hic verò alteri tradit: ubi ad ultimum, qui agmen claudit, devenit herba, statim signò datò omnes in fugam se conjiciunt, & ad loca tutiora se recipiunt: in viâ tritâ rarissimè illos videre licet: intelligunt itaque judiciò Plinii, cur sit timendum, quamvis non viderint, quem timere debeant.

Quando ab Indis ad eradicandas arbores adhibentur, periculum prius faciunt, an fronte vel cornibus illas commovere possint: sin secus, nullâ vi ad impossibiles labores se cogi patiuntur. Notatu dignum est, quod Plinius de Elephantorum ambitione scribit, quando inquit: Sed non virtutes tantum, verum etiam vitia magnorum virorum imitantur, vanitatem ambitionem scilicet & superbiam: nam phaleris argenteis maximè illos gaudere refert: is, qui magnum Mogolem Indorum Regem tapetibus aurò gemmisque inæstimabilis pretii constratus gestat, nullum ex sociis ante se ire patitur, si fortè pastum vel aquatum aguntur: ita certamina præcedendi etiam inter has belluas vigent.

Ut inter volatilia Aquilæ, Ciconiæ & grues, inter insecta apes & formicæ, sic inter quadrupedes Elephantum eminent singulari congenitæ sagacitatis ornamento. Vid. B. Cassanæi *Catalog. Glor. Mundi* p. 371.

Memoratu dignum est, quod de Elephantò Ambstelodami à se viso refert Excellentissimus noster Nestor II. *Ephemerid. N. C. Decad. II. ann. VIII. Observ. 161.* Lucri causa spectabatur ibidem Elephas in magnâ hominum turbâ, ubi solent malè mixti esse bonis furesque Viris honestis: quid sit? cuidam famimæ à latere suò solvitur catena argentea una cum aliis appendicibus: hæc jacturam illam & ablationem suæ catenæ animadvertens gemitu & planctu illud indicat: Custos belluæ hujus rei certior factus jubet belluam circumire quæsitum furem: illa dicto audiens circumambulat, seseque sistit coram quodam splendidè vestitò homine, à quò custos abigit belluam, atque ut rursus circumiret, mandat: dictum factum: secundâ vice coram illo pedem figit: jamque tertia vice in coronam remeare jussus Elephas, & hòc etiam circulò suæ circumambulationis absolutò rursus coram dicto homine subsistit eum promiscide sua vehementius trudens, adeò ut in terram caderet, quò casu ex pera ejus catena excussa furtumque manifestatum est: itaque hoc brutum non solum quasi accusavit, sed & convicit hominem trium literarum, & de illo quodammodo pœnam sumfit.

Ignotos homines, leves, insolentes ad se accedentes internoscit & distinguit à moderatis & gravibus: malos, improbos & adulteros odiò prosequitur, adeo, ut illos interdum indicasse & notasse visus sit.

PARTIS II. CAPUT III.

Elephanti æquitatem commemorat.

ET hæc in Elephanto eminet virtus, quam in se & in aliis amat: seipsum quod attinet, exemplum à Petro Bellonio narratum Clusio suo refert Lipsius *l. c.* ex ipsius ore: in Asiatica peregrinatione nostrâ in hospitium divertimus medio jam die & in acri æstu: in comitatu nostro Elephas erat: in hospitii stabulo viatoris alicujus asinus, quô ipse vectus, comedebat fortè hordeum, Elephanto famelicô ingrediente: hic fame impulsus asinô remoto hordeum reliquum avidè invadit & vorat: supervenit mox Elephanti Dominus, eique dimensum hordeaceum de more offert: ille, spectante Hero & ipso Bellonio, memor injuriæ & rapinæ damnum asino illatum reparaturus, diviso in duas partes promuscide suâ hordeo, alteram asino procul stanti & mussitanti offert: atque ille & iste suas deinde partes edunt.

Ita narrat P. Gillius in *descript. Elephanti p. 9.* quod non semel viderit, cum Elephas equi vicini avenam & fenum edisset, quod postea ex sacco, quem fortè in stabuli angulo invenerat, promuscide avenam iterum & sæpius deportaverit, equoque objecerit edendam: similiter fenum sibi datum promu-

scide comprehendens equo obtulerit sensim gradiens, ne equum terreret, & super dorsum equi fenum comedentis promuscidem posuerit ei blandiens.

Injurias præterea ulciscuntur, alienas etiam: Ælianus *lib. 10. cap. 15.* narrat, Romæ evenisse sub Imperatore Tito, ut uxor Elephantistæ cum adultero mœcharetur: videt id Elephas non ferens hanc illatam Domino suo injuriam irruit, & in ipso complexu utrumque cornibus transfigit: denique ita copulatos providè relinquit, stragulo tegit, & cum Dominus advenisset, stragulo rejecto facinus ostendit, & se ultorem. Idem scribit *lib. 3. cap. 17.* fuisse alium quendam Elephanti Magistrum adulterio deditum, nec contentum furtivâ libidine uxorem suam clam è medio sustulisse, eamque ad præsepe Elephanti sepelivisse, alterâ illâ mox inducta: Elephantum hoc scelus tacitum non habuisse, uxorem novam illuc traxisse, & cornibus pedibusque refodisse cadaver, tantum non re ipsa mulieri inclamantem, cui & quomodo nupsisset.

Abbas de Choyfi in suo diario *p. 144.* narrat ex relatione Episcopi Metellopolitani, in Regno Siamensi fuisse in conventu quodam Francisca-

ciscanorum Insulæ Ceylon Elephantum quendam pusillum, qui ad prandium & cœnam ordinariè in refectorium veniebat: ejus matrem autem ingentis staturæ stetisse ante fores, eumque probè observasse, & si quid ineptè fecisset, ex. gr. subvertisset aliquod poculum aut ferculum, illum increpuisse acriter & proboscide castigasse, inflictiis ictibus quinque vel sex, paucioribus aut pluribus pro ratione delicti.

Nunquam fallit fidem vel expectationem Gubernatoris sui Elephantas, eamque à suò Rectore vicissim deposcit: transiturus mare non prius conscendit navem, nisi invitatus & certior redditus jurejurando de reditu, teste Pliniò *l. c.* hoc juramentum exactè novit, & suo tempore exigit, ut scribit Hier. Cardanus *l. 10. de animal. perfectis p. m. 548.*

Iniqua porrò homini detrectat ministeria: cum Bochus Rex triginta Elephantis totidem, in quos favire constituerat, stipitibus alligatos objecisset, procurstantibus qui lacerarent, non potuisse effici, ut crudelitatis alienæ ministeriò fungerentur, Plinius scribit *l. 8. cap. 5.*

Prædam aliquam nactus vel pabulum fortè inveniens advocat socios, suisque convictoribus hujus partem impertiri æquum ducit. Contra feras minus validas pugna-

re prorsus negat, cum majoribus non nihil accessitus: & in grege pecudum ambulans occurrentes proboscide dimovet, ne quid obterat imprudens, tantaque illi erga imbecillio-rem gregem est reverentia, ut etiam ferus ex solo arietis conspectu mirificè cicuretur, lenisque & tractabilis evadat, teste Plutarcho *Symposiacôn XII.*

Jus hospitii, dum illò fruebatur, Elephantum observasse Gregorius retulit, etsi hospiti sub discessum malam gratiam referre voluerit. Vitulum enim pepererat in agro consito: Colonus puerperam hanc hospitem sibi ingratham amoliturus interficere constituerat: dissuadent vicini: non enim inultam mansuram cadem: sineret potius pullum adolescere certus, Elephanti matrem messem maturam contra alios defensuram: id modò operam daret, ut finito puerperio fruges ex templo demeteret: secutus consilium herus intactam servavit segetem, nullam aliam, nisi semitæ, quam fecerat, servitutem passus: digressa matre cum partu suo herus vicinorum auxilio agrum festinanter demessuit: nocte sequente catervatim venerunt Elephanti apud hospitem suum ante discessum cœnaturi: sed vacuum penarium & inanes menfas repperunt. Vid. Job. Ludolphi *Histor. Ethiopie, cap. 10.*

PARTIS II. CAPUT IV.

Vindictæ cupiditatem in Elephanto discutit.

Quamvis Elephas natura mansuetus sit, in iras tamen acriter incitatur, perturbatusque aliqua acerbiorē offensione vehementer efferatur, in tali casu sæpè tam hostibus, quam suis ductoribus perniciosus: quam in hoc animali naturam cum non ignoraret Hannibal, eam in suum usum convertit: quippe cum in profundi fluminis transitum Elephantos compellere non posset, neque materiæ, quâ naves conficeret, copiam haberet, ferocissimum Elephantum sub aure vulnerare iussit, percussoremque transnataatō statim flumine procurrere: Elephas exasperatus ad persequendum sui doloris authorem transivit amnem, & ita reliquis idem audendi exemplum dedit, ut stratagematum libro apud Julium Frontinum habetur: idque in trajiciendo Rhodanō factum Livius tradit, citantē Val. Pierio *hieroglyph. l. 2.*

Ultionem exigunt ab his, à quibus indignè tractantur, & injustè vexantur, injuriasque suas scribunt in marmore læsi, ut ita cum Poetâ loqui liceat: qui semel ipsos offendit, caveat sibi, nam vix acquiescent, usque dum vindictam sumserint: nunquam autem homini nisi lacerati nocent: læsi adversarium promuscide apprehensum, usque ad te-

li jactum ejaculantur, ut sæpè antequam terram contigerit, moriatur: in terram delapsum pedibus conculant, nec ante dimittunt, quam animam exhalaverit. Simili ratione jussi Carnificum officiō funguntur, quando mortis Candidatos ad palum ligatos in sublime jaciunt, & pedibus protritos interficiunt.

Plutarchus refert, Romæ Elephantum ex pueris unum, qui promuscidem illius stylis pupugerant, corripuisse, ut statim eum in sublime jacularetur: sublatō autem eorum, qui aderant clamore, sensim & moderatè rursus eundem humi deposuit, existimans, tantō metu injecto satis illum pœnarum pependisse. Usque adeo injuriarum sibi illatarum non obliviscuntur & vindictæ cupidissimi sunt: caveat ergo sibi, qui illos affecit injuriâ: spondeo, offensam non feret impune.

In urbe Goâ Elephas erat, qui aquatum ductus a fœmina quâdam è fenestra prospiciente fannis excipiebatur: indignè ferens hanc injuriam bestia ex fluvio redux proboscidem aquâ repletam effudit in faciem fœminæ, eamque totam fœdè madefecit, atque sic de ipsa vindictam sumfit.

Urbis Tattæ Gubernator tempore quodam omnes suos Elephantos

ad se adduci jubebat : cumque ex edito loco cum Nobilibus nonnullis illos in area stantes probè perlustasset, injungebat ministris, quid cum singulis agere deberent : unum autem senio & morbo jam confectum dimitti præcipiebat tanquam prorsus inutilem : hoc observans Elephas iste confestim in furorem actus in acclivum locum se recepit, proboscide Gubernatorem petens, ejusque togam discerpfit, qui nisi statim fuga se subduxisset, dubio procul in vitæ periculum incurrisset.

Michael Glycas, Græcorum antiquiorum scriptor refert, Elephantum quendam cum in circum deducere-
tur, sedentem in foro Magistrum ferarum subitâ irâ atque impetu interfecisse : causam hujus violentiæ non aliam fuisse, quam quod ante annos decem eodem in loco idem Magister eundem Elephantum ferro percussisset, quam injuriam tot annos recondens tum demum ivit ultimum.

Sequentes duæ historiæ leguntur apud Christophorum Acoſtam :
I. Miles quidam in urbe Cochinchinæ Elephantum per lasciviam putamine nucis Indicæ, (quam satis grandem Incolæ Coccum appellant,) percusserat : quid fit ? Elephante putamen nucis studiose tollit, illudque ac iram recondit : post dies plusculos in via quadam publica obambulantem militem conspicit, accedit, & elatum ex ore putamen promuscide sua acriter in illum conjicit, & tum

exultabundus abiit, quasi talione illâ injuriam probè ultus. **II.** Miles Elephantum in eadem urbe cum Rectore obvium habuit, noluit autem de via decedere : Elephas id in Rectoris suamque contumeliam fieri sentiens ultionem meditabatur, quam tamen Rector prohibebat : post dies aliquot in ripa Mangatæ fluminis, (id urbem alluit,) militem illum otiosum & cum aliis confabulantem reperit : cum Rector non adesset, corripit illico hominem, in altum tollit, nec precibus nec clamore astantium motus, aliquoties flumine merſit allevans subinde & demittens : cumque eum probè madefactum satis diu lufisset, contentus hâc vindictâ hominem jam vitæ suæ diffidentem illæsum restituit eo ipso in loco, unde eum sustulerat.

De alio refert P. à S. T. qui Dominum, qui ipsum verberibus malè multaverat, occidit, quod fustem, quo fuerat percussus, pectori Domini interfecti imposuerit.

Tradunt Authores, Elephantum bonæ fidei cultorem fraudem sibi illatam vindicasse, & quoad illi licuit, scelus conformi pœna mulctasse : cum enim is, qui ipsi hordeum admetiebatur, hordei partem subtraxisset, illiusque in locum lapidibus suppositis ipsi debitam tamen mensuram cumulate servasset, ut Dominum utriusque, si quando vidisset, falleret, Elephante videns eum, qui sibi debitum fraudabat, polentam coquere, primo promuscide fabulum

lum collegit, deinde in ollam infudit, sicque solerter injuriis injurias sibi illatas ultus est. Vid. Ælian. *hyst. an. lib. 6. c. 51.* Plutarchus Elephantum sic à suo Magistro deceptum in ollam ipsius, in quâ carnes coquebantur, cinerem iniecisse refert è focò correptum, de quo Paseratius in encomio Elephantii:

Hæc fera enim paribus poenis delicta coercet

Ulta, velut quondam mixtis vitiata lapillis

Hordea ferventem cineres iniecit in ollam.

Plutarchus memorat *loc. cit.* cui-dam Elephantò ab infideli servo subtractam fuisse dimidiam assignati pabuli partem: aliquando autem Dominus casu stabulum intrat eò tempore, quo Elephantò hordeum porrigebat servus, atque in conspectu Domini hujus integram portionem: Elephas suo Domino servi nequitiam ostensurus sine morâ proboscide dimidiam partem removet alterâ contentus, atque hoc ipso Dominum de pabulò sibi subtractò reddidit certiolem.

Joh. Cuspinianus in *Commentar. in Consul. p. m. 155.* meminit cujusdam pugne in Lucania, in quâ Victoriâ, quam datura virtus fuisset, sequens casus dedit: productis nempe in primam aciem Elephantis unum ex illis catulum adacti in caput teli gravis ictus avertit, quem

per stragem occisorum currentem & vociferantem Mater statim agnovit, & hujus cædem quasi vindicatura exiit, atque in adverso agmine maximas turbas excitans hostium fugæ causa fuit.

De Zelotypo Elephantò Conrad. Gesnerus *lib. 1. de Eleph.* narrat sequentem historiam: Vir venandi Elephantos haut imperitus scribit, se, cum ab Imperatore Romano cum potestate in Mauritaniâ ad venandos Elephantos ablegatus esset, ex Elephantinò genere adolescentem formosam vidisse coeuntem cum Elephantò pariter adolescente & pulchro: alium verò Seniore, quia hujus sive amator sive maritus esset, tanquam se spretum ignominie locò hoc tulisse: quare hanc injuriam vindicaturum atque acriter animo incitatum in corrivalem impetum fecisse atque in illum incurrisse & fortiter dimicasse, instar illius, qui de amicâ sibi ereptâ doloribus acerrimis premitur: adeoque infestis animis utrumque cum altero pugnam commisisse, ut ex hoc vehementi impetu cornibus ambo mutilarentur: neutrum verò vicisse, quod multâ verberatione eos Venatores distraxerint: postquam autem amissis armis inutiles ad conferendam manum inter se facti essent, tum demum hanc pugnam cum Zelotypia conquievissè. Vid. Joh. Hug. à Linschoten *Ind. Oriental. p. 4. cap. 2.*

PARTIS II. CAPUT V.

Elephanti Gratitudeinem laudat.

IN supra memorata urbe Goa Elephas erat nomine Perico, qui quoties certam quandam præteriret domum, legumina, interdum etiam haustum vini accipiebat: hunc infanientem aliquando, & ruptis discurrentem vinculis multi persequerentur, ut illum coercerent, ne fortè læderet obvios: cum autem forte fortuna venisset ad domum prædictam, accidit, ut omnes timore percussi fugam capefferent, solò relicto infantulò, de cuius salute mater affugiens jam prorsus desperabat, vereretur enim, ne pugio à bestiâ protrititus periret: Elephas autem accepti memor beneficii infantem molliter humò sublatum in tectum cassæ, quæ juxta Indorum morem valde humilis erat, leniter reponebat appositis aliquot saxis, ne fortè ex alto decidens ab obviis læderetur.

In eadem Civitate alius Elephas furore correptus obvium sibi habebat hominem, qui paulò ante fructum Indicum gustui gratum Jaca dictum ipsi præbuerat, quem humi prostratum molliter elevatum in medio furore scamno imposuit incolumem beneficii in se collati memor. Cum novus affulget annus, solent ibidem Elephantistæ pro strenuâ colligendâ suos circumducere Elephantos: quando ad Pro-Regis

aliorumque Magnatum ædes ventum est, flexis genibus se exhibent gratos pro collato munere: & quoties isthac prætereunt, toties inclinato capite beneficium agnoscunt.

Singulari Rectores sessorumque suos, quos bene norunt, amore prosequuntur, injuriarum quoque ipsis illatarum & beneficiorum memores, ut proinde optimè Seneca scripserit, Elephantorum feritatem usque in servile obsequium demereri cibum. Sanè a quibusdam aurigas suos, qui in certamine ceciderant, ex prælio exemptos, alios ab aliis servatos Strabo author est. Cassiodorus verò scribit, cum Magistri compendia sua putet alimenta, motu corporis à diversis postulare, quod ei porrigant: quod si, inquit, aliquis præbere contempserit postulata, vesicæ receptaculò patefactò tantam dicitur egerere eluvionem, ut in ejus penates quidam fluvijs videatur intrasse, contemptum sic vindicans fœtore.

Gratum se exhibuisse Elephantum ob accepta beneficia erga ductorem & altorem suum, ex Ælianò lib. 3. cap. 44. planum est: Indorum Rex ab Indo quòdam sibi donari Elephantum poposcerat: hic eum, cum mirò amore diligeret, negavit se daturum, ac cum Elephanto pro-

profugit in disfitam regionem: Rex id ægrè ferens ad insequendum eum misit, qui bestiam Indi auferrent: aggressores igitur, qui misi fuerant, ut utrumque comprehenderent, homo lapidibus petebat: Elephantus verò tanquam insigni injuriâ acceptâ impetum illorum repellebat: occumbente tandem ictibus altore & ductore suò Elephantus more hominum armis acerrimè se tuentium pro suo nutritore masculè pugnavit, invadentium parte occisa, parte fugatâ & tandem promuscide Dominum suum complectens asportavit, permanens amicus fidelis amico etiam defuncto.

Furore correpti interdum Magistros suos interficiunt: sed post perpetratam cædem pœnitentiâ ducti animo tantopere anguntur, ut vix ad mentem redeant, & tandem fame & siti confecti moriantur.

Præterea grati sunt erga suos Genitores, quibus senio confectis pabula; erga quosvis Seniores, quibus honorem deferunt, & reverentiam exhibent solo naturæ ductu, nullâ Lycurgi aut Solonis lege ad id officium compulsi: natu majores enim summâ observantiâ colunt, illisque de sede, loco, via, alimento cedunt, in periculis assistunt, in foveam fortè delapsos admotis fruticum fascibus extrahunt, atque ut illis jugiter inserviant, nihil intentatum relinquunt, quam pietatem etiam in Leonibus, Ciconiis & Merope ave deprædicant Naturæ indagatores.

Ut suos defendant Dominos, de-

certant usque ad extremum Spiritum: Sessoribus & Magistris suis, si quoddam ingruit periculum, animosè assistunt, vulneratos fortè & delapsos ad tutiora loca deportant, id quod Pyrrho Regi contigit, quem in prælio victum Elephas ex præsentissimo viræ periculo eripuit, per medios armatos penetrans, & cum Rege sibi infidente aufugiens. Sic referente Curtio Elephas Regem Porum in prælio cum Alexandro Magno commisso graviter vulneratum leniter se inclinans in terram demisit, sagittas corpori infixas extraxit, & Regem contra aggressores tamdiu tutatus est, donec & ipso telis confosso Rex tandem caperetur: majorem fidelitatem vix homo Regi exhibuisset. O sceleratos homines, exclamat Ælianus, qui mensas, culinas & sartaginum stridores sequuntur, prandia quærentes, in periculis autem amicitiae jure temere violato pollutoque amicos deserunt. Exemplum ingratus hospes quilibet capiat de Elephanto, qui semper, etiam furore correptus beneficii memor est, qualis gratitudo rara avis est in terris.

Abbas de Choyfi in diario suo p. 144. refert, inter Siam & Porcelonem aliquando Elephantum quendam latrocinium exercuisse in viis publicis, irruiſſe in viatores, eosque spoliasse, nonnunquam etiam occidiſſe, prædamque illis ereptam in speluncam suam deportasse & omnia ibidem ordine concinnò disposuisse: accidiſſe autem aliquando, ut Mercator

cator quidam Cochinenfis ab eodem invaderetur, cui tamen noxam intulit nullam, sed oſtenſo illi pede querulam edidit vocem: quô factô mercator pedem ejus inſpiciens animum recepit, inventamque ibi ſpinam altius infixam extraxit: mox Elephas ipſi abſlandiri, proboscide comprehenſum dorſo ſuo imponere, & in cavernam deportare: ibi

cum oſtendiſſet ipſi omnem ſuam ſupelleſtilem, eô relicto diſceſſit: Mercator ad Magiſtratum in urbe Porcelone re delatâ recepit prædæ partem reſiduô inter eos diſtributô, qui ſua agnoſcebant. Veritatem hujus hiſtoriæ confirmavit ſupra dicto Abbati Epiſcopus Metellopolitanus in Regno Siamenſi.

PARTIS II. CAPUT VI.

Gloriæ Studium in Elephanto admiratur.

ID ſoli alioquin competens homini, imprimis illi, cui de meliore luto finxit præcordia Titan, in Elephanto tamen mirificè conſpicuum eſt, quod multis exemplis demonſtrari poteſt. Cupiditas enim gloriæ in illis eſt tam vehemens, ut ignominiâ notati mortem infamiæ præferant: ſolum hoc animal laude accenditur, & contumeliâ angitur. Illorum maximus ſimulacrum Regis ſecundum Dion. Caſſium *l. 39. hiſt. pag. 107.* præbet, & quaſi clementiam Regiam præ ſe ferre videtur, idque ſibi glorioſum ducit: non vult contemni nec injuriâ affici: qui hoc fecerit aut tentaverit, caveat ſibi, ne proboscide apprehenſus det pœnas & in arenam projiciatur.

Pro-Rex quidam Luſitaniæ, referente Carmelitano Monacho de Sta Trinitate dicto in Itinerar, Ori-

ental. Regi ſuo Elephantum ex Hiſpania mittere decreverat: hujus cuſtos ob lucrum ceſſans & damnum inde emergens id ægrè fert, beſtiamque monet, ne in Luſitaniam abeat, adjiciens indignum eſſe, ſi talis ſerviret Regi minori, qui magnum Hiſpaniarum Monarcham hæcenus agnoviſſet Dominum: Elephas id advertens nullâ vi ad navigium compelli poterat cum inſigni ſpectatorum admiratione: fraude tandem detectâ Pro-Rex cuſtodi ſuſpendium comminatur, niſi belluam conſeſtim ad obſequium redigeret: hic mortis timore percuſſus Elephanto ſtatim inſufurrat: magnum Regem eſſe, cui mitteretur: & Regis Hiſpaniarum intereſſe, ut eo tenderet: quod ſi faceret, fore, ut multò lautius ac benignius in Luſitania, quam in Hiſpania habeatur: quô auditô dictum

dictum factum ad navem sese recepit Elephas.

In urbe Cochin ingens erat tormentum æneum, quod Lusitani alio transportandum multis robustis viris commiserant: frustraneus erat hic labor: admovebatur Elephas: sed incassum: hujus dominus indignatus bestię inertiam exprobrat, addens, hanc ignaviam sibi magno dedecori esse apud omnes spectatores, instigatque ulterius, duos juniores Elephantos ostentans, qui id facerent, nisi ipse rem aggrediretur: Elephas glorię cupidus hanc contumeliam devitaturus sine ulteriore mora tanto nisu ad tormentum loco movendum se applicuit, ut medius creparet.

Cum Johannes Hugo à Linschoten ex modo dictę Indię Orientalis urbis Cochin portu solveret, & regressum in Lusitaniam meditaretur, forte accidit, ut navis gubernaculum frangeretur, cui reparando ad litus pertracto statim Elephas admovebatur, ut illud alium in locum traheret: Elephas huic oneri sustinendo impar clavum loco movere non poterat: eapropter in genua procumbens suam imbecillitatem horribili barritu deplorabat: ipsius custos hanc mollitiem ipsi exprobrans adjuncto alio Elephanto gubernaculum eo perduxit, ut cylindris imponi & sic facilius trahi posset: quam alleviationem sentiens prior Elephas socium cornibus suis abegit, ne gloriam hanc sibi prariperet,

clavumque protraxit ad destinatum locum.

Exemplum non dissimile Illustri Viro Dn. Jobo Ludolpho, beatę memorię retulit Wilhelmus Level. Naves recenter constructas in India Elephantorum opera è litore in mare trahi, ait, quod alibi non nisi magnò hominum labore fieri solet: illi igitur capite admoto prius tentant, num navis valde gravis sit, dein spatio sumptò magna vi accurrunt, totius corporis nixu incumbunt, & sic navem in mare detrudunt: accidit autem aliquando, ut navis paulò gravior in luto hæreret, & ab Elephantò, quamvis semel atque iterum conaretur, loco moveri non posset: hinc Magister ejus stomachari capit, in hæc verba prorumpens: Oh! ignavam belluam, dixitque famulo: Amove ignavum hunc & produc fortiolem: quo audito Elephas quasi intelligens, alium sibi præferri, longiore intervallo capto tantà vehementiâ incubuit, ut craniò fractò mortuus concideret. Vid. *Commentar. hist. Æthiop.* H. Ludolphi p. 148. Similem ferè casum recenset Joh. Hugo à Linschoten part. 4. Ind. Or. cap. 2.

Erat, Pliniò referente, Antiocho Regi Elephas, cui nomen Ajax: (ita enim hominum canumque exemplo distinguuntur:) is dux erat agminis, generosus, celsus, & velut Rex in regio reliquo grege: evenit, ut flumen transmittendum esset: renuit infelix & mala sua sorte Ajax: pronunciatum enim fuit illico à Magistro: princi-

principatum ejus fore, qui prior transivisset: intellexit hoc statim & arripuit Patroclus, (hoc erat alteri Elephanto nomen,) fluviumque transivit: hanc ob rem insigni præmio donatus est, phaleris scilicet argenteis, quibus mirè gavissus & exornatus principem locum inter suos socios & contubernales obtinuit: At miser Ajax sic postpositus animum despondit, mortemque ignominiae præferens inedia se confecit: heic obiter notandum, fortissimos fuisse Elephantos antiquitus sua nomina à suis dominis: sic Cato mentionem facit cujusdam Elephanti in Punica acie fortissimè præliati, & altero cornu mutilati, qui Surus vocabatur. Vid. Plin. *H. N.* l. 8. cap. 5.

Observatum fuit, quendam Elephantum hebetiorem & tardiores, cum sæpè aliis laudatis ipse malè audiret, & multoties verberibus ob suam inertiam castigaretur, æmulatione ductum & aliorum gloriâ excitatum illa, quæ à Magistro facere jussus erat, nondum tamen peragere poterat, noctu ad lunam, cum solus esset, meditatam fuisse, seipsum quasi gloriæ stimulo excitasse, exercuisse, & omnia sibi injecta sic addidicisse: calcar addi-

dit hic Elephas cuilibet ignavo literarum cultori, ut perdius & pernox illis det operam.

Aucupium gloriæ in Elephantis eleganter describitur à Passeratio in encomio Elephanti:

Otia sectantur: sed si est ad prælia ventum,
 Palmæ ardent studiò, flagrantque cupidine laudis:
 Argentum & phaleras clarique insignia facti
 Vel mediâ de morte petunt, & nomine gaudent,
 Docta quod æternis includat pagina chartis:
 Surus & Hannibalis fortis Patroclus, & Ajax
 Antiochi, prærepta sibi qui præmia lugens
 Tabuit & tristem jejunia duxit ad Orcum.

Tantopere enim gloriam & honores ambiunt, ut despiciatui haberi nolint, contumeliâque affecti vitæ infami mortem anteponant, quam interdum aliâ occasione denegatâ fame sibi consciscunt. Victi aliquando ab altero in certamine tantò pudore afficiuntur, ut etiam Victoris vocem audire recusent & protinus aufugiant.

Partis II. Caput VII.

Obedientiæ Elephanti meminit.

HÆc tam clara est, ut nemo illam in hoc bruto, quò nihil est

tractabilius, negare aufit: morigerum enim est, & suo Magistro decenti

centi obsequio assurgit: semel domitus Elephas omnia ab homine & pro homine perfert, & tanta hæc moles sæpè à pusione 12. annorum regitur, idque fit sine vi, (bacillo tantum καλαυροπι secundum Philostratum) aut levi ferro: etiam jugum subeunt Elephantis & currum trahunt, ut Oppianus tradit, & Romæ primus ostendit Pompejus, quem postea sæpè Principes secuti: nummi porrò & monetæ antiquæ id docent: hinc Ovidius Tristium l. 4. eleg. 6. canit:

Quæque sui jussis obtemperat Inda
Magistri
Bellua, servitium tempore victa
subit.

Meretur heic apponi, quod scribit D. Wolffgangus Frantzius in præfat. hystor. animal. sacræ: tuo jussu, ô homo, Elephantus vel mediocribus collibus similis, tamen tuo Imperio & nutui subditur, & turres armatorum in aciem portat te jubente: ecce! cogita apud animum tuum, quantæ bestię tibi pareant & obediant, & hoc pacto simul eum, à quô tibi hoc dominium traditum est, perpetuis laudibus celebra: tu igitur, ô homo, erga DEUM tuum obedientię, patientię, pietatis & honoris studiis omnibus potius talem temet præbere gestias. Eleganter Passeratius de Elephantis in encomio canit ita:

Sermoni aufeulant patrio parentque
monenti:

Observant nutus & herilia jussa capes-
sunt:

Quod si fortè sui discunt præcepta Ma-
gistri

Tardius, hæc secum noctu meditata re-
quirunt.

Interdum tamen detrectant obsequia, præsertim in furorem acti: sic de quodam Elephantis scribit Hap- pelius in relat. cur. ad Regem Dialkan mittendo, qui recusavit abire, nisi socius ipsum comitaretur: de alio narrat ibidem, qui vi in navigium compulsus seipsum præcipitem dedit in mare: nonnunquam enim aquas intrare nolunt, cæteroquin Magistris suis obsequentes: præmissis autem sceminis mares secutos esse narrat Polybius hystor. l. 3. proboscibus, per quas respirant, supra aquam sublatis, per quas etiam, quicquid inciderat, efflabant, atque ita aquæ resistentes rectò quasi itinere ad ulteriorem ripam progrediebantur: horum quidam ratibus vecti præ metu in medio trajectu se dedere præcipites in flumen: quorum Indi omnes periire, reliqui verò servati sunt.

Jussi lapidem ad scopum jaciunt: armis utuntur, & ad nutum Rectoris omnia faciunt: ad omnia servitia tam in toga quam sago præstanda prompti sunt & parati: ubi progrediendum aut retròcedendum est, monet domitor, cujus vocem callet Elephas: Feri, inquit moderator belluæ, illum: ab illo tempera: sævi item in alios: abstine ab illis: animal cuncta subit imperata, eaque ad amussim explet æquè ac humanorum capax sensuum: quid est reli-
quum?

quum? discretis moribus fortitudine eximiâ præstat omnibus, ut scribit Ludovicus Romanus 4. Navius. 10. p. 232. Sine duce & sessore nullis constrictus vinculis aut habenis, nudus & omninò liber per plateas præeuntem aut equò vectum in itinere Magistrum suâ sponte sequitur, parique passu cum illo ambulat.

Elephas quamvis terribilis sit & vastus corpore, adeò tamen homini obnoxius & subiectus est, ut tantam molem in ludicra verterimus & spectacula panegyrica: hinc eleganter Martialis:

Turpes effeda quod trahunt bison-
tes,

Et molles dare iussa quod choreas
Nigro bellua nil negat Magistro:
Quis spectacula non putet Deorum?

Inserviunt etiam ad pompam in spectaculis: Sic in Regno magni Mogolis sæpè in conspectum Regis producuntur, atrò colore cum lineâ rubrâ à capitis vertice usque ad imum ventrem tendente illiti, stragulis acupictis exornati cum tintinnabulis aut campanulis ex argentea catena utrinque pendentibus & capillamentis albis auribus affixis: sic ambulant in magna gravitate & quasi mirificè sibi placent. Elephas primarius procedit ad Regem duobus

minoribus Elephantis tanquam famulis stipatus, quo cum perventum est, hamulo ferreo tactus à Sessore admonetur, ut Regem flexis genibus salutet, cujus nutui & imperio statim paret. Vid. Ol. Dappers Asiam p. m. 222.

Idem pag. 246. de prædicti Regis Archistratego scribit, quod peregrè abiturus vel exspatiaturus infideat Elephantis insigni & phaleris ornatissimo, quem plurimi Elephantis similiter compti cum copioso satellitio & Nobilium comitatu præcedunt & sequuntur. Ad Magni Mogolis servitia tenetur Chamus quotannis alere 50. Elephantos cum duodecim millibus equitum: idem proprios ad usus Elephantis semper est instructus, quorum ministerio utitur, quoties res postulat. Inter dona Leoni X. Pontifici Max. ab Emanuele Lusitaniæ Rege conspiciebatur etiam cum Indo Rectore militibusque turritus Elephas splendide phaleratus, ad omnia imperata promptus, cum alia egregiè doctus, tum verò ad certa symbola Pontificem M. flexo poplite venerari, & lepidos edere ad tibiam motus, haustamque proboscide ingentem aquam vim repenti in spectatores effundere.



PARTIS II. CAPUT VIII.

Elephanti Intellectum Sermonis patrii enunciat.

Non modo vernaculam linguam admirabili & recondita sagacitate Indi Elephanti intelligunt, sed etiam peregrinas, si eas edoceantur, ut scribit Garzias ab horto *hist. arab. l. 1. c. 14.* Illud etiam ætati nostræ claro innotuit experimento, illos Magistrorum suorum dicto audientes esse, eorumque jussa exsequi, quâ de re in capite præcedente actum.

Christophorus à Costa rerum Indicarum peritissimus inter alias plurimas easque stupendas dotes Elephantum etiam loquelam assignare videtur: dicit enim, se certum esse, quod hæc animalia in Regno Malabar interdum inter se colloquia instituunt, se invicem intelligant, imò nonnunquam humanam vocem edant: suas etiam dialectos Elephantos habere, quas ipsi inter se intelligant, sunt, qui affirmant: ubicunque nascitur, indigenam sermonem percipit: verbis domatur, instituitur, incitatur, revocatur, placatur, ad omnes usus excolitur, ut scribit Alsted, *encycl. l. 7. Phys. part. 6. cap. 5.*

In urbe Cochinchina modo dictus C. à Costa refert fuisse Elephantum, ad labores in litore maris peragendos destinatum: huic aliquando valdè defatigato Gubernator urbis

imperabat, ut Liburnicam jam dum loco motam ad mare pertraheret: diu renuit Elephas nimis delassatus: quid fit? accedit aliquis blanditiis ipsum demulcens, & petens, ut in gratiam Lusitanie Regis id negotii in se susciperet: hujus precibus dictum factum annuit Elephas sequenti voce prolata: Hooh, Hooh! quod Malabarico idiomate sonat: Volo: Volo: & sic confestim Liburnicam destruxit in mare: quod confirmat Oppianus ita canens:

Fama refert, voces etiam alternare Elephantos,

Et distincta susurrare atque emittere verba:

Inter sese, & mentis barritu mutua signa

Prodere, tum socias sylvis barrire loquelas:

Quas voces tamen haut facile intellexerit ullus,

Ni ciceratores norint fortasse: - -

Elephas Anno 1629. Noribergæ visus à Magistro suo interrogatus, an dominum suum amaret? an vinum sit bonum? & sim. respondit clara voce: Ho: Et ferè gallico idiomate: Oy. Sic psittaci, picæ, sturni, cornices loqui & garrere discunt: Sturni mentionem facit Plinius *l. 10. c. 21.* græcè atque latinè loqui docti. Vid. Ant. Deusingius *de brutor.*

loquela p. 200. Sic de equo Hiobi *cap. 39.* dicitur, quod in aciem progrediens clangente buccinâ dicat: Euge, & eminus odoretur bellum, commotionem Principum & clamorem.

Nemini hoc mirum videatur: nam & Aristoteles *l. 4. hist. an. cap. 9.* animalibus loquelam non denegat, ubi hæc habet: at verò vox explanata, quam esse quasi locutionem brutorum dixeris: ibidem scribit, iis præcipuè animalibus formandæ locutionis facultatem datam, quibus lingua mediocriter lata vel tenuis est: quin imò paulò post lusciniæ locutionem assignat, quando eam modulos suos pullos docere ait, & versus, quos imitetur. Idem statuit Porphyrius *lib. 3. de abstinentia ab usu carn.* Plutarchus alique.

Etenim animalia per varias articulatas voces varias quoque exferunt, promuntque animi affectiones: nam ut Porphyrius ait, alio modo cum timent, alio cum vocant, alio cum ad edendum invitant, alio cum benignè se mutuo excipiunt, alio cum ad pugnam provocant, clamare & vocem emittere audiuntur.

Sic Venator exlatratus diversitate canem modò quærere vel capere leporem, modo illum invenisse, modo temere vagari animadvertit: item bubulcus bovem esurire, sitire, defatigatum esse, in Venerem ruere, vitulum quærere ex mugitu intelligit: Leo quoque rugitu minas profert, sicut lupus ululatu se fame affligi indicat: quâ re indigeant oves, opi-

lionibus ex balatu perspectum est: neque bruta latet hominum vox, si ve irascantur, si ve blandiantur, si ve vocent, ludant, si ve petere aut dare quicquam velint: sed omnibus ejusmodi vocibus accommodatè obtemperare conspiciuntur: quod fieri nullo modo posset, nisi simile intelligentia ad simile responderet. Similes enim articuli in unaquaque specie similes animi affectus indicant ac manifestant. Vid. Hieron. Fabricii *ab Aqua pendente Tractat. de loquela brutorum cap. 1.*

Miranda loquelæ brutorum exempla si quis desiderat, ea non solum in sacro codice, sed & in profanis inveniet historiis: de Bileami asina *Num. 22. cap.* legimus, quod Dominus ei aperuerit os, quo subjugale mutum animal hominis voce loquens prohibere Prophetæ insipientiam potuerit, *2. Petr. 2.* Referunt insuper historiæ, annò quò Tarquinius superbus Regno pulsus, canem & serpentem locutum esse: aliquoties etiam bovem in hominis verba prorupisse in Latio, eadem testantur: imprimis in agro Romano ante Cæsaris Dictatoris mortem bos arator ad Rusticum conversus hæc verba protulit: frustra stimulis se agi, prius enim homines quam frumenta defutura esse, bellorum Civilium certo præsagio: Gallum in Ariminensi agro locutum esse, meminit Suetonius: sed & tempore belli Germanici, quod Imperator Carolus V. Principibus quibusdam Imperii movit, canem quendam in

Hæc.

Hæc verba quædam distincta ac clara voce pronunciaſſe Melancthon auctor eſt: de quibus & aliis videatur Fulgoſus *memorabil. lib. 1. c. 4. & ſeq.*

Inter prodigia refert Titus Livius, quod bos Cneo Domitio Conſule fuerit locutus, protuleritque hæc verba: Roma cave tibi *lib. 35.*

Nos his authoribus fidem ſuam vindicandam, & rem ipſam in medio relinquimus: admiratione tamen putamus eſſe dignum, quod Elephanti ſermonem patrium intelligant, Indorum ſcilicet Æthiopum atque Afrorum, & ubicunque naſcuntur. Præter Plinium *lib. 4. cap. 24.* Ælianus *lib. 48.* hæc habet:

οὐκ οἶσι γὰρ ἐλέφαντες καὶ γλώττης ἀνθρωπίνης τῆς ἐπιχωρίας, i. e. capiunt & humanum ſermonem Elephanti, ſed indigenam: & Dio ſcribit: etiam hoc ajunt, eos patriam vocem audire atque intelligere. Nec alia res certior, inquit J. Lipſius *cent. 1. epist. 50.* Institutionem eorum vides? linguâ fit: domituram? linguâ: incitationem, revocationem? linguâ: denique ut clavus navem, ſic animal hoc impellit dirigitque quô libitum humanus fermo. De institutione audi Ælianus *l. 13. c. 22.* Docentur, inquit, atque inſtituuntur ad varia ſermone vernaculô, cujus mirô quodam & ineffabili modô ac velit peculiari naturâ ſunt capaces.

De domitura Strabo *lib. 15.* ait: primum captos vinculis ac fame domant: deinde cicures eos reddunt manſuetosque, hos ſermone, alios

cantu aliquo aut tympani ſonitu delinientes: de regimine toto: quotidiana olim exempla in bellis, in pace: atque item hodie: furere etiam cum incipiunt, & à ſe abire: ad mentem reducuntur oratione: credere id ſeriò nos monet Chriſtophorus Acoſta, cui fidem derogare nefas eſſet: Is gente Hiſpanus, profeſſione Medicus, ad novum illum orbis tractum abiit, quem Orientalem Indiam vocamus: diu illuc egit, luſtravit, ſcripſit, & inter alia de Elephantis non pauca viſa ſibi aut à viſoribus accepta: crebrum enim valdè & quotidiani uſus animal in iis locis: is inter alia in libro de aromatibus refert: aliquo morbi genere tentari quotannis Elephantos, quod haut diſtet à furore: cauſam amorem eſſe, & venire, cum ad eos venit Venus: tum bacchari eos, furere, obvios lædere, niſi vinculis coerceantur, quod fit ab incolis ſtudioſè: ſed hunc morbum non aliter tolli, quam verborum lenociniis: aſſiſtere belluæ Magiſtrum, increpare acriter, ac oſtendere fœditatem: tantamne belluam & Reginam aliarum ita dementire per inſanum amorem: vilitatem hanc eſſe & degenerationem à natura ſuâque ſtirpe: rediret ad ſe, & conculcaret hunc affectum, qui turpiter nimis ipſum: & his talibus, quæ etiam homini utiliter adhibentur, fieri medicinam: quomodo autem hæc fieri poſſent, niſi hæc omnia non ſolum audiret, ſed & caperet?

In Regno Pegu Elephantos, præfertim fœmellas intelligere sermonem patrium, author est Gottardus Arthusius *part. 7. Ind. Or. cap. 38.*

De Elephanto, cui nomen Hannonis inditum fuerat, ab Emanuele Lusitaniæ Rege ad summum Pontificem Leonem X. misso refert Pierius, quod nulla ratione aut vi adduci potuerit, ut navem conscenderet: Regem verò non latebat, dolo Magistri id fieri, qui suafisset bestię, in longinquas Regiones sibi esse abeundum, ubi malè haberetur: neque enim ipse Magister libens discedebat, ne amasiam suam quam deperibat, in Patria relinquere cogeretur: quo audito dura quæque Rex Magistro minatur, nisi belluam induceret, ut intra triduum navem conscenderet, & destinatum iter capesseret: paret territus Regis comminatione Magister, ac discipulum Hannonem aggreditur, eique proponit Regis voluntatem, & quod ad primm orbis Dominum ac magnum Principem destinaretur: benè illi ac lauta omnia futura, multaue his similia: his auditis in aliam sententiam perductus Hanno navem conscendit, nec amplius directoris sui iussa capessere recusavit.

In Insula Indiæ Zeilana Elephanti, qui alios staturâ superant, etiam peregrinas linguas addiscunt: quas illos intelligere Metellus author est: cui subscribit Helmontius *in demonstrat. thes. p. m. 674.* inquiens: imò & Elephantos pudet, si quid minus generosè impropereetur à se factum: quod sanè fieri non posset, si non caperent illa, quæ illis dicuntur. Linguas & idiomata illos intelligere patet ex hoc, quod Plinius *libro 8. cap. 1.* tradit de Elephanto quodam, qui maria transiturus non antea navem voluit conscendere, quam sibi jurejurando à Rectore promitteretur reditus: cui Ælianus *l. 4. cap. 23.* adstipulatur, ubi scribit: cum Indi capiunt Elephantos ætate infirmos ac teneros, illos ciborum illecebris ac blandiloquentiâ mansuefaciunt: nam indigenarum hominum linguam Elephanti intelligunt, & ut summatim dicam, perinde eos quasi infantes pueros, tum eis cibaria largientes, tum disciplinas tradentes alunt.

Dissentit verò P. à S. T. *in Itinerar. Indico pag. 388.* negans, illos humanam vocem intelligere, sed saltem ex gestibus Rectorum amorem vel odium exprimentibus diversimodè affici,



PARTIS II. CAPUT IX.

Elephanti Docilitatem atque ad Exercitia Habilitatem ostendit.

VERè Ælianus de Elephanto testatur, quod natura illum non modò insigni præ aliis animalibus magnitudine ornaverit, sed & disciplinâ mansuetum & tractabilem fecerit: hinc illum aliô in locô vocat animal φιλόσοφον καὶ θυμόσοφον: mira enim, inquit, Elephanto est ingenii facilitas, tantumque in discendo obsequium & promptitudo ad eas disciplinas assequendas, quæ ad discendum difficiles sunt homini ipsi, nedum tam ingenti bruto.

Elephantus omnium ferarum mitissimus & placidissimus est: quippe qui ad multa officia eruditur & intelligit: quandoque enim Regem adorare condiscit: valet sensu, & ingenii sagacitate excellit, ut scribit Aristoteles *H. A. l. 9. cap. 46.* In theatris partes suas optimè agit, seque ad omnia exercitia accommodat: conformat corpus ad omnes ex arte motus & gestus: discit ea, quæ ægre capit homo: proinde non audiendum esse Digbæum existimo, qui Elephanti docilitatem in dubium vocat.

Augerius Gislenius Busbequius in sua primâ Epistolâ narrat, se Constantinopoli Elephantum vidisse pilâ ludentem & tripudiantem: pilam

proboscide terræ allisam, iterumque in se conjectam eâdem excipiebat: tripudia verò exercebat, unum pedem post alterum ad muscos numeros artificiosè tollendo, atque sic concinnè saltando: omnia enim discit, hinc ab alaph Hebraico, quod discere significat, Elephas dictus, siquidem corpus ad omnem artificiosum gestum pulchrè conformat.

Ælianus *lib. 11.* tradit, eos ad numerum saltare, tibiæ sonorum differentiam intelligere, cursum tardare ad soni tarditatem, seque remittere, ad remissionem rursus cum acutus sonus impellit festinare.

Germanicus Cæsaris Tiberii nepos cum Romæ spectaculum gladiatorum ederet: in theatro populo Romano inter alia exhibuit XII. Elephantos stolis indutos in orbem saltantes, modestè pedibus terram pulsantes, & flores in pavementum spargentes: vulgare in iis fuit, arma in altum jacere, gladiatorios congressus exercere, per funes incedere, plenisque hominum trichiniis ita libratis vestigiis per lectos ire, ne quis potentium attingeretur, Nic. Perottus in *Corn. Cop. p. 691.*

Singulis plenam fidem adhibet Thomas Bartholinus *Histor. anatomic. Centur. 5. histor. 31.* qui oberantem per Europam Elephantum vidit gladio pugnans, bombardam minorem explodentem, nummos ex astantium crumenis proboscide venantem, pileo Spectatores salutantem, eundemque capiti possessoris ope proboscidis rursus imponentem, genua submittentem, procumbentem, subitoque iterum resurgentem, proboscidem ad nutum ascendentis custodis flectentem, & reconditos in faucibus nummos educentem, ut adeo credibile sit illud Ciceronis & Plinii l. 8. scribentis, illum proximum esse humanis sensibus.

Obeunt plura exercitia militaria: jussi sclopetum humi positum at tollere, illud militum more dextrè proboscide prehensum elevans, præsentant & erigunt, & humerorum loco fronti mediæ imponunt, tandem jussi illud explodunt & exonerant. Pileum mandatò Magistri detrahunt de capite, eundemque iterum aptè proboscide reponunt, eademque vexillum arreptum dextrè vibrant, etiam ad numerum à Rectore præscriptum: jacentem in terrâ nummum beneficiò parvæ prominentiæ in proboscide sublatum offerunt spectatoribus, quos in sublimi sublato circumgestant: in dorso collocatos plures pueros aliquandiu per circum portant, tandem posticâ parte subsidentes eosdem innoxie delabi faciunt: Dominis

fuis reverentiam debitam exhibent incurvantes genua, & coronas porrigunt: jugo colla submittunt, Magistrorum suorum nutus observando: præterea calceis ferratis solum fodicant, nec inutiliter alimenta sua consumunt: multa insuper comoda hominibus præstant, quos etiam valdè operè, præsertim autem mulieres amant. Ubique nascuntur, indigenam sermonem percipiunt: habent ingenium belli pacisque artibus idoneum: pro defendendis suis pugnant usque ad extremum spiritum: si contra hostes & belluas certamen ineundum, ratione certâ aciem disponunt, tela & spicula vulneratis tanquam Chirurghi leniter educunt: infirmos, fessos & vulneratos in medium agmen recipiunt, & ad omnia se promptos & paratos esse re ipsâ demonstrant.

Elephas à Clarissimo Sturmio visus à Magistrò interrogatus, an Imperatorem Romanum & quâ parte corporis amaret, proboscide intra pedes anteriores reflexâ pectus & cordis locum aliquoties percussit: similem honorem amoremque Turcarum Imperatori exhibere monitus constanter renuit, increpitus cum indignatione, capitis succussione & fremitu id facere recusavit, odium contra communem Christianorum hostem abundè sic contestatus. Vide ejus exercitationem de Elephanto cap. 3.

Elephantum se vidisse Arrianus in lib. de rebus Indicis: ubi τὸ θυμώδες



& docilitatem commendat, refert, qui, cum in auribus haberet binā appensa cymbala, promuscide alternatim ea tangebatur ad rhythmum, saltabatque pro rhythmī ratione, cæteris eum imitantibus choreamque ducentibus. Vid. Hieron. Cardan. *l. 10. de animal. perfect. p. m. 548.* quod admiratus Gassendus *Phys. sect. 3. l. 11. cap. 1.* ita scribit: Ecquis facile capiat, tenue illud, quodcunque est intra Elephantī corpus, quod si animam seu spiritum, seu aliud quodvis principium motus concipimus, posse illam tantam molem agitare, ac ad tripudium etiam velox concinnumque componere? ac tantō magis, quantō ubi tenue illud intra id corpus non amplius viget, tantā externā vi opus sit, ut vel minimum locō moveatur: sed nempe ad hoc quoque primum facit eadem natura animæ ignea, quæ tametsi sit flammula pertenuis, sui tamen mobilitate idem proportionē præstare intra corpus valebat, quod flammula ex pulvere pyriō intra tormentum bellicum: dum scilicet non modō globum tantō propellit impetu, sed tantā etiam vi depellit totam machinam: ex quibus Gassendi verbis Th. Willisius *tractat. 1. de morbis convulsiv. cap. 1.* suam elasticam seu de explosione assertionem stabilit, quem vide fis.

Athanasius Kircherus in *Chin. illustrat. p. 79.* refert: Magnum Mogolem sæpē delectari Elephantorum inter se congressibus & pugnis: illi in arenam producti in genua pro-

cumbunt, quā reverentiā Regem salutant: deinde signō datō inter se tam acriter pro victoriæ gloriā dimicant, ut vix ac ne vix quidem à se divelli possint: finitā tandem pugnā proboscide se invicem completentes pacem rursus cum spectatorum admiratione ineunt.

Ælianus refert, Indorum Regem olim aluisse locō stipatorum viginti quatuor Elephantos custodes corporis, alternis vicibus & vigiliis aliis in priorum stationem succedentibus: apud Indos enim ad vigiliarum disciplinam erudiuntur, ne inter custodiam somnum capiant: siquidem vigilantissimi sunt excubitores, à somnō invicti, & hominibus fideles: illorum unus ex præcipuis flexis genibus salutavit Regem toties, quoties id ipsi fuit injectum: quam reverentiam Imperatori Domitiano alium Elephantum suā sponte exhibuisse, author est Martialis in subsequente epigrammate ita canens:

Quod pius & supplex Elephas Te Cæsar
adorat,

Hic modō, qui Tauro tam metuendus
erat:

Non facit hoc jussus nullōque docente Ma-
gistrō:

Crede mihi: Numen sentit & ille
tuum.

quō ipsō Poëta blanditur Domitiano, quod ab Elephantō adorari visus sit, tribuens hoc divinitati Principis, eō quod Elephas nullō docente Magistrō illum DEUM esse intellexerit. Vid. Nic. Perott. *Corn. Cop. p. 691.*

Josephus Barbarus in suo itinera-
rio in Persiam describens quoddam
convivium Persarum, cui ipse inter-
fuit, tradit, inter spectacula aliorum
animalium duos etiam productos
fuisse Elephantos, qui, cum in con-
spectum Assambei Regis Persarum
venissent, ad certa quædam ducto-
ris verba devotè ipsum intuebantur,
& quidem gravitate non inde-
cente caput inclinabant, eique reve-
rentiam exhibebant.

Docilitas in illis est magna, inquit
Plinius, siquidem Regem adorant,
genua submittunt & coronas por-
rigunt: Hinc pulchre Passeratius in
encomio Elephanti canit:

Submissis genibus, porrectisque arte
corollis,
Purpureos Reges, augustaque sceptrâ
salutant.

præterea lapides ad scopum jaciunt,
tympana proboscide artificiosè cele-
riterque pulsan, & quod admira-
tionem meretur, omnemque ferè
fidem superat, legere & scribere
discunt.

Romæ aliquando indociliorem
fuisse Elephantum proditum est,
qui à suo Magistro increpitus &
castigatus noctu visus est ad um-
bram lunæ institutionis documenta
attendere, meditari & exercere:
verum hæc non tam videntur ad-
miranda, quæ ut plurimum fame
Magistrâ discere coguntur: magis
admiremur illa, quæ sæpè faciunt,
nullâ unquam ferè disciplinâ insti-
tuti.

Annò 1600. Vice-Rex Indiæ Hispa-
niarum Regi Elephantum misit, qui
linguam Italicam & Lusitanicam
accuratè intellexit: nam omnia,
quæcunque illi in una ex his linguis
mandabantur, promptè expediebat:
videbatur amare Musicam, nam eâ
auditâ proboscide tactum seu men-
suram denotabat: Er sührete den
Tact mit dem Rüssel. Satis eviden-
ter quoque apparebat, animal hoc
Magistri sui iram & indignationem
percipere potuisse: nam quoties
Magister illi succensebat, toties
tristitiam suam ejulatu prodere stu-
debat, nec prius cessabat, quam
Magister illum blanditiis iterum de-
mulceret. Vid. Histor. Æthiop. Or.
P. Johannis dos Santos Dominicani
Parisiis Annò 1684. impressam pag. 172.
Sunt, qui statuunt, Elefantos non
intelligere verba, sed sonò verbo-
rum auribus haustò spirituum mo-
tus ob diuturnam assuefactionem
consequi, qui ut plurimum plagis
& verberibus prius affectis obtin-
gunt. Sic videmus equos, boves
& alia animalia stupida pro lubitu
in utrumque latus deflecti à solò
sæpius auditò verborum sonò, cui
postea spirituum motus succedit.

Robertus Coverte Anglus, qui
annò præteriti seculi octavo Indias
perlustravit, refert, coram prædicto
Magno Mogole quotidie dimicare
50. Elefantos auro & argento ex-
ornatos buccinarum clamore illos
ad certamen accendente, in quo cer-
tamine sæpè lethalia sibi infligunt
vulnera, nec alio modo hæc dimi-
catio,

catio, quam objectis pyrobolis dirimi potest: idem recenset, se vidisse unum Elephantum duos equos sylvestres atque feros sic occidisse, proboscide nimirum collo injectâ & cervice cornibus fractâ: ubi pugna defuit, brabeum accipiunt arundines saccharatas, ut & vinum saccharo dulcoratum, quibus cupediis impensè delectantur: lautè enim communiter in Indiis hoc animal tractatur.

Author rerum Asiaticarum & Africanar. memorabil. pag. 178. mentionem facit alterius pugnae Elephantinae ibidem celebrari solitæ: construuntur scilicet ex terra duo aggeres 5. vel 6. pedes alti: in utroque spectare licet Elephantum cum duobus fessoribus bestiam ad certamen incitantibus, qui tanta cum ferocia congregiuntur, ut capitibus cornibusque inter se collisis magnus fragor audiatur, parumque absit, quin ad internecionem usque sic dimicent: igne superinjecto postmodum dirimitur pugna, quæ post interpositam modicam quietem rursus incipit tantò cum fervore, ut dirutis aggeribus alter debilior victori cedere & aufugere cogatur: horrendum est visu, quando interdum fessores proboscide detracti miserè pedibus proteruntur: hinc in arenam descendentes domesticis suis ultimum vale dicere consueverunt: superstites Rex donat 50. argenti cusi libris, eorumque salaria auget: interemptis verò succedunt filii parifatò fortè aliquando immolandi:

nec spectatoribus semper hisce spectaculis impunè licet interesse, siquidem nonnunquam usu venire solet, ut unus vel alter ab irruentibus bestiis vel incumbente turbâ pedibus conculcetur, atque sic miserè pereat.

Ingenium iis docile & facile, aptum ad omnes artes sive belli sive pacis: ac in bello quis non ingenium eorum admiretur? sive cum belluis sive cum hominibus jussu hominum pugnandum sit: dirigunt enim velut consilio aciem, defessos ac infirmos in medium agmen recipiunt, in fuga ipsa suos non deferunt, sed gregatim abeuntes circumdant & propugnant: instituuntur veluti milites ad prælia: bellatores non solum dorsò ferunt, sed & ipsi bellant: propugnant suos: impugnant hostes: denique eò veniunt, ut munia etiam omnia militaria usurpent. *Ælianus lib. 12. cap. 22.* author est, Elefantos decorè actus bellicos edere: ex iis viginti quatuor Indorum Regi assistere, & excubias agere, ut fidissimos quosdam corporis custodes: atque ita agere, ut alternatim in stationem succedant sine somnò quidem ac conniventia oculorum: à pericissimò milite, dic, fodes, quid aliud expectes?

Ad omnem ex arte motum aut gestum corpus conformant: ingenuculari, submittere se & adorare Reges docentur, ut legimus apud Aristotelem *H. A. l. 9. cap. 46.* Saltant etiam & choreas ducunt: hinc

Plutarchus scribit: *ὁρχήσεις τε μανθάνει
καὶ χορείας καὶ προσκυνήσεις*: tantum au-
tem abest, ut indecore saltent, quin
potius ad numerum & sonum tibiæ
vel tubæ corpus impellant satis con-
cinne, modo lentò, modo velociore
gressu. Tempore Tiberii Romæ
XII. Elephanti in Theatrum pro-
ducti pulchrè phalerati & instructi
cum stupore spectatorum artificio-
se saltarunt referente Ælianò *l. 2. c. 11.*
hic non immeritò miratur, quod
animal rationis expers numerum &
cantum percipiat, formam & orna-
tum teneat, à saltando non abhor-
reat, atque in omnibus suo directori
pareat & adsurgat.

Tibiæ cantu demulcentur, cur-
sum tardant ad soni tarditatem, se-
que remittunt ad remissionem tibiæ,
rursum cum acutè sonans impellit,
festinat, discendo assequi omnia
Elephantus solet: feritate expulsâ
secundum Ælianum Musicâ dele-
ctantur: tympanorum sonò non
terrentur, pedum ingredientium
strepitum cantumque miscellaneum
ferunt, & sic exercentur ad homi-
num multitudinem non formidan-
dam: ad gravem plagæ ictum non
excandescunt, coacti ad saltandum
membra decenter flectunt: in spe-
ctaculis edunt egregia specimina,
ostendantque, se rectè institutos
esse, suosque Magistros in ipsis e-
rudiendis oleum vel operam non
perdidisse.

Gesnerus *l. c.* vidit Elephantum
cymbalò ludentem, aliosque saltan-
tes: cymbala autem singula utrique

cruri anteriori appensa erant, &
aliud proboscidi: ille alternis in
cruribus utrumque cymbalum pro-
boscide feriebat numerosè: cæteri
circumsaltantes tripudiabant, & an-
teriora crura alternatim tollentes &
flectentes ingrediebantur cymbalo-
rum sonitu admoniti. Vid. Arria-
nus in Ind. Idem tradit, Elephan-
tos, cum præ dolore aut vulnere à
pabulo abstinent, ab Indis circum-
stantibus tympanorum ac cymba-
lorum pulsu cantumque exhilarari &
demulceri: imò verò ajunt, Indi-
cos, omnium ferocissimos, adeò, ut
difficulter cicurari possint, ad instru-
menti Musici pulsationem cantile-
narumque modulationes animum
intendere, auresque ad audiendum
arrigere, atque hinc ita mitigari, ut
ferè nullo alio commento deponant
feritatem.

Norunt sua nomina: coronas
porrigunt: ad scopum jacula proji-
ciunt, bombardas explodunt & mox
terga vertunt, armis utuntur more
gladiatorum ea in sublime jaciendo
& inter se digladiando: quin & in
præliis gladio proboscidi alligatò
strenuè olim pugnarunt, obvium
quemque prosterntes: in specta-
culis sæpè eas gestuum figuras & va-
rietates effinxerunt, quarum elegan-
tiam difficile sit humanæ industriæ
exprimere, ut Plutarchus scribit libro
de industria animalium. Pulchrè
de hâc re canit Passeratius in enco-
mio Elephanti:

In numerum ludunt, & flectunt mollia
tertis

Membra

Membra modis, unctaque cient simula-
cra palæstræ :

Treicios memorem, veluti moderante
lanista,

Congressus? aut ut celeres jactata per
auras

Martia tela cadant, clypeique rotentur
in orbem.

Secundum Strabonem etiam na-
tare discunt, quod tamen à naturâ
Elephanti videtur esse alienum, si-
quidem aquas profundiores hor-
ret.

Vulgare erat arma per auras ja-
cere, non auferentibus ventis, (ut
scilicet iterum jacta reciperent)
Germanici Cæsaris munere gladia-
torio congressus, & saltantium mo-
do inconditos motus edere, aut
lasciviente Pyrrhiche colludere :
(πυρρική est genus saltationis enopliæ,
quæ olim ab armatis peragebatur,)
denique in theatris eos gestus effin-
gere, quos vix Pylades aliquis aut
Bathyllus : in spectaculis Elephas
ostendit eas gestuum figuras, quas
homini exprimere foret difficile.
Vid. Plin. *H. N. l. 8. c. 1.* & Plutar-
chum supra loco citato.

Romæ quidam Elephas gyros dif-
ficiles facere doctus, propter tardi-
tatem à Magistro suo aliquoties in-
crepitus noctu ad Lunam sua spon-
te se exercere deprehensus est. Ille,
quem Emanuel Rex Lusitanæ Leo-
ni X. Pontifici dono miserat, eun-
dem de fenestra prospectantem ter-
genibus flexis & demisso corpore ve-
nerabundus salutavit, Osorio pro-
dente.

Elephas Anno 1563. Maximiliano,
tum temporis Romanorum, Bohe-
miæ ac recens coronato Regi Hun-
gariæ, postea Romanorum Impera-
tori muneris locò ex Hispania trans-
missus, in Belgio conspectus est, cu-
jus statura octo pedes excedebat,
quanquam annum nonum nondum
attigisset : hunc adeò perdomitum
& mansuetum fuisse ferunt, ut viris
pariter ac mulieribus eleganti ge-
num inflexione debitum honorem
deferre potuerit. Vid. Mich. Casp.
Lundorpii *Continuationem Sleidani*
l. 4. p. 381. in fine.

Mensis accumbunt humanum in
modum satis urbanè & modestè, ut
prodit Ælianus *lib. 2. cap. 11.* scribens:
Romæ olim in theatro aliquot men-
sas stratas, apposita pocula aurea &
argentea, cum aqua, vino, pane, car-
ne, fructibus aliisque cibis, & post-
modum deductos fuisse XII. Ele-
phantos, sex mares, totidem fœmel-
las, illos togatos, has stolas : qui
signo dato mensas accedebant mi-
ro ordine, cibum non avidè, sed
modestè capientes, & pro fiti levan-
da aliquot aquæ & vini pocula le-
pidè promuscide exhaurientes :
deinde circumstantes leniter & festi-
vè sine contumelia aspergentes &
cottabum facientes. Mimi Magi-
strique officium exhibere, & aliis
saltantibus choreasque ducentibus
præire Elephantum se vidisse refert
Arrianus.

Primarium quendam Mercato-
rem Batavum apud Ceilonenses
Elephantum habuisse variis artibus

& exercitiis instructissimum memorat Christophorus Sric in der Ost-Indianischen Reise de anno 1692. p. 122. & seqq. Hic sapè in gratiam advenarum illum jubebat ad se adduci, ut coram ipsis sua exercitia exhiberet, inter quæ potissimum fuit sequens admiratione dignum: pons erat exstructus super alveum profundissimum, in quem se conferebat Elephas, cui Magister grande panis frustum offerebat, quod assumens Elephas sonante signo ex percussâ pelvi orichalceâ datô se supinum præcipitem dedit in alveum, adeo ut prorsus aquis mergeretur, & sat diu sub undis lateret, ex quibus tandem emergens ad Dominum suum se contulit genibus flexis, devoratumque panem cum magna aquæ copiâ evomuit.

Ad ludos & spectacula olim adhibitos fuisse Elephantos constat: M. Julius Philippus Arabs seculares ludos celebravit, qui inter alias bestias XXXII. Elephantos, totidem Alces, X. Tigrides, totidem Leones, LX. Leopardos, XXX. Hyænas, X. Camelopardos Spectatoribus exhibuisse memoratur.

Funambulos Elephantos repertos esse, omnem ferè fidem superat: cuius tamen rei testis est Plinius, qui l. c. scribit, fuisse visos, qui per funes inceserint, repertumque fuisse unum tardioris ingenii sapius ob id verberibus castigatum, noctu ambulationem in fune tentantem, id quod confirmat Suetonius de Claudio Cæsare, qui inter alios ludos ali-

quando Romæ Elephantos funambulos exhibuit: Elephantum minus Æthiops jubet subsidere in genua, & ambulare per funem, verba sunt Senecæ Epist. 85. Hinc Passeratius in encomio Elephantii eleganter scribit Elephantos

Per extentum solitos con-
scendere funem,
Sublimesque gradus librare per aëra,
vulgo
Attonitò frustra que graves metuentes
ruinas.

Confirmant hanc rem etiam alii Authores fide digni: in tanta enim corporis mole admiranda est agilitas: mirum maxime, & adversis quidem funibus subire, sed regredi magis, utique pronis: quorum verborum Plinii hæc mens est secundum J. Lipsium l. c. quod & ascendant per extentos funes adversi, & regrediantur etiam per eosdem proni. Suetonius in Nerone & Galbâ hæc habet: notissimus Eques Romanus Elephanto insidens per catadromum decurrit per funem in theatro extentum: interpretatur id Dio. Casius: Elephas schœnobates ad superius theatri fastigium conscendit, per funes decurrit sessorem ferens: nam Nerone in honorem matris ludos faciente introductus est Elephas in theatrum, isque conscendit in summum fornicem, atque inde etiam, cum Sessorem Rectoremque suum humeris ferret, paratum ibi funem omni spectante populo inambulavit, uti fuerat edoctus, non

non aliter atque inambulant homines, quos funambulos appellamus: illud autem dum funem inambulat, illi est difficile, quando pronus è fune descendit: facilius enim ascendit memorante Plinio *l. 8. cap. 3.* Hoc genus spectaculi exhibuisse Sergium Galbam, qui postea Imperator factus, Suetonius meminit, in-
quiens: Præter commissionem Ludorum Floralium novum spectaculi genus, Elephantos funambulos, dedit: cum tamen vastissimum hoc animal propter vastitatem & altitudinem per Romanas portas vix ingredi potuerit, de quibus videsis Plutarchum & Xiphilinum.

Notum est de Porò Indiarum Rege, quem Alexander Magnus Regnò exiit, quod habuerit Elephantum, qui, jussus à Rectore se demittere, statim procubuit in genua: qui etiam Rege in præliò graviter vulneratò leniter corpus inclinavit, ut Rex facilius descendere posset, sagittasque ex vulnere proboscide extraxit. Hinc Chirurgiam callere Elephantos atque ex vulneratorum corporibus tela, spicula & hastas citra læsionem extrahere posse Ælianus tradit *l. 6.*

Hier. Cardanus *subtil. l. 10. de animal. perfect.* scribit, se vidisse Reginæ Bohemorum Mariæ filię Caroli V. Cæsaris Elephantum juveniculum tam docilem, ut sessorem suum plane non secus quam homo alium intelligeret: imperabat, admonebat, unò verbò tantum opus erat: inter reliqua cum ascendere vellet Rector, dextrum crus flectebat, utque sensim ascenderet, illud elevabat: baculum quo regebatur, ubi excidisset, promuscide arreptum porrexit sessori, quem adeò diligebat, ut ab illo admonitus, quod absconditurus esset se in cœnaculo majore, cum aliquis diceret: Sessorem tuum quærto: ad illum rectà iverit, invenitque, invento mirum in modum blanditus. Hos præfectos & Magistros Elephantorum Aristoteles vocat *ἐλεφαντιστὰς καὶ ἐλεφανταγῶγες*, item *ἐλεφαντάρχες*. Strabo *lib. 18. χορτοφῶγες καὶ διδασκάλους* vocat.

Elephantos ob memoratas dotes in ludis à populo Romano honoratos & collatione stipis & asfibus donatos legimus apud Alexandrum ab Alexandro genialium dierum *lib. cap. 24.*

PARTIS II. CAPUT X.

Elephanti humanitatem, *φιλανθρωπίαν*, lenitatem & mansuetudinem prodit.

Quo quis nobilior est, eò clementior in victos, imbelles, prostratos, mentior, mansuetior, placabilior, profligatos & inimicos: ut non aliunde

aliunde magis quam ex eâ virtute nobilitatem cognoscas, aut ex contrariâ naturâ ignobilitatem: nec quidem generosarum ferarum est, inquit Seneca *lib. 1. de clementiâ*, mordere & urgere projectos: Elephantes Leonesque transeunt, quem impulerunt: ignobilis bestię pertinacia est, scribit A. Tiraquellus *de Nobil. cap. 37.* Cum itaque Elephas moderatum animal sit, meritò Regis nomine gaudet, tum ob alias virtutes, tum ob clementiam & mansuetudinem, inquit Pierius Val. *hieroglyph. l. 2.* Non ergò secundum Poetam:

Sæva decet Regem, nec inexorabilis ira.

Strabo *lib. 15. de Elephantis Indicis* agens hoc illis tribuit encomium, quod faciliè mansuescant & sint naturâ mites, atque sic ad animal ratione præditum propius accedant: & quemadmodum secundum Homerum:

ἀκεραί δὲ φρένες ἰσχυροὶ,
placabiles sunt animi bonorum: ita & Elephas totus placidus & placabilis est: nam secundum Ovidium:

Quò quisque est major, magis est placabilis ira,

Et faciles motus mens generosa capit.

Non solum vasta corporis mole Elephantum natura ornavit, sed & disciplinâ mansuetum & tractabilem edidit: hinc Elephantò ad morum mansuetudinem & facilitatem erudito nihil mitius, nihil ad id, quod

volumus, obtemperantius est: siquidem est animal admodum mite ac placidum, ita ut à puerulò regi possit.

Robertus Coverte *in Itinerar. c. 16.* scribit: se in Indiis Elephantum non unum vidisse, qui Regis ephebum proboscide leniter apprehensum capiti imposuerit, & post brevem moram sine omni noxâ detractum in pedes iterum statuerit atque reposuerit saluum & incolumem: amicum esse homini eumque singulari amore complecti Cicero innuit, dum *lib. 3. de Nat. Deorum* scribit, quandam huic belluæ cum genere humano societatem esse: id quod confirmat Philostratus *de vita Apollonii l. 2.* scribens: ubi semel cum homine consuescit, ab eo omnia pati, ex eoque morum similitudinem in se transferre, neque aliter quam parvum canem ex hominis manu gaudere cibum sumere, atque ad se accedentem promuscide complecti, eumque caput intra fauces immittere faciliè & tamdiu pati, quoad homini libitum fuerit. Vid. Jonston, *hist. nat. de quadruped. lib. 1. cap. 5.*

Læsis hominibus illos Medicinam facere, & quasi misericordiâ erga illos tangi constat: spicula enim aut infixa tela proboscide suâ extrahunt, & ut Plutarchus ait ἀνὲν παραγμῶς ῥαδίως καὶ ἀβλαβῶς, sine avulsione faciliè ac sine noxa, prorsus ut peritissimi Chirurghi: quin & aloes lachrymas vulneribus instillari ab iis Philostrato asseverat,

Quanta



Quanta fides eorum in Dominos, quam usque ad extremum Spiritum pro iis pugnent, fatis claret vel ex unô illô Elephantô Pori Indiarum Regis, de quo Plutarchus librô *de solert. animal.* ita scribit: Porô Indorum Rege vulneribus confectô, Elephantum sensim ac leniter multa spicula promuscide extraxisse, & ipsum jam malè affectum non prius tamen procubuisse, quam sentiret Regem ex sanguinem delabi: tum demum, ne corrueretur, paulatim se demisisse, ut Rex commodius se ad terram inclinare posset.

Trita & nota historia est illius, qui Aristophani Grammatico præbuit se corrivalem, narrata à Plinio & Plutarchô in libellô *πότερα τῶν ζώων* &c.

Mulieris enim formâ hoc animal capitur, & quasi hebescent ad ejus pulchritudinem remittit furorem secundum Ælium: libidinoso amore ardet in sexum humanum fœmininum, ut scribit Alstedius *encycloped. l. 7. c. 5.* modo dictus Aristophanes Alexandriæ in Ægypto deperibat quandam Corollariam, quam pariter amabat Elephas: uterque studebat placere suæ amasiæ omnibus modis: nec minus studii aut ingenii fuit Elephantô ad declarandam & mitigandam amoris flammam, quam illi literato viro: forum, in quo ea desidebat, non desistebat Elephas crebrô adire, mulieri assistere, suspirare, poma aut flores afferre, proboscidem in sinum ingerere eâque mammillas blandè palpare & contrectare, & nihil omit-

tere, quod fortè faceret Venerus aliquis nepos.

Similem historiam Ælianus refert *lib. 7. cap. 43.* atque ex eo J. Lipsius *l. c.* In Antiochia Syriæ urbe Elephas inter cicures more suo ad pastum vadens vidit fortè mulierem haut inscitam, pariter Corollariam: vidit: periit: assiduus ille apud eam, promuscide faciem & manus lambere, tergere, & quomodocunque poterat blandiri, seque insinuare: quin & illa redamavit, corollas & flores aliasque amoris illecebras sæpè offerens: cum perseverasset diu mutus hic amor, mulier, ecce! morbo sublata abiit ad plures: Elephas hujus desiderium non tulit, nec ultra mentis suæ compos ob amasiam amissam versus est in furorem, perinde ac homines mœrore laborantes ex potestate animi exeunt. Ab alio unguentariam quandam forma præstantem fuisse dilectam Juba tradit: constantis amoris fuerunt argumenta gaudium à conspectu, blanditiæque inconditæ, stipesque, quas populus dedisset, servatæ & in sinum effusæ. V. Plin. *l. 8. c. 5.*

De Rhinocerote idem narratur, quod eleganter exprimit Poëta hujus seculi famigeratissimus J. Rempenius, Professor Helmstadiensis in deliciis Parnassi sequenti metrô:

Aut velut torpens rabies residit,
Virginis vultus ubi forte vidit,
Et cadit robur furiis remotis

Rhinocerotis.

Formosos homines utriusque
sexus depereunt, quibus orbat
Aa maxima

maximâ tristitiâ afficiuntur: Memnandrum Syracusanum quendam tantopere amavit Elephas, ut ejus desiderium, quoties ipsum non videret, inediâ contestaretur: id quod de quodam juvene in exercitu Ptolomæi militante etiam Plinius refert *l. 8. c. 5.* Infantes etiam & pueros efflictim amant: cujus honesti ac fidi amoris exemplum legimus apud Athenæum *l. 13. cap. 30.* Ælianum *libro 10. cap. 14.* Antigono Regi Elephas fœmina fuit, evenit autem, ut in obsidione oppidi Megarensis puerum pareret uxor Indi Elephantistæ: is suâ linguâ commendat infantem inter bellicas turbas Elephantō, cui nomen fuit Niceæ: capit is hæc seriò in fidem, & omnia officia exhibet, quæ piissima aliqua mater sive nutrix: infans ante pedes ejus deponi debebat, nisi id fieret, cibum non capere, iram & dolorem omnibus signis ostendere: gaudere contra eò adjacentem, & tum cunas movere ad oblectandum aut somnum conciliandum: tum ventilare & pellere muscas, quod faciebat sanè scitè, arundinis ramum promuscide suâ motitans: atque eadem officia interdum etiam deferabat infanti Elephas maritus. Athenæus *l. 6.* de aliò quòdam narrat, quod infantem tenerum cibo saturatum juxta crura sua positum blandè tractaverit, muscas dormienti abegerit, & plorantis cunas proboscide agitaverit.

Elephantos quosdam suos sesso-

res in prælio excussos contra vim hostium tutatos esse, seque pro illis morti objecisse compertum est: nonnulli sublato ex prælio extulerunt ad sepulturam, ut scribit Arrianus: quidam aurigas suos in conflictu vulneratos & sanguine exhaustos ex pugna sublato eripuerunt ac servarunt: fuere, qui defenderint eos, qui in pugna anteriores pedes Elephanti pro refugio & asylo petierant.

Cum Pyrrhus Epirotarum Rex ad Argos occubuisse, fuit in eo conflictu Elephantis, qui sessorem suum tantopere amabat, ut non prius, licet Auriga seu Elephantagogus jam cecidisset, currere omiserit, quam suum nutritium ex hostibus ereptum servasset, & in loca tuta asportasset.

Memorable exemplum de fero Elephantō insignis magnitudinis refert Justinus *lib. 15. cap. 4.* quod Sandrochetto bellum adversus Alexandri Magni præfectos molienti ultrò se obtulerit, eumque tergo exceperit repente mansuefactus & postea strenuus bellator & praliator.

Sæpè conspectò homine secedit ad latus, quasi ipsum fugeret, ne homo conspectâ tam vastâ bestiâ nimium sibi metuat: mox redit, & conveniente quodam nutu quasi eum salutatur: modò præcedit eum, modò sequitur, & sic homini obvio erranti clemens & placidus monstrat veram viam. Vid. Ælian. *H. A. cap. 8, l. 17.* & W. Franz, *H. A.*

pag. 1 cap. 4. qua de re pulchrè Paseratius in encomio Elephantis:

Errantem solis hominem deducere syl-
vis

Et monstrare vias, pueris & parcere
norunt,

Iusta laceffitos licet extimulaverit ira.

Errantes in solitudine homines non trucidant vel aliâ afficiunt injuriâ, sed placidè & clementer sese duces præbent obviis: hominem non lædit, nisi laceffitus: si fortè obviam venerit, modò restites, & baculo mineris, proboscidem sub ventrem occulit, & barriens abit: facile enim proboscidem amputari posse novit, ut notat Illustris Jobus Ludolphus in *histor. Æthiop. lib. 1. cap. 10.* Johannes Leo Africanus de Elephanto etiam confirmat, quod obviantibus hominibus cedat, nec nisi valdè irritatus illos invadat: interdum hominem fortè sibi obvium proboscide blandè apprehensum in altum elevat, eumque iterum demittit illæsum: ad vicos & domos accedit sine noxâ, ut scribit Aug. Cassiodorus de Regno Congo *cap. 10.* Familiaritatem enim amat, & confortiô humanô gaudet, nec recusat longinqua cum homine conficere itinera.

Clemens est erga homines in sylvis errantes & in speluncis fortè repertos: imo etiam erga facinorosos, qui Elephantis objiciuntur conculcandi: quod triste ministerium non facile exsequuntur, nisi coacti & prius vinô inebriati. Ita Bochus Rex

faviturus in triginta viros, eos stipitibus alligatos triginta Elephantis proposuit, sed Elephantis noluerunt se adjungere illis, à quibus exagitabantur, ut fierent Regiæ crudelitatis exsecutores.

Qualis sit iste brutorum erga homines amor, docet Amandus de bello visu *tract. 2. cap. 84.* scribens: amorem bifariam discriminari: alium nimirum esse benevolentia, qui nihil aliud est, quam velle bonum, si id jam præsens sit in re amata, ac tum istud bonum velle vocatur amor complacentia, si id ipsum sit absens, & sic amans vult rei amatae bonum per velle desiderii: alium concupiscentia, quod res aliqua diligitur ratione diligentis, quantum scilicet res illa sibi utilis est & delectabilis: talis amor est reflexivus, quia non diligitur res propter se, sed propter amantem: sic diligo vinum, non propter se, sed quia mihi utile, pariter ac equum vel hominem benefactorem: atque iste amor est in brutis animalibus: cujusmodi amor fuit inter Augerii Busbequii servum & Lyncem: inter anserem & canem, qui anserem à vulpe abreptum liberaverat: inter gruem Balearicam & servum: quorum historias fusius enarratas, vide sis apud D. Caspar Hornium in *descript. Eleph. cap. 5.*

Malè ab hominibus habiti Elephantis clementer admodum injuriam vindicant: cum alioquin vindictæ sint studiosissimi: contra feras minores & imbecilliores non

pugnant: contra majores validioresque non nisi laceffiti: minus valida animalia fortè sibi occurrentia proboscide dimovent, ne illa obtendant imprudentes: imò cum ovibus innoxie ambulant: & sic Elephas hieroglyphicè adumbrat Principem, ad eò ut de eo dici possit illud Poëtæ:

Præterit, haut Elephas animalcula parvula lædit:

Nempe quod hæc clemens Rex imitetur habet:

ut & illud Passeratii in encom. Eleph.

Lanigeros angusta greges cum femita
tantos

Egit in occursum, pecori clementia prudens

Consult infirmo, teneros & dimovet agnos.

& illud J. C. Rhumelii:

Sic grandis quamvis Elephas, animalia
parva

Non tamen incautò proterit illa pede:
Hoc bruti exemplum mansueti imitare superbe,

Qui præ Te parvos despicias usque
Viros.

Elegantissimè id expressit Lipsius l. c. scribens: Vis ei, ut omnibus noceat, ut nemini, voluntas: quâ de re supra pluribus actum.

Catulos suos nunquam deserunt, sed insigni *σοφῶς* simulacrò constantissimè tuentur, prius animam quam ipsos relicturi: cujus rei exemplum recenset sæpè citatus Ælianus, scribens; aliquando catulum Elephanti

in foveam incidisse, quod advertens Elephas tanti doloris impatiens etiam in foveam se dedit præcipitem: & hæc suâ ruinâ se ipsum cum catulo perditum ivit: alii cespites, terræ glebas, fasces, ligna & lapides injecere, donec foveâ oppletâ pateret egressus, qua de re Passeratius l. c.

Si quis in occultam fraudem delapsus,
& altis

Inciderit foveis: tum sedula turba profundam

Congestis properat ramis æquare lacunam,

Incolumem ut sociis tandem solertia reddat.

Eximium exemplum ferocientis matris ob vulneratum catulum videtis apud Florum lib. i. cap. 18.

Semper gregatim incedunt præcedente natu maximo: transitori aquas parvulos proboscide completuntur, cornibus portant, & præmittunt reliquos majores: adultiores autem & seniores sequuntur: ætate confectos Parentes, fessos & vulneratos diligenter curant, permittentes ipsis suam de cibis portionem, quibus adulantur, instantibus periculis concursu factò succurrunt, & contra persequentes venatores opem ferunt: infirmos & vulneratos in medium agmen recipiunt, & per vices subeunt: nunquam ex senectute infirmum aut morbo correptum sui gregales deserunt, sed fideles permanentes semper ipsius incolumitatem procurant: mortuos sui

sui generis nunquam prætereunt, nisi vel terram vel ramum ex arbore proboscide decerptum in illos injiciant: quâ de re supra pluribus actum.

Salutant suos Dominos non solum flexione genuum, sed & inclinatione capitis, ut scribit P. à S.T. in itinerario Ind. pag. 387. Politicam erga Optimates observantiam norunt, inquit Simon Majolus *dier. canicular. tom. 7.* nam Regem adorant, genua in illorum conspectu submitunt, & coronas illis porrigunt, authore Plinio *l. 8. cap. 1.* & Aristot. *H. A. l. 9. cap. 46.* Albert. Magn. *de animal. l. 8. tract. 5. cap. 2.* quin etiam ut demonstrent, se Regum Imperio subesse, vigilias & excubias tanquam corporis custodes per vices servant, ut scribit Ælianus *histor. an. l. 13. cap. 22.*

Memoratu dignum est, quod scribit M. Zeilerus *in epistol. p. m. 481. epist. 411.* de Elephanto à Rege Per-

farum Schach Thomâ Johanni Basilidi Magno Moscoviæ Duci donato, qui cum genua coram illo flectere detrectaret, (quem honorem fortè aliis exhibuerat,) ipso jubente statim in frustra à satellitibus concisus est.

Valdoperè amat Elephas natale solum, quod illos magnâ dulcedine ducit, & immemores non finit esse sui: in terram peregrinam abductos, quamvis cicuratos, nimis angoribus confici, suamque miseriam effuso etiam usque ad excarnationem oculorum largissimò lachymarum imbre acerbè deplorare scribit Plinius *lib. 8.* Abstracti à sedibus patriis, quamvis vinculis prius & fame, deinde variis exhibitis esculentis mansuefacti sint, tantâ tamen natalis soli illecebrâ tenentur, ut ejus memoria apud illos evanescere nequeat: igitur eorum plerique gravissimo mœrore non raro cum sanitatis dispendio afficiuntur.

PARTIS II. CAPUT XI.

Tenacem rerum memoriam in Elephanto contemplatur.

QVam bona sint memoriâ Elephanti, quamque accuratè semel sibi inculcata teneant præcepta, suorumque Magistrorum expectationem non fallant, perpendere operæ pretium est: Egregiè Passeratius in encomiô Elephanti;

Non obtusa gerunt doctisque aliena Camenis

Pectora: sed memori retinent sibi tradita mente.

Læsi dicuntur offensam longo tempore meminisse, illatasque injurias tandem occasione sibi datâ vindicare,

dicare, quas vix tradunt oblivioni. Senum, qui olim juvenes illos erudierunt, post multos annos non obliviscuntur. Elephas memoriâ pollêt, & reminiscitur officiorum, quæ didicit, ut loquitur J. R. Textor in *Officin. p. m. 149.* Juxta sensum humanum intellectum habent, memoriâ non parum valent, siderum servant disciplinam, inquit Solinus locô supra citatô.

Insigni in discendo pollent *ἐν παιδείᾳ καὶ ἐν κοιλίᾳ*, ut scribit Ælianus *l. II. c. II.* id est obedientia & facilitate, ut ad illa, quæ addiscere debent, satis promptos & faciles se exhibeant: brutis enim non deesse memoriam *l. 7. c. 14.* & libro 6. cap. 10. scribit: animalia eorum, quæ agunt aut patiuntur, memoriam tenere, nec ad memoriam comparandam Simonidis arte, nec Hippia, nec Theodectis, nec alterius cujuscumque de memoriâ præceptionibus egere.

Valent Elephantis sensu, & sagacitate ingenii excellunt, scribit Aristoteles *l. c.* Nomina sua exactè norunt: disciplinas artesque hauriunt, quas ægrè homo ipse, ut legitur apud Lipsium *l. c.* qui tam magnam memoriam huic animanti adscribit, ut hominis memoriæ non tantum nihil cedat, verum etiam interdum eam ferè superet.

Acosta refert, in urbe Goâ fuisse Elephantum, qui annuo furore correptus catenas abruperit & vincula: fugientibus omnibus servulum

quempiam, qui ulnis filium herilem gestabat, in ædes properè irrupisse, oblitum sarcinæ, quam deposuerat: in illa trepidatione ante ædes Elephas adest: mortem omnes & obtritum pueri expectant: ille contra proboscide suâ leviter illum attollit, in humile tectum è regione ædium collocat, respectans curiosè, fatisne puer illic sit sine damno, dein furibundus cursum suum exsequitur: id datum omnes interpretabantur veteri beneficio, quia mulier earum ædium domina & infantis mater Elephantis transenti sapius panem aut fructus obtulerat: cujus historiæ etiam supra, ubi de gratitudine Elephantis egimus, facta est mentio.

Certum est, inquit Plinius *H. N. l. 8. cap. 3.* unum tardioris ingenii in percipiendis, quæ tradebantur, sapius castigatum verberibus, eadem illa noctu meditantem & memoriâ recclentem repertum: idem ex Juba refert *l. 8. c. 5.* agnitum quendam in senectâ post multos annos, qui Rector in juvenia fuisset.

Viam quam semel inambulavit Elephas tam exactè observat, ut, quando denuo illic ei est eundum, nullô monitore vel duce indigeat. Plura tenacis memoriæ in Elephantis argumenta benevolus Lector ex capite præcedente & supra memoratis historiis, si lubet, petere potest.

PARTIS II. CAPUT XII.

Elephanti verecundiam & pudorem, temperantiam, castitatem & fidelitatem recenset.

Petrus Gillius refert ex Philostrato, Elephantum fuisse visum qui noctu suam in serviendo miseriam acerbè deploraverit, non contentum barritu, quem alias sæpè edere solebat, verum etiam luctuosâ vocis suppressione miserabiliter immurmurantem; si quis autem ita ad occultè gementem & lamentantem accessisset, verecundiâ motum à querelis & gemitu statim abstinuisse: quâ de re Janus Cunradus Rhemilius in *Philosoph. animal.* hæc habet:

Venantum insidiis Elephas si captus
iniquis,

Mox gemitu deflet fata dolenda
gravi,

Servitii impatiens: luctu deprensus in
ipso

Angitur, à questu desinit atque
suo.

Nunquam cum fœminâ coit in apricò, sed in abditis sylvarum: tantus enim pudor est in Elephantis, ut aliis spectantibus nunquam coeant, sed latibula quærant: quod si ab aliquo fortè deprehendantur, quasi furibundi in illum irruunt: mas quinquennis secundum nonnullos, fœmina decennis coit: illicio tamen fœminarum, quarum voci barritu suo respondent, capiuntur.

Adulteria non norunt: nulla propter fœminas inter se movent prælia, cæteris nonnullis animalibus, ex. gr. equis propter equas, tauris propter vaccas, cervis propter cervas perniciofa: ab omni immoderata libidine alieni & castissimi sunt: nunquam enim ut stupratores & valde lascivi societatem Veneris cum fœminâ faciunt, sed tanquam generis sui propagationi intenti soboli procreandæ dant operam. Secedentes sese in densa fruticeta & arbores frequentes abscondunt, aut in concavum aut profundum locum, ut se latebris occultent, se abdunt & solitudines quærunt coituri: quâ de re Passeratius in encomio Elephanti:

Educunt similes natos connubia turpis
Nescia adulterii, & Veneris cum fœde-
ra jungunt,

Nulla nisi in tenebris quamvis concessa
voluptas.

castissimi sunt, unam saltem ineuntes fœminam: à matribus abstinent. Nicolaus Lyrensis in *Matth. cap. 19. & 1. Epist. Paul. ad Corinth.* scribit: Elephantum nunquam inire matrem suam, quod etiam citat Tiraquell. de *log. connub.* 747. Estque in ipso coitu verecundia & insignis in libidine moderatio.

Mirus

Mirus illis pudor est: victi præ verecundiâ fugiunt vocem Victoris, cui Pliniô teste, terram & verbenas porrigunt: herbam enim antiquitus Victori à Victo traditam fuisse, ex proverbio constat: præterea pudet illos in cœno volutari, siquidem impense amant puritatem.

De temperantia Elephanti J.C. Rhumelius in horto suo Poetico ita scribit:

Vix Elephas sese plus, justis obruit
escis.

Repletus nimium se minuitque fame:

Aptus ut ad subiti semper discrimina
belli

Esse queat, celerem, si quâ opus,
adque fugam:

Discite, qui grave Martis opus tolerare
soletis,

A nimia Bacchi vos revocare siti.

In cibô, potu & venere temperatissimum est hoc animal præter morem aliorum brutorum, quæ Natura ventri obedientia finxit: nunquam se nimia satietate obruit, & si quando plus justô tuburcinatum est, inedia & fame se macerat, ut semper sit aptum ad fugam aut pugnam repentinam. Assuetus certæ pabuli mensuræ Elephas, si quid largius apponatur, tantum assumit, quantum ante comedere solitus est: quâ de re supra dictum.

In Venere temperatissimus Elephas propriâ contentus conjuge nunquam aliam concupiscit: neque palam & in aprico, sed in densis salibus & speluncis remotis arbitris

coit, secus ac barbari Massagetæ, de quibus Ælianus *l. 6. c. 66.* refert, quod in apertô cum mulieribus concumbant posthabitâ verecundiâ: nunquam neque vi aut protervius, neque nimis lascivè Venerem appetit, sed soboli procreandæ dat operam, ne sua stirps deficiat: simulac concepit fœmina, mas non amplius ipsam attingit. Scite hâc de J. C. Rhumelius ita canit:

Nunquam Elephas fervens aliena cubilia
quærit,

Unâ contentus conjuge castus amat:
Nec nisi in occulto sociis absentibus
ipsam

Exercet Venerem prolis amore mero:

Discite Vos, queis sunt stuprata cubilia
curæ;

Non vitium esse atrô pejus adulterio.

Elephas Zelotypus nullos patitur corrivales, quorum aliquem si fortè deprehendat, statim cornibus suis ipsum aggreditur, & injuriam sibi illatam ulciscitur: quâ de re legi potest Ælianus *l. 10. c. 1.* Cum enim Indi Elephantos venarentur, fortè accidit, quod in illa venatione fuerit Elephas junior cum Elephantâ ejusdem ætatis in actu Venereô deprehensus: quid sit? supervenit Elephas natu major, Elephantæ amantius prior & jure potior: qui statim moechum adortus cum illo tamdiu pugnavit, donec amborum cornua frangerentur: quæ pugna procul omni dubio cum intereptione alterius defuisset, nisi Venatores jaculis eam diremissent.

Exi-

Eximium videmus in Elephanto virginitatis & castitatis exemplum: hic quemadmodum muscas sibi molestas contractâ suâ cancellatâ pelle comprimit & exstinguit, ut supra dictum, ita Venereos stimulos fortiter refringit: hinc olim Sisnando Hermigildis filius pro emblemate & symbolo sibi elegit Elephantum à muscis circumdatum, easque modo dicto enecantem cum epigraphe: El mejor que puedo: id est: pro virili me à culicibus defendo, hominesque impudicos arceo: cui emblemati sequentes rhythmos subscribit Illustris Carpophorus G. P. Harsdörffer im Schau-Platz jâmerlicher Nord-Geschichte p. m. 286.

Reuscher Sinn ist wohl vermahrt/
Gleicht der Elephanten Art:
Wer die Tugend will beslecken/
Wird sich wie die Mück erstrecken.

Quemadmodum autem Elephas in Venere, sic etiam in aliis suis actionibus, ut & in somnô moderatus est, quem ut plurimum erecto corpore capit: siquidem ipsi operosum est humi decumbere, & deinde post decubitus non adeo facile resurgere: dormituri ergo raro decumbunt.

Mirô amore atque fide Elephas prosequitur suos Dominos, ætate confectos socios, soboles & patriam: in Magistros & Rectores suos memorabili sunt fidelitate & pietate: quos adorare, coram illis se demittere, & dorsum quasi incurvare consueverunt: itemque in suos catulos, quos urgentibus venatoribus

adeo non deferunt, ut millies cadi atque capi malint ipsi, quam illos: grandioribus de locô, de cibo & potu cedunt juniores.

Nierenbergius lib. 9. hist. natural. cap. 92. ex Gotthardô refert: Regem in Pegu in commisso prælio interfecisse alium Regem, qua in pugna occubuit simul Elephas Victoris, qui statim conscendit in belluam sui hostis occisi, quæ verò sui Domini mortem ægerrimè ferens totum diem ejulando & lachrymando consumebat, & vix persuaderi poterat, ut vel parum cibi gustaret: viderunt mercatores nostri istum lachrymantem: (fortè ut Pallantis equum, de quo Virgilius lib. 11. Æneidos:

It lachrymans guttisque humectat grandibus ora:)

Et licet in locum Elephanti Regii, qui in acie occubuerat, constitutus duos sibi astantes haberet ministros, qui eum consolabantur & monebant, ut depulso tandem luctu cibum caperet & lætaretur, quod longè potentiores Dominum jam nactus sit, parum tamen apud eum proficere poterant: finem enim lachrymandi facere nolebat, & in signum luctus sui promiscidem semper in terram propendentem habebat: tandem tamen, cum quindecim dies in luctu fuisset, appositò iterum cibo vesci cepit cum magno Regis gaudio, quod refert hujus rei testis Caspar Balbus apud Johannem Alberti de Mandelsloh Morgenländischer Reise Beschreibung p. m. 185.

Non solus autem Elephas, sed & alia bruta fundunt lachrymas : ita Achillis Equi dicuntur flevisse in funere apud Calabr. *l. 3.* Equos revera in humanum affectum migrare & flere docet verissimus & classicus Author S ietoni^{us} : quod notat Turnebus *l. 3 c. 27.* Vid. Frideric. Taubmanni *commentar. in Virgil. lib. XI. Æneid. p. m. 964.* Ob anxium Patriæ desiderium, cujus memoria apud Elephantos, utut cicuratos & in exteris Regionibus lautè tractatos non evanescit, illos plorasse & gravi mœrore confectos esse, testatur Tzerzes : uberrimè enim flere, tantamque lachrymarum copiam profundere creduntur, ut non rarò oculis capiantur & visum perdant. Strabo *l. 4.* tradit, aliquando fuisse mœrore ac inediâ enecatos Elephantos, quod in furorem acti Magistros suos interfecissent.

Quâ fidelitate & amore Regis Indiarum Pori Elephas suum sit persecutus Dominum supra diximus : id quod in encomiô Elephanti eleganti metro expressit Passeratius :

Notior in Dominos amor est, & rebus
egenis

Inconculsa fides, indo perspecta Ty-
ranno,

Jactatum adversæ per mille pericula
pugnæ

Quem letho eripuit quadrupes, facili-
que refellit

Tela manu, (ceu Dardanius vellebat Ja-
pis,)

Vulneribus fessum labi cum denique
fer

Leniter ac flexus posuit, textitque jacen-
tem,

Æmæthique Ducis victricia reppulit ar-
ma,

Innumeri donec per fossus cuspide
ferri

Procubuit, fidamque animam cum san-
guine fudit.

Ælianus mentionem facit cujus-
dam Elephanti, qui pro Domino suo
multum diuque pugnavit, eumque
tandem sagittis interfectum pro-
muscide sublatum ad suum præsepe
asportavit.

Cum Pyrrhus in urbem Argos irru-
pisset, Elephas inter alios unus Vi-
ctoris cognomento, in urbis portâ
Magistrum, à quo regebatur, mor-
tuum præsensit : hujus rei dolore
percitus sine discrimine amicos ho-
stesque urgendo inter medios ho-
stes progressus prius non destitit,
quam Magistri corpus invenit : in-
ventum autem proboscide appre-
hensum retro in tutum ab hoste lo-
cum tulit. Baptist. Fulgosus *l. 5. p. m. 164.*

De amore, quo Elephas suam
prosequitur sobolem, supra fusius
à nobis actum est : hanc ut foveat,
nutriat & defendat, nihil intenta-
tum relinquit propriæ salutis & vitæ
immemor. Elephantò in lutum
delapso & clamante, alter aliquis
præsens, & id, quod accidit, videns,
abscedit, & paulò post secum addu-
cit Elephantorum armentum, con-
servatque & liberat eum, qui ceci-
derat. Vide Ælianum & Oppia-
num *l. 6,*

Ele-

Elephanti solô naturæ ductu sine Lycurgi aut Solonis aut Zaleuci, Charondæque perceptione sanctissimè colunt & tenerrimè amant suos progenitores, quibus ætate confectis juniores de legitimo cibo cedunt, eosdem summâ observantiâ reverentur, & à periculis servant: in fossam fortè delapsos injectis fruticum fascibus extrahunt, quibus tanquam scalis ascendunt. Vid. A. Tiraquell. *in præfatione de jure primogenitorum*. Colunt se invicem omnibus officiis: ad pascua quando progressi, radices effodiunt, gramina evellunt, arborumque ramos decerpunt: simulac aliquid invenerunt, inter focios illud dividunt & convivantur: in periculo versantibus & ægrotis opem ferunt, ex vulneratis sagittas extrahunt sine notabili dolore: pro lapsis in Venatorum

cassès fortiter pugnânt, nec facilè eos deserunt & fugam capiunt, etiam si vulnerentur.

Cum hæc fera emineat tot & tantis virtutibus hætenus enumeratis, quibus multos homines ratione præditos longè superat, ignominiosum sanè his foret & turpe à bestiâ hæc in parte vinci. Notandum autem est in Elephantis, quod non tantum virtutes, verum etiam vitia hominum imitentur, vanitatem scilicet, ambitionem & superbiam: nam phaleris imprimis argenteis ornatum in modum sibi placent: quum Magnum Mogolem Indorum Regem in dorso suo gestat, tapetibus aurô gemmisque inæstimabilis pretii constratus, nullum ex fociis ante se ire patitur: ita præcedendi certamina etiam inter has belluas observare licet.

PARTIS III. CAPUT I.

Elephantorum in Expeditionibus bellicis usum exhibet.

DE Elephantorum in bellô utilitate eleganter scribit D. Ambrosius: hæc in illis probare debemus, quia magnum in rebus bellicis usum ministrant: inde gens Persarum ferox bellis, valida sagittis omniumque telorum jactu, quia de superioribus ad inferiora validiore nisu tela torquentur, eos præcipuè ad militiam adhibet: acies eorum

velut gradientibus curribus septa procedit: in mediis campis tanquam de muro dimicant, & velut in arce quâdam vel speculâ collocati spectant magis bella quam subeunt: ita alieni à periculô videntur tuti moribus bestiarum: quis enim eos adire audeat, cum desuper jaculis facile figatur? inferius Elephantorum conteratur incursum? denique cedunt

illis acies & armatorum cunei & castra illa quadrata solvuntur: intolerabili nempe impetu in hostes ruunt, ut nullo agmine bellatorum, nulla constipatione militum, nullo clypeorum retardentur obiectu: velut quidam mobiles montes versantur in præliis, & ut colles altè eminent vertice, barritus fragore omnium perturbant confidentiam: quid hic faciat pedes quamvis laceratis validis & manu promptus, cum sibi septus armatorum populis gradienti murus occurrit? quid faciat Eques, cum equus ejus perterrefactus tantæ bestię immanitate aufugiet? Quid faciat Sagittarius, cum desuper ferrata Virorum corpora jaculi ictum sentire non possint? bestia quoque nec nuda facillè penetrabilis ferro sit, & munita loriceis obvias sine suo periculo acies secet & conterat turmas? itaque ut ingentia ædificia, ita Elephantum fundamentis validioribus sustinentur, alioquin imparibus fulti pedibus intra brevem laberentur ætatem: & quid miraris, si vestiti armis rimentur, quandoquidem cornibus (vulgò dentibus,) suis tanquam naturalibus spiculis semper armati sunt: promuscide suâ quicquid involve-rint, frangunt: pede quicquid compresserint, velut quodam lapsu ruinæ ingentis exanimant. Hactenus Ambrosius.

Non sufficiebat, Elephantum variis artibus imbutum esse, ut libro secundo dictum. Militiæ etiam debebat assue fieri, ut omnium rerum

capax esse ipsius ingenium apparet: nam domiti militant, & turres armatorum in hostes ferunt: hinc Curtius *l. 8.* scribit, ipsos etiam Elephantos inter armatos speciem turrium procul fecisse: & alibi de Omphis agmine, quod Alexandro M. occurrit, refert, quod Elephantum per modica intervalla agmini immixti procul castellorum speciem fecerint: quâ de re Ammianus Marcellinus *lib. 24. rerum gestarum p. m. 300.* ita scribit: Elephantum gradientium cœlium specie motuque immanium corporum propinquantibus exitium intentabant documentis præteritis formidati: maximus itaque terror barbaris Elephantum fuere immanitati gentium pares secundum Florum *lib. 3. cap. 2.*

Appianus in Syriacis de Antiochi copiis inquit: erat muro similis phalangis forma, erantque Elephantum instar turrium: neque id sufficiebat, siquidem dorso impositas gestabant turres armatis plenas cum suo Elephantagogò, qui communiter Indus erat, & humeris vel collo insidens belluam nutu, verbò & hamulò dirigebat: hamulus hic græcè dicitur *ἀγκυρά*: Hesychius legit *ὄργανον* seu ferrum, quò Rector Elephantum verberat & officii sui admonet: apud Philostratum vocatur *καλάρου* seu incurvus baculus, quò Elephas regitur. Hæc obiter.

Tales turrigeros Elephantos CLX. Æmilius Romam misit, teste Plutarcho *parallel.* Hinc Silius *libro 4.* scribit;

Vis Elephantorum turrito concita dorso.
Et Juvenal. *Satyr.* 12. canit, illos

- - - dorso ferre cohortes

Partem aliquam belli, & euntem in præ-
lia turrim.

Pugnant instructi turribus Indorum
decem aut quindecim capacibus, ex
quibus sagittas & jacula Indi mit-
tunt. Philostratus in *Apollon. lib. 2.*
cap. 6. inquit: interdum militarunt
in ejusmodi castellis seu caveis li-
gneis pauciores; triginta duos au-
tem in una turri potuisse dimicare,
quod in libro Macchabæorum legi-
tur, hyperbolicè dici videtur: dan-
tur interdum, qui de magnis majo-
ra loquuntur: numerum hunc de-
mendò suspectum esse putat Sam.
Bochartus in *Hierozyico in præfatione*:
plerique in hoc consentiunt, Ele-
phantum præter Rectorem tres,
quatuor aut sex ferre bellatores.

Vartomannus *Navigat. l. 4. cap. 10.*
scribit: Indos bella inituros Ele-
phantis imponere clitellas, quas sub-
ter alvum cingunt geminæ ex ferro
catenæ: super clitellas hinc & hinc
cavea, turricula vel parvum castel-
lum ponitur: singulas caveas ter-
ni homines ingrediuntur: inter
utramque dorso belluæ infidet In-
dus Rector: septem itaque sunt, qui
Elephantum conscendunt bellum
inituri, loricati, scilicet ferentes ar-
cus, sagittas, lanceas, enses ac peltas.

Elephantorum fulgentium formi-
dandam speciem, ut scribit A. Mar-
cellinus *l. c. p. 307.* & truculentos hia-
tus vix mentes pavidæ perferebant:
ad quorum stridorem odoremque

& infuetum aspectum magis equi
terrebantur: quibus infidentes Ma-
gistri manubriatos cultros dexteris
manibus alligatos gestabant, acceptæ
apud Nisibin memores cladis: & si
ferociens animal vires exsuperasset
Regentis, ne reversum per suos, ut
tunc acciderat, collisam sterneret
plebem, vertebram, quæ caput à cer-
vice determinat, ictu maximò tere-
brabant: idem *pag. 311.* scribit: Per-
sas sagittarum volantium crebritate
conspectum Solis rapuisse, oppositis
Elephantis, qui tardius gradientes
magnitudine corporum cristarum-
que horrore pavorem jumentis in-
cutiebant & viris: & *p. 319.* inquit:
ad horum fremitum accessumque
terribilem Equi inter initia turba-
bantur & Viri.

Valerius Lævinus Consul Roma-
nus parum prosperè adversus Pyr-
rum pugnavit, Elephantorum ma-
ximè inusitatâ facie territis militi-
bus. Vid. Tit. Livium *lib. 13.* in quâ
pugnâ Romanos jam vincentes in-
usitata ante Elephantorum forma
stupere primò, mox cedere prælio
coegit, victoresque jam nova mon-
stra repentè vicerunt, secundum Ju-
stinum *lib. 18. cap. 1.* Sic Rex Anti-
gonus, ut hostibus incuteret terro-
rem, Elephantos suos illis ostendi
jussit, velut inusitatas barbaris for-
mas, authore eodém *lib. 25. cap. 1.*

Asiatici & Afri olim Elephantis
domitis in dorso turres, & in
iis jaculatores & sagittarios, vel-
uti ex castellis pugnantes & tela in
hostes ex altò mittentes, gestantibus

in præliis usi sunt, in iisque ad propellendam & dissipandam aciem ac proterendos hostes maximam partem victoriæ ob immane robur & impetum hujus belluæ irritatæ collocare solebant: Romani tamen tanquam egregii & circumspecti Imperatores rarò in acie & præliis Elephantos adhibere consueverunt: non ignorabant enim, anceps in his belluis esse auxilium, easque plerumque plus damnò quam usui esse.

Quo pacto hoc terribile animal in usu & terrore esse defierit, Petrarca docet *dialog. 60.* Fuerunt, inquit, olim in Italia Elephantis, non venatu quæsitis, sed ab hostibus capti, & in triumpho ducti, qui primâ fronte terruerant Equos Italos, Victores in Capitolium secuti: erepti autem Pyrrho, Carthaginensibus verò non erepti tantum, sed etiam interditi: sic enim in conditionibus pacis, quam victi petierant, nominatim cautum, ut & quos haberent domitos, traderent, & alios non domarent: ita sensim obsolevit usus Elephantorum non solum in Italiâ, quò longè advecti erant, verum etiam in Africâ & Ægyptò, quæ illorum origini sunt viciniore: itaque & in Italiâ, avorum memoriâ unicuique Federico fuisse, & nunc Ægypti Tyranno non nisi unicum esse fama est: utrumque verò ad spectaculum potius, quam ad usum. Sic in India & Æthiopia quoque exterarum gentium tadio liberati sylvas patrias iterum incolunt Elephantis.

De Indiæ gentibus refert Plinius *H. N. lib. 6. cap. 19.* quod illis militent dimicentque pro finibus: & quod delectum in bellua vires & ætas & magnitudo faciant. Elephantorum in bello usus apud Indos, quibus debetur inventi gloria perpetuus & ab omni ævo receptus est, unde ad alios populos propagatus per pauca secula duravit: apud Indos verò adhuc viget, qui non solum maribus, sed & fœminis Elephantis, ubi cum hoste dimicandum est, utuntur, militantque pro finibus: in præliis enim magnitudine corporum, barritus horrore, ferocia & sævitia obvios quosque turbant & proterunt.

In Indiæ insula Zanzibar Viri fortes & bellicosi sunt: & quamvis non habeant equos, tamen cum Elephantis & Camelis ad bella procedunt, exstruentes castella lignea super Elephantos, quæ tanta sunt, ut quindecim vel viginti viri muniti ex uno pugnent portatili castrò: pugnant autem cum lanceis, gladiis & lapidibus, & sunt hujusmodi castra asseribus cooperta: quando ad bellum procedere volunt, exhibent potum Elephantis, quem ipsi pro vino bibunt, quo audaciores sint in bellò, ut refert Marcus Paulus Venetus *l. 3. cap. 41.* Idem memorat *cap. 44.* Regem Abasiæ, An. Chr. 1277. contra Regem Aden cum Elephantis castella gestantibus movisse expeditionem bellicam ob injuriam suo Legato illatam, qui devotione motus terram sanctam atque Hierosolymam

mam visitaverat, ibidemque à Saracenis violenter circumcissus fuerat.

Post Alexandrum Magnum usus Elephantorum bellicus duravit pauca secula: siquidem experientia docuit, illos communi periculo produci, & in bellis sapius obesse, quam prodesse: proinde bellicis Elephantis bellum inexpiabile Romani indixerunt: quin imò Alexander M. ipsos planè contempsit. Vid. Sam. Bochart. *Hierozoic. in prafat.* Hos contra Romanum exercitum primus in Lucania Rex Pyrrhus eduxit: postea Hannibal in Africa; Rex Antiochus in Oriente; Jugurtha in Numidia copiosos ad usus bellicos aluerunt, adversus quos varia excogitata sunt armorum genera.

Ex Europæis Elefantos secundum Pausaniam in Atticis primus Alexander habuit, cum subegisset Porum, Indorumque potentiam fregisset: Antequam Macedones in Asiam transfirent, nulli mortalium præter Indos & Afros eorumque vicinos viderunt Elefantos: cujus rei testis vel Homerus esse potest, qui cum Regum lectos aliorumque locupletiorum ædes ebore ornatas referat, hujus belluæ tamen nullam facit mentionem: quam si vidisset, aut saltem de ea audivisset, multò prius eam commemoraturus fuisset mihi videtur, quam Pygmæorum & gruum pugnam. Hucusque Pausanias. Post mortem Alexandri M. præter alios Reges Antigonus plurimos Elefantos habuit, cum Deme-

trium prælio vicisset: hos cum Pyrrhus adversus Romanos dimicaturus haberet, non parum eos terruit, aliud quidpiam illos esse, quam animalia ratos.

Usus bellicum antiquitus & à multis retrò seculis præstiterunt Elephantis, quorum etiam simulacra ad militiam adhibuisse creditur Semiramis Assyriorum Regina, quæ tertio post universale diluvium seculo vixit: de hac narrat Diodorus Siculus l. 2. c. 5. atque ex hoc Münsterus *Cosmograph. lib. 5.* quod cum Staurobate, Indorum Rege cum numerofo exercitu bella gerens hostiles extimescens Elefantos, quibus illa carebat, excogitaverit hoc stratagemam: nimirum camelos plurimos tegi jussit corio bubulò ad hunc finem præparatò cum substrato fœno, ut cameli ferè ad altitudinem Elephantorum accederent: eminus videntes hæc spectra Indi stupebant primum non ignari Reginam carere Elephantis: tandem detectò fucò Rex hostili exercitui immisit veros Elefantos, & ordinibus hostium sic turbatis Victor evasit cum magnâ cæde Assyriorum, qui partim Elephantorum pedibus conterebantur, partim lacerati cornibus aut proboscide absumpti interibant: parum absuit, quin Semiramis ab ipso Rege jaculo fauciatâ in hoc prælio fuerit capta.

Fidem vix meretur, quod Ælianus ex Ctesia refert, Regem Indorum aliquot myriades Elephantorum alere, quorum majores in obsidio-

nibus

nibus ad diruendos muros inservirent: magis credibile est, quod Garzias narrat, quosdam Indorum Reges millenos ad militiam assuefactos habere. Regem Tunquinesem quingentos prægrandes Elephantos ad militares usus alere, author est J. B. Tavernier in *relat. de Regno Tunquin. cap. 3.* In Calignarum Regno Indiæ Partali dicta Regi Elephanti septingenti in procinctu bellorum excubant secundum Plinium & Solinum: qui posterior Regem Palybotræ octo Elephantorum millibus in bello uti scribit. Indiæ Reges omnes non sine maximò Elephantorum numero in militiam proficisci refert idem. Molindæ Rex secundum Plinium quadringentos in armis habet: Prasiorum autem Regi 9000. excubasse feruntur: fidem vindicet Plinius author *l. c.*

Sunt apud Indos in usu rei bellicæ non solum Elephanti mares, sed etiam fœminæ: magis tamen mares, cum fœminæ sint longè timidiore, ut scribit Aristoteles *H. A. lib. 9. cap. 1.*

Ex *lib. 1. Macchabeorum c. 6.* constat, Antiochum juniorem adversus Judam ingenti comparato exercitu Elephantos etiam induxisse in aciem, eosque cum turribus viris armatis repletis & desuper pignantibus: ubi notandum memorabile factum cujusdam militis nomine Eleazari, qui videns unam de bestiis armatam lorice Regiis & eminentem supra reliquas bestias, putabat, in eâ Regem esse, & incurrebat in eam audacter

in medio Legionis, inter obvios hostes à dextris & sinistris, & supponens se Elephanto occidit eum, à cuius corporis mole oppressus gloriose mortuus est victor à victò in ipso triumpho sepultus: quam ruinam tam subitam fuisse credibile, ut non licuerit illi, se subducere: merebatur hic secundum Libycum institutum, de quo Cœlius *l. 18. c. 18.* magnificam sepulturam cum additò elogio: Vir bonus fuit, qui tam horribili bestię ex adverso stetit. Quod autem in uno Elephanto milites triginta duo pugnaverint, ferè fidem superat, quamvis Albertus Magnus *l. 22.* de anima non vereatur scribere, unum Elephantum sæpè quadraginta Viros portasse.

Egregiè hac de re differit S. Basilii *hexem. homil. 9.* Nonne vides, inquit, in bellis, quod velut turres quædam animatæ aciem præcedunt: aut colles quidam carnei intolerabilem imperum habentes hostium constipatum agmen discindunt? Terribilis est eorum stridor in pugna: in Persarum exercitu adversus Julianum Elephantorum fulgentium formidandam speciem vix mentes pavidæ perferebant: ad quorum stridorem odoremque & insuetum aspectum maxime equi terrebantur: quò stridore & corporum immanitate nihil humanæ mentes terribilius cernunt secundum Ammianum Marcellinum: ita etiam referente Curtio *l. 8. c. 14.* Alexandri M. militibus in prælio cum Porò commisso magnum injecere

ter

terrorem, insolitusque stridor non equos modò, tam pavidum ad omnia animal, sed Viros quoque ordinesque turbaverat: belluæ enim inter armatos dispositæ speciem turrium procul fecerant.

Ut audaciores ad præliandum & alacriores fierent Elephanti, exhibitum illis fuit vinum olim, item succus mororum, & secundum Ælianum decoctum ex oryza: in arenam descendunt cataphracti, loriceis & ferro armati, interdum cum gladio proboscidi alligato, quo magnam stragem edere possunt: nullus autem eorum usus est in repentinâ & tumultuariâ pugna, ut scribit Livius *Hist. l. 27.*

Victoriæ Regis Antiochi ope Elephantorum contra hostes reportatæ mentionem facit Leodegarius à Quercu in *flor. epigramm. p. m. 185.* hoc epigrammate:

Ingentes Galatum semiermi milite turmas

Præter spem trepidus fuderat Antiochus,

Lucarum cum sæva boum vis, ira, proboscis,

Tum primum hostiles corripuisset equos:

Ergò trophæa locans Elephantis imagine pinxit:

Insuper & sociis, occideramus, ait:
Bellua servasset nisi nos fœdissima bar-
rus:

At superesse juvat: sic superasse purdet.

Romani olim non facîle passi sunt, ut Reges imperio suo subiecti Ele-

phantos alerent. Sic testatur Cicero in *oratione Philippica 9.* Octavium à Senatu legatum fuisse ad animos Regum perspiciendos liberorumque populorum, maxime ut nepotem Regis Antiochi, qui cum majoribus bellum gesserat, classes habere & Elephantos alere prohiberet. Appianus author est, cum Antiochus definitum Elephantorum numerum excederet, Legatos Romæ fuisse missos, qui illos interficerent.

Elephantos Romanis in bellò contra Persas multum cladis intulisse memorat Agathius *lib. 3.* Cum enim lævum Persarum cornu aperte jam ad fugam inclinaret, solutumque esset & profligatum, in dextro ordine suò instructi Persæ fortissime repugnabant: siquidem præsidii loco Elephanti opponebantur: qui ubi in medium prorupissent, Romanorum sicubi fortè constiterat, aciem obturbabant, & Sagittarii, qui his vehebantur, magno detrimentò afficiebant, qui in se impetum facerent, nimirum qui elati in latitudinem essent, & ex eminenti (loco) tela consideratius jacerent: ad hoc accedebat, quod equitum turmas decurrendo facîle invadebant, & peditibus ipsis armis insignibus communis essent infestiores: jam enim eâ ex parte Romani in fugam inclinantes per eas belluas agebantur: Martini (Ducis) verò Satelles quidam, Onagris illi erat nomen, in angustissimò sic coarctatus, ut inde evadere haut liberè posset, ut jam sui desperans, perinde fortunam periclitatus Elephant-

phantorum quendam intrepidè se impetentem in supercilium magnâ vi lanceâ ferit, spiculumque illi ita impegit defixitque, ut hasta reliquum, quod jam extitisset, à fronte penderet: tum ille vulnere ipso accepto, tremuloque & vibrante circa oculum telò turbatus in suos conversus deferabatur, resiliensque & circumactus, nunc promuscidem veluti stimulum agitando Persarum multos percutiebat, & in altum jaculabatur, in longumque hanc porrigendo asperum ferumque stridorem & strepitum edebat, & protinus superstantes Persas excussos sternebat & obtritos occidebat: quò factum est, ut Persarum agmen prorsus is fuderit: equos præterea, ad quos proximè accessisset, terrebat, dentibusque (cornibus) præcidebat, vel lacerabat, quot prehensasset: itaque ejulatu & tumultu omnia complebantur: equi siquidem ex retrò belluæ insolitòque clamore pavefacti habenis contineri non poterant, sed ungulis altè elatis, cum in pedes se erexissent, infidentes decutiebant, moxque per medium agmen soluti passim saltuque delati frementesque vagabantur: sed multi mortales mutuâ concussione & alternò compulsi allisi invicem, singulis singulos fugâ præcedere condescendentibus fatò defungebantur. Hactenus Agathius.

Alexander Severus Imperator post reportatam à Persis victoriam in Senatus confes-

tos Elefantos lignea castella Sagittariis repleta gestantes, ex quibus ceperit trecentos, interfecerit ducentos, octodecim numero Romam ductis.

Elefantos Lucretius commune malum nominat: hæc de re Stewechius in *Veget.* 3. 24. illud, inquit, certè silentio prætereundum non est, sæpè communi partis utriusque periculò productos in campum Elefantos: testis mihi Hirtius de bello Africano cap. 27. Plutarchus in Pyrrho cap. 55. & Q. Curtius testatur, quod hæc bestia frequenter in suos se convertant: affirmat id Appianus de bellis Punicis: unus, inquit Elefantorum gravi de muro in capite percussus saxo furere cepit, inque amicos horribili clamore furens se coniecit, quemvis obvium trudens ac proterens: similiter & reliqui Elephantum illius clamoribus exterriti fecerunt: quod quidem facere sæpe numero solent, cum insaniunt, quemvis ut inimicum accipientes, ob quam illorum perfidiâ quibusdam communes hostes sunt appellati.

Annò ante Christum natum 279. Galli numerofo exercitu Illyricum & Pannoniam, tandem etiam Macedoniam invadebant, contra quos Antiochus Soter dimicabat stipatus XVI. Elephantis, quos studiò occultatos subito hostili immisit equitatu, qui horribili aspectu & barritu bestiarum territus è vestigio se coniecit in fugam,



Carthagenenses, in quorum viciniâ nascebantur Elephantis, non semper illis ad bellum usi sunt, siquidem Timoleonti & Agathocli, quibuscum bella gerebant, nullos Elephantos opposuerunt: tempore Hieronis autem, qui Agathoclis successor fuit, ortum est in Sicilia primum bellum Punicum 24 annos durans, quô in bellô in præliis grave momentum addiderunt. Traditur ab Appiano Alexandrino, trecenta apud Carthagenenses fuisse Elephantorum stabula.

Anno U. C. 502. Carthagenensium Dux Asdrubal eductis in aciem CXXX. Elephantis militavit contra Romanum Consulem Lucium Metellum, à quô victus est cæsis XXXVI. Elephantis, CIV. captis, qui per Italiam ducti in figne spectaculum præbuerunt: successit Asdrubali Hannibal in bellô contra Romanos, ductis per Alpes plurimis Elephantis, quorum ope ad fluvium Trebiam Romanos fudit: sed cum frigoris & nivis impatientes essent brevi post omnes amisit, excepto unô, quôcum per edita montium, avia sylvarum & profunda paludium in Regionem Tuscanam se proripuit, unô privatus hôt in itinere oculô.

Anno U. C. 562. Antiochus Magnus contra Romanos bellum movit, à quibus duobus in præliis superatus omnes perdidit, quos secum duxerat, Elephantos N. CXX. quibus deinde Romani in bello contra Perseum ultimum Macedoniae Regem usi sunt, eumque vicerunt.

Idem Antiochus in bellô Ægyptiaco instructus fuit Elephantis duobus supra centum, teste Polybio l. 5. Hujus filius Antiochus Epiphanes pariter primam expeditionem in Ægyptum suscepit cum Elephantis, curribus, equitibus & classe magnâ. Vid. lib. Maccabeor. 1. cap. 1. Pulchrum spectaculum præbebant in bello Antiochi contra Ptolomæum Elephantis, quorum ille LXXIII. Libycos, hic verò LXX. Indos in aciem eduxerat in prælium summâ vi atque impetu se invicem aggredientes: milites in turribus collocati acre prælium ciebant sarissis, quas manibus tenebant, è proximo rem gerentes, seque cadentes. Appianus Syriacus p. m. 107. de Antiochi acie hæc habet: ἡ δ' ὄψις ἦν τῆς μέγας φάλαγγος, ὅτι τεύχεα τε δ' ἐλεφάντων ὅτιον πύργων. Hæ bellux totis viribus inter se decertabant, fortiter aliæ in alias irruentes: pugnant autem inter se modo sequenti: complexi invicem cornibus, (vulgò dentibus) commissis, quantâ maximâ vi polent, in eodem vestigio connituntur de statione dimicantes, donec Victor tandem alter evadat, & alterius proboscidem impulsu suo dimoveat: ubi verò semel inclinata bestia latus patet, tunc cornibus Victor infert vulnera: cæterum Ptolomæi belluarum pleræque certamen detrectarunt, quod Libycis Elephantis accidere solet, ut neque odorem, neque barritum ferant Indicorum, sed cum magnitudine, tum robore illorum perterriti properè

antequam appropinquent, aufugiant. Vid. Polyb. *hist. lib. 9.* Hinc factum, ut cedentes in suos ordines conversi cladis magnæ authores fuerint.

In expeditione contra Judæos susceptâ Regis Antiochi Eupatoris Polemarchus Lyfias LXXX. Elefantos habuit: Vid. *1. 2. Macchab. cap. 11.* cuilibet autem peditum agmini Elephas, & huic sufficiens equitatus fuit additus: distribuiebant enim antiquitus belluas per phalanges, & assignarunt singulis Elephantis mille viros thorace indutos cum loricis hamatis, quorum in capitibus galeæ æræ erant, delectique equites quingenti ordinati ad unamquamque belluam: hi maturè, ubicunque erat bellum, aderant, & quocunque ibat, simul ibant, nec ab ea discedebant: sed & turres ligneæ super eas munitæ protegentes singulas belluas. Vid. *lib. Macchab. cap. 6.* Sed hos Elefantos non multo post Romani Victores jusserunt interfici: siquidem pacem eâ lege cum Antiocho Magno sanciverant, ut non liceret illi ullos habere Elefantos: cum autem Rex non pareret, Româ missi sunt, qui belluas necarent: miserandum erat spectaculum interitus bestiarum, quæ apud omnes erant raræ & charæ: quò spectaculo commotus quidam Leptines Legationis Principem Cneum Octavium in Laodicensi Gymnasio deprehensum occidit: sed Lyfias, ut sceleris suspicionem à se amoliretur, hunc magnificè sepeliendum curavit. Ita

Appianus in Syriacis, Julius obsequens & alii.

Apud Indos adhuc aluntur Elephantum militiæ assueti, grandique pecuniâ sæpè millenis ducatis venduntur: in arenam progrediuntur phalerati cristis & frontalibus armatique loriceis cum vel sine turribus: interdum lintres ferunt cum tribus militibus. Livius tergo fuisse impostam turrim cum quatuor armatis refert: ephippio duabus catenis alligato imponitur affabrè turris vel linter: in collò sedet Elephantum Re-ctor. Nudò dorsò scribit Ælianus *lib. 13. cap. 9.* tres bellatores fert Elephas, alterum dextrâ, alterum sinistrâ pugnantes, tertium retrò bellantem, ac simul quartum moderamina manibus tenentem, sicque illis belluam dirigentem, tanquam clavò navem Nauclerus aut rei nauticæ peritus: ille, qui in bellò Elephantum regit, dicitur Elephantistes: hic differt ab Elephantarcho, qui omnibus Elephantis in bello præficitur, ut supremus moderator.

In primâ acie Elefantos, & post hos equitatum stetisse refert Polybius *l. 3. & 5.* præliabantur itaque primi cum sibi insidentibus militibus, qui spiculis atque sagittis certabant: nonnunquam proboscidi alligabantur gladii, quibus obvios hostes impetebant.

Frequens itaque apud diversos, præcipue autem Orientis populos fuit in bellis Elephantorum usus, qui tamen postmodum, si Indos excipias,

cipias, apud plerosque est abolutus. Post Jugurthinum bellum, qui Elephantos 34. ad pugnam instruxerat, secundum Vegetium *lib. 3. cap. 24.* vix alius eos in bellis adhibuit: siquidem Romani bellicis Elephantis inexpiabile bellum indixerant: & quoties cum hoste transactum, in pacis conditionibus hoc fuit, ne posthac ullus aleret Elephantos. Sic Livius *lib. 30.* tradit, post secundum bellum Punicum pacem Carthaginensibus fuisse concessam, eâ lege, ut traderent Elephantos, quos haberent demitos, neque domarent alios: idem contigit Antiocho Regi aliisque: de quô supra.

Ad certamen ut incendantur, promuscide se verberant: antequam prælium ineunt, aspectu & aspergine vini rubri, ut & ejusdem potu, pariter succo mororum redduntur ferociores & quasi irritantur, non aliter ac si sanguinem conspicerent: & hoc ipso quando *αἷμα πορρωῶν*, sanguinem uvarum & mororum vident, bibunt, & eodem asperguntur, fieri nequit, quin sanguis in corpore illorum commoveatur, & ea propter favire incipiant, quod probat Franciscus Vallesius sacrae Philosophiæ *cap. 82.* Ostenderunt ipsis sanguinem uvæ & mori, legitur *1. Macchab. cap. 6.* fortassis fuerunt, ut nonnulli putant, velamina aut lintea mororum atque uvarum rubentium succo perfusa. Sic in Hispania in taurorum certamine (*Stier Gesechte*) Viri rubris tunicis induti profiliunt in arenam, ut fe-

ri illi tauri magis irritentur: quâ de re pulchrè Ovidius *lib. 12.* fabulâ de Cygno ita canit:

Haut secus exarsit, quam Circò Taurus
apertò

Cum sua terribili petit irritamina cornu
Phoeniceas vestes: -

id quod etiam observare licet in aliis pugnacibus brutis, quæ intuitu rerum rubrarum efferantur. Ælianus *loc. cit.* scribit, Elephantis pugnaturis præberi vinum ex vitibus & factitium ex oryzâ, ut audaciores evadant.

Si fortè contingat illos in acie vulnerari, non amplius regi possunt, sed conversi, quâ data porta, ruunt, ordines proprios turbant, & obvios quosque prosterunt: & sic experientia teste interdum communi periculo producuntur in aciem, atque in bellis plus obsunt, quam prosunt: ita narrat Plutarchus *l. c.* cum Pyrrhus cum Romanis tertio vice congressus esset, belluas per suos fuga delatas ordines turbasse & dissipasse, quæ res victoriam dederit Romanis: similiter cum Flavius tribunus militum signo arrepto occurreret belluis, & primum obvium Elephantum hastili percussum in fugam verteret, ille in proximum versus & eum & sequentes avertit, & sic cæsæ ruentesque belluæ maximam stragem hostium ediderunt.

Idem contigit teste Polybio *lib. 15.* & Livio *lib. 30.* in illustri pugna inter Scipionem & Hannibalem, inter Antiochum Magnum & Pto-

maum Philopatorem. Polyb. *lib. 5.* ut & in bello Africano, ubi bestia 64. stridore fundarum lapidumque perterrita se converterunt, & suos post se frequentes & confusos protulerunt.

Cum Nisibis à Sapore Rege obsideretur Sergio & Nigriniano Consulibus, Elephanti repulsi atque in suos conversi decem hominum milia obtrivere, ut ex Volagesi Episcopi Nisibeni epistola refert Author Chronici Alexandrini. Vid. Samuel Bocharti *Hierozyic. lib. 2. cap. 25.* Ea propter Alexander Magnus hæc animalia contempsit, & quamvis plurimos haberet, (siquidem à solo Omphide eorum LVI. dono acceperat secundum Q. Curtium *lib. 8. cap. 12.*) eos tamen hostibus non opposuit, satis gnarus, illos plus periculi suis, quam hostibus inferre. Vid. Curt. *l. 4.* Et sic tandem evuluit in bello usus hujus animalis, & quod olim maximum in præliis terrorem militibus incutiebat, jam postponitur & negligitur: nonnunquam enim in suos sæviunt concitati, & omnes pro hostibus habent: propter hanc perfidiam nonnulli illos communes hostes vocant. Vid. Appian. *Alex. de bello Hispan.*

Sic legimus apud Orosium *l. 4. c. 1.* quod Romanus Minutius vir fortis uni ex præcipuis Regis Pyrrhi Elephantis proboscidem gladio amputaverit cum hostium, in quos conversus sæviebat, magno malo: tantum enim abest, quod hoc animal invictum sit, quin potius facile su-

perari & occidi possit: Sic refert Q. Curtius *loc. cit.* Elephantum Regis Indorum Pori vectorem pluribus emissis sagittis interemptum fuisse in acie: & Solinus scribit *lib. 25.* molossum Alexandro Magno à Rege Albanæ donatum prostravisse Elephantum cum stupore Regis & Spectatorum.

Contra bellantes Elephantos varia olim excogitata sunt: cataphracti equi jungebantur ad currum: cui insidentes clibanarii sarissas aut contos longissimos in Elephantos dirigebant: nam muniti ferrò nec à sagittariis, quos vehabant belluæ, lædebantur, & earum impetum equorum celeritate vitabant: alii contra Elephantos milites cataphractos immiserunt, ita ut in brachiis eorum & in cassidibus, ut & humeris aculei ingentes ponerentur ex ferrò, ne proboscide sua Elephas bellatorem contra se venientem posset apprehendere: præcipuè tamen antiqui Velites adversus Elephantos ordinarunt: hi juvenes levis armaturæ alacri animò ex equis missilia quam optimè dirigebant, eosque occidebant: crescente postea audaciâ plures collecti milites pariter spicula & pila in Elephantos congerebant, eosque vulneribus elidebant: funditores etiam adhibebantur, qui suis fundis Rectorem cum turri insidentibus affligebant: præterea venientibus belluis, quasi irrupissent aciem, spatium milites dabant, quæ cum in agmen medium penetrassent, circum-

cum fufis undique armatorum globis cum Magiftris fuis fapè capiebantur illæfæ.

Fuerunt olim, Diodorô Siculô referente, qui magnos afferes clavis confixerunt, eosque contectis exftantibus cuspibus in viam per quam Elephantis erat tranfeundum, pofuerunt, hinc factum, ut Elephanti in infixos ftimulos incidentes graviter læderentur, & ad incenſum inutiles redderentur. Carroballiſtas etiam maiores carrucis impoſitas poſt aciem ſtatuebant, & cum ad jactum teli ventum eſſet, ſagittis balliſtariorum Elephantos tranſfigebant.

In præliô cum Alexandrô Magnô commiſſo Porus Indorum Rex, quâ equitem invehi ſenſerat, belluas agi juſſit: ſed tardum & penè immobile animal equorum velocitatem æquare non poterat. Vid. Curt. l. 8. cap. 14. in quâ pugna poſt multa congeſta tela Porus tandem gravatus labi ex bellua cepit: Indus qui Elephantum regebat, deſcendere eum ratus more ſolito Elephantum procumbere juſſit in genua, qui ut ſe ſubmiſit, cæteri quoque, ita enim inſtituti erant, demittere corpora in terram: ea res & Porum & cæteros victoribus tradidit l. c.

Adhibentur ad uſus bellicos non ſine Reſtore, qui Græcè *ἀσπάρτης* dicitur pro arbitrio ſuo beſtiam regens, & quacunque lubet, impellens: caſiſtrô, inquit Gillius, non regitur, neque franô, ſed clavâ

ferreâ: Gubernator enim ſedens in ejus dorſo clavam uncinatam præ ſe gerit, cujus mucrone frontem leviter ferit, cujus metu etiam leviffimè tangentis omnia Reſtoris juſſa obire ſolet: neque ſemper moderator clavam manu tenere neceſſe habet, ſed duntaxat ex Elephanti fronte appendere: is autem cum ad diverſorium venit, jamque videt Reſtorem deſcendiſſe, clavam ex fronte pendentem promuſcide corripit, & in terram leviter abjicit: id quod in itinere, etiamſi Reſtor deſcendat & abſcedat, facere non ſolet.

Maurorum pedites Elephantorum pellibus pro clypeis utuntur in bello, teſte Strabone. Antæus ille Libycus, qui cum Hercule luctatus eſt, creditur habuiſſe clypeum ex coriô Elephantino. Mela lib. 1. c. 5. de hoc habet ſequentia: Tinge eſt oppidum vetuſtiſſimum ab Antæo, ut ferunt, conditum: exſtat hujus rei ſignum parma ex Elephantinô tergore exſecta, ingens, & ob magnitudinem nulli nunc habilis, quam loci incolæ ab illo geſtatam pro verâ habent & colunt.

Quamvis Elephantis duriffimum ſit in dorſo tergus, nec facile penetrabile, tamen ad majorem cautionem loriceis ferreis in bello olim muniebantur: hinc Hirtius in bello Africano inquit: Bellua ferro munita eſt, cum ad prælium accedit: ſic loriceus Elephas non facile vulnerari poterat, niſi fortè in ventre, qui mollior: Sic Rhinoceros

cum

cum ipso pugnans alvum maxime petit, quam scit esse molliorem.

Apud Seres fuisse Aristocraticum quendam gubernationis Ordinem constantem ex multis Senatoribus,

quorum singuli Elephantum pro communi usu in bello conferebant, Strabo *lib. 15.* author est: ut & Alexander ab Alexandro genialium dierum *lib. 4. cap. 11.*

PARTIS III. CAPUT II.

Elephantorum in bello usum enarrare pergit.

ANtiquissimo Indorum Regi Stabrobati fuere multi terribiles Elephanti ad militiam valde instructi. Si Ctesiae credimus apud Ælianum *lib. 17. cap. 29.* Cum Rex Indorum bellum movet, myriades bellatorum Elephantorum præcedunt: neque hi sufficiunt, sed adhuc ter mille alii maximi & validissimi sequuntur, qui ad muros hostium ipsò incurſu evertendos instituti sunt, quotiescunque Rex jusserit: hinc Photius illos τεχονο-
ταλντας, mœnium subversores vocat; hæc verò nimis hyperbolica esse, benè monet S. Bochart. *hieroz. lib. 2. cap. 25.* Jubæ Regis horribilem adventum cum decem Legionibus, equitibus XXX. militibus levis armaturæ C. millibus, Elephantis CCC. convocatis in concionem suis militibus exponit Julius Cæsar apud Sueton. in Jul. Cæs. Reges in Ceylon. Arracan, Pegu multis abhinc seculis Elephantis in bello sunt usi. Vid. Walther Schulzens Ost-Indische Reise, Beschreibung 1. 2. pag. 199.

Arrianus refert: Porum Regem Indorum Alexandro Magno opposuisse ducentos Elephantos, quorum maximo Rex ipse infederit: hic eminebat supra reliquas belluas, armaque ejus aurò & argentò distincta corpus raræ magnitudinis impensè honestabant: par erat animus robori corporis: nec Rex procerâ corporis staturâ impar: siquidem secundum Plutarchum in vitâ Alexandri M. *p. m. 307.* Rex Porus quatuor cubitos & palmum proceritate corporis æquans, Elephanti quem equitabat, magnitudini quam optimè respondebat: in hoc præliò satis superque perspecta fuit admirabilis hujus belluæ animositas & sagacitas: Rege namque adhuc incolumi hostes furens vastabat proterebatque, ut verò compluribus jaculis faucium sensit, ne his difflueret, veritus, sensim humi se genibus submisit: inde paulatim ex corpore tela proboscide exemit: hæc in acie Elephantos CXXX. Diodorus; Curtius verò LXXX. eorum numerat *lib. 8. cap. 13.* quorum octo-

octoginta capti, reliqui verò cæsi sunt.

Trans Gangem Rex Xandrames aluit Elephantos ad bellum instructos quatuor mille: Sandrocottus Indiarum Rex, qui regnavit non diu post Alexandrum M. Regi Seleuco *πεντακοσίους ἐλέφαντας ἐδώρησατο*, quingentos Elephantos dono dedit: hic cum conjuratis Regibus contra Antigonom bellaturus in castris suis habebat quadringentos Elephantos, hinc *ἐλεφαντάρχαν* dictus: Antigono non erant supra quinque & septuaginta: siquidem ab Alexandri M. successoribus vix ullum prælium sine Elephantis commissum est, quâ de re supra etiam de Pyrrho plura dicta sunt: Ptolomæo Philadelpho fuerunt *ἐλέφαντες πολέμισαι τριακόσιοι*, i. e. Elephantorum bellatorum CCC.

Quantum Elephantum in bellô & faciundis operibus valeant, cum res manu geritur, tam notum est, quàm quod notissimum: immixti agmini formidabiles sunt oculis, qui in acie primi vincuntur: interdum capite & pectore armati descendunt in arenam: qui his in præliis utuntur, id solum emolumenti referunt, quod adversariorum ordines turbent & obvios prosternant: non rarò contingit, ut irritati retrocedant non sine suorum pernicie. Has feras, antequam Macedones in Asiam transfirent, præter Indos & Afros populosque his vicinos nemo prorsus viderat, ut scribit Pausanias *lib. 1. Attic. p. m. 14.*

In Asiæ & Africæ nonnullis locis, præsertim in iis, quibus fulminatrices machinæ defunt, eorum frequens adhuc in bello & ad pompam usus est: tradunt peregrinatores, reperiri Indos Reges in mediterraneis locis, qui aliquot milia Elephantorum domitorum alant: ferunt quoque Imperatorem Abyssinorum semper ultra quingentos Elephantos ad bellum domitos alere: ii autem, qui in Ceylon degunt, cæteris generosiores & fortiores esse perhibentur, ita ut reliqui aliunde advecti hos tanquam nobiliores venerentur, & iis loco cedant. Vid. Philipp. Camerar. *Oper. subcisiv. centur. 2. p. 374.*

Fuit Lusitanis cum Elephantis inter hostiles turbas commixtis sæpenumerò magna contentio, ita ut aliquoties clades non leves ab illis acciperent: imprimis autem infeliciter evenit Lusitanis in pugna cum Rege Dachenfi Insulæ Zamatræ, in quâ multi generosi viri una cum Duce eorum Georgio Brittio occubuere, quorum nomina ab Oforiò recensentur *lib. 12.* Caspar Fernandus vir fortissimus, cum in Elephantum, ut eum hastâ transfigeret, impetum faceret, ab Elephantò proboscide in altum sublatus atque ad terram allisus, pedibus Elephantum conculcatus interiit.

Heraclius Imperator etiam olim Elephantos ad bellum adhibuit, de quo refert B. Platina de vitis Pontific. *p. 79.* quod devicto Rege Persarum Chosroë prædâ onustus cum septem

Dd

Ele-

Elephantis Hierosolymam rediens, & crucem DOMINI à Persis antehac ablatam secum deferens eum in locum reposuerit, in quo antea fuerat.

In bello duplex obeunt officium: etenim vel turres ligneas gestant repletas pluribus armatis cominus & eminus pugnantibus, ut supra dictum: vel stricti gladii aut falces ferreis catenis alligantur ad proboscidem, quibus instructi in aciem immittuntur, magnam procul dubio stragem edituri, nisi ignivomis lanceis ad hunc finem artificiosè factis arceantur: valde enim timent ignem: Orientis bella magnâ ex parte conficiunt: prosternunt acies: proterunt armatos: sed minimô suis stridore terrentur, sicque territi vel etiam vulnerati retrogradiantur cum haut exiguo suarum partium dispendio: semel terga vertere compulsi propriis cohortibus infesti sunt: & tunc secundum illud Poëtæ:

Tros Rutilusve fuat, simili discrimine habentur.

Anceps auxilii genus in Elephantis ponit Q. Curtius: & Lucretius illos commune malum nominat: quâ de re Stewechius in *Veget.* 3. 24. illud, inquit, certè silentio prætereundum non est, sæpè communi utriusque partis periculo productos in campum Elephantos: testis Hirtius de bello Africano cap. 27. Plutarchus in Pyrrho c. 55, quod hæ bestię in suos frequenter se converterent, ut scribit Appianus de bellis Punic, Luculentum

hujus rei testimonium patet ex lib. de bello Hispan. ubi sequens legitur historia: unus Elephantorum gravi de muro in caput percussus faxo furere & effranatè ferri cepit, inque amicos horrendo edito clamore furens se conjecit, quemvis obvium trudens & proterens: similiter & reliqui Elephanti illius vociferatione exterriti fecerunt, quod quidem sæpenumero facere solent, cum infaniunt, quemvis ut inimicum accipientes, ob quam perfidiam quibusdam communes hostes appellati sunt: Vid. Plin. l. 8. cap. 9. Flor. l. 18. 12.

Terribile fuit spectaculum in prælio Alexandri M. cum Poro commisso: cum Elephantis arma virosque corripere, & super se Regentibus traderent: anceps ergo pugna nunc sequentium, nunc fugientium in multum diei varium certamen extraxit: donec securibus, (id namque genus auxilii præparatum erat,) pedes amputare ceperunt: copidas vocant gladios leviter curvatos falcibus similes, quibus petebant belluarum manus i. e. proboscides: ergo Elephantis vulneribus tandem fatigati suos cum impetu sternebant: & qui rexerant eos præcipitati in terram ab ipsis obtebantur: itaque pecorum modo magis pavidi, quam infesti ultra aciem exigebantur. Vid. Q. Curtius l. 8. cap. 14. in suos vehementius, quam in hostes incurrerunt l. 9. c. 2. & unô aut alterô vulneratô cæteri in fugam vertuntur: anceps igitur horum est auxi-

auxilium, cum in suos acrius faviant: in hostem enim imperio, in suos pavore aguntur.

In India Orientali, referente Oforio, similia accidere, cum Albuquerque jussu Regis Lusitani Malacensium Regem oppugnaret: Rex castello, quod Elephanta ingens tergo sustinebat, cum quibusdam ex suis domesticis vehebatur: hunc alii Elephanti similiter instrati & armati sequebantur: tela è castellis frequentia decidebant: Elephanti enses cornibus alligatos gestabant, tantaque ferocia in nostros irruerant, ut antesignani pellerentur: Ferdinandus tamen Gomecius Lemius, & Vascus Fernandus Contignus minimè eâ re perturbati resistebant, cum uterque eorum in opposita viâ latera, quâ Elephanta gradum violenter inferebat, concessisset, aditum ei liberum reliquerunt: utrinque deinde latera illius hastis perfodiunt: bellua quamvis in principio certaminis fuerit immanis & efferata, erat nunc doloris impatiens, & facile in suos quovis vulnere fauciata convertebatur: itaque cum Elephanta transfixus utroque latere fuisset, Rectorem, qui illi infidebat, proboscide deturbatum proculcabat: exanimari deinde, (sanguis enim utrinque profluebat,) cepit: Rex ex metu confestim defiliit: Elephanta in suos conversus reliquorum Elephantorum aciem perturbavit: omnes exterriti in fugam versi sunt, neque rursus ullis Recto-

rum monitis ac minis in prælium compelli potuerunt.

Idem Author lib. 12. describit aliud prælium, quod cum Ceylandensibus à Britio Lusitanorum Duce gestum est: in agmine primo præter magnum peditum numerum erant Equites centum & quinquaginta, & Elephanti cum turribus quinque & viginti: aliqui eorum cornibus alligatos enses gestabant, quibus admirabili dexteritate obvios cadebant: quidam ex Lusitanis & multitudine territi & Elephantorum metu perturbati cedere volebant: sed Britius jam munitionibus post tergum relictis in urbem gradum intulerat: iis autem, qui ferreis fistulis (sclopetis) armati erant, imperavit, ut omnes simul glandes plumbeas in Elephantos emitterent: quid sit? Elephanti non solum strepitu, sed multo magis etiam vulneribus territi aufugiunt, in suos irruunt, Equites immani impetu proterunt, peditum aciem proculcant, & in effusam fugam conjiciunt.

Cum Rex Indorum Polysperchon dictus Urbis Megalopolis, quam obsidione cingebat, magnam muri partem ope Elephantorum diruisset, obsessus illius civitatis Princeps Darnis nomine, eum in locum, ubi hostes per dirutos muros irrumperere conabantur, asseres acutis clavis ferreis pertusos poni, suosque præter Sagittarios utrinque dispositos parum recedere jussit: quò factò Polysperchon per muri ruinas cum Elephantis urbem ingredi tentabat:

Elephanti autem in clavos asseribus infixos incidentes, & jaculis à Sagittariis vulnerati ulterius progredi non poterant, sed præ furore in suos conversi magnam illis cladem inferebant. Vid. Diodor. Sicul. l. c.

I. I. Straufs. in *Itiner. c. 9. p. 30.* scribit: Regem Regni Siam alere quam plurimos Elephantos ad bellicos usus destinatos, cataphractos, munitos armis cupreis ab omni telorum ictu immunibus cum cornibus, (vulgo dentibus) chalybe obductis. J. Schoutenius in *descriptione Regni Siam p. 748.* scribit, Regem alere ultra ter mille cicuratos Elephantos, quorum singuli à duobus vel tribus famulis pascuntur, lavantur & exornantur: uterque sexus idoneus est ad tormenta bellica, tentoria, impedimenta & commeatum in castra transportanda: Magnitudine, animo, sagacitate hujus Regni Elephanti alios antecellere creduntur.

Regem Peguensem & Aruensem in acie manus conferentes in conspectu utriusque exercitus depingit Theodorus de Bry *figur. 18.* Ambo grandibus Elephantis insidentes primo eminus sclopetis, deinde cominus jaculis & ensibus pugnabant: victor autem Peguensis hostem cum toto exercitu fudit, profligavit & Regno exiit.

In oppugnatione Bataviæ, urbis Javæ majoris à Bantamenfibus obfessæ Elephantos palis munimenti causa terræ infixis, ut illos evellerent, alligatos memorat Joh. Jacob. Saar in suo discursu de rebus Indicis

cap. 2. p. 13. Idem cap. 4. p. 68. scribit, Elephantos Ceilonenses multos in Persiam ad usus bellicos transportari: ubi Persæ exstruunt in illorum tergis, turriculas ligneas duobus minoribus tormentis bellicis & aliis quot militibus munitas: alii arman- tur catenâ ferreâ ponderosissimâ tres & plures orgyias longa, qua proboscide apprehensa hostes obvios feriunt in aciem producti: alii commeatum aliamque supellectilem portant, & trahunt quævis onera: non autem patiuntur se aptari curribus ut caballi, sed funibus collo injectis illud trahendi munus expediunt, ut eò facilius ad onus, quod vehunt, retrospicere possint. Vid. Herport. *p. 187. & seq.*

De Elephanto incensum castellum tergo ferente hæc canit Silius Italicus l. 9.

Uritur impatiens & magni corporis
æstu

Hûc illuc jactas accendit bellua flam-
mas,

Donec vicini tandem se fluminis undis
Præcipitem dedit:

Et paulo post:


- - - collectis fumantia lu-
cent

Terga Elephantorum flammis, pastus-
que sonoro

Ignis edax ventô per propugnacula fer-
tur:

In præliis obvios vel conculcant,
vel proboscide elevatos ad terram
allidunt: quod infelici Mincio ac-
cidit, de quo modo dictus Poeta l. c.

Au.



Aufus digna virô, fortunâ digna secundâ

Extulerat dextram atque adversus cominus ensem

Mincius infelix auso, sed stridula anhelum

Fervorem effundens Monstri manus, abstulit acri

Implicitum nexu, dirôque ligamine torfit,

Et superas altè miserum jaculata per auras

Telluri elisis afflixit (hebile) membris.

siquidem magnitudine corporum, vi, fremitu, fœtore, stridore, barritus horrore, formæque novitate tam homines, quam equos conturbant & in fugam vertunt. Vid. Ammian. Marcellin. l. 25. Proboscis tamen eorum facillimè cæditur: quam ob causam illa cum capite ferro munitur ab Indis.

Tympana pulsata non timent, nec strepitu eorum moventur, olim ad notum sonum auribus mitigatis, ut scribit Curtius l. 8. c. 14. Bellorum verò rudes & nuper ex sylva egressi consternantur tubarum clangore & tympanorum sono. Excubias nocturnas illos agere in Ceylonensis Regis urbe Candirefert Herportus pag. 177. Sie gehen des Nachts patrolliren/ inquit, per omnes civitatis plateas, & ab omnibus incolis timentur: si forte aliquemprehenderint per vicos discurrentem, misere illum tractant: ad vigilias agendas, inquit Ælianus lib. 13. cap. 12. præstantissimi sunt excubitores, à somno invicti, & post hominem fidissimi: hinc olim Indorum Reges illos ad custo-

diam corporis adhibuerunt: illorum fuere duodecim corporis custodibus adjuncti singulis horis sibi succedentes.

In Regno Magni Mogolis Elephantos cum bobus junctos impedimenta & tormenta bellica majora trahere author est Christophorus Acosta & Olaus Dapper in *Asia* p. 140. Numerus Elephantorum Regionum ad bellicos aliosque varios usus inservientium se extendit usque ad 5000. *ib. p. 141.* Regis Elephanti majoris in splendido domicilio stabulantis, quem triginta alii Elephanti tympanotribis tubicinibus & tibicinibus onusti fuerint comitati, meminit ibidem p. 143. Tentoria Regia portant trecenti Elephanti: Duellum Elephantorum describitur ibidem p. 144. item Turriti Elephanti, quorum singulis insident 7. vel 8. bombardarii vel sagittarii cum Rectore cervici bestię incumbente, eamque uncô ferreô juxta aures impactô impellente & gubernante.

Atrô colore illos tingi jubet Magnus Mogol exceptô capite, in quo linea rubra à capite ad pectus desinens ducta est: acupictis aulæis phaleratos & duobus tintinnabulis ornatos singulos comitantur duo minores Elephanti, ad illorum servitia quasi ordinati: ubi ad Regem perventum est, genibus flexis Regem reverentur, eumque elevatâ proboscide barritum edentes salutant. *ibid. p. 222.* Peregrè abeuntem comitantur multi Elephanti pictis compti tapetibus p. 247. Vix autem cre-

dibile est, & omnem fidem superat, quod idem author *p. 269.* de Chano de Kanowa refert, quod in exercitu suo 150000. Elephantos duxerit Anno 1609.

In repentina ac tumultuaria pugna nullus Elephantorum usus secundum Livium *lib. 27.* In bello Punico Elephantos ab Hannibale per Rhodanum ratibus trajectos memorat idem *l. 21.* hoc modo: Ratem unam ducentos pedes longam quinquaginta latam a terra in amnem porrexerunt, quam ne secunda aqua deferretur, pluribus retinaculis validis parte superiore ripae religatam pontis in modum humo injecta constraverunt, ut belluae audacter velut per solum ingrederentur: altera ratis aequè lata, longa pedes centum, ad trajiciendum flumen apta huic copulata est: & cum Elephantanti per stabilem ratem, tanquam viam, praegredientibus foeminis acti, in minorem applicatam transgressi sunt: ea extemplo resolutis, quibus leviter annexa erat, vinculis, ab actuariis aliquot navibus ad alteram ripam pertrahitur: ita primis expositis alii deinde repetiti ac trajecti sunt: nihil sane trepidabant, donec continenti velut ponte agerentur: primis erat pavor, cum soluta a cæteris rate in altum raperentur: ubi urgentes inter se, cedentibus extremis ab aqua trepidationem aliquantum edebant, donec quietem ipse timor circumspicientibus aquam fecisset: excidere etiam favientes quidam in flumen, sed pon-

dere ipso stabiles, dejectis Rectoribus, quæsitis pedetentim vadis in terram evasere.

Trajectionem Elephantorum per flumina sequenti modo describit Polybius *hisor. l. 3.* Cum plures rates compegissent, duas harum invicem probe ac firmiter junctas, quæ latitudinem ambæ quinquaginta pedum habebant, magnâ vi terræ affigunt, quâ parte in amnem ibatur: hisce alias ab exteriori parte copulant connectuntque: & cum hujus quasi pontis fabricam in trajiciendum amnem porrigerent, latus, quod impetum fluminis excipiebat, rudentibus è terrâ firmant ad arbores alligatis, quibus superior fluminis ripa erat confita: ut staret opus totum immotum, neque secunda aquâ deferretur: ubi perfecta fuisset pontis longitudo ad jugera duo, ratibus postremis duas maximas singularique arte compactas adjiciunt, ipsas quidem inter se firmissimè alligatas: ad cæteras verò sic, ut præcidi vincula facile possent: his funes ductarios plures alligaverunt, quorum ope lembi remulco trahentes impediri erant, quò minus secundus fluviis eas deferret, ac contra fluminis impetum vi suâ rates sustinendo, ad ripam bestias perducturi, & super his erant trajecturi: terram deinde multam afferunt insperguntque, donec ejus injectu similem pariter planam & coloris ejusdem superficiem redderent viæ, quæ per ripam ferebat, ad amnis transitum.

Con.

Consueverant Elephanti Magistris suis morigeros se præbere, donec aliqua occurreret aqua: intrare verò aquas non audebant: propterea in hunc aggerem illos duxere duabus præmissis fœminis: atque ita reliqui sunt obsecuti: qui postquam in ultimas rates sunt perducti, incisis vinculis, quibus cæteris istæ erant adnexæ, lembis ductarios funes attrahentibus, extemplo & bestias & rates, quæ illas sustinebant, à reliquis divulserunt: tum verò trepidantes bellæ initiò quidem convertere se, & in omnes partes impetum dare, sed quod aqua undique cingerentur, subeunte pavore quietæ manere cogeantur: atque hōc modò binas subinde rates ad cæteras admovendo, plerique Elephanti super illis sunt transmissi: quidam præ metu in medio trajectu se dedere præcipites in flumen: quorum Indi periêre omnes, cæteri servati sunt: nam quia prævalidas longasque habent proboscides, his super aquam sublatis simul respirabant, & quicquid incideret, efflabant: atque ita diu aquæ resistentes rectò itinere in ulteriora progrediebantur.

Hannibal, ut per altissimum fluvium deduceret Elephantos, jussit eorum ferocissimum sub aure vulnerari, & vulneris authorem flumen tranare: Elephas dolore ad ulciscendum adductus amnem pariter tranavit, & reliquis idem audendi dedit exemplum. Vid. Frontin. l. 1. c. 7. Ordinem in trajiciendis fluminibus fervare creduntur, quem in encomio

Elephanti Passeratius ita describit:

Maximus agmen agit: cogit, qui pro-
ximus ævò:

Ignotoque acies nunquam committitur
amni,

Quin rapidi explorant vada gurgitis
ante minores.

C. I. Cæsar in Britannia ingentem fluvium trajicere conabatur: Rex Britannorum Cassonellaunus cum multis equitibus & essedis eum transitu arcebat: Cæsarem maximus Elephas sequebatur, animal Britannis invisum: eum ferreis squamis munit, & altam in eo turrin exstruxit, in qua sagittarios & funditores constitutos jussit flumen ingredi: Britanni perterrebantur, invisum & supra modum grande animal conspicati: nam de equis quid attinet referre, cum etiam apud Græcos equi viso nudo Elephanto fugiant: turri-gerum autem & armatum, tela fundasque conjicientem aspicere non potuerunt: itaque Britanni cum equis & curribus in fugam se conjecerunt: Romani verò sine periculo flumen trajecerunt per unam bestiam metu hostibus facta. Vid. Polyæn. l. 8.

Confecto bello Punico Romani etiam ante prima signa locarunt Elephantos primâ vice hoc auxilio usi, captos enim aliquot à bello Punico habebant, ut scribit T. Livius l. 31. Perseus Romanis Elephantos ducentibus partim ex Libya, partim Indos ab Antiocho Syriæ Rege, ne
nova

nova ac formidabilis equis bellua primo aspectu existeret, præcepit opificibus, ut lignea simulacra fabricarent Elephantorum figurâ & colore prædita: quoniam verò fremitus bestię terribilis supra modum esset, jussit ligneum simulacrum Virum cum tuba conscendere, qui per os tubam dirigens acutum & terribilem sonum emitteret: ad hunc modum Equi Macedonum assuefacti sunt ad Elephantorum fremitum & aspectum contemnendum. Polyæn, l. 4.

Ad terrorem hostibus incutendum olim adhibitos fuisse Elephantos ex historiis liquet: Sic Pyrrhus, qui primus Elephantos duxit in Italiam, referente Plutarcho, Cajum Fabricium Romanum, qui nunquam antea Elephantum viderat, terrere volens, jussit, dum simul loquerentur, maximum Elephantum post aulæum juxta se constitui, ac deinde subito aulæo sublato Elephas ex improvviso conspectus proboscidem super caput Fabricii extulit, ac vocem terribilem asperamque emisit: at Fabricius tranquillè conversus leniterque arridens inquit: nec heri aurum, nec me hodie bestia permovit.

Formidarunt tamen Elephantos aliquando Romani: præsertim post Lybicum cladem illorum metus Romanorum animos tantoperè incesserat, ut biennio neque in Africa neque in Sicilia ausi sint cum Pœnis æquo Marte dimicare. Hasdrubal Carthagenensium Dux cum Elephantis

centum triginta tribus & Equitum peditumque amplius viginti millibus Lilybæum veniens ex Africa cum Consule Metello apud Panormum pugnam conferuit: sed Metellus vim magnam bestiarum timens prius eas magno usus consilio vel in fugam vel in mortem egit, & sic facile magnam vim hostium superavit: viginti millia Carthagenensium in eo prælio cæsa sunt: Elephantis viginti sex interfecti, centum & quatuor capti, & per Italiam ducti rarum Italici gentibus spectaculum præbuerunt. Vid. Joh. Cuspinian. *commentar. in Consul p. m. 165.*

Apud Asculum autem gravissima pugna Rege Pyrrho cum Romanis congresso Elephantorum terror exoleverat: nam à Minutio quartæ Legionis hastato Elephantis proboscide abscissa belluas has mori posse ostendebatur: Idem p. 153. l. c. ante hæc enim tempora Romani Elephantos timebant valdoperè in bello Africano per Elephantos profligati, quod illi sua vi atque impetu ordines perturbassent, & sic magnam in suo exercitu stragem fecissent: territi enim equi sessores dejiciebant, unde Romani cum maximâ clade in fugam versi, eorumque castra capta sunt: hanc ob causam veriti sunt congregari cum Carthagenensibus in locis æquis, ob Elephantorum metum ad colles & montes se potius recipientes: postmodum autem Romani assueti pugnare cum belluis cum malleolos stuprà involutos ac pice oblitos uncis insuper atque

atque aculeistenaces præparavissent, eosque inflammatos in terga belluarum turresque vibrassent, non difficulter furentes ardentisque belluas in eorum excidia, quorum fuerant subsidia, retorserunt. Vid. Flor. *lib. 1. tit. 18.*

In bello Punico capti sunt à Romanis multi Elephanti: quâ de re Florus *lib. 2. cap. 2.* ita scribit: argumentum ingentis victoriæ centum circiter Elephantorum captivitas: sic quoque magna præda, si gregem illum non bello, sed venatione cepisset: in bello cum Pyrrho Rege populus Romanus Victor nihil libentius aspexit, quam illas, quas timuerat, cum turribus suis belluas: quæ non sine sensu captivitatis submissis cervicibus Equos sequebantur. Vid. Flor. *lib. 1. c. 18.*

Scipio Africanus Elephantos hōc modo pugnare docuit: duas instruxit acies: unam funditorum contra Elephantos, quæ quasi adversariorum locum obtineret, & contra eorum frontem adversam lapillos minutos mitteret: deinde in ordinem Elephantos constituit: post illos autem aciem suam instruxit: ut cum ab adversariis lapides mitti cœpissent, & Elephanti perterriti se ad suos convertissent, rursus à sua acie lapidibus missis eos converterent adversus hostem: quod tamen ægrè tardèque fiebat. Vid. C. I. Cæs. *de bello Afr. lib. 5.* Idem 30. turritos Elephantos instructissimos ante aciem constituisse Jubam Regem scribit ibidem: & paulò post:

à dextrō cornu funditores & Sagittarii concita tela in Elephantos frequentes injiciunt: quo factò bestia stridore fundarum lapidumque perterrita sese convertere, & suos post se frequentes stipatosque proterere, & in portas valli semifactas ruere contendunt.

Elephantis in bello fuisse structas insidias patet ex Hirtii libro de bello Africano *cap. 35.* Spiculatores à Scipione in castra hostilia missi inter alia in commissis habuerunt perspicere, num quæ fossæ aut insidiæ Elephantis ante castra portasque valli factæ essent, simulque consilia contra easdem bestias comparationemque pugnae cognoscere atque ei renunciare. Idem *cap. 41.* testatur, primæ aciei equestri turmatim directæ Elephantos turritos fuisse interpositos ornatos & loricatos. Quamvis Elephantis durissimum sit & haut facile penetrabile in dorso tergus, tamen ad majorem cautionem loricis ferreis in bello muniebantur: Hinc Hirtius *l. c.* inquit: Bellua ferro munita est, cum ad prælium accedit: sic loricatus Elephas non facile vulnerari poterat, nisi fortè in ventre, qui mollior: Sic Rhinoceros cum ipso pugnans alvum maximè petit, quam scit esse molliorem.

Non prætermittendum heic forte facinus militis cujusdam veterani quintæ Legionis: nam cum in sinistro cornu Elephantos vulnere ictus & dolore concitatus in lixam inermem impetum fecisset, eum que sub pede subditum deinde genu innixus

E e

pon-

pondere suo, proboscide erecta vibrantique stridore maximò premeret atque enecaret; miles hic non potuit pati, quin se armatum bestia offerret: quem postquam Elephantus ad se telò infesto venire animadvertit, relicto cadavere militem proboscide circumdat, atque in sublime attollit armatum, qui in ejusmodi periculo cum constanter agendum sibi videret, gladio quo erat cinctus, proboscidem cadere, quantum viribus poterat, non destitit: quo dolore adductus Elephantus milite abjecto maximo cum stridore cursuque conversus ad reliquas bestias se recepit.

Elephantorum pugnam sæpè formidabilem fuisse patet ex Hirtio de bello Africano *cap. 72*. Accedebat, inquit, etiam hæc causa, quod Elephantorum magnitudo multitudoque militum animos detinebat in terrore: cui uni rei tamen inventum remedium: namque Elephantos ex Italia adduci jussit, quo & miles noster speciem & virtutem bestia cognosceret, & cui parti corporis ejus telum facile adjici posset: ornatusque & loratus Elephantus cum esset, quæ pars ejus corporis nuda sine tegmine relinqueretur, & eo tela conjicerentur: præterea ut jumenta bestiarum odorem, stridorem, speciem consuetudine captæ earum non reformidarent: quibus ex rebus, quod in votis habebat, largiter est consecutus: nam & milites bestias manibus pertractabant, earumque tarditatem cognoscebant,

equitesque in eas pila præpilata conjiciebant, atque in consuetudinem equos patientia bestiarum adduxerat: hoc clarius explicat Dio *lib. 43*. Quanquam nec solum Scipionem Cæsar aggredi ausus fuit, imprimis metu Elephantorum, quos non tam pugnae causa, quam quod ab iis equitatus ejus conturbaretur, summo perè timebat: itaque milites, quantum fieri poterat, castris continens ex Italia milites Elephantosque convocabat, non quod iis magnoperè in præliò fideret, erat enim eorum non magnus numerus, sed ut ejus equorum visui atque voci assuefacti hostium quoque Elephantos timere desinerent.

In bello Tarentino quamvis Romani magnam cladem passi sint, tamen in eodem cautiores facti observarunt, Elephantorum proboscides faciliè amputari posse: hinc temporis progressu & quidem sub Consule Fabricio illorum terror exolevit. Vid. Flor. *lib. 1. c. 18*.

Fœdus fuit Cassonellani Britannorum Regis pavor, qui nec ad unius quidem Elephantum aspectum durare potuit, cum ad eum Cæsar transitum pararet, de quo supra videsis plura: à quo malo ut sibi præcaveret Perseus εἰδῶτος ἐυλάνοις ἐλεφάντων ἰδεῖν καὶ χεῖρας ἐχόμεναις, stridoreque tubarum acutiore paulatim equos suos verorum Elephantorum barritum & magnitudinem ferre docuit. Vid. Flor. *lib. 1. cap. 18*. Polyænus *Stratag. lib. 4. c. 8*. Fr. Lindenbrog. *Observ. in A. Marcellinum p. m. 148*.

PARTIS III. CAPUT III.

Elephanti usum in Triumphis & Spectaculis ostendit.

Non in bello tantum, verum etiam in triumphis & spectaculis Elephantorum olim magnus usus fuit: sic refert Alexander ab Alexandro *l. 6. c. 6. p. 353.* quod M. Curius Dentatus post fugatum ex Italia Pyrrhum Elephantos in triumpho duxerit: quod confirmat Seneca in libro de brevitate vitæ scribens, primum omnium Curium Dentatum 4. Elephantos duxisse in triumpho: quem triumphandi ritum à Libero Patre seu Baccho, qui de devictis Indis triumphaturus quatuor Elephantos jugo submisit, originem duxisse putat Diodorus Siculus in Græcorum fabulis post expeditionem adversus Deriadem Indorum Regem susceptam, ubi Bacchus introducitur

Ἡλιότατον λαφύοντιν ἐπέδρυσσαν ἐλεφάντων.

id est, sublimium Elephantorum cervicibus insidens: ita Nonnus *l. 26.* & Diodor. *l. 4.* eundem Bacchum scribit post superatam Indiam primum omnium Indico Elephanto vectum triumphasse.

Nullus pulchrior aut speciosior triumphus intravit Romanam, ut L. Florus scribit, quam ille, qui post superatum Pyrrhum celebratus est: ante hunc enim diem nil nisi pecora Volscorum, gre-

ges Sabinorum, carpenta Gallorum, fracta Samnitum arma Romæ viderat: nihil libentius populus Romanus itaque aspexit, quam illas, quas timuerat, cum turribus suis belluas.

Pompejus M. in Africano triumpho Elephantos primus curru junxit secundum Plinium *lib. 8. cap. 20.* Procilius refert, in hoc triumpho Elephantos junctos Romanam portam ingredi non potuisse: post illum Cæsar Gallico triumpho Romæ in curru eburneo, quem XL. Elephanti traxerunt, triumphasse fertur, qui non sine sensu captivitatis submissis cervicibus victores equos sequebantur, ut scribit Julius Florus: quâ de re Suetonius in Julio Cæsare ita scribit: ascendit Capitolium ad lumina quadraginta Elephantis dextrâ atque sinistrâ lychnuchos gestantibus, post hunc Claudius secundum Suetonium *cap. 11.* ac deinde Domitius Allobrogibus Arvernisque superatis. Sueton. in Nerone *cap. 2.* Post Gordianus: Jul. Capitolinus in vita ipsius: huic quadrigæ Elephantorum à Senatu populoque Romano decretæ sunt, ut qui Persas vicisset, ab illis curru vectus triumpharet: quâ de re Alciatus hæc habet:

Turrigeris humeris, dentis quoque bar-
rus eburni,

Qui superare ferox Martia bella so-
let,

Supposuit nunc colla jugo, stimulisque
subactus

Cæsareos currus ad pia templa ve-
hit:

Vel fera cognoscit concordēs undique
gentes,

Projectisque armis munia pacis obit.

Alexander Severus cum de Persis triumpharet, non curru triumphali, sed pedibus sequente curru quatuor Elephantorum palatium ascendit, referente Æliō Lampridiō in ejus vita his verbis: posthæc cum ingenti gloria comitante Senatu atque omni populo circumfusus undique mulieribus & infantibus, maxime militum conjugibus pedes palatium conscendit, cum retro currus à quatuor Elephantis traheretur: levabatur manibus omnium Alexander, vixque illi per quatuor horas ambulare permissum est, undique acclamantibus omnibus: Salva Roma, quia salvus est Alexander. Vid. Alexandrum ab Alexandro *Genial. dier.* l. 6. c. 6.

Cæcilius Metellus rebus adversus Pœnos prosperè gestis speciosissimum egit triumphum XIII. Ducibus hostium, & CXX. Elephantis in eō ductis. Vid. Tit. Liv. lib. 19. Dionysius Halicarnassæus *antiquitat. Roman. cap. 67. p. m. 122.* in celebri illō triumpho CXXXVIII. Elephantos fuisse ductos scribit. Nic. Perottus *in cornu cop. p. 692.* CXLII, fuisse tra-

dit. Sed modo citatus Dionys. Halicarnassæus lib. 2. c. 49. scribit, hos Elephantos non curru junctos, nec jugo subjectos, sed populo Romano saltem ad spectandum exhibitos fuisse: fallitur ergo Sidonius Apollinaris aliique, qui C. Metellum illis triumphasse existimant: quod etiam patet ex L. Senecæ lib. de brevitate vite cap. 13.

Cneus Domitius Neronis atavus in consulatu Allobrogibus Arvernisque superatis Elephanto per provinciam inVectus est turba militum inter solemnia triumphi consequente. Vid. Rosin. *antiquitat. Roman. l. 10. p. m. 419.* Subjectis Sarmatis quoque Domitianum Elephantis triumphasse ex Martiali ita canente patet:

Hic gemini currus numerant Elephanta
frequentes,

Sufficit immensis aureus ipse jugis.

Diodorus Siculus author est, Dionysium primum omnium triumphasse Elephanto Indico vectum, veste purpurea indutum, coronamque gestantem ex hederâ & pampinis auream: Elephas ipse ornamentum habebat aureum, coronamque auream hederaceam circa collum: & apud Athenæum legimus, Ptolemæum Philadelphum triumphum illum fuisse imitatum: ineminit ejusmodi triumphi Claudianus sic canens:

Talis Erythræis intextus nebrida gemmis
Liber agit currus, & Caspia flectit ebur-
nis

Colla jugis.

Aure-

Aurelianus superatâ Zenobiâ ante currum triumphalem viginti Elephantos duci iussit.

Exolevit tandem apud posteros splendidus hic triumphandi ritus: minoris tamen alicujus triumphii exemplum legimus apud Carolum Sigonium *in histor. de Regno Ital. l. 18.* de Friderico II. Romanorum Imperatore, qui Pontovicum invasurus secum Elephantum Cremonâ adductum habuit, super quem Castellum instar carrocii constituerat, signis in angulis & vexillô exercitus in mediô positô decoratum, ipsius Elephantii Magistrô atque aliquot Saracenis ad Castelli defensionem impositis: rebus prosperè gestis paulô post Cremonam intravit, secum trahens carrocium cum Prætorè Mediolanensium Petro Taupolo Jacobi Ducis Venetiarum filio aliisque captivis vinctis, atque antennâ vexilli ad terram inclinata: carrocium autem vehebat Elephas castellum & tubicines cum vexillis Imperii gestans: quâcunque transibat, populo frequentissimo faustis vocibus Imperatori tantam contra Mediolanenses victoriam gratulante.

Non solum autem cum Elephantis, verum etiam cum aliis animalibus olim celebrati sunt triumphii: Sic Marcus Antonius Leonibus ad currum junctis præter aliorum instituta triumphavit: Nero Cæsar autem monstrifico invento hermaproditas equas portenti loco ad currum duxit: Heliogabalus triumphavit Tigridibus quatuor ad cur-

rum junctis, ut Bacchum referret, Leonibus ut Martem, & tandem majore infania quaternis canibus, ut exemplo careret: Sic Aurelianus Cervis ad currum junctis triumphavit ad hostium timiditatem exprimendam: multo insolentius Sesostris Ægypti Rex captivis Regibus currui junctis triumphavit: qua de re Lucanus *lib. 10. Pharsal. v. 273.* ita:

Venit ad occasum mundique extrema
Sesostris.

Qui Pharios Regum currus cervicibus
egit.

Nec minus Romani olim Elephantis utebantur in spectaculis: Sic Claudius Cæsar Avia Livia divinos honores & in Circensi pompa currum Elephantorum Augustæo similem decernendum curavit, referente Suetonio *in Claud. cap. 11.* Cum Leonibus, Tigridibus aliisque feris, interdum cum mancipiis acriter dimicare cogeantur: memoratu & commiseratione dignum est, quod Dio cum Plinio scribit: Pompeji Magni jussu cum militibus cataphractis XVIII. Elephantii pugnantes cum partim vulneribus conficerentur, partim cæsi occumberent, sublatis ad Cælum capitibus & proboscibus ejulantes à populo Romano spectante lamentabili barritu misericordiam quasi efflagitabant, simul Deos quasi precati, ut perjurium vindicarent: (siquidem ex Africâ deportandis erat promissum, quod

nihil mali passuri sint: eâ lege enim atque omine naves conscendere solent: quâ de re supra pluribus actum. miserabile hoc spectaculum tantopere affecit populum Romanum, ut à lachrymis sibi non temperans averteret oculos, & relinqueret theatrum diras Pompejo imprecatus, qui etiam brevi post adversa fortuna usus & ad incitas redactus periit: interfuit huic spectaculo M. Tullius Cicero, cujus verba ex *l. 7. epist. 1.* excerpta heic annotari merentur: Elephantorum, inquit, extremus dies fuit, in quo admiratio magna vulgi atque turba, delectatio nulla extitit: quin etiam misericordia quædam consecuta est: & paulò ante scribit: quæ quæso, potest esse homini politico delectatio, cum aut homo imbecillus à valentissima bestia laniatur, aut præclara bestia venabulo transfigitur? quâ de re Seneca in libro de brevitate vitæ ita sentit: num & Pompejum in circo Elephantorum duodeviginti pugnam edidisse, commissis more prælii noxiis hominibus ad ullam rem bonam pertinet? Princeps civitatis & inter antiquos Principes bonitatis eximie memorabile putavit spectaculi genus novo more perdere homines: depugnant, parum est: lancinantur, parum est: ingenti mole animalium obterantur: satius erat, ista in oblivionem ire, ne quis postea potens disceret invideretque rei minimè humanæ.

Unò ictu tum temporis Elephantum occisum fuisse, Plinius refert:

pilum enim sub oculo adactum in vitalia capitis penetraverat: Pulchre describit hoc spectaculum Joh. Passeratius in encomio Elephantanti:

Speſtacle, innocuum juſſi præbere
cruorem

Imploraſſe fidem populi, ſtratique fer-
runtur

Barritu. quæſulò totum impleviſſe thea-
trum:

Acceptæ voces lachrymis, & dira præ-
cati

Muneris Authori conſurrexere Quir-
ites:

Pompeje hinc tu Magne ſcelus meri-
tumque luebas

Supplicium, caderes Libycâ cum trun-
cus arenâ,

Romæ primum pugnaſſe Elephan-
tos in circo compertum eſt Claudii
Pulchri ædilitate, annò U. C. DCLV.
Item poſt annos XX. Lucullorum
ædilitate curuli adverſus tauros: &
Pompeji alterò conſulatu in dedica-
tione Templi Veneris Victricis XX.
numerò, Getulis ex adverſo jacu-
lantibus mirabili unius dimicatio-
ne, qui pedibus conſoſſis genibus re-
pſit in catervas arrepta ſcuta in al-
tum jaciens, quæ ſpectantibus volu-
ptati erant circumacta in orbem,
quaſi arte non furore belluæ jace-
rentur: altero uno ictu occiſo, pro-
pter quod univerſi eruptionem ten-
taverè non ſine vexatione populi,
qui clauſtris ferreis circumdatus
erat: quâ de cauſa Cæſar Dictator
ſimile poſtea ſpectaculum editurus
Euripis arenam circumdedit, quos
Nero

Nero Princeps sustulit, ut loca equitibus adderet.

Pugnare & Cæsaris Dictatoris tertio Consulatu viginti contra pedites quingentos, iterumque totidem turriti cum sexagenis propugnatoribus, eodem quo priores numero peditum, & totidem Equitum ex adverso dimicante. Vid. Nicol. Perott. *Cornu Cop. p. m. 692*. Cuspinian. in *Aurel. Cassiod. Coss.* Verrius referente Plinio *lib. 8. cap. 6*. Elephantos pugnasse in Circô, interfectosque jaculis tradit, penuriâ consilii, quoniam neque ali placuisset, neque donari Regibus. L. Piso inductos duntaxat in Circum, atque ut contemptus eorum incresceret, ab operariis hastas præpilatas habentibus per circum totum actos: nec

quid deinde his factum sit, Authores explicant, qui non putant fuisse interfectos.

Memoratu digna est dimicatio seu duellum cujusdam Romani Militis cum Elephanto, cujus meminit Plinius *lib. 8. cap. 7*. Cum enim Hannibal captivos Romanos inter se dimicare coegisset, unus qui supererat, Elephanto objectus est, ille dimitti pactus, si bestiam interemisset, solus in arena congressus, magnô Pœnorum cum dolore Elephantum confecit. Hannibal autem cum famam ejus dimicationis contemptum allaturam belluis intelligeret, Equites misit, qui abeuntem interficerent.

PARTIS III. CAPUT IV.

Elephantorum varium, ut & culinarium in Oeconomia usum exponit.

Elephas maximum animalium terrestrium jumentum operam præstat, quod patet ex primo capite Legis Aquilæ Cajus Author *l. 2. ad Leg. Aquil.* Vid. Joh. Spiegelii *Lexicon Juris Civilis*. Aspice Elephantorum colla jugo submissa, inquit Seneca *lib. 2. de ira*.

De Simiis Guineensibus refert Gassendus in vita Peireskii, quod non solum everrant domum, ver-

tant veru, pinfant in mortariô, aliæque ratione famulatum præstent incolis: sed, quod magis admiratione dignum, esse præterea illas barbâ procerâ canâque & pexâ propemodum venerabiles, incedere lentè, & præ cæteris illas videri sibi sapere, quarum maximæ barri dicuntur, easque præ reliquis pollere judicio, semel tantum docendas, vestibus indutas ire bipedes, scitè canere fistula, citha-

cithara, aliaque plurima moliri. Paria servitia, si non in omnibus jam enarratis, tamen in plerisque majora homini exhibet Elephas, domesticis etiam laboribus assuefactus.

Non solum ad expeditiones bellicas adhibetur, ut supra fufius dictum, sed & ad usus æconomicos utilis est: instar Veredi inservit ad vecturam onerum & fessorum: ut facilius fiat ascensio, parum & leniter se inclinatur: propter proceritatem enim vix sine adminiculò fessor ascendere potest: interdum Rector Elephantum jubet in genua procumbere, quò facto facile est Sessori eniti versus dorsum: nonnulli scalarum adminiculò ad summitatem stantis animalis ascendunt, quod admonitum quandoque Rectorem proboscide inflexà excipit, eumque usque ad collum seu cervicem attollit: in incessu alacritatem ostendit, licet vastissimum sit animal.

J. B. Tavernier in relatione de Regno Tunquin scribit, Regem ibidem quingentos prægrandes alere Elefantos, non solum ad militares, sed & varios æconomicos usus: funera Regum Tunquinesium comitari Elefantos cum turribus fenestratatis refert idem *part. 3. cap. 7. pag. 68.* Non autem exiguo, sed magnò pretiò hoc animal alitur: nec omnibus datum est & concessum ejusmodi sumptuosam bestiam hospitio excipere, cum secundum Petrarcham *l. 1. dialog. 60.* Regiæ potius luxuriæ, quam privatæ fortunæ habilis sit, domum impleat, & horreum exhau-

riat: hinc Romani olim occiderunt Elefantos, quod nec ali placuisset, nec donari Regibus: nec secundum Flavium Vopiscum apud Romanos ullus privatorum Elephantum Dominus fuit præter Aurelianum, singulari omine, siquidem postmodum ad Imperatoriam dignitatem evectus est: nec privato homini olim licuit alere Elephantum, cum Regia sit possessio alere Elephantum secundum Strabonem.

Apud Indos vehi Elephantum Regium est: tenuioris fortis & fortunæ homines ibidem vehuntur camelis, equis, asinis: feliciores Elephantis, qui præcipuus honor est apud Indos: secundus honor est vehi quadrigis equorum: tertius camelis, uno autem equo vehi teste Arriano turpe est.

Regem Cochīnensem peregrè abeuntem vehi Elephantum Nobilibus bombardis & hastis armatis stipatum scribit Johannes Hugo à Linschoten *part. 2. Ind. Or. fig. 18.* Idolum Regni Narsingæ diebus festis coli solitum & à quatuor Elephantis vectum delineat idem *Fig. 22.*

Indis arant minores Elephantum, quos appellant nothos. Plin *H. N. l. 8. cap. 1.* Idem de gentibus semiferis Indiæ *H. N. lib. 6. cap. 19.* narrat, quod Elephantis arent, vehantur, & hæc maxime norint pecuaria: quod omnia jussa faciant Elephantum, idem docet *lib. 10 cap. 45.* Omnia servitia præstant Elephantum apud Indos: vehunt currum, ubi longior expeditio est; & tantarum belluarum corpora tota





tota conteguntur aurô , ut scribit Curtius *l. 8. c. 4.* Christiani, qui in Calichut habitant, equitant Elephantos, scribit Cadamustus, quoniam ea Regio iis abundat: Rex cum aliquo tendit, trahit secum ferè innumeram hominum multitudinem: nonnulli verò Elephantis vincti Regem comitantur, Rex autem humeris nobilium hominum fertur.

Bajulant Elephanti omnis generis onera, quæ ad longè dissita loca asportant: Regiis aluntur sumptibus ad publica officia destinati: si quis illis opus habet, cum eorum gubernatoribus de mercede prius pacisci debet. Vid. Johann. Hug. à Linschoten *part. 4. Ind. Or. c. 2.* Ingentia levant pondera, etiam tormenta bellica, quæ funibus alligata trahunt, quorsum lubet: quin etiam integra navigia nullo negotio ad litus trahere valent, ad omnia jussa parati. Idem *l. c.* pro Sessore vehendo:

Ille jugum promptus subit & data jussa capeffit.

Oppian. *lib. 2.* quamvis nec capistro nec fræno, sed solâ sui Sessoris voce & hamulo regatur: quando ad aliquod onus asportandum compelluntur, fune proboscide apprehenso illud prius ligant, ut facilius ferre possint, sicque cornibus in altum sublatum portant, vel si fortè nimis grave sit, post se trahunt tanta cum industria & cautela, ut nihil frangant: vel si res liquida vehenda est, de eâ nihil effundunt, quod admiratione dignum est.

Gotthardus Arthusius *part. 7. Ind. Oriental. cap. 39.* narrat: Regem Peguensem in suis annuis festis solennibus cum aliis rarioribus producere in hominum conspectum duos rubros serico auro intertexto ornatos Elephantos: postmodum quatuor albos auro & gemmis fulgentes, in quibus cornua vulgò dentes rubinorum copia insignes conspiciantur, prælato illis ad avertendum Solis æstum umbraculo: hi Regem, proboscide in altum elevata, reverenter salutantes, editâ certâ voce in genua procumbunt, & tandem in stabula reversi singuli seorsim ex vasis aureis cibum capiunt bis in die, ex argenteis verò toties lavantur: hoc dum fit, stant sub tecto octo contis innixi, quod a totidem famulis sustinetur, ne forte solares radii illos molestant: semper autem eos præcedere solent Tubicines tuba canentes, quos magna cum gravitate sequuntur.

Ceilonenses Elephantos ad varios ludos adhiberi testis est idem author *l. c.* dari in hoc Regno monasteria & Monachos, quorum supremus Elephantus auro & argento exornatus sceptrum manu gestans in processionibus vehatur in urbe Vintana refert idem *l. c. fig. 6.* Sigillum Regum Ceilonensium est Monstrum cum capite Elephantino, brachiis humanis & pedibus cervinis: quam figuram etiam idola eorum habere scribit *fig. 11. l. c.*

Ferunt in tergo tentoria, in quibus peregrè abeuntes dormire, &

Ff

cum

cum sociis animo indulgere possunt. Vid. Walther Schulzens Ost-Indische Reise, Beschreibung l. 2. p. 199. Indorum Flamines illis utuntur in processionibus. Vid. Casp. Horn in *descript. Eleph.* Solo hortatu & verbis reguntur à Rectore: ad solam vocem Drom procidunt in genua, flectunt crura, & sessorem admittunt.

Regina Patanensis exspatiatura insidet Elephanto pulchrè phalerato sine caveâ, quam stipant Virgines pariter Elephantis vectæ cum Nobilibus armatis, satellitibus & famulis pedestribus. Vid. Joh. Theodor, de *Bry fig. 4. part. 8. India Orient.*

De mulieribus Indicis scribit Arrianus, quod pro Elephanto pudicitiam prostituunt, magnoque sibi ducant honori, quod loco meretriciæ mercedis Elephanto sint potitæ: est itaque apud illas, quæ alioquin satis castæ sunt, primaria prostratæ pudicitæ merces Elephantis: splendidum enim est apud Indos vehi Elephanto: eapropter Elephantum danti copiam sui faciunt, neque hoc turpitudini vertitur, quin potius honorificum sibi ducunt, formæ suæ pulchritudinem Elephanto dignam haberi. Vid. Philipp. Camerarii *Oper. subciv. centur. 1. cap. 50.*

Reginam Tunquinesem ex Palatio exspatiantem comitantur ut plurimum Elephanti sex cum caveis clathratis, in quibus gynæceum & alia utensilia vehuntur: Vid. J. B. Tavernier *relativ de Regno Tunquin. c. 15.* Regem verò ex regia egressum sti-

pant Elephanti 6, sine caveis, sed cum fessoribus armatis: id quod etiam fieri solet, quando bellaturus exit: defuncti verò Regis funus prosequuntur Elephanti duodecim phalerati: quorum quatuor priores singuli vehunt vexilliferum cum vexillô: sequentes quatuor singuli turrim ligneam cum sex militibus sclopetis & pyrobolis armatis: posteriores quatuor caveas speculis & clathris exornatas.

Apud Siamenses phalerarum sellarumque ornatus pro conditione personarum variat: Regis & Reginae Elephanti præter sedilia magnifica aliis omnibus splendidiora aureis annulis per totam cornuum vulgo dentium longitudinem insertis superbiunt: primariis ministris & Legatis deauratæ sedes obtingunt.

Locò turrium imponunt Indi Elephantis etiam lectos cum antipendiiis sericis & aulæis aurô intertextis, in quibus commodè bini cubare, septem verò & ad summum octo sedere possunt: his utuntur Indorum præcipui, qui Elephantos alunt, in itinere & cum sagittariis in bello: extra hunc lectulum cervici insidet Rector, qui ferreô uncô Elephanti aures, proboscidem aliaque loca pungit, & sic pro lubitu, quoquô vult, bestiam impellit. Vid. Petrus de la Valle in *itinerar. l. 2.*

Indorum Sacerdotes in processionibus illis utuntur: incedunt sine frænô, ad nutum hortatumque fessoris se accommodantes, qui simulac hanc vocem DROM profert, fessor-

rem



rem admittunt, pedibus pro stapede infervientibus: quam rem accuratè sic describit Gillius locò supra citatò: molliter incedit, ut fessor immobilis esse videatur: non solum Rectorem ascendere tentantem crure flexò incurvatòque in gradum excipit, sed alios quoque assidere volentes à tergò Reëtoris: primum ascendentem crure priore erectò excipit: reliquos posteriore crure similiter erectò: ita enim crus inclinat, ut ipsum flectat, tibiamque in gradum dispositam etiam diu suspensam teneat, si quis cunctetur in ascensu: neque modò si Reëtor jusserit, latere inclinatò & genu flexò excipit ascensorem, sed etiam totum latus inclinat, & simul ad terram abjicit ejusdem lateris tibiam priorem & posteriorem, ut facilius, quem Reëtor voluerit, suscipiat.

Equitantes in illis antequam asfuefiant, non aliter, quam in mari navigantes, in nauseam incidunt, & quando descendunt, vix pedibus insistere possunt: secus accidit in juniorum infessione, qua fessor molli gradu vectus tantopere oblectatur, quasi mulà gradarià veheretur. Vid. Gillius *l. c.* Non itaque habenis aut aliis vinculis regitur hæc bellua, sed infidentis voci obsequitur, imò sæpè à puerò regitur: sic Apollonius juxta Indum fluvium puerò occurrit annorum tredecim Elephantò infidenti, qui illum stimulis acriter urgebat, Philostratò teste.

Viam Regiam illos efficere, eamque seu minus impeditam iter fa-

cientes libenter sequi ex alio Authore refert Illustris Vir b. m. Job. Ludolphus *Hist. Æthiop. lib. 1. cap. 10.*

Præter enumerata officia domestica Elephanti in Regno Siam fungi debent carnificum vice: Reus ad palum terræ infixum alligatus à bestia irritatà & barriente aliquoties circumitur, & tandem proboscide apprehensus cum ipsò palo jactatur in sublime, sicque ex altò decidens acutis Elephanti cornibus vulgò dentibus excipitur: transfixus ita terræ alliditur & pedibus conculcatur horrendò spectaculo, intestinis hinc indè disjectis, ut refert J. Strausius in *Itinerario cap. 8. pag. 27.*

Joh. Jacob Saar in discursu suo de rebus Indicis *cap. 2. p. 16.* memorabilem refert historiam: in Bantam erat Mercator Batavus, qui Javanâ concubinâ utebatur: hujus famulus tentatâ mulieris pudicitia voti sui tandem compos reddebatur: quid sit? conspirat hic cum illâ in Mercatoris Domini sui necem: conducitur certo pretio Javanus ferrò illum interempturus: quod dum facere aggreditur, errans in personâ Anglum quendam ipsius loco occidit: defertur res ad Regem, qui mulierem cum amasio fervo ex templo Bataviam misit, ubi uterque capitis supplicio affectus est: homicidam verò objecit trucidandum Elephantò, qui à Reëtorè Æthiope unco ferreo post aures adaëto irritatus illum palo alligatum proboscide corripuit, atque in sublime jactum tandem pedibus protrivit.

Ff 2

Eodem

Eodem modo in Tunquinenſi Regno adulteras mulieres puniri ſcribit J. B. Tavernier *pari. 3. cap. 7. pag. 69.*

Georgius Andrea, qui apud Magnum Matran in Japara furem ita enectum vidit, rem ita narrat: Fur non procul à Palatio Regio Elephantum objiciebatur, cujus cornua, vulgò dentes chalybe haſtarum inſtar munita & acuminata erant: ad Elephantum accedebat Sacerdos, eumque ſui admonebat officii: quo factò Elephas furis proboscide apprehenſi, ter in aera jaçtati & humo allifi præcordia pedibus confregit, tandemque ejus caput terræ incuſſum cum cerebro comminuit & confecit.

Idem Author refert, ad ejusmodi executiones etiam Crocodilos adhiberi: Rex, inquit, in horto quodam clauſo Crocodilum pro carnifice alebat in piſcinâ: ad hanc fur à liçtore adducebatur: accedens Sacerdos arte magicâ vel quâcunque aliâ inſtructus Crocodilum ex aqua evocabat, qui confectim ex latebris prorumpens cum reo dentibus apprehenſo in ichthyotrophium ſe proripuit, nec unquam cum prædâ ruruſus comparuit. Vid. J. A. von Mandelsloh *Morgenländiſche Reiſe-Befchreibung t. 3. p. m. 197.*

Supra nominatus Joh. Jacob Saar in *diſcuſſ. Ind. cap. 4. p. m. 97.* ſimilis carnificinæ mentionem facit in Ceylonenſi Inſula ab Elephantis patrata: erat ibi inter captivos Batavos vexillifer nomine Cornelius Salvegad, qui ſuum Centurionem verberibus

mulctaverat, cum prior ab illo caſus fuiſſet: hunc palo aſtriçtum Rex Elephantis Carnifici objici juſſit: quid fit? adducitur beſtia: detrectat officium clamore cælum complens, caput hinc inde quatiens, & præter conſuetudinem miſero proruſus parcens: ex quo plurimi conjiciebant, reum inſontem eſſe: cum autem mandato Regio parendum eſſet, Æthiops unco ferreo capiti beſtiæ ſæpius impacto tandem effecit, ut Elephas Vexilliferum proboscide apprehenſum, & cornibus vulgò dentibus tranſfixum in ſublime jaceret, & pedibus pectori incuſſis ſtatim exſtingueret & protenderet: non omnes autem Elephantis Regii ad id muneris adhibentur, ſed duo ſaltem ex omnibus juſtitiam dictò modò adminiſtrant.

Quâ crudelitate olim Ptolomæus Philopator Judæos ſimili ferè ſupplicio deſtinaverit, Elephantis prius ab Hermone Elephantiftâ vinò cum thure mixto in furorem actis: ex qua calamitate tamen miſeros eripuerunt bini terribiles Angeli cœlitus miſſi, fuſe legere licet *Libro 3. Machabeor. cap. 5. & 6.* Elephantis enim in fugam verſi in proprios Duçtores ſæviebant.

Vefcas eſſe quibusdam populis Elephantorum carnes, olimque fuiſſe certum eſt: hinc traxerunt Elephantophagorum nomen, qui circa Drabam in montibus Afachæis & contra Meroën habitabant: Adiabaras ſeu Megabaras Authores vocant.

In obsidione urbis Martaban Regis Indiæ Orientalis Chambainha dictæ 3000. Elephantos ab incolis absumptos esse memorat Happelius *Relation. Curios. p. 2. p. 151.* Idem scribit, Regem Bramensem carnes infantum minutim concisas cum gramine & oryzâ mixtas post occupationem urbis Promensis Elephantis suis devorandas objecisse *Relation. Curios. p. 2. p. 157.*

Plinius *H. N. lib. 6. c. 30. & l. 8. c. 8.* Troglodytas solo Elephantorum venatu ali, item Nomades Elephantis vesci tradit: hi vagantur hinc inde errabundi, donec Elephantum ceperint, quo consumpto aliò se conferunt, ut simili præda potiantur: nonnulli carne Elephantina fale condita pro cibo utuntur. Æthiopes ex proceris arboribus Elephantorum introitus atque exitus observant, non autem unò eodemque tempore totum gregem, sed singulos invadunt, quorum poplitum nervos securi incidunt, non sine præsentis vitæ periculo, siquidem Elephante in fauciatam partem procumbens Æthiopem oppressum interficit, interdum suo pondere ad arborem vel faxum allidit, & cum hoste suo commoritur, cujus posteriores partes incolæ vicini comedunt. Troglodytæ Æthiopiæ termini sagittas defigunt in Elephantos, vestigia sanguinis sequuntur, & tandem occisorum carnibus vescuntur, præsertim clunibus, quas in delitiis habent.

Caro illorum est ponderosa, frigida, pinguis & abominabilis secundum Rhasem: hanc rubram esse, ut bufalorum & teneram scribit P. Gillius *l. c.* hæc nonnulli in Indiâ usi carnem Elephantinam affirmant bubulâ meliorem. Idem. Indorum tamen non pauci Elephantinis carnibus vesci grande piaculum esse ducunt, referente Ol. Dapper *in Af. p. m. 241.* Renes habentur in delitiis: scribit enim Vartomannus, se vidisse in quibusdam Regionibus ferculum omnium pretiosissimum ex renibus Elephantis Regi apponi solitum.

Ex tanta Elephantis mole potissimum culinarium usum præbet Proboscis, quæ inter delicatissimos cibos refertur à P. à S. T. *in Itinerario Orientali 387.* Ælianus *H. A. l. 10. c. 12.* & ex illo Heresbachius præter promuscidem, labrum, epar & cornuum medullam nihil esculentum in iis esse ait. Æthiopes, teste Gillio, posteriores partes appetunt: renes tamen maximè in delitiis & Regum epulis, si Vartomanno tanquam oculato Testi credimus. Elephantis veretrum pro delicatissimo cibo Reges in Madagascar habere scribit J. C. Scaliger *exercit. 204.*

Toto Elephantis pro cibo uti Æthiopes tradit Diodorus Siculus *l. 4. de gestis antiquorum*: maximè autem posteriorum partium carnibus delectantur: juxta locum unius Elephantis cæsi tabernacula construunt, ibique commorantur, donec integrum animal sit absumptum.

ptum. Vid. W. Frantz. *hist. an. p. 1. c. 4.* coguntur autem pro quolibet comesto Elephanto Regionis Domino unum cornu, vulgò dentem pendere. Vid. Happel. *Relat. Curios. part. 2. p. 737.*

Hæc caro sapidior esse bovina, & bubalinam gustu æquare creditur, quod testantur, qui in India illam comederunt: sale etiam conditur instar bubulæ, nec dubium, illam infumari posse: maculantur ab Æthiopibus Elephanti, ut eorum crudâ carne vescantur: cornua verò vulgò dentes ad nos mercimonii gratia transmittunt viminibus sive laqueis colligatos, quod facit, ut putem, majora apud eos Elephantorum armenta inveniri, quam boum in Eu-

ropa, ut scribit Garzias ab Horto *hist. animal. l. 1. c. 14.*

Secus sentit B. Gomefius *l. 2. de sal. cap. 7.* statuens, animalium stupidorum saltem, v. gr. porcorum, boum, vitulorum, agnorum & simil. carnes vescas esse, non autem illorum, quæ aliquâ excellenti naturæ dote præstant, sive id fiat rapacitate, ut sunt Aquilæ & accipitres: sive sensu & docilitate, ut canes & Elephanti: sive versutia, ut Delphines & Polypi, quorum carnes insuaves sunt & coctu difficiles. Elephantini salsa-menti Cratetis mentionem facit Athenæus *lib. 3.* quod olim percelebre & in magno pretio fuisse testatur Aristophanes, illud *μύγα βεῶνα καὶ λαμπρόν* vocans, fortassis ab eboris colore Elephantinum dictum.

PARTIS III. CAPUT V.

Elephanti partes usuales, præsertim autem usui Medico destinatas evolvit.

INter has omnium Medicorum calculo prima occupat subsellia Ebur: medicamentum polychrestum & præcipui in Medicina usus, cuius *διόκεσις* ad singulare caput reservabimus.

Adipem contra omnes noxias feras remedium præbere, eoque inunctum etiam nudum inter ferocissimas bestias illæsum versari posse fabulatur Ælianus: Proboscidis ta-

ctu capitis dolorem levare, efficacius, si & sternuat, scribit Plinius: hæc cum lemnia rubrica alligata, impetus libidinum stimulat: quâ de re Balduinus Ronssseus *in venatione Medica p. 80.* ita scribit:

Hoc etiam mollis poterit præstare medulla

Pernicis Pardi, vel lumbis Lemnia terra

Addita, juncta cui est Elephanti dextra proboscis.

Jecur

Jecur comitiali morbo medetur secundum Plinium *H. N. l. 28. c. 8.* extremitas hepatis comesta secundum Rhafem hepatis dolenti medetur. Fimô, si illinatur, pediculi fugantur. Vid. Joh. Jonston. *H. N. l. 1. c. 5*: Si eô suffumigatur domus aut alius locus, cniphes sive culices fugiunt & moriuntur. Haly ait: si suffumigetur eô venter febricitantis, id prodesse: si verò supponatur mulieri, abortum sequi, quod Avicenna etiam confirmat.

Sanguis Elephanti, præcipuè maris, fluxiones omnes, quas rheumatismos vocant, sistit, & fluctibus synecticis prodest. Plin. *l. c.* cum cinere mustelarum combustarum mixtus & illitus lepram & Elephantiasin per sanat. Horn. *Tract. de Elephanto p. m. 140.* Ischiaticis prodest. Idem *l. c.* Caro cum aqua, sale & paucô acetô cocta secundum Gesnerum pectoralis est, & ruffim levat: carnem cum herbis pectoralibus decoctam veteri tussi mederi Rhafes & Albertus scribunt: decoctum carnis Elephantinæ ad partum facilitandum commendat D Georgius Pictorius in *Zootrophio pag. 9.* à prægnante verò sæpius sumptum nocet.

Elephanti seniô confecti pili gestati creduntur ab aeris contagio præservare, ut scribit P. à S. T. in *itinerario Ind. l. 7. c. 1.* paucos tamen habet: caudæ pili verò apud Indos maximô sunt in pretiô. Ex Elephanti membris ad Elephantiasin multa remedia inventa sunt. J. B. Porta *l. 1, Mag. Nat. c. 7.* Cute utun-

tur Indi ad fellas vestiendas, in bello pro clypeis: caudam Regibus donant pro abigendis muscis. Coriis Elephantorum olim inscribebantur Senatus consulta, quæ ad Principes pertinebant, teste Tholosano in *Syn. tax. mirabil. tom. 1. pag. 166.* Omentum Elephanti olim ad scripturam adhibitum fuisse testatur Isidorus *l. 6. c. 12.* scribens: & non solum in chartâ vel membranâ (scribebatur,) sed etiam in momentis Elephanticis, ubi Theodorus Jansonius ab Almeloventem legendum putat in omentis seu membranâ: Ita Isidorus in Glossario: Omentum quasi mappa ventris.

Fel commendatur adversus morsus serpentum à Dioscoride *lib. 6. 39.* Naribus immissum contra morbum caducum laudat Albertus: Rhafes æquale Moschi pondus adjecit: hinc D. Georgius Pictorius locô citato ita scribit:

Naribus immissum Fel curat recte Elephantum

Herculeos lapsus. - - - -

Pinguedo vel axungia contra quævis venena laudatur inuncta, ut supra dictum: prunis injecta abigit quævis animalia venenata, adeo ut licet secundum Ælianum *lib. 1. cap. 37.* aliquis nudus contra efferatissimas bestias procedat, illæsus discedat, quod tamen crediderim esse periculosa plenum opus alex: adipe Cervino & Elephantino perunctos fugiunt serpentes, teste Dioscoride *l. 2. 86.* Sebum Elephanti capiti dolenti illitum prodesse Rhafes & Albertus

Albertus scribunt. Vid. Barthol. Carrichter *Kräuter Buch* p. m. 85.

Ossa Elephanti calcinata & præparata recipit ad suum diascordium Spagyricum D. Hermannus Nicolaus Grim, quod loco vulgaris diascordii in usum adhibuit in suo laboratorio Ceylonico, idque in Orientalibus Regionibus nostrate potentius reperit. Vid. Thom. Bartholin. *act. Med. Vol. 5. p. m. 238.*

Ossium combustorum pulvis cum sanguine hirci ficcato haustus in calculo renum & vesicæ prodesse creditur secundum Gesnerum: pulverem horum ossium vel etiam eboris cum urinâ capri sumptum per triduum & quotidie semel laudat in conterendo renum & vesicæ calculo Joh. de Monte in *Urgney Büchlein*. Cum succo plantaginis sumptus ossium pulvis dysenteriam & hæmoptysin curat, habet enim vim exsiccandi & detergendi, ut alia ossa. Ossa & pellis incensa serpentes fugant, faciuntque, ne ullum animal venenosum accedat, ut scribit Author obscurus de natura rerum: sed dubium est, an hæc potius ad Elaphum, id est, Cervum, quam ad Elephantum pertineant: utriusque tamen animalis partibus eadem vis contra serpentes inest, siquidem viva etiam serpentibus infesta sunt: illa quæ uruntur, v. gr. ossa, pili, corium, &c. si fumi mordacitati accedat gravitas, ferè omnia serpentes fugant. Vid. Ulyss. Aldrovand. *lib. 1. de quadruped.* Fumô, qui fit ex ungulâ & pilis Ele-

phanti animalia quæque venenata fugantur, ut Isidorus refert.

Garzias ab Horto *histor. arom. lib. 1. cap. 14.* secus se rem habere, nullumque ossium Elephanti in Medicinâ usum esse scribit, tametsi nonnulli tradant, ex illis crematis spodium parari: nec ad instrumenta & alia opera facienda inserviunt: dentium (cornuum) duntaxat materies expetitur.

Ungularum Elephanti scobem cataplasmatibus modò cum albumine ovi paratam & impositam reduviis seu paronychiis remedio esse testatur Paulus Ægineta: quod modo citatus Garzias *l. c.* in dubium vocat. Suffumigata scobis tamen animalia venenata pellit.

Pili, qui reperiuntur in caudis Elephantorum pauci, seu setæ transparentes magni æstimantur ab Indis, & grandi pecuniâ venduntur, creduntur valere contra surditatem, quando frustulum ex illis in aures immittitur. Verum hoc experimentum vanum esse deprehendit Franciscus Redi in *experiment. natural. p. 114.*

Sudorem Elephanti præcipuè in umbra degentis suavissimum & moschi æmulum spirare odorem, quem Indi conchyliorum testis detergunt, & in vascula colligunt, refert Faber in *histor. Mexican. fol. 564.* ex relatione Fratris Gregorii de Bolikar, Hispani Ordinis St. Francisci de observantiâ, qui annos 25. in Indiis vixit. Vid. *Ephemerid. Med. Curios. ann. 1. Observ. 97. in Schol. p. 227.*

Scybala

Scybala Elephanti suffumigata & illita, vel ficcata vestibis inspersa pulices & pediculos abigunt: quod confirmat D. Georgius Pictorius locò citato ita scribens:

Stercus item pellit Pherecydis fata Tragœdi:

Si caput abluitur - - -
id est, phthiriasin.

Extra applicata scybala in febribus prodesse creduntur: his si suffumigantur conclavia, à culicibus & muscis liberantur: si febricitantis venter horum fumo suffiatur, id convenire & prodesse Haly memorat: mulieri supposita conceptionem impedire Avicenna scribit.

PARTIS III. CAPUT VI.

Eboris Usus Mechanicum recenset.

EBur, Ebor, qui nominativus antiquis in usu fuit, à quo remanet genitivus eboris, & adjectivum eboreus: Vid. Sylv. Decimator. p. 1. vulgo exponitur dens Elephanti, quod tamen à Jubâ, ut supra pluribus dictum, meliori jure inter cornua refertur. Ebur quasi è barrô originem ducere scribit Servius in 1. *Æneid.* Italis Avorio, Gallis yvoir, Anglis, yvorie, Belgis yvoor & avoor vocatur. Schen Hebræis dentem simpliciter significat: Chaldæis Sen, Indis Murfil aut Morfil, Arabibus Cenafil, quod dentem Elephanti denotat: in Guzarate & Decan dicitur Ati: in Malavar Ane: in Canarâ Acete: Æthiopibus Ytembo: nullis vero Nationibus Baro, licet Simon Ganuensis id affirmet. Vid. Garz. ab Hort. *hist. aromat. l. 1. cap. 14.* Ὅδὲς ἢ μάλλον κέρασ ἐλέφαντος. Juba κέρατα nominat, eò quod ex temporibus enascantur.

Ebur priscis fuisse notum ex antiquissimis Scriptoribus liquet: ejus tractandi artem in Lydiâ & Cariâ jam olim viguisse vetustissimi Poetæ Hesiodus & Homerus docent: hic *Iliad. vers. 141.* scribit:

ὥς δ' ὅτε τις ἐλέφαντα γυνὴ φοίνικι
μήνη
Μηονίς ἢ κάειρα. - - - i.e.

Ut cum Lyda vel Caira mulier ebur rubrô inficit, quod Virgilius librô ultimô *Æneidos* imitatur ita scribens:

Indum sanguineò veluti violaverit
ostrô
Si quis ebur: - - -

Et Ovidius *l. 2. El. 5.*

Mœonis Assyrium fœmina tinxit ebur.

Conjicere licet, ebur esse vocabulum Punicum cum ipsa re Romam ex Africâ translatus: Syris enim & Phœnicibus, unde orti Pœnι γαρ, havar & הִיִּר hivar album sonat:

nat: inest enim ebori insignis candor apud Poetas præcipuè celebratissimus: sic apud Homerum *Odyss. 6.* Pallas Penelopen, ut procis suis esset gratior,

Λευκοτέρην δ' ἄρα μιν θῆκεν πρὶτ' ἐλέφαντος,

i. e. Secto ebore candidiorem fecit: & apud Hesiodum fulget Herculis clypeus

τιτάνω λευκῷ τ' ἐλέφαντι,

id est, gypso & albo ebore: Martialis *lib. 14. epigramm. 5.* niveum vocat, quando ita canit:

Nigra tibi niveum litera pingit ebur.

Errat itaque valdè Leonhardus Fuchsius *lib. 1. de composit. med. cap. 5.* scribens: vix inveniri verum ebur, & illud, quò utimur, esse ex genere ossium balænarum: fat magnam enim ejus copiam fert Africa, Æthiopia & India: hinc Ovidius ita canit:

Sectile delitiis India præbet ebur.

Æthiopes vicens dentes (cornua) Elephantorum Persarum Regibus quotannis pependisse authòr est Alexander ab Alexandro *Genial. dier. l. 4. c. 24.* Cornæ naturæ esse ebur supra ex pluribus authoribus demonstratum est, siquidem è cranio oriuntur, quod cornuum proprium est: quemadmodum & facile secantur poliuntur & in quamvis formam effinguntur, quod in dentibus vix fieri potest: & quia secundum nonnullos decidunt & renascuntur, ut Cervorum cornua: hinc apud

Æthiopes Akronot, id est, cornua audiunt, quorum moles interdum tanta est, ut æquare possit 220. pondo: ex his eborarius circulos, arcus, transtra seu sedilia Remigum & omnis generis supellectilem conficit, quæ fragilis & indomita dentium natura ferre non potest: habere tamen videntur hæc cornua cum dentibus aliquid commune secundum Prophetam Ezechielem *cap. 27.* qui illa שן קרן cornua dentis, quasi mediam naturam inter dentes & cornua obtinentia vocat. Franciscus Apollo omnia Elephantanti ossa ebur nominat, quæ de re vid. Ulyss. Aldrovand. *lib. 1. de quadruped. cap. 10.*

In operibus, instrumentis monilibusque fabricandis magnus eboris usus est apud Indos, inquit Garzias ab Horto *l. c.* ut ex ea Æthiopiæ parte, quæ est à Sofala usque ad Melinde singulis annis in indiam devehantur millies sexcenta pondo, præter eos dentes, qui ex plerisque Indiæ Regionibus convehuntur: hujus eboris pars in Chinaram Regionem defertur: maxima verò & potissima pars Cambayâ devehitur: est enim certum superstitionis genus apud mulieres ejus Regionis, ut è vitâ sublatò aliquò ex sanguine junctis illicò omnia monilia, (quorum viginti ex ebore confecta singulæ mulieres brachiis ferunt) confringant, & positò luctu nova induant: proinde quia ad ornatum adhibetur, non parvo apud Indos ebur est in pretio.

Ebur

Ebur quasi è barro dictum, quod Elephas suppeditat hominum ambitioni, secundum Helmontium *tractat. de Lithiasi cap. 1.* magnam partem ossis habet, alteramque lapidis seu dentiformem: à Græcis per synechdochen nominatur Elephas: sic βῆς pro bovina pelle sumitur, quemadmodum etiam pro flagellō ex coriō bubulo factō: hinc apud Hesychium βῆς μάτις: & apud Plautum legimus: ubi vivos homines mortui incurfant boves, per quos intelligenda lora bubula.

Eboris nomine Plinius illam præcipuè partem dignatur, quæ extra os est, quodque alibi Elephantis & dentis Indici appellationem sortitum est, singularemque habet naturam & varium usum. Optimum est Indicum: sic secundum Virgil in Georg.

India mittit ebur, croceos & Tmolus
odores.

gaudet humidō & siccitate offenditur, cariemque sentit: illud emolliri & poliri posse Democritus ostendit: emollitur autem potionis genere, quod Zythum appellatur, ut apud Plutarchum legimus: emollitum conformatur, & in varia tornatur: parabantur olim ex eō mensæ, lecti, & quos nonnulli venenō in mensâ præsentē sudare nugantur, capuli cultrorum, item fistulæ perforatæ pro clysteribus, enses, vaginæ, capsulæ, pharetræ, scrinia, sceptræ, sellæ curules, scutulæ, vascula, speculorum circuli, thecæ, in quibus pulveres sternutatorii asservantur, Dosen zum Nasen, Confect, auri-

scalpia, dentiscalpia, & similia: nimis enim longum foret, πᾶν σκεῦος ελεφάντινον velle recensere, item januæ, portæ & alia, de quibus Ulysses Aldrovandus *histor. quadruped. l. 1. c. 10.* politur ut ligna, ac potissimum squatinâ, ut testatur Plinius: nitor verō hebetatur tributō mulierum lunari. V. J. Jonston. *H. N. de quadrupedibus l. 1. cap. 5.* Ebur ex Insula Zeylan & Achen elaboratum nunquam flavescit, ut aliæ eboris ex Occidentali Indiâ allatæ species, atque eapropter longè majore est in pretio. J. B. Tavernier *l. 1. Itin. Ind. c. 18.*

In Insula Madaigascar, ut & in alia, quæ Cuziber vocatur magna eboris nundinatio est, nec in toto Orbe major esse putatur, referente Marcō Paulo Veneto *l. 3. cap. 39.*

H. Cardanus *subtil. l. 10.* optimum ebur quidem ex dentibus Elephantī constare asserit: secundum nonnullos autem ex ossibus Elephantorum etiam fieri putat ebur: ossa enim in laminas secari cæpta ob eboris penuriam Plinius *H. N. l. 8. c. 3.* scribit: statuit itaque præcipuum fieri ex dentibus, vilissimum ex ossibus, medium ex dentibus molaribus: (at vix credibile, ex ossibus & dentibus molaribus fieri posse ebur.) Omne ebur pergit Cardanus *loc. cit.* tenax est, solidum & candidum: ideoque ad pectines nihil melius: nobilitas illi tanta, ut inter gemmas & aurum sedeat, quamvis copia vilius evadat: servatur oleō vel aquâ, aliter siccatur:

ficcatum primo nitorem amittit, inde exeditur, tandem etiam frangitur: defenditur igitur ab aëris injuriâ vapore olei & aquæ: juvenculis, inquit, candidiores & molliores, ut in omni animalium genere dentes: senibus grandiores, duriores, ficciores, nigriores: optimi ad opera quæque in adultis: incertum est, an mutantur dentes hi: sed si mutantur, semel omnino tantum mutari necesse est. Hactenus Cardanus, qui non in omnibus assensum meretur.

Dentibus ingens pretium, & Deorum simulacris laudatissima ex iis materia fuit apud varias gentes & populos: hi quam splendidi, magnifici ac minime parci in colendis Diis fuerint, magno illud documento est, quod ex India & ab Æthiopibus ebur ad signa Deorum sculpenda advehi curarunt. Vid. Pausan. in *Eliac.* l. 5. In extremis Africæ, qua confinis Æthiopiæ est, postium vicem in domiciliis præbere, sepesque in iis & pecorum stabulis pro palis Elephantorum dentibus fieri Polybius tradit, authore Gulussa Regulô. Vid. Plin. *H. N.* l. 8. c. 10. Pro palis Nigritæ ad sepimenta utuntur: sæpè enim longitudinem decem pedum æquant secundum Gillium l. c.

Hinc Lybiæ incolæ Elephantos venantur non aliam ob causam, quam ut dentibus potiantur, teste Ælianô: & Æthiopes, prodente Herodoto, tributis loco Regibus Persicis quolibet triennio vicenos grandes

dentes Elephantinos cum auro & ebore pendere solebant: Cornua verò, (vulgò dentes) fæminarum, quæ certis in Regionibus reperire licet, secundum Ælianum majoris sunt pretii.

Regiam Solis ebore insignem Ovidius ita describit:

Regia Solis erat sublimibus alta colum-
mnis;

Clara micante aurô flammisque imi-
tante pyropô,

Cujus ebur nitidum fastigia summa te-
nebat,

Argenti bifores radiabant limine val-
væ:

Materiam superabat opus: - - -

Scepri eburnei mentionem facit idem i. *Metamorphos.* & ejusmodi donorum Virgilius l. 6. *Æneidos*:

Dona dehinc aurô gravia sectôque
Elephantô

Imperat ad naves ferri: - - -

Regem Israëlitarum Ahab sibi integram domum ex ebore exstruxisse legimus libro 1. *Reg.* c. 22. Eburneorum palatiorum meminit Regius Psaltes *Psf.* 46. v. 9. Privatorum quoque domicilia & lecti ex ebore memorantur à Propheta Amos c. 6. v. 15. & c. 6. v. 4. in quibus erant reconditoria eburnea, quæ varia pretiosa & aromata asservabant.

Rex Salomon fabricavit sibi Thronum seu solium magnum eburneum cum sex gradibus, quod obduxit aurô, i. *Reg.* 10. cujus emissâ classis quolibet triennio cum auro, argento aliisque pretiosis etiam eboris copiam ex Indiâ afferebat: hic Salomon.

monis thronus secundum computationem nonnullorum constitit triginta talentorum millibus.

Thronum Regis Salomonis ex ebore ad thronum Christi judicarium accommodat Rupertus *lib. 3. in lib. Regum c. 31.* scribens: Quis est ille thronus tam grandis, tam mirabilis, nisi altitudo Majestatis in illo novissimo die magni ac tremendi judicii? grandis thronus est, quia grande judicium exspectamus: Thronus est ex ebore, quia judicium ex puritate constabit justitiæ: auro vestiebatur, quia tunc divini judicis gloria fulgebit: Thronus hic habebat sex gradus, per quos Salomon ascendebat: sic expletis sex mundi millenariis Christus sedem judicariam conscendet & orbem judicabit. Duæ Leænæ duas Christi naturas divinam & humanam denotant: est enim Leo de tribu Juda. *Apocal. 5. v. 5.* Duodecim Leunculi super sex gradus ex utroque latere stantes sunt XII. Apostoli, de quibus Christus dicit *Matth. 19.* Sedebitis super sedes duodecim, judicantes duodecim tribus Israël.

De Tyri incolis Ezechiel Propheeta *cap. 27. v. 6.* refert, quod habuerint transtra ex ebore Indico, & quod Insulæ Chittim magni eboris quantitatem illis advexerint. *v. 15.* conflata erant illa navium transtra ex ebore buxo incluso: cujus rei simile exemplum legimus apud Virgilium *lib. 10, Æneidos.*

- - - quale per artem
Inclusum buxo (aut Oriciâ terebintho
Lucet ebur: - - -

In sortilegiis adhibitum fuisse ebur Claudianus refert, ita canens:

Talibus invitat donis, dextrâque regendum
Diva simul porrexit ebur, solemnibus urnam
Commovet auspiciis: - - -

Eburneorum vasorum fit mentio in Apocalypsi *cap. 18. v. 12.* Peribunt domus eburneæ, & finem accipient domus magnificæ, dicit Dominus apud Prophetam Amos *cap. 4. v. 15.* & *cap. 6. v. 4.* Væ vobis, qui opulenti estis in Sion, qui dormitis in lectis eburneis, & lascivitis in stratis vestris. Opulentiorum lectos, lecticas & domos olim ebore ornatas fuisse, etiam ex Homero patet: Elephantorum autem nusquam hic Poëta meminit, quos si vidisset aliquando, aut ab aliis de illis aliquid audivisset, multò citius, ut conjicere licet, de illis, quam de Pygmæorum & gruum pugnâ aliquid scripsisset, ut scribit Pausanias *lib. 1. Attic. pag. 14.*

Equos eburneos ingentes Romæ olim sculptos fuisse, ex Livio constat.

Eburneus, splendidus, nitidus & niveus candor pulchritudinem, præcipue in fœminis arguit: sic Ovidius commendat eburneam cervicem, & *l. 3. metaphormos.*

impubesque genas & eburnea colla.

Q. Fabium propter candorem corporis eburneum cognominatum, &

Gg 3

Jovis

hinc Jovis pullum appellatum fuisse scribit Petrus Lauremberg. in *Pascomps. c. 26.* Nativa & genuina pulchritudo genarum ea est, ut candore suo nivem aut ebur provocantes leni rubore imbuantur: Poetæ graphicè suis carminibus id exprimunt, v. gr. Ovidius 4. *Metamorphos.*

Hic color apricâ pendentibus arbore
pomis

Aut ebori tincto est: - - -

Et lib. 2. *Amor.* canit:

Quale rosæ fulgent inter sua lilia mixta.

Eleganter hoc delineat Poeta hujus seculi celeberrimus Joh. Rempenius P.P. Helmstadiensis in *delitiis Parnassi p. m. 116.*

Frons verecundo rubuit pudore,
Ut solet tinctum roseo liquore
Purpurâ flammans ebur altiore
Ferre colorem.

Præcipuè autem in collo laudatur eburneus & niveus candor: contra fusca flavedo turpis habetur. Diogenes adolescenti formoso indecora loquenti dicebat: non erubescis ex eburnea vagina plumbeum educere gladium. Vid. *Masen. l. 1. famil. argutiarum*: hinc natum proverbium: ἐν ἐλεφαντίνῳ καλεῖται τὸ μολύβδινον εἶδος: in eburneâ vaginâ gladius plumbeus: proverbialiter dicitur de re præclara, quæ adhibetur, ubi minime decet: v. gr. si stulto opes, fatuæ forma, genus ignavo, eloquentia Viro improbo contingunt.

In dilecto suo commendat Christi Sponsa ventrem eburneum Sap.

phiris distinctum *Cant. 5. v. 14.* & in sua Sponsa Christus cervicem turri eburneæ similem. *Cantic. 7. v. 4.* illam Theodorus Beza in Cantico Canticorum eleganter ita describit:

Huic pyropi flammulis
Cæterisque gemmulis
Orbe clausis aureo
Candidæ fulgent manus:
Corpus huic eburneum
Cæculis intermicans
Hinc & inde gemmulis.

Sponsæ verò candidissimos dentes pari elegantia ita delineat idem:

At gemellos dentium
Ordines eburneos,
Ordines junctissimos
Compararim candido
Cum bidentum vellere,
Quæ nitentes vitreo
Elavacro prodeunt,
Cum gemellis singulæ
Hinc & inde foetibus, &c.

Digitorum eburneorum meminit Propertius. De Pelopis humero, quem eburneum fuisse licenter fabulantur, videri potest Pausanias & Nicol. Leonicus *de var. histor. lib. 2. c. 40.* Poetæ Elephantum pro ebore ponunt: Sic Virgilius *Georgic 3.*

In foribus pugnam ex auro solidoque
Elephantò,

Et *Æneid. 6.*

Sunt geminae somni portæ, quarum altera fertur

Cornea, quæ veris facilis datur exitus umbris:

Altera

Altera candenti; perfecta nitens Ele-
phantô :

Sed falsa ad cœlum mittunt insomnia
manes :

His ubi tum natum Anchise, unâque
Sibyllam

Prosequitur dictis, portâque emittit
eburnâ.

Corneam portam, per quam emis-
sus Æneas, nonnulli synecdochicè
pro oculis accipiunt, quippe qui tu-
nicam corneam obtinent: per ebur-
neam verò os intelligunt, intra quod
dentes eboris colore (ελεφαντοχρότες)
sunt conspicui: hæc autem sic inter-
pretari licet, ut quæ oculis usurpa-
mus, fide digniora sint, quam quæ ex
ore aliorum prolata audimus. V. Ma-
crobius in somnio Scipionis l. 1. c. 3.
Cornea porta veris, eburnea falsis
somnia, authore Porphyriô, depu-
tata est: rationem addit Macrobius
l. c. scribens: cornu naturam esse, ut
tenuatum visui sit pervium: ebur
verò, quamvis ad extremam tenui-
tatem abrasum sit, non tamen visus
acie penetrari posse.

In triumpho Cæsaris eborea, id est,
ex ebone sculpta oppida fuisse præla-
ta constat: in sepulturis præclaro-
rum Virorum, ubi ad rostra ventum
erat, propinquos in sellis Elephantini
confedissee refert Polybius: Sic
Catullus:

Candet ebur foliis

Venerem Phidias ex ebone & auro
fecit secundum Pausaniam: Ele-
phantinæ Veneris mentionem facit
Gyraldus, quæ procul dubio fuit
eburnea. Mivervæ Panachæidis si-

mulacrum olim ex ebone & auro
factum est. Idem. Aliorum etiam
Deastrorum gentilium simulacra
olim ex ebone fuisse facta scribit Ar-
nobius in libro adversus gentes: &
Plinius l. 8. c. 10. & l. 36. c. 15. eburnei
Jovis meminit: talem fuisse in Me-
telli æde, quâ campus petitur, Li-
vius lib. 5. tradit. Eleganter hæc de
re canit Passeratius in encomio Ele-
phanti scribens:

Quid referam dentes (seu dicere cornua
mavis)

Phidiacæ famam artis ebur? signum
inde Tonantis,

Oraque Cecropiô fecit spirantia cœ-
lô,

Ex ebone Indicô in Pissa Jovi ere-
ctam fuisse statuam refert Mundel-
la in Indice in veros Galeni libros.
Apollinis ebonei in foro Augusti me-
minit Plinius l. 7.

Josephum Patrem suum (vitâ
functum) collocasse (sepelivisse) in
lecto (loculo) de sindaphin, id est,
eburneo, lego apud Bochartum in
Hierozyic. l. 2. c. 23. Non enim sin-
daphin est ligni pretiosi genus, ut
nonnulli volunt, sed ebur ex mente
citati Authoris.

Julio Cæsari à Cassio & Bruto in-
terfecto funere indicto Romæ rogos
exstructus est in campo Martio jux-
ta Juliæ tumulum: & pro rostris au-
rata ædes ad simulacrum templi Ve-
neris genitricis collocata: intraque
lectus eburneus, aurô & purpurâ
stratus: & ad caput trophæum cum
veste,

veste, in quâ fuerat occisus. Vid. Sueton. *in Jul. Cæs.*

Ebur porro ponitur pro vasis & aliis rebus ex ebore factis: Sic Horatius 2. Carmin.

Non ebur, neque aureum

Mea renidet in domo Lacunar:

Sic Cicero in Verrem mentionem facit omnis eboris ex ædibus sacris ablati. Tibiarum eburnearum Indis in bello usum esse scribit Theodoricus à Bryf. 4. Sic Tibullus canit:

Primum veniens plect. ò modulatus
eburnò.

Elephantinas tibiae primum à Phœnicibus repertas Athenæus deipnosophistar. l. 4. p. m. 181. scribit. Tubarum ex ebore meminit Joh. Müller. *in historia de Regno Fetu pag. 104.* Monilibus ex ebore uti incolas promontorii bonæ spei refert idem *part. 3. Ind. Oriental. fig. 7.* In Cambaja varia utensilia, imprimis armillæ, quibus ibidem mulieres brachia exornare solent, ex ebore conflantur: quem in finem ex Æthiopiâ, Mozambique & aliis locis in copia advehuntur.

Idem de Claudio Nerone Cæs. refert, illum cænationes instituisse in tabulis eburneis versatilibus. Statuam ex ebore equestrem Titum Flavium Vespasianum Britannico dedicasse in Circensi pompâ præferendam auctor est idem in Tito Flavio Vespasiano. Ptolomæum Philadelphum Parentibus suis statuas eboreas posuisse memorat Theocri-

tus. Camera eburneæ meminit Propertius lib. 3. eleg. 2. ubi scribit:

Quod non Tænariis domus est mihi ful-
ta columnis,

Nec camera auratas inter eburna tra-
bes.

Marmoreorum tectorum ebore & auro fulgentium mentionem facit Cicero *de Clar. 188. b.* In extremis Africæ, quæ confinis Æthiopiæ est, postes domorum ex ebore fiunt. Præterea variæ ex ebore fiunt Sculpturæ: Sic David Chytræus meminit, se in Cœnobii cujusdam summò altari vidisse historias tam veteris, quam novi Testamenti eburneis tabulis insculptas.

Veteres olim scripserunt in ebore, ut notat Dilherr. *in Disputat. Philol.* Pugillares eburneos nobis sistit Hieron. *Epistol. ad Latam de instit. sit. Oper. Tom. 1.* Armaria seu loculos librorum olim ex ebore factos scribit Lipsius *de bibliothec. c. 9.* Frœni ebore ornati mentionem facit Tryphiod. *in Ilei excidio:* ex ebore circulos, arcus, variamque supellectilem ab eborariis conflare supra dictum est. Cleopatram naves ebore affabrè exornatas habuisse constat.

Pro balsamis asservandis tornantur etiam ex ebore balsamothecæ, quas tamen facillè penetrant olea destillata, id quod color horum vasculorum immutatus prodit: melius dicta balsama in argenteis & in auratis vasis conservantur: alia etiam utensilia, v. gr. manubria cultellorum & similia pinguibus manibus tractata

tractata pariter eburneum nitorem facile amittunt.

Clypeos militares aurô & ebore fulgentes apud Indos in usu fuisse refert Q. Curtius l. 8. c. 5. Eburnei pectines, quibus ad explicandos capillos utimur, præ cæteris salubres existimantur: fortassis quod plerique ex cornibus facti gravem odorem habent, ex ebore non item. Ensis eburnei mentionem facit Virgilius inquiens:

- - - atque ensẽ collô suspendit
eburnum:

intelligit per Synechdochen vaginam eburneam: Graduum eburneorum meminit Lucanus, scribens:

- - - gradibusque acclivis eburnis.

De capsulâ eburnea librum de pustulis continente, quam Hippocrates morti vicinus secum sepeliri iussit, ne ulli mortalium innotesceret, videtis Thomam Bartholinum *hist. anatom. cent. 6. p. m. 240.*

Magnum Chinæ Imperatorem ex eburneis vasis cibum capere refert Erasmus Francisci. Coronarum ex bracteis eburneis olim usitatarum variorumque colorum mentionem facit Nic. Perottus in *Cornu Cop. p. m. 748.* Sceptri Jovis eburnei meminit Ovidius i. *Metamorphos.* Sic scribit Alexander ab Alexandro milites benè meritos à Romanis olim donatos fuisse Scipione eburneô, eisque concessas fuisse sellas curules eburneas. Naves aurô & ebore distinctas fuisse

Neroni in Achaiam navigaturo, ut fidicinam artem ostentaret, Cornelius Tacitus refert l. 5. 6. Nobiles Romanos habuisse currus ebore adornatos certum est: hinc Ovidius de quodam refert, quod fuerit

Regalique habitu curruque superbus
eburno:

hic fabulatur, Pygmalionem ex ebore virginem fecisse, ejusque amore captum à Venere impetrasse, ut in veram vivamque virginem verteretur: petiti compos factus ex ea suscepit filium Paphum, à quo Insula nomen accepit. Vid. l. 10. *Metamorphos.*

Eboris lamellæ ab eborariô politæ ad picturas inserviunt: hinc *ἐλεφαντοζωγράφος* a Plutarcho in Periclis vita vocantur pictores, qui in ebore pingunt: quamvis ossa etiam ob eboris penuriam ad eundem usum in laminas interdum secantur.

Ebur atramento candefacere: tritum est adagium Plautinum: cum enim puella quædam formosa à lena Plautina cerussam ad oblinendas malas postularet, responsum hoc tulit: unâ operâ ebur atramento candefacere postulas: propterea quod omne lenocinium rebus natura pulchris dehonestamentum afferat, non venustatem: veluti si quis veritatem, qua nihil est pulchrius, Rhetorum pigmentis conetur exornare. V. Erasmi *Adag. Chil. 1. cent. 3. p. m. 99.*

Eboriâ carie vindicando utile esse vetus oleum existimat Plinius & Joh. Baptista Porta Villæ lib. 6. cap. 6. Athenis in arce Palladis, quam Par-

H h

thenium

thenium vocant, simulacrum eburneum non oleum sed aqua juvat. Plinius *l. c.* Raphani ebur poliunt, scribit idem. Ebur poliendi & emolliendi artem optimè calluit Democritus, quod testatur Seneca *epist. 90.* Raphani succo illud poliri scribit Plinius *histor. nat. l. 19, cap. 5.* Ebur aliquandiu phuscâ, id est, oxycrato, poscâ seu aceto cum vino mixto maceratum ceræ instar mollescere, obsequiosumque & flexile in quodcunque opus tractari scribit Johannes Ruellius *l. 1. de natur. stirp. cap. 43.* & Aëtius *lib. 3. cap. 80. 81.* quod Dioscorides Zytho tribuit, qui est potionis genus ex hordeo factum, quo ebur madefactum ad omne opus tractabile redditur: Zythus enim acorem & vim aceto similem, quod multa solidissima penetrat, in se continet, hinc facile acescit aqua, in qua hordeum maceratur.

Sic acetum ex similibus, v. gr. Cerevisia fieri constat, cujus vis tanta est, ut saxa penetret, & cum cinere applicatum ossa emolliat: Elephantina ossa, inquit Simeon Sethi in Zytho aliquandiu macerata, instar Ceræ emolliuntur: si ebur synecdochicè, ut nonnullis placet, pro ipso Elephanto sumatur, verè poterit dici, quod Zythus in potu Elephanto datus ferociam ejus mitiget & tollat. Ebur cum radice mandragoræ per sex horas decoctum mollescit, lentumque ad cujuscunque imaginis obsequia redditur, ut scribit Joh. Ruell, *de natur.*

stirp. l. 3. cap. 11. Dioscorid. *l. 4. c. 76.* A. P. F. B. von natürlichen und künstlichen Sachen. *cap. 33. pag. m. 612.* Sed hæc inter nugas refert M. Aurelius Severinus *p. 2.* Seilomastig. *§. 1. p. 66.* Ebur emollitum in varia conformatur.

Siccitate maximè offenditur ebur, & temporis processu pallefcens amittit candorem, hoc ipso inferius Hippopotami dente, qui nitorem suum retinet. Vid. Scaligerum *de subtil. exerc. 187.* immodicâ siccitate candicans ejus nitor interit, & in pallorem vertitur ingratum: quamobrem quibus id curæ est, frigidis & humidis maximè locis ebur facile præservant, memoriæque proditum est, Palladis ex ebore simulacrum in Athenarum arce collocatum, quod altitudine sua siccus experiri cælum dicebatur, affusa sæpius aquâ diu pristinum retinuisse candorem: quin etiam Epidauri eburnea Æsculapii statua in throno residens super defossam infernè puteum ob id ipsam collocata fuisse perhibetur. Olympici verò Jovis simulacrum à Phidiâ Atheniensi ex ebore constructum affuso oleo per multa secula illæsum integrumque conservatum refert Nicol. Leonic. *var. histor. l. 2. c. 39.*

Communiter eburneum pro candido accipitur, v. gr. Cervix eburnea, quæ eboris instar est alba: hinc à Theocrito λευκὸς ἐλέφας dicitur. Eburneorum rastorum meminit Ovidius, undè natum proverbium: eburneis rastis solum vertere: idem

idem cum illo : ligonibus aureis terram fodere, id est, re insigni & præclara abuti, ut si quis eruditione pollens eâ in rebus vanis, inutilibus & nullius pretii abutatur. V. Prudent in Symm. ita scribentem :

Haut aliter, quam cum rastris quis
tentat acutis

Cænosum versare solum: - - -

Vid. Pauli Manutii adagia p. m. 1386.

Palustrium Elephantorum cornua, (vulgò dentes) sunt lividi, rari, tractuque difficiles, habentque in plerisque partibus foramina: in nonnullis quasi grandinis grana & tumores quidam apparent, hinc Arti minimè obtemperant.

Apelles commentus est colorem ex ebore combusto facere, quem Elephantinum vocant. Plin. H. N. l. 35. c. 6. evadit autem hic ex candidissimâ materiâ nigerrimus: & quemadmodum

Argenti facies quamvis sit candida, ni-
gras

Ducit lineolas: - - -

ita & hæc idem fit, & color valde ater emergit: quando enim ebur retortæ committitur, spiritu expulso nigrescit, eamque nigredinem à contentis particulis sulphureis & oleosis accipit: quod figulis etiam notum est, qui ebur oleo lini conspersum in ollâ operculo clausâ calcinationi subjiciunt, unde nigredo major acquiritur, adeò ut ebur hõc modò præparatum evadat nigerrimum. Idem præstatur simplici calcinatione, in qua ebur album ac purum in atrum carbonem

redigitur, pictoribus usui futurum. Franciscus Marius Grapaldus *de part. edium pag. 36.* Colorem ærugini æmulum ex ebore combusto fieri posse scribit.

Ut ebur rubicundum evadat, R. Aq. fort. urinæ, & calcis vivæ ana quantum placet: impone ebur cum æquali pondere ligni Brasiliensis, & rubrò colore splendeat ebur: si cæruleum colorem desideras, R. Calcis vivæ & Indigo q. v. probè mixtis adde parum aluminis, affunde acet. q. f. ad pultis consistentiam, impone ebur in frustra concisum per 14. dies. Omnia autem stent in loco calido. Viridis & smaragdinus color obtinetur, si solutioni Veneris cum f. q. aq. fort. factæ imponantur eboris lamellæ addendo parum aluminis. Vel R. ⊕ lactis caprin. quantum placet, indantur vasi cupreo, cui ebur imponendum: vas obturatum per 14. dies sepeliatur in fimo equino: deinde exime frustra eboris viridi colore saturatè tincta: aluminis tamen nonnihil addendum est.

Ut in ebore scribere possis: R. Sem. hyoscyami q. v. bullat in ☩ vini, impone ebur, donec mollescat: sic potest aliquid in eo scribi vel imprimi: tandem ebur ad solem ficcatum pristinam acquirit duritiem.

Ebori similis est lapis Chernites, in quo Darium conditum esse refert Plinius l. 36. c. 17. id est קרנית, Karnita, nomine facto ex קרן, Keren, id est, cornu, quod pro ebre

ebore usurpatum litera Koph per
x expressa, ut passim fieri solet:
reperitur etiam, Plinio teste, candi-
dum marmor ebori similitimum.
Merulis anniculis rostrum in ebur
transfigurari, duntaxat autem ma-
ribus, idem tradit.

De ebore loco chartæ scriptoriæ
olim adhibito. Vid. Michaëlis in
notis ad Gassarelli Curiositates in-
auditas p. 155. Unicornu arte ex e-
bore effectum Delphis in Belgio vi-
dit Tentzelius s. 4. *Exeg. Chymiatr.*
p. 666.

Ante violentam C. Julii Cæsaris
mortem inter alia prodigia Ebur,
(id. est, imagines aut alia orna-
menta ex ebore:) lachrymas profu-
disse, testis est Virgilius in fine *lib. 1.*
Georgic. his verbis:

Vox quoque per lucos vulgo exaudita
silentes

Ingens: & simulacra modis pallentia
miris

Visa sub obscurum noctis: pecudesque
loquuntæ.

(Infandum) sistunt amnes, terræque
dehiscunt,

Et mœstum illacrymat Templis ebur,
æraque sudant.

PARTIS III. CAPUT VII.

Eboris præparationem & usum Medicum examinat.

EBur, quasi dicas, è barro,
ἐλέφαντος ὀστέον, per synechdochen
Elephas dicitur: vulgò exponitur
dens Elephanti ex mente Herodoti,
quem tamen Juba non pro dente,
sed pro cornu habet: Os & dens
dicitur generali sensu, quia ebur
est solidum, ut dens: hinc Ger-
manis dicitur: *Helffenbein*. Danis
Filsben, à fil, Elephas, & ben, os:
Turcis *Fulgemik*, à Ful, id est, E-
lephas, & gemik, id est, os: non
semper *ἐλέφας τὸ ζῷον, ἀλλ' ἢ ἐκ τοῦ ὀδόν-
τος ὕλη* audit.

Ebur in Medicinâ est magni usus:
vis ejus secundum Dioscoridem &
Serapionem est astringens, quæ ta-

men gustu non percipitur, ut Al-
drovandus notat: refrigerat & fic-
cat, incidit, viscera roborat, albas
mulierum fluxiones sistit: præterea
ictero convenit, lumbricos fugat,
diuturnis obstructionibus confert,
stomachi dolores abigit: frigidum
& siccum est secundum Johannem
Fragosum hist. Med. Ind. tractat. 1.
cap. 12. in primo gradu: adhibetur
ejus pulvis seu limatura in substan-
tia ad drachm. sem. ut & in majore
quantitate in infusionibus. In sub-
stantiâ maximè commendatur con-
tra catarrhos tenues & salfos, tam
ustum, quam sine igne præparatum,
si misceatur cum Coralliis rubris
præpa-

præparatis & osse de corde cervi, inservit pro conservatione fœtus ad præservandum abortum in gravidis. Emplastica vis potius & absque morfu ficcans observatur in illo: non autem omnia ficcantia simul astringunt: vim igitur astringentiam non adeò magnam habet.

Zacutus Lusitanus *de Med. Princip. histor. l. 1. Observ. 21.* mirabilem ebori vim attribuit in curandis plurimis morbis: inter præstantissima præsidia, inquit, quæ ad viscera roboranda ab Authoribus quotidie passimque proponi solent, nullum ebore est excellentius: licet ejus usum, ut rem parvo pretio æstimatam & contemptibilem parvi pendant Medici: fidissimo experimento mihi compertum est, ejus utilitatem ad flaccidum, resolutumque ventriculum firmandum, cardiacam, mirachialem, cæterasque obstructions esse maximam: quam mirabilem tentatis omnibus auxiliis in deplo-ratis morbis semper inveni: ejus tenuissimam scobem aut ramenta subtilissima in pollinem redacta cum saccharo permixta, vel in tabellas formata, diluculo ad quantitatem drachmæ assume, desuper merum generosum pota, aut naphæ vel melissæ aquam destillatam: si febris aut calida adsit partium intemperies, rosacea satis esto: experieris & miraberis effectum.

Ebur præparatur five sine igne, vel philosophicè, sive cum igne, ut Cornu Cervi: Helmontius *de lithiasi c. 3. thes. 29.* scribit, notabilis

stupiditatis argumentum esse, ebur & cornu cervinum calcinari in morborum præsidia, quia sic mercari debemus pulverem viribus orbatum: adeoque & spei & crumenæ ægrotorum imponitur, occasio bene agendi præterit, ac Medici se ipsos hoc ipsò ridiculos faciunt.

Eboris benè calcinati experimentum est, quando dentibus facile rumpitur & masticatur, simulque in masticatione odor quidam ac sapor cordialis sentitur, qui etiam in masticatione boli, terræ Lemniæ & lapidis bezoar Orientalis observari solet secundum Thom. Bartholin. *Histor. anatom. centur. 6. pag. 200.*

Præparari potest ebur sequentem in modum: R. Eboris in minutissimam rasuram beneficio limæ raspati q. v. contunde in mortario lapideò & tere cum aquâ aliquâ appropriatâ ad pultis formam: quæ pasta chartæ albæ superextensa iterum exsiccat & pulverisatur, & hoc bis, ter vel pluries repetitur, donec rasura in pulverem subtilissimum redigi queat.

Ulysses Aldrovandus *lib. 1. de quadruped.* sequentem eboris præparationem habet: Eboris in partes secti libram fictili crudo impone, & operculum lutò circumquaque obline & agglutina: sic cremari (in fornace figulina) finito, donec fictilia percocta sint: deinde exemptum ebur in tenuissimum pulverem terito & cribrato, postea affunde aquam rosar. fragrantissim. q. s. & sicca: ubi ter contriveris hanc massam, ad-

de camphoræ unciam dimidiam, (fortè suffecerit drachma una vel dua,) atque iterum tere in tabula marmorea: post finge pastillos, & repone. Sed alii monent, ebur in apertò fictili cremandum esse, & sic candidum fieri, secus nigrescere.

Si uritur ebur, ut decet, Spodium ex eborè vocatur ad differentiam spodii mineralis: pro illo eboris spodio aliorum animalium ossa sæpe obtruduntur: uri autem debet in olla nova aperta, alioquin nigrescet: albissimum enim evadit, si in aperto igne, nigerrimum verò si in vase clauso calcinaveris: dum in illa calcinatione totum exhalavit sulphur, in hac verò quasi compressum & suffocatum fuit in talem nigredinem degenerans, ad quem effectum non parum etiam præstat liberior aeris accessus. Habetur etiam sine igne præparatum. Vid. Friderici Hoffmanni *Clavem Pharmaceutic. l. 5. f. 1. p. 660*. Egregium est absorbens: hinc adversus acidum morbosum, quibuscunque etiam in locis illud hæreat, optimum est medicamentum. Vid. D. C. I. Lange *lib. 1. de mat. Medic. p. 441*. De Spodio Græci & Arabes diversimodè sentiunt, quæ de re Matthiol. in *Dioscorid. cap. 46*. Garzias ab Horto *l. 3.* & Weckerus de Antidotis legi merentur.

Spodii nomine Græci & Arabes duas inter se maximè discrepantes res per homonymiam satis periculosam insigniverunt, quod præcipuè Pharmacopæis observandum, ne cum nocumento proximi utroque

indifferenter utantur: nam Græcorum Spodium nihil aliud est, quam Arsenicum seu Nil gryseum, quod instar pompholygis & Nil albi fornacibus fusoriis adhæret, & intra corpus non adhibetur. Spodium autem ustum & elotum est medicamentum mitissimum, & minimè mordax, secundum Galen. *4. de compos. med. secund. gen. Class. 5.* destituitur tamen sale volatili & oleo, nec pluris æstimatur, quam Cornu Cervi igne aperto ustum.

Arabes describunt alia spodia: nempe Primo: Spodium fossile seu subterreneum 4. generum, nimirum nigrum, viride, gryseum & luteum: secundum vocant antispodium seu Cannarum ex arundine quadam seu Canna factum: hoc ad nos non affertur, atque à D. Casp. Hornio in *tractatu de Elephanto p. m. 142.* non tam profectio, quam fictio habetur: qualis illa Canna fuerit, incertum est: hinc Fuchsius pro Canna Alkannam substituit, quo vocabulo Arabes Ligustrum denotant. Alii ex dactylorum nucleis combustis; alii ex foliis, floribus & baccis immaturis myrti; alii ex gallis, oleæ fruticibus, lentisco, terebintho, foliis rubi combustis, in pulverem redactis, aqua rosaceâ irroratis, iterumque exsiccatis Spodium parant: hodie ebur in frustra concisum, in ollam novam injectum, & in figuli furno combustum in pulverem & postmodum in trochiscos redigitur: id si ad differentiam Spodii mineralis seu Spodii Græcorum voca-

vocaretur antispodium, utique error, qui ob nominis similitudinem committi potest, facile præcavebitur.

Quamvis autem in ebore ustô vis quædam astringens & detergens adhuc lateat, maximam tamen suarum virium partem inter urendum amittit, siquidem præter caput mortuum & nonnihil salis fixi vix aliquid remanet. Ebur ustum sive nigrô sive albo colore spectabile fit, nihil aliud quam effœtus cinis vel terra sterilis est, neque sale quidem fixo (multorum judicio) in gremio ejus contento, ut scribit Zwelffers *Pharmacop. Reg. pag. 248.* Operæ itaque pretium foret, si absque igne philosophicè calcinetur, quemadmodum Cornu Cervi præparari solet: sic enim retineret sua principia hypostatica, & parum virtutis ipsi decederet, meliorique jure de ipso affirmari posset, quod viscera principalia confortet, vermes necet, conceptionem adjuvet, corroboret, ictericis atque epilepticis subveniat, aliaque similia præstet.

Melius esset meo aliorumque judicio, si pro Spodio vulgari rasura eboris substituatur, quæ longè majori virtute pollet, quam ebur ustum.

Sæpè ossa combusta, sive sint Elephantii, bovis, arietis, canis aut alterius animalis Spodio substitui solent, sed malè: usta enim ossa non sunt eadem, nec facile discernuntur. Spodii ex ossibus Elephantorum ustis olim usus fuit in Syrupis ad refrige-

randum: pulvis ejus cum succo plantaginis ad dysenteriam sanguinisque sputum datur, ut ex Plateario Gesnerus annotat *lib. 1. de Elephantis*: Spodium hoc sanguinem ex naribus fluentem sistere fertur. In morbo comitiali exhibetur cum mulsa secundum Gesnerum *l. c.* Valet in doloribus & tumoribus capitis, ut scribit Constantinus Africanus: qui post ægritudines, v. gr. lethargum aut pestem in oblivionem inciderint, eos maximè juvat secundum Aetium hiera Ruffi, & Castoreum cum oleo occipiti illitum: post purgationem per Hieram scobis dentis Elephantii drachmam unam è mulsa potam non parum juvare credunt.

/ Cordi subvenit eboris rasura, quæ frigida & sicca est secundum nonnullos in primo gradu: in secundo gradu talem esse putat Johann von Beverwyck im *Schatz der Ungesund. p. m. 66. cap. 11.* cum aliquâ astrictione, ut idem scribit *cap. 20.* & hinc intestinis eam subvenire arbitratur. Ingreditur species de gemmis calidas Mesuæ: In palpitatione cordis commendatur à Nicol. Agerio *Pharmacop. ref. p. 2. p. 648.*

Febriles effervescentias ebur philosophicè sine igne præparatum solet præcipitare in massa sanguinea, & compefcit acidum oberrans in corpore humano: dumque effervescentias febriles sistit, valdè commendatur in febribus ardentibus, ut & malignis propinatum cum antimonio diaphoretico: Vid. Ettmülleri *Zoologiam*, Schröderi dilucidati *pag. 172.*

Alexi-

Alexipharmaca illi vis non minus quam Cornu Cervi tribui solet: convenit itaque in febribus malignis. Idem *l. c.*

In febribus putridis magni æstimator, siquidem putredinem arcet: rationem reddit Stephanus Rodericus Castrensis *lib. 4. de meteor. Microcosm. c. 4. p. 164.* ubi inquit: Os ex corde Cervi, cornua & ebur credo putredinis remedia esse, quia putrescunt difficillimè, atque ita si quæ corpuscula corpori nostro apponunt, difficulter illa corruptibilia sunt, & juncta aliis, quæ jam in corpore adsunt, & corruptioni resistunt, numerum augent militum, quibus contra corruptionem pugnatur: sed abundet suo sensu Castrensis: magis credo verosimile, ebur febriles ex acido sylvestri promanantes effervescentias compescere & præcipitare: cum alexipharmacis mixtum pariter in malignis propinari potest ut vis ejus alioquin tardior excitetur & exaltetur.

Hæmoptoicis etiã conducit, secundum Constantinum Africanum *de animal. cap. 10.* In difficili dentitione mira præstare creditur ebur juxta Scribonium Largum. Ventriculo humido prodest ebur. Jonston. *hist. nat. l. c.* Ebur refrigerat & ficit, ventriculum, cor & epar roborat: Spodium autem seu ebur ustum refrigerat, ficit, & magis astringit, quam ebur, omnibusque partibus internis, præcipuè autem hepatis, robur confert, lumbricos enecat, albasque mulierum fluxiones compescit.

Vid. G. Bertini *lib. 18. de natura medicamentorum.*

Hypochondriacos quamplurimos usu eboris se sanasse Zacutus Lusitanus scribit *l. 2. prax. admir. pag. 138.* cui in flaccido resolutoque ventriculo roborando, eximendisque obstructionibus & discutiendis tetriflatibus palmam tribuit: removet stomachi dolores Amatô Lusitanô *commentar. in lib. 2.* Dioscorid. teste & Joh. Agricola plus quam alia pharmaca in hunc usum comparata.

Contra icterum in aqua plantaginis aut lupuli rasuram eboris exhibet Nicol. Augerius *Pharmacop. reform. part. 2.* Johannes Agricola scribit, Medicum quendam scobem eboris vino maceratam jejunis Ictericis propinasse non sine successu: conducit enim egregie diuturnis obstructionibus: quod confirmat Joh. Jacobus Weckerus *in antidotar. special. lib. 1. sect. 22. p. 148.* scribens: Rasura eboris morbo Regiô laborantibus ante cibum ex vino datur: si febris adest, ex aquâ endiviæ & Chichorei: Dof. drachma una jejunô ventriculô. Christoph. Love Morley *in Collectan. Chymic. Leydens. c. 150.* commendat valdoperè contra icterum sequens remedium: R2. Rasur. eboris ʒj. Rhabarbar. ʒj. Spir. nitri gtvj. vel viij Misce, & propina in aq. Cichor. binis vicibus, matutinô & vespertinô tempore, continuando per tres quatuorque dies, & sine dubio icterum cessaturum promittit.

Eboris

Eboris præparationem Pharmacopæa Augustana & Joh. Zwelfferus in *animadv. in Pharmacopeam Augustanam* p. m. 411. habet sequentem, cujus ferè similem supra dedimus: R. Eboris selecti in tenues lamellas seu frustula dissecti libram unam: id fictili crudo nondum cremato indatur, vasculi portione aliquâ in summitate aperta relicta, ne ebur inter urendum nigrescat: postea coquatur una cum reliquis fictilibus in fornace figuli ad perfectionem: hinc exemptum teratur, ac aquâ rosacea abluatur, rursus siccetur, & iterum abluatur, idque tertiâ vice fiat, lævigetur in marmore, & fiant Trochisci de spodio vulgò dicti: melius autem iudicio Ammanni de Mater. Med. Trochisci de ebore dici possent: his Trochiscis Gesnerus *l. 1. de Elephanto*, & Christoph Wirsungius *cap. 6. p. m. 10.* addunt Camphoræ unciam dimidiam, & contra omnia venena commendant, atque ejusmodi trochiscos simili modo ex Cornu Cervi fieri posse arbitrantur: meo autem iudicio hunc in finem Cornu Cervi philosophicè præparatum commodius adhiberi posset.

Modò citatus Christoph Wirsung. ebur ustum in doloribus capitis à crapulâ oriundis commendat in *Ärzney-Buch part. 1. cap. 2. §. 8.* in epiphor. oculorum, *idem p. 1. c. 7. p. m. 62.* in fistula carunculæ lachrymalis, *p. 66.* ad acuendum visum, *p. 76.* in hæmorrhag. narium, *p. 85.* in tremore artuum, *p. 116.* in aphthis, *p. 137.*

in gustu perduto, *p. 143.* in gingivâ denudatis, *p. 150.* dentium vacillatione, *p. 155.* in catarrhis frigidis, *p. 170.* in asthmate *p. 206.* in phthisi, *p. 223.* in sputo eruento, *pag. 213. 215.* in diarrhæa phthysicorum, *p. 224* ad Cor confortandum, *p. 227. 228.* in animi deliquiis, *p. 229. 230.* in palpitatione cordis *p. 233. & seq.* in herniâ aquosa *p. 248. & seq.* in imbecillitate ventriculi, *p. 293.* in lenteria exhibet drachmam unam, ut & diarrhœa & dysenteria, *p. 311. 314. 315.*

Syrupum antidysentericum & Syrupum de myrto ejusdem, ut & Syrupum contra icterum, quos omnes spodium ingreditur, videsis apud eundem Authorem *pag. 313. 350.* in tenasmo præscribitur ab eodem in electuario *pag. 223.* in obstructis & induratis lienibus trochiscos ex spodio describit, *pag. 364.* idem in siti immodicâ, nimio mensium fluxu, suffocatione uteri, abortu præcavendo, podagra, lepra, hæmorrhagiis, causo, synocho, hectica, peste, appetitu prostrato, hydrope ascite &c. ebore usto variis in formulis frequenter utitur.

Ingreditur præterea ebur usum varia composita in pharmacopoliis usitata, ex gr Electuarium è succo rosarum Nicolai, species diarrhœd. Abbat. diatrion, santal pleres archonticon Nicolai Præpositi, trochiscos de berber. de camphora, de eupatorio, de spodio, oleum Rhabarbari compositum, quod apud supra dictum Authorem *p. m. 658.* ut & Tabernæmontanum reperire licet,

Judicii Joh. Zwelferi in *Pharmacop. Reg. p. m. 248.* lubet heic meminisse: Non est, inquit, quod de ebore usto multa edisseram, cum per omnia Cornu Cervi ustum æmuletur: in quô, peracta ejus calcinatione, reliquum nihil est, quod destillationi inserviat: nam omnia à violentia ignis expulsa sunt, ossibus meris mortuis remanentibus: cedat igitur ebur ustum in alios usus & fortassis pictorios: è quô calcinatô album simul ac nigrum colorem eruunt: albissimum enim evadit ebur, si in aprico, non verò concluso vase calcinetur: nigerrimum contra colorem contrahit vase per calcinationem probè clauso: verum sive nigro sive albo colore spectabile sit, effœtus cinis veluti & terra sterilis est: neque sale quidem fixo (multorum judicio) in gremio ejus contento.

Nullius in Medicina usus esse apud Indos ebur scribit Garzias ab Horto *hist. aromat. l. 1. c. 14.* sed duntaxat ab Arabibus & Turcis usurpatur ex Avicennæ præscripto in iisdem remediis, quibus nos utimur: Ebur ustum est calx sive terra mortua, omni virtute & efficaciâ activâ spoliata, ut arbitratur Ettmüllerus loco supra citato: unde etiam rarioris interni usus est. Ebur cum suis præparatis rejicit Ludovici persuasus, omnia quæ ex his sperare possumus, in Cornu Cervi abunde posse obtineri, cum ebur ustum itemque sine igne præparatum ejusdem ferè sit cum Cornu Cervi naturæ & efficaciz: attamen in substantia vel

maximè ab Authoribus commendatur contra catarrhos tenues & falsos tum ustum, tum sine igne præparatum.

Sale volatili eboris cum aliis ex cornibus, ossibus & sim. in lue venerea utitur Blancardus in suo tractatu Germanico de morbo Gallico pag 328. Idem commendatur in praxi Chymiatricâ Anonymi contra epilepsiam & affectus soporosos. Salvolatile, oleum subtile, ut & crassius ex ebore paratur. Vid. Clavem Pharmaceuticam Friderici Hoffmanni l. 5. f. 1. p. 660.

Spiritum, sal volatile & oleum ex ebore elicit Excellentiss D. D. I. L. Hannemannus, quæ omnia odore & colore cum medicamentis ex Cornu Cervi paratis convenire scribit Ephemerid. Curiosor. Decad. 2. ann. 3. Obs. 56. nisi quod penetrantiora & subtiliora sint: Spiritum eboris in epilepsia curanda admirandam virtutem in fœmina quadam Batava exeruisse ibidem testatur: in syncope, palpitatione cordis, catarrho suffocativo, uteri suffocatione, mensium obstructione & pleuritide eundem deprædicat Olaus Borrichius Volum. 2. actor. Med. Hafn. Obs. 67. In insultibus epilepticis etiam opitulatur externè adhibitus.

Moses Charras *Pharmacop. Reg. c. 6. p. 179.* fragmenta eboris per retortam destillat atque inde elicit sal volatile & oleum, facultatibus non multum absimilia à sale volatili & oleo Cornu Cervi: reliquis in retorta frustis eboris intus & extra nigerimis,

rimis, dummodo destillatio ope ignis ultimi gradus peracta fuerit: hæc eboris fragmenta pictoribus in usum veniunt ad illum colorem nigrum effingendum, quem vocant de Velours in panno holoserico.

Cum succo citri præparatum ebur valdè dicitur roborare epar, & convenire in massæ fanguineæ deficiente crasi corrigenda: unde in tali casu solet misceri cum pulvere epatico rubro Dresdensium: sic pulvis epaticus D. Michaelis fit ex ebore sine igne præparato & pulvere epatico rubro Dresdensium. Vid. Ettmüllerus *loco supra citato*.

Calculos in renibus & vesica frangit eboris usti pulvis cum sanguine hirci datus. Rasura eboris ingreditur plura composita, ex. gr. Confectionem de hyacintho, electuar. de gemm. frigidum, species latificantes Galeni, liberant. electuarium contra pestem Ferdinandi Imperatoris, & alia multa.

Contra lumbricos cum Cornu Cervi miscetur. Vid. J. Jonston. *H. N. l. c.* Vermes necat, præsertim si simul febris adsit. Nic. Ager. *Pharmac. reform. c. 2. p. 648.* In lumbricis fugandis solet propinari infantibus, ubi ejus usus non est frustraneus secundum Ettmüllerum *loc. cit.* singulariter ad vermes in febribus valet, quia eos non ut alia calefacientia auget, ut scribit Joh. Jac. Weckerus in *antidotar. special. lib. 1. sect. 22. pag. 148.* Johann von Beverwyck *Schatz der Ungesunden cap. 20.*

Contra fluxum album mulierum commendat Nicol. Augerius *part. 2. der Reformirten Deutschen Apotheken p. m. 648.* ebur in porphyrite in pollinem tenuissimum tritum cum mucilagine seu cremore seminis lactucæ cum aqua chalybeata parata propinatum: quod etiam apud A. Matthiolum in *Commentar. in l. 2. Dioscor. c. 50. & Joh. von Beverwyck l. c.* reperire licet. Id præstat ebur compescendo acidum in illis præsertim mulieribus, quæ acido abundant secundum Ettmüllerum in Schröd. *dilucidat. Zoologie p. 172.* In suffocatione uteri datum ebur sine igne præparatum cum aqua appropriata à ℥j. ad drachm. sem. & ad scrupulos 2. laudat idem *l. c.*

Conceptionem juvare ebur plurimi Practici affirmant. Vid. J. Jonston. *H. N. l. c.* Johann von Beverwyck *Schatz der Ungesund. cap. 18. p. m. 66.* Nicol. Ager. *l. c.* ad hunc finem laudat limaturam eboris ad drachm. j. & sem. in aq. melissæ calida & saccharo edulcorata propinatam, corpore prius purgato & venæsectione administrata, balneisque ex herbis uterinis postmodum adhibitis.

Ebur foeminas fecundare scribit Zacutus Lusitanus *de Med. Princ. Histor. in Indice.* Hujus usu mulieres ad concipiendum foetum aptissimas reddi, ex Dioscoride, Matthiolo & Andernaco notat Joh. Jac. Weckerus *loco supra citato.* Johannes Anglicus in *Rosa Anglica p. m. 562.* præscribit ad fecunditatem mulierum sequentem pulverem, quem vocat
li 2 ebur.

eburneum. Recipe limaturæ eboris, fefelios, matricis leporis, coaguli ejusdem ana q. p. ex ficcatis f. Pulvis, quô utatur manè & serò cum brodio cicerum, carniū, vinô albo, decoct. liquirit. & sim.

Nonnulli negant ebur in sterilibus mulieribus fecunditatem procurare posse, cum hoc animal sit paucæ prolis, & tardè pariat: ideoque contrarium statuunt, illudque potius sterilitatem inducere, quam conceptionem promovere existimant: quæ ratio, cum infirmo stet talô, assensum non meretur.

Abortum præcavere limaturam eboris ad drachmam unam in aquâ plantaginis sumptam scribit Nic. Augerius *l. c.* quod confirmat Ettmüllerus *loc. cit.* qui ebur cum coralliis præparatis hunc in finem exhibet, Frideric. Hoffmannus *l. 5. Pharmacop. Med. Chym. p. m. 660.* cum coralliis rubris præparatis & osse de corde Cervi ad confortandum fœtum & abortum præcavendum ebur commendat: nec minus in dentitione difficili puerorum ebur laudatur.

Gelatina ex ebore per aliquot horas cocto in aqua florum acaciæ & plantaginis ana q. f. in mictione cruenta sistenda magni est momenti: hæc egregiè confortat, simulque stomachica, epatica & uterina est secundum Frideric. Hoffmannum *in clave Pharmaceutica l. c.* In stomacho debili hæc, ut & gelatina Cornu Cervi citius subigitur, quam pulveres, quemadmodum etiam acida spicula in ventriculo & sanguine visciditate

suâ promptius inhibet & infringit: præterea hæc gelatina felici cum successu in febre hectica, & fluxu mulierum albo exhibetur.

Magisterium eboris vulgò sequenti modò paratur: Recipe Rasuræ eboris, quantum placet, inde alem-bico & affunde spiritum vitrioli vel aliud menstruum corrosivum usque ad pulmenti consistentiam, stent in B. M. per aliquot dies in digestionem, solutioni adde aquam calidam & pone iterum ad digerendum. NB. In B. M. fit clara solutio, postea colentur calida adhuc per linteum: remanentiam rursus inde alem-bico, procede ut antè, & hunc laborem repete, donec in linteô nihil remaneat: postea omnia conjunge, & coque in B. M. usque dum clara fiat solutio: hinc filtra calidè per chartam bibulam: inde omnia alem-bico, atque ex arenâ abstrahere phlegma: residuum præcipita cum f. q. spir. Vitriol. aut ol. Tartari per deliquium, quod in fundo remanet, dulcoretur affusa sæpius aquâ, & tandem l. a. exsicceetur.

Magisterium antepilepticum Prævotii est tale: Rec. Rasuræ eboris, Cornu Cervi, ungulæ Alcis, cranei humani ex homine suspenso ana q. v. injiciantur cucurbitæ, super affundatur pro imbuendo solum spir. nitri q. f. stent per dies tres, postea adde aceti destillati q. f. pro dissolutione, & denuo digestio instituat per dies 14 & ultra: solutionem tandem prius filtratam & colatam præcipita cum spiritu Vitrioli, (melius

lius cum solutione Salis proprii cum aqua florum tiliæ factâ,) vel solutiones filtratas ad siccitatem exhalare permitte: Magisterium in fundo relictum ablue & edulcora tamdiu, donec ab omni aciditate & acrimonia sit liberum, tandem exsiccet. Dosis à scrupulo dimidio ad drachmam sem.

Ossium Elephanti pulvis cum menthaströ montano etiam pulverisatô mixtus in potu propinatus illi, quem primum infecit lepra, plurimum prodest secundum Rhafem. Ebur & Castoreum rabido equo cum lacte infunduntur teste Nemesiano.

Ad usum externum etiam cosmeticum, inservit ebur: Sic ramentis eboris præparatis & cum melle Atticô illitis maculæ in facie tolluntur secundum Joh. Jonston. *H. N. loc. cit.* scobe paronychia sanatur. Plin. *H. N. lib. 28. cap. 8.* Mulier si quotidie pulvere eboris faciem fricuerit, maculas tollet, scribit Sextus, & Constantinus Africanus *de animalibus cap. 10.*

In affectibus dolorificis præsertim humerorum Christoph. Wirsung. laudat sequens linimentum, quod inter alia etiam ebur ustum ingreditur: R. Ol. coct. cheirin. ℥i℥. coctin. ℥j. eboris usti, santal, rubr. &

alb. rosar. rubrar. ana ℥j. amyli ℥i℥. Croci Or. ℥j. vitell. ov. q. f. M. f. l. a. unguentum. Idem immiscet ebur ustum linimentis in gonorrhæa, item emplastro de crusta panis in dysenteria. Externè adhibetur Spodium seu ebur ustum in collyriis & exsiccandis vulneribus secundum Ettmüllerum *loco supra citato.* Elephantinum Emplastrum describit Celsus *lib. 5.*

Ex ebore per artem parantur dentes in locum decidendum aut ob senium attritorum inferendi non solum ad decorem, sed & meliorem loquelam: contra hernias puerorum limaturam eboris externè applicatam commendat Nic. Ager *l. c.* Ebur ad nigredinem calcinatum & subtilissimè præparatum ingreditur balsamum apoplecticum. Vid. Dispensatorium Brandenburgicum *pag. 24.*

Ebur adulteratur à nonnullis ossibus piscium aut aliorum animalium: facile tamen fucus probè insipienti patebit. Ossium Elephanti olim pro Giganteis habitorum mentionem facit Excellentissimus Pollux Collega noster Garmannus *b. m. l. 1. de miraculis mortuorum tit. 10. §. 18. pag. 99.*

PARTIS III. CAPUT VIII.

Ebur seu Unicornu fossile rimatur.

Lubet nunc absconditas ingredi Terræ cryptas, ibidemque rimari Ebur fossile, quod alii ad minerale, alii ad animale Regnum pertinere, atque â tempore universalis diluvii in gremio terræ latuisse putant: ut olim septem Græciæ urbes de Patriâ Homeri rixabantur: sic etiam pro natali hujus fossilis materiæ solo animale & minerale Regnum hæcenus pertinaciter certarunt.

Ad Regnum animale vix pertinere videtur, cum tanta interdum ipsius reperiatur quantitas & copia, ut nihil minus, quam eboris figuram, & sæpè grandium nimis animalium ossa, stirpes & truncos arborum, ut & informem rudemque massam aut molem informem referat: imò sæpius tam crassum & magnum reperitur, ut vel hoc solo manifestum sit, quod â nullo unquam animali sit productum: ossa autem ê terrâ nasci, inveniri que lapides osseos, ex Theophrasto patet, idque attestatur Plinius l. 36. c. 18.

Sunt tamen, qui ebur in Italiâ fossile ab Elephantorum ab Hannibale ex Africâ in Italiam deductorum cornibus (vulgò dentibus) ibidem defossis deducere videntur: quos quidem non prorsus â scopo aberrare arbitrari licet, cum non sit omni-

nò impossibile, quod Elephantorum sceleta, imprimis tam spissa & compacta eorum cornua, quæ suâ naturâ cariei & putredini resistunt, per tot secula in terrâ præsertim aridâ & siccâ latere potuerint incorrupta: sic Ephemeridum Curiosor. *Decuria 2. anni 7. Observ. 234.* mentio fit ossium prope terram Vitorchiani, Viterbienlis diœces. repertorum, quæ revera Elephantorum fuisse, factâ collatione cum aliis Elephantorum ossibus, & quidem illorum, quorum Plinius *cap. 2. & 6.* meminit, ibidem asseritur.

Quid verò sentiendum de aliis Regionibus ejusmodi ebur fossile producentibus, in quibus nunquam fuit visus Elephas? Non autem in omni terra ejusmodi succum petrificum seu Gorgonicum reperiri certum est: ex jam dictis patet, ebur fossile non ad aliud, quam ad minerale Regnum pertinere: accedit, quod Authores omni exceptione majores promiscuè ebur hoc modo fossile, modo minerale nominant, videlicet in terræ utero generatum.

Itaque non omne Ebur ex Elephanto est, siquidem datur etiam fossile, quod â Theophrasto in libro de Lapidibus *ἐλέφας ὀρυκτός* dicitur:

tur: quod observans Plinius *lib. 36. cap. 18.* ait: Theophrastus author est, etiam ebur fosfile candido & nigro colore præditum reperiri, quin etiam ossa e terra nasci, inveniri que lapides osseos: hinc rectè Scaliger. *de subtil. exerc. 137.* inquit: Ebur fosfile nihil aliud est, quam lapis: sic datur ebum fosfile, gagati similitum: Ebeni enim lignum intra terram diu conditum lapidescit, quod etiam aliis lignis contingere in terra defossis vel in aceto asservatis compertum est: abietes enim in Elbogano simul cum corticibus lapideis inventæ sunt, in quorum scissuris pyrites aureus concrevit: & querna trabs lapidea Hildeshemi visitur: lapidescunt & ossa animalium, testæ ostrearum ac reliqua conchylia, imò integra animalia: nam succus lapidificus, quæcunque ipsum biberint, in lapidem convertit: eadem ratio videtur in ebore fossili apud Theophrastum candido & nigro. Vid. Andr. Cæsalpin. *lib. 2. de Metallicis cap. 41.* nam aut ipsum ebur intra terram lapidescit, aut lapides illi similes ibi gignuntur.

Quod ligno contingit, idem in Cornibus Cervinis, Elephantinis, aliisque quadrupedum partibus solidis, si in loca certa decidant, fieri potest, præsertim si coagulabilis & lacteus humor ejusmodi materiam idoneam in visceribus terræ invenit.

Vocatur ebur fosfile, quia verum & nativum ebur æmulatur. Vid. Joh. Laur. Bausch. *τὸ μακρίν* sche-

diasma de unicornu fossili: dicitur etiam Cornu fosfile, quibusdam Ceratites, Osteites, enastos: aliis Lithomarga alba: item spodium fosfile, siquidem instar spodii seu eboris usti linguæ adhæret.

De ebore fossili sic scribit Garzias ab Horto *lib. 1. cap. 14.* Mirari subit, à quo Andreas Lacuna edoctus fosfile & minerale ebur scripserit, quandoquidem nihil à veritate magis alienum sit: secus sentit Clusius in notis in Dioscoridem *l. 2. c. 50.* inquiens: Laminulis quibusdam eboris fossilis, quæ nativum æmulantur, sed crusta quadam candidissima inductæ sunt, ante biennium a Rasio nostro omnium Naturæ miraculorum diligentissimo observatore donatus sum: in Italia erui hoc ebur intelligo, & magno in usu ibi esse adversus virulentorum animalium morsus.

Generatur hoc minerale secundum illustrem nostrum Bauschium *b. m.* & alios Authores ex argilla, bolo vel marga, eorumque lapidifico succo, qui in quodcunque obvium influens illud transmutat, transformat, ejusque particulas sibi assimilat: ut plurimum oritur sua spontè more aliorum mineralium, quorum generatio & causa abstrusa est: aquam coagulata sulphuream pro materia habet. Vid. I. I. Beccherus *metalurgia part. 1. p. 5.* Andr. Libavius hujus mineralis generationem a bitumine deducit *part. 3. singular. lib. 8. cap. 27.*

Qui viderit tesseræ luforias lapideas in Helvetia fossiles, quorum mentionem facit Wagnerus in *historia naturali Helvetiæ curiosa* p. 329. non mirabitur, materiam ebori similem in terra per naturæ nunquam otiosæ lufum mediante Spiritu lapidifico Gorgonicô, succô Vitriolaceô, & sæpè cooperante igne subterraneo, ut & Solis calore produci: non desunt autem, qui illud genuinum ebur ad terræ cryptas fluviorum impetu vel terræ motu detrusum, vel, ut supra dictum, in universali diluvio submersum, & tot secula in terræ gremio absconditum fuisse arbitrantur: ob quandam figuræ similitudinem a nonnullis dicitur unicornu fossile vel Cornu fossile, cum interdum Cornu Monocerotis referat: sunt, qui vocant Spodium minerale, credentes, verum ebur in terræ penetralibus diutius detentum tandem prorsus exsiccatum, corrosum & exesum esse, ut ferè idem fit cum ebore calcinato seu Spodio Officinarum.

Philippus Hecstetterus *Decad. 5. Observat. Med. Cas. 9.* statuit, spodium hoc fossile esse cujusdam ossis diu in terra detenti ibidemque exsiccati portionem, sive sit Cornu vel vulgo dens Elephantis, sive alterius cujusdam animalis os aut cornu: magis tamen vero videtur esse consentanea opinio statuentium, ebur hoc profapiæ mineralis esse, non originis animalis, cum tanta moles & longitudo corporum corniformium ex terra effossorum vix proportioni

geometricæ animalis cujusdam respondeat: tantæ enim magnitudinis fuisse debuisset, quanta est magna quædam navis oneraria, ut recte judicat C. Bartholinus *l. 2. c. 42.* Si etiam a dentibus fossilibus & ab eorum quantitate aliquis vellet facere computationem, quale putas hinc exoriturum portentum giganteum & instar montis monstrum, nunquam in rerum natura visum & observatum.

Positô autem, sed non concessô, ebur hoc ex Elephanto ducere originem, vix tamen credibile est, tanta corpora in Cataclismo universali per tot obstacula montium, vallium & convallium ex Orientalibus suis locis ad septentrionalia & alia distissima loca devolvi, & per tot annorum millenarios integra & incorrupta manere potuisse.

A. Boëtius de Boot *Hist. gemm. & lap. l. 2.* Hoc ebur ceratitem vocat, id est, lapidem colore & lavore, interdum etiam formâ ipsa cornu referentem, quemadmodum lapis ille qui conchas & cochleas exhibet, conchites & cochlites dicitur: sic lapis etiam apud nos reperitur, quem cornu Ammonis nominant, eô, quod cornu arietis in se reflexi, Jovis Ammonis galeæ olim assignati effigiem exhibeat, unde Ammonites appellatur: & lapis scissilis Islebientis variorum piscium aliasque figuras eleganter exprimit.

Celeberrimus naturæ Curiosorum antesignanus Bauschius, modo citatus beatæ recordationis, in suo Schematice

diasmate de unicornu fossili ex aliorum etiam Authorum mente ebur fossile lithomargam albam; Cæsalpinus *verò lib. 2. de metallis cap. 40.* lapidem Arabicum Dioscoridis nuncupat.

Est itaque ebur fossile substantia mineralis, lapidea, porosa, astringens, mollior tamen & levior aliis faxis præsertim in medullâ, quoad crustam autem externam durior, â spiritu lapidifico in terræ visceribus in formas varias & usus producta. Substantia exterius secundum Schröderum *Pharmacop. l. 3. cap. 8.* ut plurimum dura, intrinsecus plerumque mollis, alba, levis, friabilis, interdum compactior absque poris, linguæ firmiter adhærens, odore nonnunquam gratô: cortex exterior interdum flavescit, cinereus, albus & subniger est.

Materia, ex quâ ebur fossile generatur, secundum Bôëthium de Boot est Margæ species affluxu aquæ subterraneæ petrificæ in albicantem substantiam soluta, post transitum per terræ canales in cavitatem aliquam fortê obviam effusa, ibidemque pro matricis suæ conditione & diversitate rerum, quibus se insinuat, scilicet lignorum vetustorum, cornuum & similibus, in certam figuram coalescens, in lapidem concreescens, & varium odorem concipiens.

Effoditur brachii densitate, longitudine & figura varia, in Silesia, Moravia, Saxonia, Franconia, Hassia, Helvetia, Suevia & alibi: In Thu-

ringia prope Tonnâ paucis abhinc annis repertum est ebur fossile bonæ notæ, prægrandis Elephantini sceleti formam aliquô modô exprimens, de quo magna lis inter nonnullos eruditos est exorta: erat enim, qui non dubitabat asserere, fuisse ex veri Elephantis in terrâ reperti sceletô: tandem autem vicerunt, qui illud aliorum mineralium more productum esse, ad oculum demonstrabant.

Architectricis Naturæ, licet *ἀπαι-
δευτῆς*, hoc opus est, cujus ductu Spiritus ille lapidificus pro subjecta materia in matrice terræ hoc vel alio modo operatur: sunt sub terra minus nota nobis jura Naturæ, sed non minus certa, inquit Seneca: videantur de hoc ebore fossili Burgdonnensi, quæ Ephemeridibus Curiosorum inseruit Excell. Dn. D. Joh. Georg. Hoyerus *Decur. III. Obs. CLXXV. Ann. 7. & 8.*

Qualitates Eboris fossilis Authores observarunt diversas: an instar lapidis violacei odorem quandam obtineat, incertum: sunt tamen, qui non ingratum esse, & sæpenumero ambram & moschum illud redolere statuunt: hic fragrans odor si adest, nullum est dubium, quin cor inde roboretur, & contra venena, febres malignas, ipsamque pestem abigendam, tanquam antidotum aliis admiscendum valeat. Dosis ejus, quando solitarium exhibetur, est drachma una, vel scrupuli quatuor secundum Bauschium *loc. cit.*

in vinô oligophorô absente vehemementi febre: sudandum autem est post hujus eboris usum: vires exferit terræ sigillatæ æmulas, præcipientes scilicet, diaphoreticas & alexipharmacas: odorem modò laudatus Bauschius observavit talem, qualem cotonea poma & lac amygdalatum habent.

Saporis expers est, instar cretæ: adhærescit linguæ instar ossium, quæ torturam ignis passâ & in calcem reducta sunt, non secus ac cornu cervi ustum & alia Vulcani violentiam experta: lineolæ & puncta variorum colorum, potissimum autem nigricantia ad medullam etiam penetrantia ut plurimum apparent in ebore fossili, quod sic â vero ebore discernitur, quippe quod quoad suam substantiam albet & candidum est. Rimas insuper & crustas habet more ossium: superficies durior est medulla ob humiditatem â proxima terra ficca, aere, atque extraneo, ut & subterraneo calore exhaustam.

Vir quondam Celeberrimus D. Rappius, Archiater Moguntinus vidit aliquando capream solidè expressam ex ejusmodi materia, in corpore quidem gypsi instar friabiliori, in cornibus verò compactiori, ut refert Bauschius *l. c.*

In aqua immersum ebur fossile bullas emittit instar terræ sigillatæ vel alterius cujusdam terræ ficioris, non autem facile dissolvitur, utut aqua porulis ejus affatim se infinet, quod tamen fieri solet affuso spiritu Vitrioli & ol. Tartari per de-

liquium, aceto destillato & similibus, secus autem spiritu falis ammoniaci.

Supra allegatus Boetius de Boot aliique authores hoc ebur fossile pro antidoto contra venena habet, sed putat, & quidem rectè, cautelâ heic opus esse, nec statim quodlibet ebur fossile propinandum, sed in ejus virtutes prius accuratè inquirendum esse: siquidem hoc ebur non est unius generis, sed ob diversitatem suæ originis, materiæ admixtæ & natalis soli genium valdè differt, mollius & medullosum facultatem habet exsiccandi, astringendi, & proinde sistendi alvi profluvia, gonorrhæam, fluxum album mulierum, hæmorrhagiam narium, hæmorrhoides: medulla rerum admixtarum facultates æmulatur.

Ebur hoc fossile viribus ferè iisdem, quibus terra sigillata Silesiaca vel Turcica, Melitensis, vel Hassiaca, aut bolus aliquis medicinalis, item quantum ad vim alexipharmacam majoribus, quam unicornu verum ita dictum, præditum esse, existimat non abs re supra laudatus Bauschius *loc. cit.* quod facile in pulverem redigitur, linguæ adhæret, & molle est, majores habet vires, eò magis exsiccat, stipticum est, ulcera ad cicatricem perducit, sanguinem è naribus, hæmorrhoidibus, vulneribus aut è thorace erumpentem sistit, & contra supra memoratos morbos valdè opere conducit, ut scribit idem *l. c.*

Optimum autem, selectum & purissimum propinandum est: facile enim potest fieri, ut de particulis metallicis heterogeneis, fortassis etiam arsenicalibus, non nihil participet, & sic pro medela sperata subsequatur noxa: eligendum est molle, quod linguæ adhæret, gratum odorem spirat, medullam habet, & facile in pulverem redigitur: quamvis illud, quod deterioris notæ est, etiam vim exsiccandi obtineat: non autem ebur fossile ad omnia venena extirpanda valet, siquidem magna illorum est diversitas, & quodlibet ferè venenum peculiare antidotum habet: ubi verò veneno resistendum simulque exsiccandum & adstringendum est, existimo, ebur fossile cum alio antidoto mixtum cum successu in usum trahi posse, cum particulis suis Alkalinis & vi quâdam balsamica humores nimis agitados in ordinem redigere, eorum acrimoniam infringere, & spiritus irritatos mitigare aptum natum sit.

Proinde pariter locum habebit in curandis febribus malignis, variolis, morbillis, pleuritide, scorbuto, dysenteria, diarrhœa, hæmorrhagiis, cardialgia, anxietate præcordiali, animi deliquiis aliisque affectibus, in quibus potissi-

mum acidum exuberat, quod absorbere & compescere valet.

Sudorem præterea movet vel solum a scrupulo uno ad drachmam unam in appropriatò vehiculò exhibitum, vel cum antimonio diaphoreticò aliisque bezoarticis copulatum: in epilepsia cum cinnabarinis, succinatis, craniò humanò, ungula Alcis aliisque antepilepticis propinatum post præmissa universalia laudatur: helminthagogum etiam est: recens autem majores exserit virtutes & longè efficacius est obsoleto: tractu enim temporis aufugientibus istis, quibus recens prægnans est, spiritibus mechanicis, multum de sua bonitate remittere videtur, ita etiam censente beato nostro Bauschio *loc. cit.* Ex recenti ebore fossili etiam Spiritus elici potest ejusdem cum spiritu terræ sigillatæ virtutis.

Externus ejus usus est exsicicans & astringens in ulceribus dysepulotis, quæ ad cicatricem perducit: item in ambustis: in epiphora nimiam profusionem lachrymarum tanquam Collyrium tollit in tenuissimum pollinem redactum & cum lacte oculis instillatum.

PARTIS III. CAPUT IX.

Historiam inclyti Regii Ordinis Elephantini breviter proponit.

Religio mihi est, dum hæc de Elephantis analecta in chartam conjicio, planè indictum præterire inclytum & per Orbem famigeratissimum Regium Ordinem Elephantinum, qui sanè ob summos terrarum Dominos, qui illo gaudent & insigniuntur, prolixas laudes adeoque integrum tractatum meretur: quocirca mecum constitui ad majorem hujus gloriam & honorem pauca saltem *ὡς ἐν παρόδῳ* de illo huic tractatui inferere, nullus dubitans, si fortè nimis succinctâ brevitate in re tanta describenda usus fuero, & quasi Iliadem in nuce benevolo Lectori exhibuero, me veniam impetraturum, siquidem plura de hoc nos latent: interea

In magnis voluisse sat est, si non datur ultra.

Julium Cæsarem Elephantum à se cæsum, Maurorum lingua Cæsar dictum, pro insignibus habuisse, ejusque effigiem numismati insculpi curasse, astruunt Sigonius de Fastis, & Petrus Heig. in *comment. ad præm. Institut. N. 18.* in hōc nummō videre licuit Elephantum promuscido erectâ cum serpente congre-

dientem: in alterâ parte serpentem Elephantis pedibus obtritum cum inscriptione: Cæsar: potes ex illo lacesitum bellō, & hōc confectum intelligere. Vid. Pierium l. 2. *Hieroglyph.*

Augusto Imperatori currum cum quatuor Elephantis Senatus Populusque Romanus in nummis decrevit, ut & Imperatori Vespasiano re in Oriente benè gestâ: Philippi Imperatoris nummus exhibet Elephantum sub Magistro gradientem cum inscriptione: ÆTERNITAS AUG. In Antonini Pii numismate videtur Elephas cum epigraphe: MUNIFICENTIA AUG. Idem l. c. In multis denariis antiquis Metellorum res gestas indicantibus nunc Elephas unus impressus fuit, nunc ad currum juncti duo cum Imperatore stante, quem victoria coronat. Vid. *annotat. in Plin. l. 8. c. 6.*

Igitur non sine ratione hoc nobile animal, (quod præ reliquis quam proximè ad humanos sensus accedit, sermonem patrium percipit, maxime diligens & solers est, etiam recubando non dormiens, robore & consiliō constat, religionem, virginitatem, clementiam Regiam & Regna firmantem pietatem colit, cœlestium

stium intelligentiam habet, Regisque simulacrum eorum maximus præbet, ut supra ex Dion. Cassio *l. 39. hist. p. 107.* & pluribus authoribus fuisse dictum & demonstratum est) in signa & insignia militiæ gentisque assumptum est olim, postmodum etiam à Potentissimis Daniæ Regibus in tesseram inclyti Ordinis Elephantini adoptatum: & sanè omnium calculo vix eligi potuisset animal nobilius Elephantò, fortitudinis scilicet, magnanimitatis aliarumque virtutum non eçtypo, sed archetypo.

Regius hic & per Orbem celebratissimus ad DEI ter Opt. Maximi gloriam, Christianismi incrementum, Patriæ defensionem & heroicarum virtutum incitamentum, Danicique Regni majorem splendorem fundatus Ordo non infimum inter torquatos Ordines locum jure meritoque obtinet, non nisi Regibus, Principibus, magnisque Terrarum Dominis iisque de Republica bene meritis hætenus conferri solitus: sub quò Rege Daniæ autem primam hic Ordo traxerit originem, incertum & non adeò notum est, hæcque de re Authores diversas abeunt in sententias: hinc optandum esset, ut illa, quæ hæc in parte desiderantur, ex Archivo Regio Orbi literato aliquando communicarentur: interim in breviter pertexenda hujus Ordinis historiâ progredimur quòusque licet, contenti illis, quæ ab Authoribus, utut valdoperè inter se dissentientibus, passim recensentur; inter

quos est Leonhardus Ludovicus Voigt/ qui anno 1673. edidit tractatum, in quem varia ex antiquis Daniæ monumentis & manuscriptis, præsertim Regii Historici Hertzholmii autographo de hoc Ordine excerpta inseruit.

Hic Author orditur hoc suum opus à rebus Danorum fortiter gestis in expeditione bellicâ à Gothofredo Bullionæo ejusque fratre Balduinò primo contra Saracenos suscepta, cui interfuerunt nonnulli Daniæ Principes pro honore CHRISTI fortiter & strenuè dimicantes, qui in reportatæ victoriæ signum pro tesserâ militari Elephantum de torque pendulum elegisse, & sic Ordinem Elephantinum etiam in hostium terrorem instituisse creduntur: sic Batavi Leone armato hunc in finem in insignibus & numismatibus utuntur. Sunt, qui unum ex his Principibus in acie cum Elephantò pugnasse, eum occidisse, & postmodum Elephantinum Ordinem in hujus rei memoriam fundasse affirmant.

Tantoperè variant Scriptores in designando hujus Ordinis primo Fundatore, ut cui fidem adhibeas, dubius hæreas: nonnulli cum Meneniò & Pontano statuunt, Christianum III. & IV. hujus Ordinis primordia posuisse, sed falluntur & fallunt, nam hic Ordo longè antiquior est: Alii Fridericum II, alii Johannem, alii Christiernum I. Anno 1474. hunc Ordinem Equestrem incepisse volunt, ut putat Joh. Jacob Hoff-

mannus *Lexic. Universal. pag. 587.* Sed & hi videntur à janua aberrare.

Verisimile est, Canutum VI. Waldemari M. filium, ejusque in Regnò successorem bellò contra Syros, Mauros & Barbaros Livonos fortiter gestò indubitatum hujus Regii Ordinis fundatorem fuisse: hic enim fratri suo Waldemaro II. in hunc Ordinem recepto pro tessera Elephantum assignavit: quod Christianus I. si non fundator Ordinis hujus, attamen renovator fuerit, arbitratur Excellentissimus noster Collega Paulini *b. m. im Philosoph. Geuer-Abend p. 614.* utique credibile est, Ordinis Elephantini insignia habuisse hunc Regem per manus quasi relicta, Romamque secum pertulisse, ad cujus Regis instantiam Sixtus IV. Pontifex Max. non solum hunc Ordinem confirmavit, verum etiam insignia ejus corona spinea & tribus clavis cruentis in honorem & memoriam Passionis Domini JESU CHRISTI Salvatoris nostri auxit: dubio procul modò dictus Pontifex intentionem habuit, hunc Ordinem, qui militaris antea fuerat, in sacrum convertere, idque eò fine, ut ad expeditionem sacram contra infideles Rex excitaretur, & recordatio mortis CHRISTI perennaret. Hinc etiam Illustres Matronæ & Virgines in Societatem hujus Ordinis olim cooptatæ narrantur, eò fine, ut elemosynis, meditationibus & lectionibus sacris vacarent: quod tamen ex manuscripto quòdam veteri mihi

aliquando communicatum, tanquam incertum in medio relinquo.

Antiquum hujus Regiæ Societatis insigne fuit aureus torques ex quatuor turritis Elephantis & totidem crucibus anchoriformibus coagmentatus cum inferius appensa aurea imagine beatissimæ Virginis Deiparæ JESULUM gestantis & radiis Solaribus circumdata, sub cujus pedibus crescens videbatur Luna: crucibus jam dictis postmodum substituta sunt calcaria ab equestri Ordine gestari solita. Witfeldius & Pontanus Historici hoc Ordinis insigne etiam aureum vellus vocant, non quidem quod revera tale sit vel fuerit, sed quod dignitate & antiquitate aureo velleri vix cedat: plusculos enim annos Ordo Danorum equestris ante Philippi Burgundi, qui aurei velleris conditor primus fertur, ætatem computat.

Rex Fridericus II. ordinavit saltem unum turritum Elephantum ex aurea catena pendentem, in cujus corpore litera F. in pectore Regis Symbolum: M. H. I. Z. G. A. id est: *Meine Hoffnung ist zu Gott allein:* sub pedibus verò sequentes literæ. T. I. W. B. id est: *Treue ist mild* Brett inscripti erant. Idem Rex An. 1580. in honorem Ordinis jusfit cudi monetam, cujus unum latum exhibebat ipsius iconem aureo torque cum uno Elephanto ornatam: alterum verò latum Elephantum cum castello, & in ejus pectore literam F, sub pedibus verò supra dictas

Ætas literas, T. I. W. B. id est: Treue ist wild Brett: cujusmodi monetas plures apud Danos videre licet. B. M. Virgini Deiparæ consecratum olim fuisse hunc Ordinem, insignia monstrant, quæ cum imagine sanctæ DEI genitricis clavis tribus & crucibus Elephanto appensis pinguntur à Bernhardo Justiniano in historiâ Chronologicâ Ordinum Equestrium ex fide dignis Historicis collectâ.

Christianus IV. Rex Daniæ, gloriosissimæ memoriæ, medium Elephantum 4. adamantibus decussatim positis insignivit, cum lemmate: Elephas non curat muscas: & symbolo: Regna firmat pietas. Fridericus III. Rex Daniæ, felicissimæ memoriæ, in honorem & recordationem quinque CHRISTI vulnerum quinque adamantibus in crucis formam dispositis Elephanti aurei pectus exornavit, sublata aurea catena, & in hujus locum substituto ligamento caruleo serico, additâque insuper argentea stellâ cum elegantissimi symbolo ab Abrahamo Patriarchâ mutuato: DOMINUS PROVIDEBIT.

Moderni hujus Regii Ordinis Equites gestant ex caruleo serico ligamine pendentem Elephantum turritum, cujus cervici infidet Æthiops cum jaculo: in medio corpore autem spectantur quinque adamantes in forma crucis positi: præterea in sinistro pectoris latere gerunt argenteam stellam, quatuor majoribus & totidem minoribus ra-

diis coruscantem, in cujus medio ex campo rubro splendet crux argentea laureo fertò circumdata. Si fides habenda est nonnullorum relationibus, hodie decretum est, ut nemo imposterum ad hunc Ordinem recipiatur, nisi prius Ordinis Danebrogici Eques exstiterit.

Ex meris Religiosis olim constitisse hunc Regium equestrem Ordinem opinatur cum Mennenio Miræus, D. Oliger, Jacobæus, Professor Hafnienfis & Bernhardus Justinianus in historia Chronologica Ordinum equestrium ex fide dignis historicis collecta, ut & Voigtius, cum in honorem beatæ Mariæ Virginis contra Saracenos piò consilio fuerit institutus: verum enimverò si omnes in hunc Ordinem recepti religiosi fuissent, ob conceptum perpetuæ castitatis votum obstricti fuissent ad cælibatum, debuissentque à matrimonio abstinere, quod tamen experientia refellit: siquidem Ludovicus Mantuæ Marchio, quem Christianus I. in Italiam profectus cum aliis Magnatibus in Ordinem recepit, cum his uxoratus fuit: accedit, quod de reliquis religiosorum votis aliisque præstandis altum apud Authores sit silentium.

Itaque inter seculares Ordines sibi locum meritò vendicat hic Ordo à Potentissimis Daniæ Regibus ad immortalem DEI ter Opt. Max. gloriam, regni ornamentum, patriæ emolumentum & salutem, atque ad res fortiter gerendas, præsertim contra Christiani nominis hostes majorem

rem stimulum piâ & nunquam satis celebranda intentione institutus.

In principio nullis exteris Principibus, sed tantum indigenis conferebatur hic Ordo: nunc aliis etiam ad hunc patet aditus, Ordine in quatuor classes redacto: prima classis concernit Regiam domum: secunda Electores: tertia Duces, Principes, Landgravios & Marchiones: quarta Comites, Barones aliosque Regios Ministros de Republicâ benè meritos: totus Ordo nuper constitit ex triginta sex Equitibus, quorum catalogum cum ceremoniis in collatione insignium observari solitis aliisque notatu dignis videsis apud Authorem der monatlichen Unterredungen An. 1693. pag. 919.

Statuta hujus inclyti ordinis hætenus à multis desiderata hæc inferere operæ pretium duco, prout illa etiam germanicò idiomate expressit Excell. D. Collega noster Arion Christianus Francisc. Paullini *b. m.* im *Philosophischen Jeyer, Abend* p. 621. Sunt autem sequentia:

I. Supremi hujus ordinis Directores & Diribitores Reges Daniæ sunt.

II. Præter hunc Ordinis Dominum ejusque filios, videlicet Equites natos, numero triginta Equites sunt.

III. Recipiendus in hunc Ordinem sit triginta annorum, exceptis supremi Ordinis Domini agnatis & filiis naturalibus, qui post completum annum vigesimum admitti possunt.

IV. Quilibet Ordinis socius quo-

tidie in dextro pectoris latere gestare debet ex ligamento serico caruleo undulato aureum Elephantum, in tergo Castellum & in cervice Æthiopem cum jaculo portantem: sub castello sit crux ex adamantibus composita: in sinistro pectoris latere splendeat stella argentea octangula.

V. In festo congregationis quilibet Eques in habitu Ordinis compareat cum Torque ex meris aureis & turritis Elephantis coagmentato.

VI. Omnes Equites juxta sua insignia gentilitia per omnem ætatem collocent Elephantum ex ligamento pendentem, ut omnibus, quod ordinis membra sint, innotescat.

VII. Cuilibet equiti in suâ receptione detur Diploma propria manu DOMINI Ordinis subscriptum, & Sigillo Ordinis subsignatum.

VIII. Sigillum Ordinis exhibet insignia Regum Daniæ & Norwegiæ cum equestri torque circumposito & Elephanto turrito, aliisque supra articulo quarto descriptis & Ordinis symbolo: *Magnanimi pretium*: ut & sequente epigraphe: Magnum Sigillum Nobilissimi Ordinis Elephantini: quod ceræ rubræ in capsula eburnea imprimi solet.

IX. Huic Ordini etiam exteri Reges & Principes, sed Orthodoxi, ut & Domini Ordinis Consilarii intimi & primarii Ministri cum Ducibus bellicis & Equitibus à Danebrog, si pariter omnes sint orthodoxi, incorporari possunt.

X.

X. In defectu alicujus membri ab Ordinis DOMINO convocantur Equites præsentēs, qui statim alios hōc honore dignos denominant, eorum consignata Nomina Ordinis DOMINO exhibent, qui tandem pro suo beneplacito unum ex illis eligit, & in prædecessoris locum surrogat & confirmat.

XI. Nemo recipitur, nisi prius sit creatus Eques à Danebrog: antequam itaque ad Ordinem Elephantinum aliquis admittatur, tenetur assumere Ordinem à Danebrog: hic Ordo autem deponitur, priusquam alter impetratur: quō factō Ordinis Danebrogici insignia Secretario Ordinis redduntur.

XII. Omnes ad hunc Ordinem electi vocantur à Rege DOMINO Ordinis Domini.

XIII. Vassallus DOMINI Ordinis simulac in Ordinem receptus est, aliis Ordinibus, si quos habet, renūciare tenetur.

XIV. Nec integrum est illi, sine DOMINI consensu alium Ordinem assumere.

XV. Assumptus Eques insignia sua gentilitia Secretario Ordinis tradere debet cum suis coloribus aliisque hūc pertinentibus, quæ in æreâ laminâ depicta tandem in Sacello Ordinis, quod Fridericiburgi est, super Equitis folium in ipsius honorem suspenduntur.

XVI. Ibidem quotannis celebratur festiva Equitum feriâ tertiâ Pentecostes congregatio, in quâ omnes præsentēs Equites horis matutinis

ex suis conclavibus habitu consue-
to induti ad Sacellum Ordinis, & qui-
dem singuli ad assignatum locum se
conferunt, concionem audiunt, & in
conclave reversi tam diu ibi manent,
donec ad prandium vocati cum
DOMINO Ordinis mensæ accum-
bant, & cibō potuque reficiantur.
Præterea tenentur præsentēs Equites
ter in annō, nempe feriâ tertiâ festi
Salvatoris natalitii, feria tertiâ Pa-
schatis & Pentecostes, item in festo
genethliacō DOMINI Ordinis ge-
stare auream catenam cum appen-
so Elephanto, & in consuetō habitu
comparere.

XVII. Cultui divino præest &
concionem habet illa die DOMINI
Ordinis Concionator aulicus: fini-
tis sacris unus ex Ordine, vel aliquis
Eques à Danebrog in honorem fun-
datoris eōdem in sacellō eleganti
Oratione declamat.

XVIII. Equites ex conclavi pro-
deuntes præcedunt duo Caduceato-
res in habitu usitatō, quos sequuntur
Magister Ceremoniarum, Secreta-
rius Ordinis & Equites a Danebrog:
his succedunt Elephantini Equites,
DOMINI Ordinis Filii, supremus
aulæ Mareschallus vel Camera præ-
fectus, singuli pileis rubris & flavis
plumis exornatis conspicui: tandem
claudit agmen sub tegmine seu cœ-
lō à quatuor Camerariis portatō
Rex Ordinis DOMINUS, quem ab
utrōque latere comitantur quatuor
Equites à Danebrog: sequuntur po-
stremō Spectatores, quibus hæc sa-

cra aspicere est concessa potestas.

XIX. Si fortè contingat, ut Ordinis DOMINUS extero cuidam Principi unum vel alterum Equitem Elephantini Ordinis inter suos Ministros habenti bellum denuntiet, possunt tales Equites sine famæ & honoris dispendio suo Principi assistere, Patriamque defendere: Si verò accidat, ut Princeps exterus, in cuius ditione & servitio Equites tales vivunt, Ordinis DOMINUM bellò laceffat, non tenentur contra hunc arma sumere, nisi coacti ab illo Principe in persona in hanc militiam profectò: hâc ratione essent excusabiles: quâ de re tamen Ordinis DOMINUM ejusmodi Equites in tempore decenter compellare & certiozem reddere debent.

XX. Nulli Ordinis Equiti cum altero ex Ordine in duellum seu monomachiam descendere liberum esto: læsus injuriam ad Ordinis DOMINUM deferat, & ab hoc suo supremo iudice illud, quod justum est, expectet.

XXI. Nulli Ordinis Equiti liceat in publicum procedere sine Ordinis signo sub pœna viginti Ducatorum inter pauperes Hildevodenses prope Fridericopolin habitantes distribuendorum: si verò prorsus deposuerit Ordinis signum, vel per integrum annum illud non gestaverit, ex Ordine, quo hoc ipso se indignum præstitit, ejicitur.

XXII. Nullus in Ordinem recipi debet, cui propter mala facta pœna

jaçturam famæ, vitæ & bonorum inferens aliquando dictata fuit, etiam si illa postmodum fuerit remissa: pariter exesse debet ex Ordine, qui stationem suam sine urgente necessitate in bello ignominiose deferuit, fugitivus factus & hinc malæ famæ est: si verò post Equitis receptionem ejusmodi capitalia facinora innotuerint, aut Eques ab orthodoxa religione defecerit, jure meritoque ex Ordine exterminari debet: ejecto adimit postea Secretarius Ordinis signum & torquem, ejusque insignia in sacello suspensa tollit, & tempus cum causa remotionis matricula & protocollo inserit.

XXIII. Cum Eques hujus Ordinis è vitâ discescit, ejus insignia ex Sacello exempta in alio honorabili loco suspenduntur.

XXIV. Intervallo trium mensium hæredes defuncti, (si exterus sit,) Ordinis Secretarium de obitu certiozem reddere, simulque ipsi Ordinis Signum, statuta cum reliquis ab Ordinis DOMINO acceptis restituere debent: si verò aliquis in acie vel alia occasione fortiter occumbens Ordinis signum amiserit, cessat hæc obligatio.

XXV. Equitis defuncti sandapila imponitur Signum Ordinis in pulvinari serico, quamdiu in ædibus jacet: quod ipsi etiam, quando pompose sepeliendus est, præfertur à Marescallo, quem sequuntur Ordinis Ministri & membra præsentia: pompa verò sepulchralis adornatur pro arbitrio hæredum & agnatorum.

XXVI.

XXVI. Magister Ceremoniarum & Secretarius debent esse Nobiles: hic verò tenetur omnia, quæ in Ordine peraguntur suo inscribere protocollo, novosque Ordinis socios admonere, ut pauperum Hilderdensium rationem habeant, illisque aliquid ex gratuita liberalitate largiantur. Duo etiam Caduceatores sunt, qui in publicis solennitatibus habitu consueto induti comparere, sceptrâ inaurata in manibus, & in pileis rubras tenentur gestare plumas.

XXVII. Reges Electores & Principes Ordinem hunc suscipientes non obstringuntur his articulis, si-

quidem Ordinis DOMINUS de illorum fidelitate certus est, nullusque dubitat, quin orthodoxam religionem pro virili defensuri, inclytique Ordinis Elephantini honorem, dignitatem & gloriam aucturi sint & curaturi.

Tantum & quidem compendiose hâc vice dixisse sufficiat de Regio Ordine Elephantino per Orbem celebratissimo, cui ut divina clementia porro ex alto benedicat, ejusque Serenissima, Celsissima atque Illustrissima membra potentissimè protegat, uberrimè augeat, & diutissimè conservet, omnes boni animatus vovent.

M A N T I S S A

De Elephantiasis.

Elephantiasis, *ελεφαντιάσις* dicitur à verbo græco *ελεφαντιάω*, id est, Elephantem seu Elephantiam laboro: nonnullis vocatur S. Lazari morbus: aliis morbus Leoninus ob frontis rugositatem: existimatur esse Lepra, cujus mentio fit in sacris literis, sic dicta ab Elephantis, quorum pellis dura & aspera morbo nomen & in hominibus & in bestiis dedit. Vid. Vegetium *l. 1. c. 9.* ubi cutis velut ulcerosis quibusdam vallibus infestatur, & similis redditur Elephantis corio: multò perniciosior est, quam Græcorum lepra:

hinc secundum Macrum capite de Nepethâ:

Est Lepræ species Elephantiasisque vocatur,

Quæ cunctis morbis major sic esse videtur,

Ut major cunctis Elephas animantibus exstat.

Est veluti totius corporis Cancer, secundum Amatum Lusitanum *Curat. Med. cencur. 3. Curat. 32. p. m. 247.* describitur hic affectus à similitudine Elephantis habentis pedes grossos & tumidos. Vid. Joh. de Torna mi-

ra in clarificatorio c. 96. p. 108. atque est ex illis morbis, qui ipsam corporis substantiam corrumpunt, atque Ægypto familiaris est, quia ibidem spirans aer, aqua & solum palustre efficiunt, ut atra bilis in humanis corporibus putrescat. Est peccati originis imago viva, ut vult M. Martini in *Lexico Philologico*.

Dicitur morbus Phœnicus, cum in Phœniciâ aliisque Regionibus ad Orientem sitis abundet: ex prava victus ratione & cœli æstu hoc malum apud Alexandriam vigere plurimum; Cœlius refert: incolæ enim vescuntur athara, id est, pulte ex farina frixa, ut & lentibus, falsamentis & limacibus, item carne asinina aliisque chylum crassiorum suppeditantibus. Vid. Galen. l. 2. ad Glaucon. in Germania & Mysia rarò; apud Scythas galaetopotas ferè nunquam observatur. Gesnerus lib. 1. de *Elephanto*.

Elephantiasis nomen non legitur apud Hippocratem, qui lepræ saltem, leucæ, lichenis, herpetis meminit: nec in sacro Codice Elephantiasis fit mentio: nam divus Lucas medendi peritissimus hunc morbum nomine Elephantiasis non expressit: Græci postmodum tale nomen imposuerunt, quia tuberosum corpus Elephantici similitudinem Elephantum effingit colore, caractere & mole, secundum P. Crinitum lib. 20. cap. ult. & Hermolaum Barbarum in Glossis Pliniacis: vel quia magnus est morbus cæteros longè superans, V. Laurent. Valla & Hol-

lerius de morbis internis lib. 1. p. m. 683.

Sunt, qui Elephantiasin cum vulgò lepram vocant, sed male: siquidem affectus est, quem Latini nonnulli vitiliginem, Græci verò αλφον appellant: cum scilicet cutis maculis asperis albescit, & nonnihil intumescit, præsertim in cruribus, ita ut Elephantum cutis videatur, quod Vossius notat libr. 1. de vitiiis sermon. c. 32. Vid. Petr. Crinit. H. de D. l. 20. c. 10.

Nomenclaturam itaque hic morbus contraxit a similitudine cum Elephantum cute, quemadmodum Polypus, cancer, atheroma, steatoma, meliceris, alopecia, ophiafis & sim. ejusmodi nomina fortiuntur: videmus enim Elephantiasin correptos obscuro & livescente colore infusari, & instar Elephantorum tuberibus deformes reddi: convenire Elephantiasin veterum cum morbo Gallico, putat Steph. Blancardus in tractatu de morbo Gallico, p. m. 9. habebatur enim à priscis, pro universali totius corporis cancro, quem in lue venerea inveterata & consummata non minus observare licet.

Satyriasis & Elephantiasin pro uno eodemque affectu habet G. Bertinus Camp. l. 12. de morbis & symptomat. part. intern. cap. 22. Recentiorum lepram Brassavolus in comment. f. 3. H. aph. 20. putat esse antiquorum Elephantiam, in qua usque ad ossa caro corroditur & marcescit: in sua Ferrariensi Patria scribit idem esse leprosum videre atque album corvum: in Gallia verò & Ger-

Germania leprofos tales, id est, Elephantia affectos plures esse, eosque plerumque adeò deformari, ut intuentes deterreant. Græcorum Elephantiasis est Arabum lepra, seu via ad illam, ut vult Dolæus: aliud quoque Græcorum est lepra, aliud Elephantiasis: nam lepræ nomen est genus, sub quo continetur etiam Elephantiasis. Vid. J. Heurn, in *comm. apb. Hipp. f. 3. XX.*

Franciscus Valleriola l. 6. *enarrat. medicinal. p. m. 393.* putat, hoc malum non minus contagiosum esse, quam ipsam Pestem: & Aetius lib. 13. c. 120. affirmat, malum esse, cum Elephantiacis conversari: inquinari enim aerem ex ulcerum fœtore & vitiata spiritus exhalatione existimat: non solum enim laboranti hunc affectum gravem, verum etiam conspicientibus intolerabilem putat, quippe qui illum omninò averfantur, adeò ut etiam domestici ægri congressum fugiant: diuturna enim cum Elephantiacis consuetudo non minimum momentum ad hunc inferendum morbum præbet: cum his enim, qui prorsus putridum spirant, vitam agere periculosum duxit Galenus 1. *de febr. different. cap. 2.*

Hæreditarium est ut plurimum hoc malum & in semine parentum vitiato fomitem habet, unde Elephanticus communiter sibi similem generat prolem: cum enim ex universo corpore genitura procedat, (quæ plurimorum Medicorum est sententia,) in Elephantiasi autem partes principes fere omnes sint vi-

tiatæ, massaque sanguinis corrupta, malaque tabe infecta, hoc ipso fieri nequit, quin semen quoque ipsum infectum & inquinatum procedat, à quo sic vitiato semine Elephanticum quoque gigni necesse est. Vid. Francisc. Valleriola l. c. & hæc est non inepta M. Martini in *Lexic. Philolog.* ratio, qui Elephantiasin vivam peccati Originalis imaginem esse scribit.

Juxta recentiorum principia describi potest Elephantiasis, quod sit scabies pertinax ac maligna cum defædatione totius corporis, crustis & tuberculis duris, maculis lividis & ulceribus, a sale quodam fixo ac corrosivo humori viscido ac terrestri implicato, & in glandularum cutis tubulis profundioribus hærente eosque dilacerante ortum trahens. Vid. Dolæum *encycl. Chirurgic. l. 5. c. 9.*

Græci Elephantiasin morbum esse calidum & ficcum; Arabes frigidum & ficcum prodiderunt: illi causam efficientem & morbum in incremento & vigore ob excandescentem fervorem calidum & ficcum; hi effectum scilicet frigiditatem & ficcitatem in declinatione spectarunt. Vid. G. Bertin, *camp. l. 20. M. M. cap. 51.*

Elephantiasis, inquit Aetius 13. 120. à quibusdam Leontiasis, ab aliis Sathyriasis appellatur: Elephantiasis quidem à magnitudine & diuturnitate affectionis nomen accepit, ut & propter cutis asperitatem: Leontiasis autem appellatur, quia frons

agrorum cum quôdam tumore laxior redditur, ad similitudinem pellis flexilis superciliorum Leonis: Satyriasis verò, quod malæ in facie iisdem cum rubore attolluntur, & musculis maxillaribus veluti convulsionem patientibus mentum ipsum dilatur, quod & in ridentibus evenire solet, similitudine quadam ad picturas Satyrorum: quin & alacritas vehementens ad coitum ipsis adest, quæ & in Satyris esse fertur.

Ex mente Hesychii & Varini Elephantiasis est lepræ genus: quam etiam alicubi in lepram mutatam apud Galenum legimus: ut scabies ad lepram Græcorum quasi via est, sic lepra Græcorum ad lepram Arabum seu Elephantiasin, si nempe sal acrius & abundantius plures & profundiores afficiat glandulas, sicque morbus diutius protrahatur: igitur non nisi gradu differunt, & una aliâ est malignior & vehementior, alia mitior & benignior pro acrimoniæ salinæ gradu. Vid. Doxi *encycloped. Chirurgic. rational. lib. 5.*

Differt utique Elephantia Græcorum ab Elephantia Arabum & leprâ Judæorum: nam Elephantia Arabum, ut testatur Rhases, est crurum cum varicibus intumescencia, simul cum totius corporis habitu colore atrô perfuso: cui sententiæ accedere videtur Avicenna, *sen. 22. l. 3. Canonis Tractat. 1.* statuens, quod Elephantia sit additio in pedibus, ut accidit in venis varicum, quæ incrassat pedem, excitaturque plerumque ob melancholicum humo-

rem & pituitam falsam, aliquando ob phlegma crassum. Lepra verò Judæorum est vitiliginis species, ut apparet ex Levitico, quæ etiam parietes domiciliorum inquinabat. Elephantiasis autem Græcorum est morbus venenatus, & universi corporis cancer, ab impurô corruptô & melancholicô sanguine contractus, à facie incipiens & per universum corpus invalescens. Vid. G. Bertin. *Camp. l. 12. de morb. & symptomat. part. intern. cap. 22.* Paul. *l. 2. cap. 1.* Fernel *l. 6. de part. morb. & symptomat.* Estque difficulter curabilis.

Amatus Lusitanus putat, hunc affectum non esse ex iis, qui ob errorem in 6. rebus nonnaturalibus commissum contingunt, sed ab iratô DEO fuisse locô pœnæ immissum: quia si peccatum parvum erat, in parietibus domus maculæ quædam apparebant: si majus, in vestibus percipiebantur: si maximum, peccantis corpus fœdabatur: nec pro eâ deponenda humana manus sufficiebat, sed divinâ erat opus. Vid. Amat. Lusitanum *Curat. Med. Centur. 2. Cur. 34.*

Comparatur hoc malum, quatenus est magnum, fœdum ac terribile toti Elephantô: quatenus est diuturnum, ipsius longævitati: quatenus tumor ingens adest, ejusdem pedibus seu tibiis: quatenus demum totum corpus tumoribus plenum, cutisque rugis asperis exaratur, & quatenus altè descendunt scissuræ veluti nigri in coriô sulci, coriô

corio Elephanti: hic enim durissimam cancellatamque cutem secundum Plinium habet, quæ se in rugas sæpè coarctat, unde aspera, inæqualis & rugosa ferè semper conspicitur. Vid. Aretæum *l. 2. diut. cap. 13.*

Elephantiasis correptos è cœtu hominum divinò præceptò olim ejectos constat: siquidem benignissimus DEUS salutis populi Israelitici consulturus summâ curâ providere voluit, ne fœda aliqua lues illi labem inferret: nostrò etiam tempore ejusmodi homines optimò consiliò segregantur, jubenturque lignea gestare crepitacula, quorum strepente sonò sani obvii admonentur, ne propius ad illos accedant.

Ante Pompeji Magni ætatem, ut refert Plinius *H. N. l. 26. cap. 1.* non visa est Elephantiasis in Italiâ: à facie sæpius incipiens, in nare primò veluti lenticula apparebat: mox invalescebat per totum corpus cum maculosa variè coloratâ & inæquali cute, alibi crassâ, alibi tenui, durâ ceu scabie asperâ, ad postremum verò nigrescente, & ad ossa carnes quasi apprimente, cum digitis etiam manuum pedumque intumescantibus.

Galenus tempore hunc morbum in Germaniâ ignotum fuisse scribit G. Bertinus *Campan. l. c.* Ægypto peculiare hoc malum, ut vult Lucetius *l. 6.*

Est Elephas morbus, qui propter flumina Nili

Gignitur Ægyptò in mediâ, neque præterea usquam.

id quod frequentiori leguminum aliorumque crassorum alimentorum usui apud Ægyptios acceptum fert Galenus: cum autem postmodum in Reges incidisset, populis evasit funebre: quippe eorum balnea humano sanguine temperabantur in medelam: & hic quidem morbus celeriter in Italiâ restinctus est: sicut & ille, quem Gemursam appellavêre Prisci inter digitos pedum nascentem, etiam nomine oblitteratò. Hactenus Plinius *l. c.* In Alexandriâ gigni Elephantiam morbum scribit Galenus 2. ad Glaucon. quâ de re etiam videri potest Strabo, Solinus & alii.

Rhases *l. 9. de morb. cur.* ad Regem Almanforem *cap. 39.* non aliter Elephantiam describit, quam crurum cum varicibus intumescantiam cum totius corporis habitu colore atrò perfuso. Vid. Amat. Lusitan. *Cur. med. Centur. 2. Cur. 34.* Non est aliquis simplex morbus affectus hic, sed compositus: nam adest tumor & magnitudo aucta in universò corpore, potissimum autem in partibus externis: deinde intemperies calida & sicca omnium viscerum, demumque solutio continui: Substantia enim partium exasperatur, exulceratur, & tandem corrumpitur deceditque: præter vulgarem qualitatem venenata quoque qua-

litas

litas hic adjuncta est. V. Joh. Coster.

Tabul. 94. pag. 361.

Elephantiasis secundum Galenum 2. ad Glauc. est sanguinis turbidi & crassi in venis contenti ad cutem universam propulsio: peculiari autem & occulto modo illum esse corruptum non dubitandum. Viros magis quam feminas apprehendere Elephantiasin statuunt Veteres, atque inter illos magis, qui crassum viscosum ac atra bile repletum sanguinem habent, & qui abundant pituita falsâ & acidâ, item qui victu crasso & *δυσπικτῶ* utuntur, & in otio degunt: non minus etiam eos, qui exercitiis inordinate vacant, & sic sanguinem inspissant: item illos, in quorum ventre cibus assidue corrumpitur.

Hinc facile corrumpitur sanguis, imò malignam acquirit venenâ tamque qualitatem, quam postea visceribus & omnibus corporis partibus impertitur, quæ sic inquinatæ similem ejusdem Veneni participem sortiuntur indolem & naturam. Temperamentum justò calidius & siccus, anni par constitutio, similisque Cœli & Regionis temperies, labores, lassitudines, studia & lucubrationes crebræ & intempestivæ, curæ, ciborum crassorum, salforum acriumque creber usus, detentio excretionum solitarum, imprimis intemperantia & frequens crapula, ut & vitæ genus angoribus & ærumnis deditum gignere hoc malum ut plurimum solent.

Hæreditario jure hoc malum contrahi, supra dictum: non modo autem in filios, verum etiam nepotes & pronepotes longâ serie deducitur. Fernellius *locò citatò* scribit: si nondum Elephantia Parens tenebatur, dum genuit, sed in eam duntaxat erat propensus, filius eadem ætate, qua Parens Elephanticus evadet: Ægypti incolas à naturâ & ortu ad Elephantiasin propensos esse, ex Plinio refert G. Bertinus *Campan. l. 12. de morb. & symptom. part. intern. cap. 22.* Quorundam etiam literis proditum est, mulierem quæ instantibus aut jam profluentibus mensibus conceperit, fœtum edere in Elephantiam proclivem. Vid. J. G. Andernac. *comment. de Med. veteri & novâ, dialog. 8.*

Contagiosum etiam hoc malum esse diximus: periculosa enim est longa cum ejusmodi inquinatis conversatio, concubitus & accubitus: præsertim si aliquis rarò corporis habitu præditus, atque sic ad externas injurias excipiendas aptus sit, procul dubio noxam sentiet: hinc Civitatum legibus Elephantici segregantur ab hominum consortiò, ne lues hæc latius ferpat: contagione enim sive concubitu, sive accubitu vel assiduâ vitæ consuetudine hoc malum hominem adoritur, quia ex Elephantico perniciofa qualitas transfertur in aliud corpus sensimque irrepit in omnes partes. Vid. Fernel. *de part. morb. & symptom. lib. 6. cap. 19.* Idem tamen *l. 2. de abditis rerum causis*

cap.

cap. 14. scribit nunquam vel sedulo se sciscitatum accepisse, quemquam ministrorum, etiam si perpetuo Elephantiacis affederint, sola spiratione fuisse contaminatum.

Aëris malignam alterationem à cœlo & stellis dimanantem Elephantiasin aliosque morbos contagiosos producere nonnulli censent: quod tamen absurdum videtur G. Bertin. Campan. *l. 8. de sanitate tuenda cap. 25.* sic enim venenata & fera hujus mali labes ubique grassaretur, & incolumes omnes absque contactu contaminaret: sidera vero calore vivifico & simplici forma constare, quæ nullo horoscopo nullaue constellatione prorsus immutetur, magisque & minus neutiquam recipiat, arbitratur.

Elephantiasis secundum Cœlium Rhodiginum *lect. antiq. l. 6. cap. 24.* provenit ex pituita crassa, & bile atrâ, quæ *ἑλεννώδης* maximè est: hi verò humores cutem reddunt ferinam, quando & hinc nata nomen affectio est, Galenô tradente: efficitur enim durior cutis crassiorque ut Elephantii corio prorsus videatur similis. Vid. Paul. Æginet. *l. 4. c. 1.* Simon Januensis *in clave sanation. p. 79.* Elephantiasin putat esse inflationem crurum & pedum: quæ quidem in Elephantiasi adesse solet, sed non sola, siquidem latet adhuc pejor anguis in herba: altioris enim est indaginis hoc malum: hinc rectè huic contradicit Joh. de Torna mira *in Clarificatoriô cap. 94.* ubi ejusmodi tumorem non esse veram Elephan-

tiasin scribit, quippe qui etiam à causis externis, frigore, ut & erroribus in diæta oriri possit. Pueris etiam & mulieribus ob debilem & raram constitutionem familiaris sit: veram autem causam ab humoribus phlegmaticis & melancholicis stagnantibus & corruptis, & hinc quasi venenosis factis deducit. Rhases accusat prægressam nauseativam satietatem.

Atræ & retorridæ bilis in corpore abundantis Elephantiasin esse sobolem, Galenus *libro de atra bile & de tum. p. n. & 2. ad Glaut.* ut & *in commentar. in aphor. Hippocrat. f. 7. 41. & sect. 4. aph. 2.* statuit: cum autem hæc à melancholico sæculentoque sanguine, aut ex flavâ bile, utrisque supra modum à calore immodico assatis originem ducat, fit, ut ea in vasis cumulata foras se tandem exferat, perque universum corporis habitum disseminata, ejus figuram immutet atque depravet. Vid. Francisc. Valleriol. *l. 6. enarrat. medicinal. p. m. 395. & lib. 1. p. m. 41.*

Fernelius allegato loco humorem melancholicum venenatam qualitatem adeptum accusat, partesque hæc imbutas similem nancisci naturam, sicque produci hunc morbum totius substantiæ existimat: demonstratque pluribus in locis, veneni speciem in corpore humano sponte gigni posse: itaque eruptio fœda foras & in partes externas cutemque profiliens Elephantiasin malignitatis & pernicipiei cujusdam participationem declarat; omnia igitur foras

M m

erum.

erumpentia, à causa tali profecta, quis malignitatis & latentis veneni notas esse non agnoscat? itaque in Elephantiasi præter humoris vitium malignum etiam virus inest, quod omnium partium substantiam polluit: illa quippe non solum cutis, secundum Galenum, sed totius corporis affectio est. Vid. *de abditis rerum causis p. m. 85.* cui subscribit Joh. Guinterius Andernacus *de mod. vet. & nov. comment. 1. dial. 8.*

Qui epate calidiore & liene ficciores præditi sunt, Galenô teste, ad hunc affectum præ aliis propensi sunt, præsertim si cibis cacochymis & melancholicum succum gignentibus liberalius vescantur: ab humore vel sanguine melancholico ortum ducere Elephantiasin scribit etiam Brassavolus *in comment. aph. H. 26. f. 3.* & cum temporis processu atrabilis sanguinem exusserit, ægros tunc graviter olere & ingratum aspectum habere.

Mulieres, pueri & Eunuchi rarius Elephantiasi infestantur, cum sint humidiores: humiditas enim exsiccationi, quæ in Elephantiasi observatur, resistit. Vid. Rondeletium *in method. curandor. morbor. c. 87.*

Ex usu Zythi Elephantiasin produci ex Dioscoride refert Joh. Ruellius *l. 2. de nat. stirpium c. 18.* qui potus olim in Ægypto ex hordeô aquâ resoluto & acescente constabat, ut ibidem scribit: acidum autem ad hunc morbum generandum idoneum esse non dubitandum.

Subiectum primarium & adæquatum est totum corpus & potissimum sanguis cum suis succis, qui sanguis cum perenni suo fluxu & refluxu minima corporis alluat & pervadat loca, non potest non labem suam ipsis affricare, & particulas suas faeculentas in ipsis deponere glandulis cutaneis & miliaribus, eorumque vasculis excretoriis. Vid. Dolaum *Encyclopad. Chirurg. l. 5. cap. 9.*

Itaque subiectum Elephantias non est sola cutis aut corporis superficies, sed & intima viscera quæque, imò ipsa ossa tandem invaduntur & obsidentur, quia omnia impuro fruuntur succo: quanquam autem ipsa morbi qualitas ad totum corpus pertinet, præcipue tamen vis in jecore & liene residet, quæ sua deinde vitia toti corpori impertiunt secundum Fernelium *loc. cit.* ubi porro scribit, eos præcipue Elephantiasi corripì, quibus varices & diuturnæ hæmorrhoides curatæ sunt, & quibus menses suppressi: eosque, qui bubula, cervina a fininaque carne, aliisque cibis glutinosis ac crassis vescuntur: eos denique, quibus vel jecoris ardor vel victus calidior bilem flavam cumulavit, quæ deinde cohibita degeneravit in atram: unde statuit, cum mala hæc non nisi florentis aut etiam provectioris sint ætatis, Elephantiam nec pueros nec adolescentes spontè invadere.

Singulæ corporis partes in Elephantiasi sensim puro alimento & pabulo defraudantur: quippe hæc vene-

venenata labes à calore cordis vivi-
ficò emendari nequit ſecundum
G. Bertinum *Camp. l. 8. de ſanitate
tuenda cap. 25.* Plura de hoc malo
vid. apud Celfum 3. & 35. & Manar-
dum in epistolis, ut & recentiores,
quorum quidem diverſæ opiniones
ſunt, plures tamen in hoc conve-
niunt, morbum, qui in ſacris literis
lepra vocatur, non alium quam
Elephantiaſin eſſe.

Elephantiaſin incipientem in ſuis
incunabulis curabilem eſſe ſtatuo
cum Dolæo *loco citato*, quando verò
jam altas egit radices veſtigiis vio-
lentiaſe ſuæ cuti impreſſis, curatu
multo difficiliorem, non tamen ſta-
tim animum abjiciendum eſſe exi-
ſtimo: ſi verò ad ſummum maligni-
tatis gradum aſcendit, & congenita
eſt, inſanabilem eſſe judico: vix enim
penitus exſtirpari poterit, ſiquidem
ejuſ principia primis foetus ſtamina-
bus combinata arcte nimis partibus
adhærent.

Quæ ex urinis aut ſanguine tradi
paſſim ſolent ſigna & notæ hujus
mali, incertæ eas omninò eſſe atque
fallaces ſtatuunt Ferneliuſ & I. G.
Andernacuſ *locis citatis.* Urinæ ſunt
ut plurimum jumentorum ſimiles,
cræſſæ, albæ & turbidæ: pulſuſ in pro-
greſſu morbi languiduſ raruſ & tar-
duſ eſt. Vid. Galenuſ *de cauſis pulſuſ*
Claffe 4. Signa deſcribuntur *Levi-
tic. 14.* deſluunt ſcilicet pili, & ubi
avelluntur, parſ cutiſ ſequitur: cu-
tiſ apparet herpetibus ſædata, cru-
ſtaſ quaſi remittentſ: extremarum
partium adeſt putredo: ſanguis ſi

diſſolvatur, eſt quaſi arenofuſ: ani-
mæ foetor, ſpirandi difficultaſ & ſi-
milia adſunt.

Cutiſ præterea crebraſ maculaſ
crebroſque tumoreſ habet: rubor
macularum paulatim in atrum co-
lorem convertitur: ſumma cutiſ in-
æqualiter cræſſa, tenuiſ, dura mol-
liſque quaſi ſquamis quibuſdam ex-
aſperatur: corpuſ macreſcit: mu-
ſculorum quaſi caro abſumitur, ac
ſenſim quaſi liqueſcit. Oſſa ſunt
mollia. Vid. *Ephem. Acad. N. C.
indicem ann. 1. p. 125.* Oſ, ſuræ, pe-
deſ intumeſcunt: ubi vetuſ mor-
buſ eſt, digiti in manibuſ pedibuſ-
que ſub tumore conduntur: inter-
duſ ſiccitate dehiſcunt, ungueſ-
que ſinduntur & dilacerantur: jux-
ta pollicem caro abſumitur: ma-
raſmuſ & febris ſuccedit, quæ faci-
le tot malis obrutum hominem con-
ſumit. Vid. Nicol. Perott. *in Cornu
Copia p. 393.* Apud Judæoſ peculi-
are aliquid habuit Elephantiaſiſ, ut
etiam reſ inanimatæ, v. gr. parieteſ,
lapideſ, panni & ſimilia eâ infe-
rentur, & hæc infectio certis notis
dignoſceretur. Hunc morbum de-
notare videtur Juſtinuſ Hiſtoricuſ
lib. 36. ubi ita, licet hæc in parte de-
ceptuſ & falſuſ ſcribit: Quum
Ægyptii ſcabiem & pruriginem pa-
terentur, reſponſo moniti Moylem
cum ægriſ, ne peſtiſ ad plureſ re-
peret, terminis Ægypti pellunt.

Elephantiaſiſ novæ nodofæ in Ja-
va graſſantiſ fit mentio in *Ephem.
Acad Nat. Curioſor. Decur. 2. Ann. 2.
Obſ. 5.* oriundæ à gravibuſ diætæ
M. 2. erro-

erroribus, videlicet malis, putridis & foetidis piscibus marinis, aliisque crassi chyli cibis & fructibus, quibus incolae vescuntur: item à pipere Indicò, cibis calidis & aromatibus avide ad Veneris pruritum excitandum comestis.

Elephanticos judicandi ratio seu signa petenda ab illis, quæ secundum morbi essentiam insunt, eumque perpetuo comitantur: nempe à vultu torvo Satyrisque similimò: à labiorum crassitie & fæditate, nasi dilatatione, aurium rotunditate & circumflexione quâdam cum attenuatione frontis & superciliorum extuberatione, oculorum fixo intuitu, eorumque figuræ in orbem depravatione, colore faciei subrubro & obscuro in nigrorem desinente, vocis etiam raucitate. Vid. Francisc. Valleriola *enarrat. Med. loc. cit.* Mente tamen constare, nec ullo pacto desipere eos, qui sic affecti sunt, scribit idem *lib. 1. enarr. Med. p. m. 41.* Cutis est inæqualiter crassa, ut in Elephantis, squamulis exasperata, præsertim in facie, manibus & pedibus.

Oculi sunt lividi, labia crassissima, secundum Hieron. Mercurial. *de morb. puer.* exeduntur partes summæ manuum & pedum, ex quibus sanies foetida emanat: venæ his in partibus turgent crasso & nigro sanguine, teste Galeno in definit, & therapeuticis ad Glaucon. Exulcerata & inveterata Elephantiasis Cancrum exulceratum æmulans incurabilis esse creditur: in principio vero,

ubi cutis superficies nondum exulcerata, nec multæ tumidæ eminentiæ apparent, sed tantum aliquo modo turpis, non autem prorsus foedus est aspectus, curationem admittit. In quodam laborante Elephantiasi, quæ nondum radices egerat, turgidiorem, solitòque majorem lienem se reperisse testatur A. Vesalius *l. 5. de Corp. human. fabrica cap. 9.* Dispositionem ad Elephantiasin significat calor nati & floridi in facie mutatio, gutta rosacea, rubra sublividaque suffusiones & pustulae, pilorum defluvium, ingens sitis, orisque siccitas diurna & nocturna, anima olida, ulcuscula in ore, vocis in raucitatem mutatio, Venerisque supra modum desiderium cum calore peregrino, à flatu per venas & partes genitales agitato & commoto.

Extremæ partes corporis in Elephantiasi subinde stupore tentantur: causam ponit Francisc. Valleriola in *enarrat. Med. l. 6. p. m. 398.* quod à crasso & atrabilariò succo impleti sint nervi: tunc spiritus animales illos permeare non posse: cur autem pereat in illis sensus, non autem motus, causam esse putat, quod nervi, qui ad cutem procedunt, magis sint affecti quam muscoli: ac proinde si æger stylò aut acu penitus pungatur, sentiri puncturam.

Verrucas in linguæ radice extuberantes in omnes partes intimas disseminatas comperit Fernelius de abditis rerum causis *lib. 2. cap. 14.*

Andreas Vesalius *lib. 5. de human. Corp. fabricâ cap. 9.* scribit, se Parisiis ad div. Lazarum, & in plerisque Germaniæ superioris agris & alibi Elephantiacos vidisse, nigricantem lienis humani colorem superficiemque ita exquisitè referentes, ac si quis ex liene eos confinxisset.

Simus fit in ejusmodi ægrotis nasus, ejusque intus exulceratio, foris verò crassities & dilatatio, cujus rimæ quasi discerptæ crustulas nigras & cruentas excutiunt: interdum cartilago narium media eroditur, tandemque partibus quibusdam corrupta decidit: quin etiam labra crassa sunt & inversa: oculi juxta rotundiorum angulum rotundiores apparent, & quod candidum in eis esse debet, flavescit, crassescit, & quasi ungue obducitur: pili venenatâ qualitate infecti ex superciliis præduris glabris ac ferè callosis palpebrisque & mento decidunt ob alimenti defectum.

Aures fiunt acuminatæ, gracilescent & eroduntur: facies est horribilis & ferina: respiratio est gravis & foetida, spirandi difficultas ob copiam pravorum humorum asperæ arteriæ & pulmonibus infarctorum, venulæ sub linguâ nigræ, extuberationes adsunt in plerisque corporis partibus, in cruribus potissimum, magis tamen in facie, præsertim in fronte. Guido Cauliacensis *tractat. 6. doc. 1. cap. 2.* observavit liventem & tam foedum corporis colorem, qui in Morphæâ & Arabibus dicto affectu Albaras ap-

parere solet: in omnibus ferè partibus sensus adeo intercidit, ut nulla acicula, vel aliud, quod acutum etiam dolorem inferre possit, etiam aqua fervens superinfusa urere percipiatur, quamvis motus in illis ferè fervetur integer.

Nonnunquam cum pruritu & squamulis scabies facta & impetigo hunc affectum comitantur: æger sentit hinc inde ardores & puncturas instar acuum ulcerosamque in corpore lassitudinem: interdum insomniis gravibus & formidolosis terrentur: nam per somnum spectare sibi videntur Dæmones, serpentes, antra, sepulchra, cadavera & similia, propter atros humoris melancholici vapores visis atris & tristibus phantasmia perturbantes, ut scribit P. Uffenbach *l. 19. cap. 7.* Frigus perpetuum in corporis extremis sentitur, maximè in pedibus secundum Fernelium *l. 6.* interiora verò tantò calore æstuant, ut pomum, quod per breve tempus manu continuerint, mox corrugetur & inarescat. Idem *l. 6.*

Verrucæ succrescunt in malo inveteratò non in manibus solum, sed & in facie & reliquò corpore, peculiare verò in lingua radice: respiratio sensim difficilior evadit, halitus & totum corpus foetet, foetida & virulenta ulcera in manibus, pedibus & plerisque locis excavantur, gravisque putredo omnia contaminat.

Quantum ad animi mores hâc lue inrēctorum attinet, astuti sunt & callidi: insomnia habent melancholicis familiaria: nonnulli etiam strangulari se opinantes cum impetu expergiscuntur & exsiliunt: non pauci Veneris usum valde appetunt. Vid. J. G. Andernac. *locô supra citatô*. Quorum signorum si non omnium plerorumque tamen Medicus, qui in hōc morbo probandô Judicis partes sustinet, exactam habere debet rationem. Malum hoc si sit inveteratum, omnem curationem respuit, quandoquidem vix oriens curatur.

Immedicabile hoc malum esse, constans multorum est opinio: cum enim semper oporteat majorem remedii quam ægritudinis vim esse, ut rectè statuit Aretæus, nulla autem ferè medicina hoc morbo superior inveniatur, hinc fit, ut curari vix possit: cum enim particularis cancer curationem non admittat, atque eapropter à Medico non sit attingendus, quomodo quæso universalis totius corporis cancer curari poterit? itaque curandi difficultas morbi malignitatem atque perniciem docet: hanc autem à tot sæculis veram curationem non invenisse reor, quod propria & illi accommodata antidotus nondum perquisita sit, quam tamen & esse & inveniri posse non diffidit Fernelius *l. 2. de Abdit. rerum causis cap. 14.*

Affectus hic usque adeò malignus est, præsertim ubi diuturnam

tyrannidem exercuit, ut nullis machinis è sua statione dejici possit: unde huic contagioso & sævienti malo sine cunctatione succurrendum est, antequam mortifera mali labes altius serpat. V. G. Bertin. *Camp. l. 20. M. M. cap. 51.* Si quis Elephantiasin firmam & radicatam habuerit per unum vel duos annos, non quæras curationem, quia incurabilis est, scribit Joh. de Tornâ *mirâ locô citatô*: siquidem totum corpus afficit, adeò ut & ossa vitentur. Nicol. Perott. in *Corn. Cop. pag. 693.*

Interitum in propinquo esse, ostendit vox rauca, spiratio difficilior, halitus odorque corporis totius graviter olens, virulenta & cacoëthica manuum, pedum aliarumque partium ulcera: tandem febris marasmodes, quæ tot malis obrutum hominem è medio tollit.

Inchoantem tamen Elephantiasin per Venæsectionem & purgationem se sanasse testatur Galenus in *commentar. aph. Hipp. 47. sect. 6.* Sunt, qui Mercurialia & salivationem tanquam certum remedium heic commendant. Matthæus Untzerus *anatom. Spagyric. Mercur.* laudat Mercurium diaphoreticum præcipitatum à granis 3. usque ad 6. vel 7. ex aqua theriacali vel vino vel cum mithridatio *cap. 12. pag. 723.* Mesues in *antidot. distinct. 11.* externè exhibet argentum vivum salivâ hominis jejuni mortificatum cum adjectô oleô laurinô & aliis pulveribus.

Vomi-

Vomitoria sæpius propinata commendat Joh. de Torna mira in clarificator. *cap. 96. pag. m. 108.* ex classe purgantium hieram picram Galenus: Rhafes hac potione utitur: R₂. epithym. ʒj. f. decoctio in aqua casei: addit hieram picram & reiterat: vel propinat aloes succotrinæ ʒj. cum serô caprinô.

Perniciosa Elephantiasis incipientis calamitas edomatur victus ratione in principiô temperata: in vigore ad restinguendum fervorem refrigerante & humectante: in declinatione ob calorem elanguescentem temperante & calefaciente, non tamen himium: deinde minuentibus corruptelam humoris, qui in prima corporis regione stabulatur, benignis & blandis pharmacis: Sanguinis missione vere & autumnô, Græcorum & Arabum consensu: præparantibus & demulcentibus jusculis cum foliis borraginis, bugloss. lactuc. portulac. buglæ, veronic. fanicul. & simil. & humorem melancholicum per epicrasin-purgantibus, primò mitioribus, videlicet cassia, rhabarbarô, agarico: deinde validioribus, & secundum Arabes & Græcos helleboro: inter primaria subsidia, quæ sanguinem retorridum alterant, partes principes roborant, & malignitatem fugant, refertur theriaca sumpta & illita à Galeno: ab Aretæo dens Elephantii, seu rasura eboris, corallia, margaritæ, lignum aloës, fantalum citrinum, fassafra, sanctum & sim. rasur, unicorn, ver,

C. C. & similia. Vid. G. Bertinum Camp. l. 20. de method. cap. 51.

Victor Trincavellius lib. 3. Consil. 123. jubet concoquere & educere materiam peccantem: alterare viscera per serum caprinum: digerere per trochiscos de viperis & theriacam: item adhibet oleum de viperis exterius illitum: pro interno usu commendat C. C. & ebur, decoctum radic. sarsaparill. vinum chalybeatum, viperinum pro digestionem: progreditur demum ad usum decocti hellebori nigri tanquam extremum remedium in extremo morbo, ut scribit, cujus ʒj. primo, deinde scrupulos 4. decoxit cum anetho, faniculo & hordeo exhibuitque cum successu.

G. Rondeletius novam curandi methodum propositurus incipientem Elephantiasin curat sanguinis missione, usu medicamentorum purgantium, balneis item tepidis & interdum frigidis: sanguinem autem non emittit ex venis majoribus, ne laudabilis in his adhuc contentus sanguis, quem omni studio conservare convenit, ipsius judicio educatur: aperit autem primo die venam tali utriusque pedis: sequente die salvatellam: tertia venam frontis, & qualibet vice evacuat sanguinis duas vel tres uncias: inhaeret postmodum purgantibus per aliquot dies: tandem progreditur ad balnea primum tepida, deinde frigida aliquot dierum spatium continuanda, non neglectis con-

confortantibus & regimine bonæ diatæ.

Venæsectio commodè fit vernali tempore, quo maximè & gignitur & exacerbatur hoc malum: cum autem semel tantum administrata non juvet, ea propter repeti debet, si nihil obstet: post paucos interjectos dies purgantibus medicamentis ex colocynthide, hiera, veratro Veteres usi sunt, non una sed pluribus vicibus: deinde Theriacam internè sumendam atque extrinsecus illinendam commendarunt.

Laudatur sal theriacale: ut & viperarum carnes coctæ comestæ ex albo jure, facta coctura per aquam copiosiore cum sale, porro & anetho usque ad spinarum separationem, abscissis prius capitibus & caudis ad mensuram quatuor digitorum, exemptis etiam extraneis ipsarum & pelle detracta, qua de re videtis Dolæum *encycloped. Chirurgic. lib. 5. cap. 9.* quo remediò multos modernos Medicos in desperatis morbis uti constat: nec dubitandum, trochiscos de viperis commodè per se exhiberi, aut aliis medicamentis admisceri posse. Axungia etiam viperina, cum sale volatili abundet, ut & sal viperarum volatile cum conserva fumaris exhiberi potest: incidit enim, resolvit, acidum obtundit & educit.

Remedia fortiora sunt thermæ sulphureæ, nitrosæ & Martiales, antimonium crudum, diaphoreticum, tinctura ex flor. Regul. antimonii, Cerussa ejusdem, bezoarticum mi-

nerale, aliaque antimonialia medicamenta, Mercurius dulcis, diaphoreticus, & alia Mercurialia: decoctum ligni sancti aliorumque lignorum: pulvis ex nitro & floribus salis armoniaci, aliaque ex sale ammoniaco & tartaro: item bezoarticum Joviale, Martiale, liquor alkahest, & sim. ut & sal volatile C. C. laudatur serpentum senecta cerevisiæ & potui ordinario imposita.

Inter remedia potenter incidentia, attenuantia, viscidatem succorum resolventia, & sic particulas in remotissimis tubulis impactas & quasi incuneatas è sede sua dimoventia valet ex mente Dolæi *l. c.* potus Thee & Capheæ: item decoctum lignorum exoticorum cum spiritu salis armoniaci & camphora sumptum.

Diuretica ex alcalibus volatilibus & fixis, acidum peregrinum, quod sanguini crassam consistentiam conciliat, & feri per renes secessum impedit, absorbent: his juxtim adhibitis sudorifera, quæ reliquias particularum salinarum fixarum poros & glandulas cutis obstruentes convellunt, felicius operabuntur: hæc autem non propinanda, nisi prius sanguis ac succi à sua salina impuritate non nihil liberati sint: quod nisi fiat, contingit, ut sanguis magis inflammetur, & malum exasperetur: præstantissimum præbet sudoriferum pulvis Poterii ex nitro, antimonio

&

& Jove confectus & cum resina guajaci commixtus.

Veteres olim varia & facile parabilia contra Elephantiasin adhibuerunt remedia: illam sanari foliis menthastri manducatis & impositis, Magni Pompeji ætate, fortuito cujusdam experimento comperitum est, ut scribit Plinius *H. N. l. 20. cap. 14.* Papaveris sativi albi semen idem *lib. 20. cap. 18.* ut & helleborum *lib. 25. cap. 5.* laudat. Erinacei terrestris exsiccatum corpus in cibis sumptum commendat Antonius Pinæus *lib. de simpl. medicamentor. fac. p. m. 215.* ut & serum lactis potum: item calamintham; consentit Oribasius *de virtut. simpl. l. 2. p. m. 69.* eo quod hæc herba digerat, attenuetque valenter & crassos humores incidat: illam comestam Elephantiasin mederi affirmat Ruelius *de nat. stirp. l. 3. cap. 30.* item semen papaveris sativi, *lib. 3. c. 105.* ut & helleborum album *lib. 3. cap. 138.*

Eboris & cornu cervini ramenta in potu propinata contra Elephantiasin commendat Aëtius 13. 122. Radicem Chinæ pro sanguinis mundificatione & sudoris excitatione laudat Amatus Lusitanus *curat. Med. Centur. 2. Curat. 31.* Nicolaus Myrepsus suadet antidotum è liquore tithymali Sosiani *pag. 106.* Item antidotum ex sulphure sequens: R. Croci, myrrhæ, thuris, cardamomi, Opii ana drachmas duas, sulphuris ignem non experti, xylobalsami, pyrethri, radicis panacis,

liquoris tithymali, calaminthæ, liquoris peucedani ana drachmas 6. piper alb. drachm. duas, calami odorati, zingiberis, ana drachmas tres, succi glycyrrizæ, scyllæ assatæ ana drachmas duas, mellis Attici aut sacchari q. s. datur Ægyptiæ fabæ quantitate ex decoct. absinth. cyathis 4. Vid. *antidot. 460. pag. 134.* Huc refer ipsius Drosaton. 79. seu syrupum *p. m. 228.*

Quintus Serenus Samonicus *de morb. curat. cap. 10.* commendat contra Elephantiasin sequentia remedia, ita canens:

Huic erit adversus Cedri de cortice succus, Mustelæque cinis vel fusus sanguis ab illa: Nonnulli dixere serum prodesse bibendo: Menthastri folium potu appositumque salubre est:

Nec frustra bulbos aut sulphur jungis aceto:

Præterea nitrum debes cum melle jugatum Spargere, lacte bovis variam sic ungere frontem

Cerussam & * Chartam, quam gens Ægyptia mittit,

Thure simul misceque oleum, quod flore rosarum

Conditum est: line sic faciem, sic redde salutem.

* Charta herba est aquatica, de qua Galenus *octavo libro simplicium c. 33.* Avicenna *lib. 2. cap. 441.* Vid. *Schol. Georg. Pictorii.*

Iis, qui Elephantiasin patiuntur, mirabile auxilium est viperarum esus: quas tamen, ubi caput caudamque usque ad digitos quatuor abscideris excoriaverisque ac deinde interanea exemeris, in ollâ prius ablutas coques, donec exquisitè

Nn mol.

molles reddantur: adjicere tamen debes aquæ, in quâ illæ elixantur, porrum anethumque & olei non-nihil: cæterum jus hoc primò ebibere æger, deinde carnem comedere debet, non secus ac vervecis vel alitum: sed jejunò stomachò & in aurorâ carnes hæ comedi debent, dimidiæ saltem pro vice, & aliquando unius integræ viperæ, prout virium robur adfuerit: post quarum esum cibum & potum quemcunque per sex differat horas: quod si sudaverit, diligenter ut sudorem servet, maximè expedit: excoriari autem ægrotantibus cutis, ut serpentibus, solet. Vid. Amat. Lusitan. *Curat. med. centur. 2. pag. 202.* & in scholiis inquit: viperas in vesiculis juxta dentes venenum habere servatum, reliquas partes venenò carere: Caput, bilis & cauda removen-
tur. Vid. Oribas. *Synops. lib. 7. cap. 5. & lib. 4. cap. 62.*

Ipsam etiam medicamentum, quod viperæ ingrediuntur, (theriaca scilicet,) confert in potu exhibitum, vel cuti etiam illitum, illis, qui hoc malò laborant: Vid. Andr. Lacunam *epitom. Galen. de art. cur. ad Glaucon. l. 2. cap. 11. & l. 11. de fac. simpl. med.* ubi notatu dignas historias reperire licet ægrorum post usum carnis viperinæ feliciter curatorum: in quibus solent squamæ decidere, quod in serpentibus senectam seu exuvias deponentibus etiam contingere solet. Philosophi cujusdam tamen mentionem facit Galenus, qui ex potu vini, in quo vi-

pera fuerat suffocata, & mortua jacuerat ad tempus, in lepram incidit, materiâ venenatâ à potu viperinò, à centrò ad circumferentiam corporis protrusa.

Nihilominus aliquos fuisse curatos usu viperarum in vinò suffocatarum Galenus *l. c.* refert, quod tamen existimo esse periculosa plenum opus alæ, siquidem vipera adhuc integra & non præparata veneno non caret. Rondeletio carnes viperinæ ut & trochisci de viperis suspecti sunt ob summam siccandi vim: putat tamen, si aliquis à viperis expectet auxilium, oportere eas ineunte æstate aut autumno capi, vernali enim tempore pingues, æstivo sicciores & calidiores sunt: in locum viperarum autem substituit carnem Erinacei terrestris cum petroselino & borragine coctam, quam comedere, ejusque jus sorbere præcipit, eademque ratione parari posse carnem viperinam scribit: prodesse etiam creduntur decocta serpentum & viperarum, quæ commendat Zacutus Lusitanus: item theriaca viperarum benedicta Q caput erinacei etiam non mediocre auxilium ferre ex Galeno scribit G. Bertinus *Camp. M. M. loc. cit.*

In Apuliâ angues condiunt & macerant sale, & Elephantiacis edendos præparant: alii per 40 & 50. dies in caveis inclusos foliis vitis & lactucæ pascunt, singulis diebus aquæ catinum iis apponunt, quem ebibunt animalia siticulosa, quæ tan-

tandem jugulantur abjectis extremis ad 4 digitos, asservantur & exhibentur. Vid. Victor Trincavell. *l. 3. Consilior. Consil. 123.*

Ægypto endemium hoc malum cum tandem in Reges incidit, populis (aliquando etiam pueris primogenitis,) funebre factum: quippe non aliter nisi humano sanguine curabile: & hic quidem morbus celeriter in Italiâ disparuit, Plinio teste: verum enim verò qui sanguinem humanum in usum trahunt Medici, graviter arguendi videntur: quandoquidem, teste Tertulliano, remedium hoc crudele & perniciosum, atque à malo genio inventum est. Vid. G. Bertin. *M. M. l. c* Balneum ex sanguine puerorum Imperatori Constantino Elephantiasi laboranti olim fuisse commendatum legitur: qui tamen à Sylvestro baptizatus & ab hoc malo paulo post liberatus est, adeo ut non amplius opus habuerit crudeli hoc & desperato remedio.

Fusius id refertur à Nicephoro *l. 7. cap. 33.* Constantinus Magnus devicto Maxentio, Crucis sibi cœlitus ostensæ symbolo, cum Maximinum quoque Christianis infestum opprimere cogitaret, subito Elephantiasi corripitur: Medicis omnibus desperantibus tandem adfunt Græci, qui in capitolio lacum ex puerorum sanguine fieri oportere asserunt: in quo si Imperator se ablueret, certè valetudinem pristinam recuperaret: convocantur pueri, carnifices adfunt, edictum expectant: non

tulit matrum lachrymas clementissimus Imperator, sed pueros suis matribus salvos & incolumes donavit: nocte proxima Divos Petrum & Paulum ad se venientes conspicit, & ut Romanum Antistitem Sylvestrum adeat, atque ex ea piscina (quam is demonstraturus esset,) se lavaret, monetur: paret, & septem dierum jejunio indicto à Sylvestro sacro Baptismate abluitur cum filio Crispo sacro prius oleo unctus: lux interim clarissima locum illustrat, & sonus suavissimus auditur: Constantinus ipse divinæ cujusdam manus attactum sentiens ex lavacro sanus & salvus egreditur.

Joh. Baptista Porta *Mag. natural. l. 1. c. 7.* scribit, ex Elephantibus multa remedia adinventata esse contra Elephantiasin, quam summa Elephantorum cutis ementitur. Præter supra adducta remedia locum habent ad curandum hoc malum etiam sequentia. v. gr. Mixtura composita ad lepram Graferi: item Sal, Magister & pulv. spinarum viperarum: Mercurius cum auro præcipitatus, Mercur. dulc. & Mercurius vitæ, butyrum antimonii, antimonium per inferiora purgans, pilulæ ex antimonio purgantes Hartmanni, Tartarus Vitriolatus antimoniatum ejusdem, arcanum Corallinum simplex & auratum, tinctura antimonii, Sulphur auratum antimonii, oleum antimon. cum sacchar. Arsenicum ritè fixatum, tinctura auri, Corallorum vera: pulvis vitæ D. Rehefeldii

feldii ex Regulo antimonii & aurô, cujus descriptionem dat D. J. Michaëlis *p. m. practic. Clinic. general. part. 11. cap. 16.* Ex vegetabilibus profunt radices hellebor. nigr. & hinc resultantia medicamenta, filicis, herb. fumar. Carduus benedictus, centaurium minus & similia.

Inter externa Elephantiasis remedia commendat Plinius Cedri succum illitum *H. N. l. 24. cap. 5. it.* Cedriam inunctam: cochlearum terrestrium cinerem illitum: Salamandram aliis conferentibus medicamentis admixtam: fel capræ sylvestris & hircinum inunctum heic laudat Anton. Pinæus locô supra citat. Picem cedriam linctum & illitu mederi Elephantiasis scribit Joh. Ruellius *lib. 1. de natur. stirp. cap. 42.* id quod etiam succo Cedri fieri scribit Cæl. Aug. apud Pierium hieroglyphicorum *lib. 60. p. m. 441.* Succum foliorum plantaginis etiam nonnulli commendant.

Balnea sulphurea laudat Aretæus, eô, quod humores intus delitescentes foras evocare possint: Græci verò & Arabes secus sentiunt, quod hæc balnea nimis calefaciant & exsiccent, incendiumque augeant; hinc balneum aquæ dulcis præferunt. Vid. G. Bertin. *M. M. loc. cit.*

Rondeletius præscribit balneum abstergens, rarefaciens & digerens, quod componitur ex bryon. cucumer. afinin. serpentar. enul. c. rad. lapath. acut. acetos. h. borragin. bugloss. saponar. cum radic. herb.

fumar. lupul. endiv. Cichor. plantagin. sem. lupin. fab. hord. integr. fl. rosar. rubr. nenuphar. fl. cordial. fol. tamarisc. chamomill. melilot. in aquâ pluviali vel fontanâ decoctis: post hujus usum oleo bufonum ægrum inungi jubet. Per balnea enim sal illud fixum viscidumque in glandulis cutaneis restitans non nihil dissolvitur, eique exitus per poros cutis præparatur.

Balnea artificialia ex scoriis antimonii, nitro & tartaro parari possunt: laudantur thermæ bituminosæ & sulphuræ: ut & ad emolliendos partium externarum tumores semicupia, fots & cataplasmata. Post balneum commendat Dolæus locô citatô sequens linimentum. R. Axung. viperar. drach. duas, urfi, unc. sem. ol. laurin. drachm. 3. succ. fumar. veronic. nummular. scabios. ana drachm. 1. pulv. radic. aristoloch. rotund. drachm. sem. nitr. drachm. 1. lithargyri auri drachm. sem. cui addi possunt, si lubet, Mercur. præcipitat. rub. fuligo & sulphur M. f. l. a. linimentum.

Sequens etiam linimentum efficax esse perhibetur: Rec. Auripigment. drach. x. sulphur. viv. unc. 1. Costi, unc. un. sem. calcis viv. Unc. sem. Ceræ, drachm. v. baccharum laur. aridar. Unc. un. sem. hæc omnia foliorum populi succo aut crasso decocto subiguntur, & mellis spissitudinem nata illinuntur. Detergere creditur portulaca cum

ace-

acetô trita, ut & Rumicis (Lapathi) radices cum acetô coctæ.

Rhases ad usum externum commendat gummi ammoniacum in acet. q. f. dissolutum: incidit enim & resolvit humores viscidos: item radic. malvæ post ebullitionem benè contritæ q. v. sebi ovilli q. f. ad incorporandum. Joh. de Torna mira in *Clarificator. cap. 95. pag. 109.* valdè laudat sequens: Rec. Cineris radicum caulium Unc. iv. axung. porci antiqu. q. f. ad incorporandum: misce in mortariô ad consistentiam mellis: quô medicamentô exterius parti laboranti applicatô materiam peccantem consumi scribit.

His si nihil obtinetur, ad caustica nonnulli progrediuntur: inter quæ excellit oleum antimonii ritè præparatum: alii aquam Mercurialem Rulandi commendant: ubi gangræna imminet, ab omnibus unguentis abstinendum: in Sphacelô verò ad ferrum accedendum.

De annulô quôdam Regum Angliæ, cujus attactus Elephantiasin percurat, videatur Theodorus Høpingius de jure Insign. cap. 18. §. 7. fol. 906. Creditur hic annulus Epilepticis etiam prodesse, & fortassis ex Alcis ungula confectus esse.

Inter Chirurgica præsidia castrationem Medici nonnulli suadent, teste G. Bertin. *Camp. M. M. l. c.* quam etiam Aëtius commendat: testium enim amputatione ardor hepatis sanguinem quasi affantis restinguitur, æger humidus & fri-

gidus evadit: adde quod sublatâ sic gignendi facultate tollitur hujus mali contagio, quæ per prolis propagationem in humanum genus serpit & redundat. Vid. P. Uffenbach loco supra citatô: verum hæc curandi ratio à recentioribus tanquam dolorosum præsidium rejicitur: quemadmodum etiam Venæsectio, cucurbitulæ, hirudines, vesicatoria, setacea, cauteria à modernis Medicis pluribus damnantur, quippe quæ sanguinis tenuiorem partem eliciunt, unde reliqui humores magis incrassantur, & sic malum potius augetur quam imminuitur. Rhases tamen & alii antiquiores suadent largam Venæsectionem per intervalla etiam reiterandam. Si Elephantiasis sit incipiens & à contagiô, Venæsectionem proficuum esse censet b. m. D. J. Miczæelis *Prætic. Clinic. general. part. 2. c. 16.*

In contumacissimô hoc malô expugnando opus est exquisitâ & optimum sanguinem gignente diætâ atque exercitiô corporis post præmissa universalia, videlicet sudores, sanguinis missiones, absterfiones, purgationes & similia: Rondeletius *l. c.* abstinere jubet à falsis, piperatis, frixis, massâ panis incrustatis, herbis & fructibus calefacientibus, præsertim amygdalis, nucibus, castaneis, caseô & pinguibus: pro vinô commendat aqua potum: dissuadet vestes pellibus suffultas & stragula ex plumis: commendat potius culcitra & lectos bombace vel tomentô confutas,

tas, locum & aërem frigidum, & singulis diebus ablutionem faciei cum aquâ peponum destillatâ.

Vinum Celsus in principio morbi porrigit, quod si oligophorum sit, utique locum habere potest: sciviente verò malô præsertim in vigore illud planè suspectum esse putat G. Bertinus *Camp. M. M. l. c.* Acidularum de ferri minerâ participantium potus magis laudatur: quemadmodum etiam Martialia medicamenta cum successu fuisse usurpata constat in principio.

Reiner. Solenander *Consil. Med. 25. pag. 107.* abstinendum esse judicat ab omni cibô humorem melancholicum generante, â viscidô, falsô, acutô, & crassi nutrimenti: item â carnibus salitis, fumô induratis, lacticiiniis, caseo putri & veteri, piscibus lacustribus & in fluminibus circa urbes captis.

Propter Contagii metum Ele-

phantiacos à sanorum consortio separandos, sudiferis diutius continuatis tractandos, eorumque habitationes quam longissimè ab urbibus removendas & in frigidioribus locis statuendas esse, omnium Practicorum calculo confirmatur.

Elephantiasi correptus interfuit Constantinus, hujus Nominis Quintus, Romanorum Imperator, cum imperasset annos 35. *Volaterran. l. 23. Anrop.* Idem fatum expertus Phroilla Rex Hispaniæ: ut & Balduinus IV. Regum Hierosolymitanorum septimus referente Ritio *l. 2. de Reg. Hispan. & lib. de Reg. Hierosolymorum.*

Pontifex Romanus, dictus DEUS dedit, cujus tempore scabies quædam tam fœda grassabatur, ut præ deformitate homines cognosci non possent, obvium quendam hac Elephantiasi laborantem solo osculo statim liberavit, ut refert B. Platina *de vitis Pontificum p. m. 79.*

T A N T U M !

SOLI DEO GLORIA!

H Aëneus in plenô visus ludensque Theatrô
 Progrediens Elephas proscenia nota relinquit,
 Impiger & doctum nunc exspatiatur in Orbem:
 O utinam comptus satis & phaleratus! at æquum
 Judicium exspectat, si non ea fortè peregit,
 Quæ decuit fecisse: Sat hic egisse videtur,
 Qui quantum potuit, sua munia cautus obivit:
 Ardua res sanè est, peregrina animalia rarò
 Visa stylô cunctis placitò evoluisse: proinde
 In re difficili si fortè irrepsit error,
 Authorem veniam confidit jure mereri,
 Qui bona quæque suo Lectori mente precatur.



Jacob Petrus Sculpsit Ex Furti.

26

18 #





